

სახელმძღვანელოს ავტორები არიან: პროფესორი ნ. ასათიანი (შე-სავალი, § 1 — 8, 20 — 28), საქართველოს სსრ მეცნიერებათა აკადემიის წევრ-კორესპონდენტი, პროფესორი მ. ლორთქიფანიძე (§ 9 — 19), საქართველოს სსრ მეცნიერებათა აკადემიის წევრ-კორესპონდენტი, პროფესორი შ. მესხია და ისტორიის მეცნიერებათა დოქტორი ვ. გუჩუა (§ 29 — 36; ეს ნაწილი დატოვებულია ძველი სახელმძღვანელოდან, გადაამუშავა ვ. გუჩუამ); § 1 — 8 დაიწერა საქართველოს სსრ მეცნიერებათა აკადემიის აკადემიკოსის, პროფესორ გ. მელიქიშვილის კონსულტაციით; დამატებითი საკითხავი ლიტერატურის სია და ძირითადი ქრონოლოგიური ფაქტების ტაბულა დაურთო ნ. ასათიანმა. რუკები № № 5 — 25 მომზადებულია ივ. ჭავჭავაძის სახელობის ისტორიის, არქეოლოგიისა და ეთნოგრაფიის ინსტიტუტის ისტორიული გეოგრაფიის განყოფილების (ხელმძღვანელი საქ. მეცნ. აკად. წ/კ დ. მუსხელიძე) მიერ. ავტორები: დ. ბერძენიშვილი, ჯ. გვასალია, თ. თორია, ა. თორდია, დ. მუსხელიშვილი, ი. სიხარულიძე, ზ. ცინცაძე. ისტორიულ-გეოგრაფიული მიმოხილვა ეკუთვნის ისტ. მეცნ. დოქტორს თ. ბერძენს.

#### რ ე ც ე ნ ზ ე ნ ტ ე ბ ი:

ისტორიის მეცნ. დოქტორი, პროფ. შ. ხანთაძე

ი. გოგებაშვილის სახელობის პედაგოგიკის სამეცნიერო-კვლევითი ინსტიტუტის ისტორიისა და საზოგადოებათმცოდნეობის სწავლების მე-თოდის სექტორის გამგე, ისტ. მეცნ. კანდიდატი დოც. ი. შახარაძე  
თბილისის 154-ე საშ. სკოლის დირექტორი, პედაგოგიკის მეცნიერებათა კანდიდატი ნ. ჭკუახელი

თბილისის ორჯონიკიძის რაიონის მეთოდკაბინეტის მეთოდისტი, დამსახურებული მასწავლებელი ა. ალახანია

ისტ. მეცნ. კანდიდატი ა. ზოგვერაძე

ისტ. მეცნ. კანდიდატი ქ. ჩხატარაიშვილი

მხატვრები: შოთა ნიორაძე,  
რომან მახარაძე

4306020600 — 077

A — — — — — 51 — 90  
M — 602(08) — 90

© ნ. ასათიანი, ვ. გუჩუა, მ. ლორთქიფანიძე, შ. მესხია

ISBN 5 — 505 — 00762 — 7

„მხოლოდ წარსულის ცოდნით  
დაუცავს ყოველ მრს თავისი  
მროვნება, თავისი არსებობა,  
თავისი ვინაობა“...

ილია

## შ ე ს ა ვ ა ლ ი

1. რას სწავლობს საქართველოს ისტორია. ქართველმა ხალხმა თავისი მრავალსაუკუნოვანი ისტორიის მანძილზე უაღრესად რთული და ძნელი გზა განვლო. რამდენი მსხვერპლი იქნა გაღებული, რამდენი სისხლი და ოფლი დაიღვარა, რამდენი სიცოცხლე შეეწირა იმას, რომ ჩვენ დღეს მშვიდობიანი, შემოქმედებითი შრომით გვეცხოვრა, რომ ქართველ ხალხს თავისი ეროვნული სახითა და მალალი ეროვნული კულტურით დღევანდლობამდე მოეღწია. ბევრი იყო დაბრკოლება, მარცხი თუ სიძნელე ამ გზაზე, მაგრამ იყო გამარჯვების ზეიმიც, ეროვნული ძალების სრულად გაფურჩქვნის შესაძლებლობაც, როდესაც ქართველმა ხალხმა წარმოაჩინა თავისი უშრეტე ენერგია და დიდი ნიჭი.

ისევე როგორც ყველა ხალხის, ქართველი ხალხის ისტორიული ცხოვრებაც ეკობრიობის განვითარების ერთიანი კანონზომიერებით იცვლებოდა. მან თანმიმდევრულად განვლო თითქმის ყველა საფეხური, რაც მსოფლიო ისტორიაშია ცნობილი, მაგრამ განსხვავებული პირობების გამო ესა თუ ის ისტორიული ეტაპი საქართველოში თავისებური სახით წარმოდგებოდა. განვითარების ამ თავისებურებებს, მის მიზეზებს სწავლობს და იკვლევს საქართველოს ისტორია. ამისი ცოდნა გვეხმარება დღევანდლობის სრულყოფილად გაგებაში, მომავლის გზების სწორად დასახვაში. დღეს საქართველო დიდი გარდაქმნების ეტაპზეა და რადგანაც ჩვენ ვემზადებით გავხდეთ ჩვენი სამშობლოს ღირსეული მოქალაქენი, ჩავდგეთ ქომავლის მშენებელთა და შემოქმედთა რიგებში, პირველ ყოვლისა, კარგად უნდა ვიცოდეთ ჩვენი მშობლიური რესპუბლიკის, ჩვენი ხალხის განვითარების გზა, მისი ტკივილები და სიხარული, უნდა ვგრძნობდეთ დიდ ვალდებულებასა და პასუხისმგებლობას როგორც მომავლის, ისე წარსულის წინაშე.

ქართველი ხალხის წარსული კი აღსავსეა ეროვნული და სოციალური თავისუფლებისათვის ბრძოლის სწორუპოვარი მაგალითებით, აღსავსეა ქვეყნის ნათელი მომავლისათვის თავდადების ბრწყინვალე ფაქტებით. ჩვენი თანამედროვეობა, ჩვენი ხალხი ყოველთვის დიდ პატივს მიაგებდა და მიაგებს წარსულის გმირებს, ჩვენი ეროვნული კულტურის შემოქმედთ, ქართველი მშრომელი კაცის მარჯვენას, რომელ-



საც ყოველთვის მოუღლებლად ხელთ ეპყრა სახნისი თუ საქრეთელი, ქმნიდა დოვლათ-სა და აშენებდა ქალაქებს, აღნობდა ლითონს, გამოჰყავდა ვაზისა და ხორბლის უნი-კალური ჯიშები, აგებდა ტაძრებსა და სასახლეებს, ქვეყნის თავდაცვით სიმაგრეებს და უდრტვინველად სწირავდა თავს თავისი ქვეყნის უცხო დამპყრობთაგან გადარ-ჩენის საქმეს.

2. საქართველოს ბუნებრივ-გეოგრაფიული პირობები. როგორც ყველა ხალხის, ისე ქართველი ხალხის განვითარებაზე მნიშვნელოვან გავლენას ახდენდა ის ბუნებ-რივ-გეოგრაფიული გარემო, რომელშიც მას საუკუნეების განმავლობაში უხდებოდა ცხოვრება. საქართველო ორი დიდი კონტინენტის — ევროპისა და აზიის შესაყარზე მდებარეობს. მისი მიწა ატარებს იმ დიდი ცვლილებების კვალს, რასაც ჩვენი პლანე-ტა მილიონობით წლების განმავლობაში განიცდიდა.


ერთ დროს კავკასიის მთელი ტერიტორია ზღვით იყო დაფარული. სხვადასხვა გე-ოლოგიური მოვლენების შედეგად ხმელეთი რამდენჯერმე ამოიზიდა, იყო მძლავრი ვულ-კანური ამოფრქვევები, შემდეგ მიწის ზედაპირი კვლავ ქვევით იწვედა და ტერიტო-რიის დიდ ნაწილს ისევ ზღვა იჭერდა. ამ 28 — 30 მილიონი წლის წინ მთათა წარმოქმ-ნელმა ძალამ კვლავ ხმელეთი ამოსწია, ვასპიის ზღვა მოწყდა შავ ზღვას და მათ შორის კავკასიის ყელი გაჩნდა. ამ დროიდან იწყება საქართველოს ტერიტორიის თანამედროვე რელიეფის ჩამოყალიბება. დაახლოებით 1-მილიონი წლის წინ საქართველოს ბუნებრივ-მა პირობებმა თითქმის ისეთივე სახე მიიღო, როგორც ამჟამად არის. აღრე შედარე-ბით უფრო თბილი ჰავა იყო, მაგრამ როგორც ევროპაში, ისე აქაც დროდადრო ადგი-ლი ჰქონდა გა ა მ ყ ი ნ ვ ა რ ე ბ ე ბ ს, როდესაც მაღალი მთიანი ადგილებიდან, კერ-ძოდ, კავკასიონის ქედიდან ბარისაკენ მოემართებოდა მყინვართა უზარმაზარი მასე-ბი, რასაც მოჰყვებოდა აცივება და ბუნებრივი პირობების შეცვლა. ჩვენში გამყინვა-რება ისეთი მასშტაბის მანც არ ყოფილა, როგორც ალპებში ან ჩრდილოეთ ევრო-პაში. საბოლოოდ, რამდენიმე ათეული ათასი წლის წინ ჩამოყალიბდა საქართველოს ის ბუნებრივ-გეოგრაფიული გარემო, რომელშიაც ამჟამად უხდება ადამიანს ცხოვ-რება.

საქართველოს ფიზიკურ გეოგრაფიას თქვენ ცალკე საგნად სწავლობთ და უფრო ვრცლად შეისწავლით ამ საკითხებს, ასევე შეისწავლით საქართველოს ცალკეული კუთხეების მიხედვით მის ბუნებრივ პირობებს, ამიტომ ამჟერად მხოლოდ ზოგადი მი-მოხილვით დაგკმაყოფილდეთ..

საქართველოს ჩრდილოეთის ბუნებრივ საზღვარს მუდმივი მყინვარებითა და მა-ღალი მწვერვალებით გვირგვინმოსილი კ ა ვ კ ა ს ი ო ნ ი ს ცაღაზიდული ქედი წარმო-ადგენს, სამხრეთით კი საკმაოდ ვრცელადაა გაშლილი მ ც ი რ ე კ ა ვ კ ა ს ი ო ნ ი ს მ თ ი ა ნ ე თ ი. თვითონ კავკასიონიდან სამხრეთისკენ რამდენიმე შედარებით მცირე სი-მადლის ქედი ეშვება, რომელთაგან ლ ი ხ ი ს, ანუ ს უ რ ა მ ი ს ქ ე დ ი საქართველოს ორ ნაწილად: დასავლეთ და აღმოსავლეთ ნაწილებად ჰყოფს. ამ მთების მაღლობებზე შესანიშნავი საზაფხულო საძოვრებია, უფრო ქვემოთ, მთის კალთები ხშირი ტყითაა დაფარული. მთაგორიანი ადგილები თანდათან ზეგნებსა და დაბლობებში გადადის. ჩრდილოეთისა და სამხრეთის მთათა მასივებს შორის მოქცეულია საქართველოს ბა-რი. დასავლეთით კ ო ლ ხ ე თ ი ს ბ ა რ ი სამკუთხედის ფორმისაა, რომლის ფუძე შა-

ვი ზღვისკენაა მიქცეული. მისი ყველაზე დაბალი ადგილი — კოლხეთის დაბლობი ძველად გაუვალი ჭაობით იყო დაფარული. მთების მიმართულებით კოლხეთის დაბლობი თანდათან მაღლდება და ზეგანში გადადის. ეს ადგილები განსაკუთრებით ხელსაყრელი იყო დასასახლებლად და მეურნეობის წარმოებისთვის. აღმოსავლეთ საქართველოს ბარი რამდენიმე ნაწილისაგან შედგება. ესაა — შ ი დ ა ქ ა რ თ ლ ი ს , ქ ე ე მ ო ქ ა რ თ ლ ი ს ა და კ ა ხ ე თ ი ს ბ ა რ ი . აქაც ეს დაბლობი ადგილები მაღლობებსა და ზეგნებში გადადის. აქ ჰავა დასავლეთ საქართველოსთან შედარებით მშრალია, ამიტომ სოფლის მეურნეობისთვის ხელოვნურ მორწყვას დიდი მნიშვნელობა აქვს. საერთოდ საქართველოს ჰავა, ისევე როგორც მისი რელიეფი, მრავალფეროვნებით ხასიათდება. მაღალმთიან ადგილებში ჰავა მკაცრია, დაბლობში კი იგი თანდათან რბილდება. ზეგნებსა და დაბლობებში ძირითადად ზომიერი ჰავა ბატონობს, თუმცა ადგილ-ადგილ აქაც დიდად განსხვავებული კლიმატური რაიონებია. მაგალითად, შავიზღვისპირეთში ჰავა ნესტიანი და სუბტროპიკულია, აღმოსავლეთ საქართველოს ბარში ზოგან რბილი და ზომიერად მშრალია, მაგრამ მის სამხრეთ-აღმოსავლეთ ნაწილში უდაბნოს ცხელი სუნთქვაც აღწევს.

საქართველო უხვად ირწყვება დიდი და მცირე მდინარეებით. ისინი სათავეს იღებენ როგორც კავკასიონის მთაგარ ქედზე და მის განშტოებებზე, ისე სამხრეთის მთიანეთში. საქართველოს მდინარეები ათეულობით ხევეებს ქმნიან და შემდეგ ერთიან ან უფრო დიდ მდინარეებს, მაგალითად: მ ტ კ ვ ა რ ს , რ ი ო ნ ს , ჭ ო რ ო ხ ს , ა ლ ა - ზ ა ნ ს და სხვ., ან უშუალოდ ზღვას უერთდებიან. ეს დიდი მდინარეები ძველ დროში სანაოსნოდაც იყო გამოყენებული.




საქართველო მდიდარია სასარგებლო წიაღისეულით: მადნეულით, სათბობით, საშენ-  
ნი მასალით. მადნეულიდან აღსანიშნავია სპილენძისა და რკინის საბადოები, რომლებ-  
საც დიდი მნიშვნელობა ჰქონდა აქ მეტალურგიის აღრევე წარმოქმნისა და განვითარებისათვის. საქართველოში ასევე ბევრია ქვის ისეთი ჯიშები, რომელთაგანაც განსაკუთრებით მოხერხებული იყო უმარტივესი იარაღის დამზადება (კაეი, ობსიდინი და სხვ.).

საერთოდ, საქართველოს ბუნებრივი პირობები უაღრესად ხელსაყრელი იყო აქ აღამიანის ძველთაგანვე დასახლებისა და მისი მრავალფეროვანი სამეურნეო საქმიანობისთვის.

**8. საქართველოს ისტორიულ-გეოგრაფიული დახასიათება.** საქართველოს ისტორიის შესწავლისას ჩვენ შევხვდებით ისტორიულ-გეოგრაფიულ სახელწოდებებს, რომლებსაც საქართველოს ესა თუ ის კუთხე ან მხარე ატარებდა. ისტორიული მოვლენების სწორი და თვალნათელი წარმოდგენისათვის უნდა ვიცოდეთ ამ მხარეების (ანუ ქართული „ქვეყნების“) ადგილმდებარეობა და ისტორიული საზღვრები. დროა დრო მათი სახელწოდებები იცვლებოდა, საზღვრები უფრო ვრცელი ხდებოდა, ფართოვდებოდა; ზოგჯერ კი პირიქით. მკვირდებოდა, — „ქვეყანა“ უფრო პატარა კუთხეებად იყოფოდა.

საქართველოს ცენტრალური მხარეა ქართლი. მისი სახელწოდებიდან მომდინარეობს ქართველი და საქართველო. ქართლი შედგებოდა ცალკეული ნაწილებისაგან — შიდა, ქვემო და ზემო ქართლისაგან. შიდა ქართლს დასავლეთით ლიხის ქედი საზღვრავდა, ჩრდილოეთით — კავკასიონის მთაყარი ქედი, აღმოსავლეთით — მდ. არაგვი, სამხრეთით — თრიალეთის ქედი. ქვემო ქართლი კი თრიალეთის ქედის სამხრეთით მდებარეობდა და მდინარეების — ალგეთისა და ხრამის ხეობებს მოიცავდა. იგი დასავლეთით ჯავახეთის, ხოლო სამხრეთით ბამბაკი-ერევნის ქედით იყო შემოსაზღვრული. ზემო ქართლი, ანუ მესხეთი აერთიანებდა მდ. მტკვრის შემოვარენს, მდინარის სათავიდან ტაშისკარამდე და ქოროხის აუზს — სათავიდან აქარისწყლის ხეობამდე. მტკვრის ზემო წელზე მდებარეობს: სამცხე, ჯავახეთი, არტაანი, ერუშეთი და კოლა; ხოლო ქოროხის ზემო წელზე — კლარჯეთი, შავშეთი, ტაო, ოლთისი და სპერი. XIII — XIV საუკუნეებიდან ქართველები მესხეთს სამცხე-საათაბაგოსაც უწოდებდნენ. საუკუნეთა მანძილზე საქართველოს საზღვრებში შემოდიოდა ბაიანის მხარეც (მდ. არაქსის ხეობის მიმდებარე ადგილები).

ქართლს აღმოსავლეთით კახეთ-კერეთი ესაზღვრება. ადრე კახეთი მდ. ივრისა და ალაზნის ზემო წელს მოიცავდა, კერეთი კი ამ მდინარეების შუა და ქვემო წელს. XV საუკუნიდან ეს ორი ქვეყანა ერთიანად კახეთად იწოდება. იგი ქართლისაგან მდ. არაგვით იყო გამოყოფილი. შემდეგ საზღვარი თბილისის ჩრდილო-აღმოსავლეთით გადიოდა მდ. მტკვრამდე. სამხრეთის საზღვრებიც ძირითადად მდ. მტკვარს მიჰყვებოდა. აღმოსავლეთით კი კახეთის საზღვარი ხშირად იცვლებოდა. დღევანდელი აზერბაიჯანის სსრ-ს ბელაქნის, ზაქათალასა და კახის რაიონები ისტორიული კახეთის ფარგლებში შემოდიოდა, მაგრამ XVII — XVIII საუკუნეების ძნელ-



თბილისი — საქართველოს სსრ დედაქალაქი.

ბედობის დროს აქ ჩამოსახლდნენ დაღესტნელი მთიელები და ეს ძირძველი ქართული მხარე (გვიანდელი „საინგილო“) მოსწყდა დედა სამშობლოს.


დასავლეთ საქართველო უძველეს ხანაში ეგრისად მოიხსენიება. XI — XIII სს.-ში საქართველოს ამ მხარეს იმერეთი დაერქვა. თანდათანობით იმერეთი დასავლეთ საქართველოს ერთ ნაწილს ეწოდა, რომელიც ლიხის ქედსა და მდ. ცხენისწყალს, რაჭის ქედსა და მესხეთის ქედს შორის იყო მოქცეული. ცხენისწყლის

დასავლეთით ანაკოფიამდე ო დ ი შ ი, ანუ ს ა მ ე გ რ ე ლ ო მდებარეობდა. ანაკოფიის (დღევანდელი ახალი ათონის) ჩრდილო-დასავლეთი კი ა ფ ხ ა ზ ე თ ს ეკავა. XVIII ს. დასაწყისში აფხაზეთის სამხრეთ-აღმოსავლეთის საზღვარმა მდ. ენგურამდე გადმოიწია.

სამხრეთით, მდ. რიონსა, მესხეთის ქედსა და შავ ზღვას შორის, გ უ რ ი ა მდებარეობს. უკიდურეს სამხრეთ-დასავლეთით კი ა ქ ა რ ა და ლ ა ზ ე თ ო, ანუ კ ა ნ ე თ ი.

დასავლეთ საქართველოს მთიანეთი ს ვ ა ნ ე თ ს, ლ ე ჩ ხ უ მ ს ა და რ ა კ ა ს უკავია. თავდაპირველად რაქა და ლეჩხუმი ერთ ქვეყნად იყო გაერთიანებული და თ ა კ ე ე რ ი ერქვა.


შიდა ქართლის მთიანი ნაწილის — კავკასიონის მიუვალ ხეობებში განფენილი იყო დ ვ ა ლ ე თ ი, მ თ ი უ ლ ე თ ი და ხ ე ე ი, ხოლო კახეთის მთიანეთის ხეობებში — თ უ შ - ფ შ ა ვ - ხ ე ე ს უ რ ე თ ი. ფშავ-ხევსურეთი ადრე ფ ხ ო ვ ი ს სახელით იყო ცნობილი.





**XVIII ს. დიდი ქართველი მეცნიერი, ისტორიკოსი და გეოგრაფი ვახუშტი ბაგრატიონი ისტორიის მნიშვნელობის შესახებ**

„მატიანე<sup>1</sup> განარჩევს კეთილსა და ბოროტსა, მათიანე აღამალლებს კეთილის ქმნულებასა და ჰგმობს უკეთურთ ქმნულებასა, მათიანე მებუყვებებს ქეშმარტსა და არა სცბის<sup>2</sup> და მოწმობს სხვათა და სხვათა, მათიანე განამხნობს და ერთვულ ჰყოფს ქვეყნისად, მათიანე აცნობს ნათესაეთ შთამომავლობასა და დასდებს თავსა სარწმუნოებისათვის და მოყვარულ ჰყოფს მოყვასსა მოყვასისა მიმართ“.



**ილია ჭავჭავაძე:**

„დავიწყება ისტორიისა მომასწავებელია ერის სულით და ხორციით მოშლისა, დარღვევისა და წარწყმედისაც. წარსული მკვიდრი საფუძველია აწმყოსი, როგორც აწმყო — მომავლისა.“

რომელია სიმაგრე ჩვენი ცხოვრებისა და რომელი სიფუყე და სისუსტე, ამას ახსნის ხოლმე მარტო ისტორია. და თუ იგი დავივიწყეთ, მაშ დავვივიწყნია ჩვენი ცხოვრების სითავე, ჩვენი ცხოვრების საძირკველი და თუ ეს ასეა, რაღაზედ უნდა დავამყაროთ ჩვენი აწმყო, ჩვენი მერძისი?“



**ივანე ჭავჭავაძე:**

„საკვიროა ხალხმა იცოდეს თავისი წარსული საზოგადოებრივი ცხოვრების ისტორია... უნდა იცოდეს, რასაკვირველია, უტყუარი, ჭეშმარიტი ისტორია და არა გაზვიადებული, ყალბი“.


<sup>1</sup> ვახუშტი ბაგრატიონი აქ „მატიანეს“ ხმარობს ისტორიის მნიშვნელობით.  
<sup>2</sup> „არა სცბის“ — სინამდვილეს არ აყალებებს.



## პირველყოფილი-თემური წყობილება საქართველოში

§ 1. წინაგვაროვნული საზოგადოება და გვაროვნული საზოგადოების ადრეული ეტაპი (ძვის ხანა)

1. უძველესი ადამიანი საქართველოს ტერიტორიაზე. კავკასიაში ადამიანი დაახლოებით მილიონი წლის წინათ დასახლდა. პირველყოფილი ადამიანი მეტისმეტად სუსტი იყო ბუნებასთან ბრძოლაში. მას შეეძლო დაემზადებინა და გამოეყენებინა უაღრესად პრიმიტიული იარაღი, როგორც იყო უბრალოდ წაწვეტებული ქვა, ჯოხი, ძელის ნატეხი და სხვა. შემდეგ თანდათან, ხანგრძლივი გამოცდილების მიღების შედეგად იგი აღმჭობდებდა ამ იარაღებს, უფრო მრავალფეროვანს ხდიდა მათ. ქვის ხელსუღთან ერთად იგი უკვე ამზადებდა ქვის დანებს, საფხეკებს, წვეტანებს და სხვა. იმ ხანას, როდესაც ადამიანი ასეთი მარტივად დამუშავებული იარაღით სარგებლობდა, ძველი ქვის ხანა, ანუ პალეოლითი<sup>1</sup> ეწოდება. მეცნიერები პალეოლითის ხანას სამ პერიოდად ყოფენ: ადრეულ, ანუ ქვედა პალეოლითად, შუა და გვიან, ანუ ზედა პალეოლითად.



ქვედა პალეოლითის ქვის ხელსული წონას მღვიმიდან.

ქვის იარაღის გაუმჯობესება თავდაპირველად ძალიან ნელა ხდებოდა. ამიტომ ქვედა პალეოლითის ხანა ყველაზე უფრო ხანგრძლივი პერიოდია კაცობრიობის ისტორიაში. იგი იწყება ადამიანის წარმოქმნიდან<sup>2</sup> და გრძელდება დაახლოებით ამ 30 ათასი წლის წინა დრომდე.

ადრეული პალეოლითის ადამიანს, რომელიც ჯოხითა და ტლან-

<sup>1</sup> ტერმინი პალეოლითი წარმოდგება ორი ბერძნული სიტყვისაგან: პალაოს — ძველი და ლითოს — ქვა.

<sup>2</sup> ახალი გამოკვლევებით მეცნიერები თვლიან, რომ ადამიანი დაახლოებით 2 მილიონი წლის წინათ წარმოიშვა.

ქად დამუშავებული ქვის უმარტივესი იარაღებით იყო აღჭურვილი, მარტოს, სხვა ადამიანებთან კავშირის გარეშე, არ შეეძლო არსებობა. ამიტომ ადამიანი იმთავითვე სხვა ადამიანებთან ერთად, ჯგუფურად ცხოვრობდა. 20—30 კაცისაგან შემდგარი პირველყოფილ ადამიანთა ჯგუფები დაეხეტებოდნენ ტყე-ლრეში, ერთად მოიპოვებდნენ საკვებს და ერთადვე იცავდნენ თავს მტაცებელი ცხოველებისაგან.

საქართველოს ტერიტორიაზე ბევრგანაა აღმოჩენილი პირველყოფილი ადამიანის ცხოვრების ნაკვალევი. ყველაზე ძველი იარაღები აღმოჩენილია ნაქალაქარ დ მ ა ნ ი ს ი ს ტერიტორიაზე, აგრეთვე ტბა ფარაენის მახლობლად ქიქიახის მთაზე, ქ. სოხუმის მახლობლად მთა ი ა შ თ ხ ვ ა ზ ე. ქვედა და შუა პალეოლითის იარაღები აღმოჩენილია სხვა ადგილებშიც. მაგალითად, სოფ. რ უ ხ თ ა ნ (ზუგდიდის რაიონი), კ ა ც ხ შ ი (საქორია, კიათურის რაიონი), ლ ა შ ე ბ ა ლ თ ა შ ი (ზნაურის რაიონი), ჯავახეთის ზეგანზე, შიდა ქართლში, კახეთში და სხვ. აღსანიშნავია, რომ ქვედა და შუა პალეოლითის ძეგლები აღმოჩენილია არა მხოლოდ დაბლობ რაიონებში, არამედ საკმაოდ მაღალ ადგილებშიც. მაგალითად მდ. ჭეჯორას და ყვირილას სათავეებთან მდებარე კ უ დ ა რ ო ს ა და წ ო ნ ა ს მღვიმეებში. ამ ხანის ადამიანის მთავარი საქმიანობა იყო ნადირობა და საკვებად გამოსადეგი მცენარეული ნაყოფის; ანდა ძირხვენა ბოლქვების შეგროვება.

ადამიანთა გაერთიანება ჯგუფებად ჯერ კიდევ არ იყო მყარი. ეს ჯგუფები ხშირად იშლებოდა და ისევ ერთიანდებოდა. ამ დროის ადამიანმა უკვე იცოდა ცეცხლის გამოყენება. ბანაკში თუ მღვიმეში დანთებული ცეცხლი კიდევ უფრო აახლოებდა ერთმანეთთან პირველყოფილ ადამიანთა ჯგუფის წევრებს. იარაღის გაუმჯობესებით და ცეცხლის გამოყენებით პირველყოფილი ადამიანი უფრო ადვილად იცავდა თავს მტაცებელი ცხოველებისაგან, მეტი წარმატებით ნადირობდა და სისტემატურად იკვებებოდა ხორცეულით. ხორცეულს იგი უკვე ცეცხლზე წვავდა. ეს კიდევ უფრო უწყობდა ხელს მის ფიზიკურ და გონებრივ განვითარებას. იარაღის წინასწარგანზრახული დამზადება, სხვა ადამიანებთან ერთად ცხოვრება და შრომა მას უვითარებდა ცნობიერებასა და მეტყველებას.



შუა პალეოლითის ხანის ქვის წვეტანა.

**2. გვაროვნული საზოგადოების წარმოშობა.** ასეული ათასობით წლების მანძილზე დაგროვილი გამოცდილებით და შრომითი ჩვე-



შუა პალეოლითის ხანის  
იარაღები: ქვის წვეტა-  
ნები, შუბის პირები,  
სახოკი და რქის სახერტი.




ვების გამომუშავებით ადამიანი სულ უფრო და უფრო სრულყოფ-  
და თავის იარაღს. კაჟისა და ობსიდიანისაგან იგი უფრო მრავალ-  
ფეროვან იარაღს: დანებს, საფხეკებს, საჭრისებს თუ სახერტიებს  
ამზადებდა. ასევე უკეთესად ამუშავებდა ძვალსა და რქას. ბოლოს,  
ქვის პირიან შუბთან ერთად ადამიანმა მშვილდ-ისარიც გამოი-  
გონა.

ქვის იარაღის ასეთი გაუმჯობესების ხანას არქეოლოგები ძვე-  
ლი ქვის ხანის (პალეოლითის) ზედა საფეხურად გამოჰყოფენ.  
ეს პერიოდი დაიწყო დაახლოებით 35000 წლის წინ. იარაღის  
გაუმჯობესებამ და გამრავალფეროვნებამ ადამიანი უფრო ძლიერი  
გახდა ბუნებასთან ბრძოლაში, ხელი შეუწყო შეგროვებითი მე-  
ურნეობის, ნადირობისა და თევზჭერის განვითარებას. ადამიანთა  
ჯოგები უფრო ხანგრძლივად სახლდებოდა ერთ ადგილზე. ამასთანა-  
ვე, იმ დროს დაწყებული გამყინვარების შედეგად საქართველოში  
საგრძნობლად აცივდა. ადამიანი იძულებული იყო ტყავისგან  
დამზადებული ტანსაცმელი გამოეყენებინა. იგი მალაღმთიან ად-  
გილებში ველარ ცხოვრობდა და დაბლობში ჩამოდებოდა. იმ პი-  
რობებში ღია ცისქვეშ ცხოვრებაც ძნელი გახდა და პალეოლი-  
თელმა ადამიანმა ბუნებრივ მღვიმეებს, ეხებს, ფარდულეებს შეა-  
ფარა თავი. მღვიმეების დაკავება მას ზმირად ბრძოლით უხდე-  
ბოდა, რადგან იქ უკვე ცხოვრობდნენ დღეისათვის გადაშენებუ-  
ლი, საშიში და ძლიერი მტაცებელი ცხოველები: გამოქვაბულის  
დათვი, ვეფხვი, ჩიქი და სხვ.


ასეთი მღვიმეები და ნაბინარები საქართველოში ბევრგანაა მიკვლეული. მაგალითად, ხარაგოულის რაიონში, მდ. ჩხერიმელას ხეობაში, მაღალი კლდის ფერდობზე მდებარეობს მღვიმე, რომელსაც ადგილობრივი მოსახლეობა დევის ხვრელს უწოდებს. აქ ცნობილმა არქეოლოგმა გიორგი ნორაძემ არქეოლოგიური გათხრების შედეგად ზედა პალეოლითის ხანის ადამიანის დიდძალ ქვის იარაღს მიაკვლია. როგორც გაირკვა, აქ ხანგრძლივად უცხოვრია პირველყოფილ ადამიანს. მიწის ქვეშ იყო მოქცეული არა მხოლოდ ქვის იარაღი, არამედ ამ უძველესი ადამიანის მიერ ნადირობისას დახოცილი ცხოველების ძვლები, მის მიერ დამზადებული სხვადასხვა ნივთი. უფრო მეტი არქეოლოგიური მასალა (ქვის იარაღი, ძვლები და სხვ.) აღმოჩნდა საკაქიას მღვიმეში (თერჯოლის რაიონი), ასევე საგვარჯილეს მღვიმეში. ბევრ ასეთ მღვიმეს მიაკვლიეს და შეისწავლეს არქეოლოგებმა მდ. ჯრუჭულას (კიათურის რაიონი) ხეობაში. მღვიმეებს გარდა ამ პერიოდის ადამიანის მიერ აგებული მიწურების ნაშთი და ნასადგომები მიკვლეულია მდ. ენგურის პირას და სხვ.

დიდი ცვლილება განიცადა ადამიანთა საზოგადოებრივმა ურთიერთობამ. ხანგრძლივად ერთ ადგილზე დასახლებამ, კოლექტივის წევრებს შორის შრომის განაწილების აუცილებლობამ, ხელი შეუწყო ადამიანთა შორის ახლო ურთიერთობისა და კავშირის განმტკიცებას, ადამიანთა უფრო მყარი ჯგუფების შექმნას. თანდათან ასეთ ჯგუფებში მხოლოდ ერთმანეთის სისხლით მონათესავე ადამიანები იყრიან თავს. მაშინდელი ადამიანის ცნობიერებით



ზედა პალეოლითის ხანის კაქიასა და ობსიდიანისგან დამზადებული დანები, საკრისები, საფხეცები, ძელისა და რქისაგან დამზადებული სახერცტები და სხვა იარაღი.

2. ევის ხანის არქეოლოგიური აღმოჩენები საპართევლოში



ნათესაობა მხოლოდ დედის ხაზით შეიძლება განსაზღვრულიყო, თანაც შეგროვებით მეურნეობაში წამყვანი როლი ქალს ეკუთვნოდა, ამიტომ ქალს, დედამთავარს და დედამშობელს, ერთ ნათესაობაში გაერთიანებული ადამიანთა ეს ჯგუფი, ანუ გვარი, დიდ პატივს სცემდა, დედამთავარი (დიასახლისი) იყო გვარის ხელმძღვანელი და გვარის წევრთა საქმიანობის განმანაწილებელი. ასეთ გვარებს, სადაც წამყვანი როლი ქალს ეკუთვნოდა, მატრიარქალური<sup>1</sup>, ანუ დედამთავრული გვარი ეწოდება, ხოლო ებოქას-მატრიარქალური ხანა.

ზედა პალეოლითის დროსვე წარმოიქმნენ ტომები. გამრავლებული გვარები ახალ გვარებად იყოფოდნენ, მაგრამ ისინი ერთმანეთთან ურთიერთობას არ წყვეტდნენ. ასეთი მონათესავე გვარები ერთ თემს ქმნიდნენ. საქართველოს ტერიტორიაზე, მისი თავისებური გეოგრაფიული პირობების გამო, ჩვეულებრივ ერთი

<sup>1</sup> მატრიარქატი წარმოდგება ორი სიტყვისაგან: მატრი — ლათინურად დედას, ხოლო არქე — ბერძნულად ხელისუფლებას ნიშნავს.

თემი ერთ ხევში იყო განსახლებული. რამოდენიმე მეზობელი თემის გაერთიანება უკვე ტომს შეადგენდა. ტომში შემავალი თემებისა და გვარების ზნე-ჩვეულება, რელიგიური წარმოდგენა, სალაპარაკო ენა ძირითადად ერთნაირი იყო.

8. პირველყოფილი ადამიანის რწმენა-წარმოდგენები. რელიგიის გაჩენა. ადამიანის ცნობიერების განვითარების შედეგად ჩნდება პირველყოფილი რელიგია — ადამიანთა წარმოდგენები მის გარემომცველ სამყაროზე. პირველყოფილი ადამიანი ამჩნევდა, რომ ზოგი ბუნებრივი მოვლენა მისთვის სასარგებლო იყო, ზოგი კი, პირიქით, საზიანო. მისი წარმოდგენით გარემომცველი ბუნება დასახლებული იყო კეთილი და ბოროტი ძალებით, ანუ სულებით. ადამიანი ცდილობდა მათზე ზემოქმედება მოეხდინა: კეთილი სულისათვის პატივი ეცა და ბოროტი სული ან შეეშინებინა ან მისი გული როგორმე მოეგო. პირველყოფილი ადამიანი თაყვანს სცემდა ბუნების მოვლენებს, ფრინველებს, ცხოველებს, განსაკუთრებით ისეთებს, რომლებსაც დიდი მნიშვნელობა ჰქონდათ მის ცხოვრებაში.

ამ დროიდანაა შემორჩენილი პირველყოფილი ხელოვნების ნიმუშებიც. ადამიანი მეტისმეტად პრიმიტიულად ხატავდა, ძერწავდა, აქანდაკებდა მის გარემომცველ საგნებს თუ ცხოველებს. ამას იგი გარკვეულ რელიგიურ მნიშვნელობას ანიჭებდა, მაგრამ აკეთებდა სილამაზის მოთხოვნილებების დასაკმაყოფილებლადაც. ამ დროის ადამიანი ამზადებდა სამკაულს, მოსართავეებს, მარტივი ორნამენტებით ამკობდა თავის ნივთებს და სხვ.




ზღვის ლოკოინების ნივთებისგან დამზადებული პირველყოფილი ადამიანის სამკაული (ყელსაბამი), რომელიც მაგიური დანიშნულებისაა იყო.

4. შუა ქვის ხანა (მეზოლითი). პალეოლითის ეპოქას მოსდევს შუა ქვის ხანა, ანუ მეზოლითი, რომელიც დაიწყო დაახლოებით 12 ათასი წლის წინ და გაგრძელდა 4 ათასწლეულს. ამ პერიოდში თანდათან ყალიბდება თანამედროვე კლიმატური პირობები, მცენარეული საფარი და ცხოველთა სამყარო. იარაღებს შორის წამყვანი ადგილი უკავია გეომეტრიული მოყვანილობის ქვის მცირე ნაკეთობებს: სამკუთხედებს, ტრაპეციებს, სეგმენტებს, რომლებიც რთული იარაღების შემადგენელი ნაწილია. ვარაუდობენ, რომ სატყორცნი და სამეურნეო დანიშნულების იარაღის პირებს ხის ან ძვლის ტარზე ამაგრებდნენ და სანადიროდა და ველური სახით არსებული მარცვლეული მცენარეული საკვების მოსაპოვებლად იყენებდნენ.

5. ახალი ქვის ხანა (ნეოლითი). დაახლოებით 8 — 6 ათასი წლის წინათ დიდი გარდატეხა მოხდა ქვის დამუშავების ტექნიკაში. ადამიანმა ისწავლა ქვის იარაღის გაპრიალება, ხერხვა, გახვრეტა. ასეთი იარაღი გაცილებით უფრო მოსახერხებელი იყო სანადიროდ

ნეოლითის  
ხანის  
ქვის  
ცულები.



და სამუშაოდ. ასე ახლებურად დამუშავებული იარაღის მიხედვით ამ ხანას ახალი ქვის ხანა, ანუ ნეოლითი<sup>1</sup> ეწოდება. დიდი ძვრები მოხდა მეურნეობაშიც. თუ აქამდე ადამიანი მხოლოდ შემგროვებელი და მონადირე იყო, ნეოლითში მან დაიწყო საკვებად გამოსადეგი მცენარეულის ხელოვნურად გამენება, ცხოველების მოშინაურობა და მოვლა-გამრავლება, ე.ი. საფუძველი ჩაუყარა მარტივ მიწათმოქმედებას და მესაქონლეობას — ადამიანი გახდა მწარმოებელი. ეს იმდენად დიდი მნიშვნელობის მოვლენა იყო მეურნეობის განვითარებაში, რომ მას მეცნიერები „ნეოლითურ რევოლუციას“ უწოდებენ. ახალი ქვის ხანაშივე საფუძველი ჩაეყარა მარტივ ხელოსნობას: ადამიანმა ისწავლა მეთუნეობა (თიხისგან ჭურჭლის დამზადება და გამოწვა), რთვა, ქსოვა, კალათების მოწვნა და სხვ. ნეოლითის ბოლოსათვის უკვე ყალიბდებიან ბინადარი (ერთ ადგილზე მყარად, მუდმივად მცხოვრები) ადრესამიწათმოქმედო დასახლებანი. მოსახლეობა უკვე ძირითადად მიწათმოქმედებასა და მესაქონლეობას მისდევდა.

აღსანიშნავია, რომ ამიერკავკასია ითვლება მთელი რიგი კულტურული სამიწათმოქმედო მცენარეების მოშენების უძველეს კერად. მაგალითად, დიდგენილია, რომ მთელს მსოფლიოში არსად მოიპოვება ხორბლეულის იმდენი უძველესი ჯიში, რამდენიც დღევანდელ საქართველოსა და სომხეთში. საქართველოშივე შემორჩენილი ისეთი უძველესი ჯიშის ხორბლეული, როგორც არის მახა და ზანდური. ეს ჯიშები გარდამავალი საფეხურია ველურ პურეულ მცენარეებსა და ხორბლეულის თანამედროვე კულტურულ ჯიშებს შორის. ყოველივე ეს მიუთითებს, რომ პურეული მცენარეების მოშენების და მიწათმოქმედების დაწყების უძველესი კერა სწორედ აქ, საქართველოსა და მის აუზობელ ტერიტორიაზეც ივარაუდება.

საქართველოს ტერიტორიაზე ნეოლითური ძეგლების უმეტესობა ცნობილია დასავლეთ საქართველოდან. ნეოლითური დასახლებანი განლაგებული იყო ძირითადად მდალ, მდინარისეულ ტერასებზე, ბუნებრივ ბორცვებზე, წყალგამყოფ ზეგნებზე და სხვაგან. ნეოლითური ხანის არქეოლოგიური ძეგლები აღმოჩნდა ხუცუბანში, ქობულეთში (აჭარა), ანასეულში; გურიანთაში (გურია), ასევე კისტრიკში (აფხაზეთი), ქუთაისის მახლობლად (თეთრამიწა), ზემოალვანში (კახეთი, ახმეტის რაიონი) და სხვა ადგილებში.



თიხისგან დამზადებული ქალის ქანდაკება.




ხელით ნაქრწი თიხის ქოთანი კოპისებური შევრილებით.

<sup>1</sup> ნეოლით — ბერძნულად ახალი, ლითონს — ქვა.


## კითხვები და დავალებები

1. როდის დასახლდა პირველყოფილი ადამიანი კავკასიაში? 2. სად არის აღმოჩენილი უძველესი ადამიანის ნაკვალევი საქართველოში? 3. რა მნიშვნელობა ჰქონდა პირველყოფილი ადამიანისათვის ცეცხლის გამოყენებას? 4. როდის და როგორ წარმოიქმნა გვაროვნული საზოგადოება? 5. რატომ ჰქონდა თავდაპირველად ქალს გვარში უპირატესობა მოპოვებული და ამის დასამტკიცებლად რა ფაქტები გავაჩნია? 6. რატომ და როგორ გაჩნდა რელიგია? 7. რა არის ტომი და რა ნიშნებით ხასიათდება იგი? 8. რა გარდატეხა მოხდა ადამიანის მეურნეობაში ნეოლითის დროს? 9. შეადარეთ ქვემოთ მოტანილი ქვის ხანის სხვადასხვა ეპოქის: ქვედა პალეოლითის, ზედა პალეოლითისა და ნეოლითის ხანის ქვის იარაღი. 10. რა ცვლილებები განიცადა ქვის იარაღმა? 11. ახსენით, რა მნიშვნელობა ჰქონდა ქვის იარაღის გაუმჯობესებას ადამიანის ცხოვრებაში?



§ 2., ძარტველი ტომები და ტომთა კავშირები ენეოლითსა და ბრინჯაოს ხანაში

1. ენეოლითი. აღრესამიწათმოქმედო მეურნეობის, მესაქონლეობისა და ხელოსნობის განვითარება. დაახლოებით 6 — 7 ათასი წლის წინათ საქართველოს ტერიტორიაზე ადამიანმა იარაღის დასამზადებლად ქვასთან ერთად ლითონის გამოყენებაც დაიწყო. როგორც ჩანს, ადამიანმა შემთხვევით მიაგნო თვითნაბად სპილენძს და მის თვისებებს გაეცნო. ქვისგან განსხვავებით, რომლის მხოლოდ გათლა, გახეხვა ან გახვრეტა ხერხდებოდა, სპილენძის გამოკედვა შეიძლებოდა. გამოკედვით მისგან უფრო მოსახერხებელი სამეურნეო და სანადირო იარაღი მზადდებოდა. საქართველოს ტერიტორიაზე სპილენძის მადანი ბევრგან იყო, რომლის ძარღვები ხშირად თვით დედამიწის ზედაპირზეც ამოდიოდა. ქართველთა წინაპარტომებს გარკვეული დამსახურება მიუძღვით ლითონის მეტალურ-




ქელისგან დამზადებული იარაღები (ენეოლითური ხანის საწყისი).

გის დაწყების, ათვისებისა და განვითარების საქმეში, თვითნაბადი სახით ბუნებაში მოიპოვება ოქროც. ეს ლითონიც ადვილი დასამუშავებელია, მაგრამ იგი გაცილებით უფრო იშვიათია. ძისი შესანიშნავი სილამაზისა და ბრწყინვალეების გამო ადამიანმა აღრევე დაიწყო ოქროსგან სამკაულებისა და სხვა ნივთების დამზადება.

ლითონის ათვისების ამ აღრეულ ეტაპზე ძირითადი სამეურნეო იარაღი კვლავ ქვისგან, აგრეთვე ქელისგან და ხისგან მზადდებოდა. ქვის დამუშავების ტექნიკა ამ დროს უმაღლეს დონეზეა, ქვის იარაღი მაინც რჩებოდა ადამიანის ძირითად საწარმოო საშუალებად. ამიტომ ამ ახალ ხანას სპილენძ-ქვის, ანუ ენეოლითის<sup>1</sup> ხანას უწოდებენ.

ენეოლითის ხანა გამოირჩევა ადამიანის სამეურნეო საქმიანობის შესამჩნევი დაწინაურებით. მიწათმოქმედებაში ზოგან შეინიშნება ხელოვნური მორწყვა. მიწის დასამუშავებლად უკვე იწყებენ მეტისმეტად პრიმიტიული (მაგალითად, ირმის რქისგან დამზადებული) სახნავი იარაღის გამოყენებას. ამ სიახლეების შედეგად მეურნეობა უფრო შემოსავლიანი ხდება.

ამ დროის ადამიანი საცხოვრებლად უკვე იშვიათად იყენებს გამოქვაბულებს. ბუნებრივი გამრავლების გამო იგი იქვე



ირმის რქა, რომელსაც ალბათ სახენელ იარაღად იყენებდნენ.

<sup>1</sup> ენეოს — ლათინურად სპილენძს. ნიშნავს, ლითონს — ბერძნულად ქეა.






ენეოლითის ხანის ნამოსახლარი, გათხრების შემდეგ.

ენეოლითის ხანის საცხოვრებელი სახლების რეკონსტრუქცია.

ლარ ეტევა და თვითონ აშენებს საცხოვრებელ სახლებს. სახლები იყო ალიზით ნაგები მცირე ზომის წრიული და ოვალური ფორმის, სხვადასხვა სათავსებით. ამ საცხოვრებლის შიგნით ან მის გვერდით თიხის კერიებში მუდმივად ენთო ცეცხლი. ასეთი საცხოვრებლები არქეოლოგებმა აღმოაჩინეს ქვემო ქართლის ტერიტორიაზე (შულავერის გორა, იმირის გორა და სხვ.).

რამდენიმე ათეული ასეთი სახლი ერთ დასახლებას ქმნიდა, რომელიც ძირითადად მომადლო ადგილებზე, ბორცვებსა და გორაკებზე იყო განლაგებული. ამ გორაკებს ზოგჯერ თავდაცვისთვის გამიზნული თხრილი ან ქვის ყორე ჰქონდა. შემოვლებული. გამრავლებული მოსახლეობა საცხოვრებლად გადადიოდა მახლობლად მდებარე სხვა გორაკებზე. რამდენიმე ასეთი დასახლებული გორა დასახლებათა გარკვეულ ჯგუფს ქმნიდა, რომელიც გვაროვნულ-ტომობრივ ერთეულს წარმოადგენდა. ამ დასახლებათა ჯგუფის ცენტრად ხშირად ის თავდაპირველი გორა რჩებოდა, საიდანაც დაიწყეს განსახლება. აქვე იყო მათი მთავარი სალოცავი, თავდასაცავი გამაგრებული ადგილი, აქვე იკრებებოდნენ თემის უხუცესები სათათბიროდ და სხვადასხვა საკითხის გადასაწყვეტად. სამიწათმოქმედო მეურნეობა ახლომდებარე მიწებზე იყო გაშლილი, საქონელსაც ახლომახლო საძოვრებზე აძოვებდნენ. მწყემსებად ძირითადად მამაკაცები იყვნენ.

საქონლის მომრავლებამ, სოფლის მეურნეობის პროდუქტებისა და ლითონის იარაღის ცალკეული თემის თუ გვარის ხელში დაგროვებამ მათ შორის საომარი შეჯახებები გააზშირა. სწორედ ამის გამო ვახდა აუცილებელი დასახლებული ადგილების გამაგრება. საომარი შეჯახებები და კონფლიქტები გამოწვეული იყო უფრო მოსახერხებელი საცხოვრებელი ადგილების, პროდუქტი-




ბის, საქონლის თუ ლითონის იარაღის ხელში ჩაგდების მცდელობით. საომარ შეჯახებებში უმთავრესად მამაკაცები მონაწილეობდნენ. ლითონსაც ისინი მოიპოვებდნენ და ამუშავებდნენ. ასე, რომ, მამაკაცის როლი გვარის ცხოვრებაში დღითი დღე იზრდებოდა. ამან გამოიწვია გვარის და ტომის მმართველობაში მამაკაცის წინ წამოწევა. დედამთავრულმა გვარმა (მატრიარქატმა) ადგილი დაუთმო მამამთავრულ გვარს (პატრიარქატს).

ენეოლითის ხანის ძეღისა და ირმის რქისგან დამზადებული იარაღები: თოხისპირები, კვირისთავეები, საღვისები, ისრისპირები.

## 2. ქართველი ტომები ბრინჯაოს ხანაში. ჩვ. წ-ალ-მდე IV — III

ათასწლეულის მიჯნაზე ქართველთა წინაპარმა ტომებმა უკვე ისწავლეს იარაღის მასალად ბრინჯაოს გამოყენება. ბრინჯაოს ლებულობდნენ ცეცხლზე გამდნარ სპილენძში სხედასხვა ნივთიერების (კალის, დარიშხანის, ანთიმონის) შერევით. ამით ლითონი უფრო მაგარი ხდებოდა. გამდნარ ბრინჯაოს ყალიბებში ასხამდნენ და ასეთი გზით საჭირო ფორმის იარაღს იღებდნენ. სამეურნეო და საბრძოლო იარაღის გაუმჯობესება სწრაფი ტემპით ვითარდებოდა. ამის მიხედვით ბრინჯაოს ხანას მეცნიერები სამ პერიოდად ყოფენ: ა დ რ ე , შ უ ა და გ ვ ი ა ნ ბ რ ი ნ ჯ ა ო ს ხ ა ნ ა დ .

ჩვ. წ-ალ-მდე IV ათასწლეულის ბოლოს და III ათასწლეულის I ნახევარში საქართველოში ჩამოყალიბდა ადრეული ბრინჯაოს საკმაოდ მაღალი კულტურა, რაც მეცნიერებაში მტკვარ-არაქ-



ბრინჯაოს ცულები და ჩამოსასხმელი ყალიბები.

სის კულტურის სახელით არის ცნობილი. ეს კულტურა ფართოდ გავრცელდა არა მარტო ამიერკავკასიაში, არამედ მთელს წინა აზიაში. III ათასწლეულის მეორე ნახევრიდან კი ახალი, უფრო დაწინაურებული ცხოვრება ჩანს, დაწინაურდა მესაქონლეობა (განსაკუთრებით მეცხვარეობა), განვითარდა მეტალურგია და ხელოსნობა.


ადრე და შუა ბრინჯაოს ხანაში ჯერ კიდევ არ არიან ერთმანეთისადმი დაპირისპირებული (ანტაგონისტური) კლასები, გვარისა თუ ტომის წევრები თანასწორუფლებიანები არიან. მნიშვნელოვანი საკითხების გადაწყვეტა, როგორც იყო, ომისა და ზავის საკითხი, ბელადის არჩევა, მძიმე დანაშაულისათვის სასჯელის გამოტანა და სხვ., საერთო-სახალხო კრებაზე ხდებოდა. ყველა მამაკაცი გამოდიოდა საბრძოლველად და საერთო ღონისძიებების განსახორციელებლად. ასეთი საერთო ღონისძიება იყო, მაგალითად, გარდაცვლილი ბელადისათვის დიდი ყორღანული სამარხის აგება.

სამხედრო შეჯახებების გაწვივების გამო ერთობლივი თავდაცვის ანდა სხვა ტომებზე უპირატესობის მოპოვების მიზნით, ცალკეული ტომები ერთიანდებოდნენ ტომთა კავშირებად. ასეთი ტომთა კავშირები თავდაპირველად არ იყო ხანგრძლივი და მყარი. ტომები მხოლოდ მაშინ შეკავშირდებოდნენ ხოლმე როდესაც განზრახული იყო დიდი ლაშქრობის მოწყობა ან საგარეო მტრის შემოსევის საფრთხე შეიქმნებოდა. ამის შემდეგ კი ეს კავშირი ისევ იშლებოდა.

არქეოლოგიური მასალა საქართველოს ტერიტორიაზე უკვე შუა ბრინჯაოს ხანაში ტომთა დიდი კავშირების არსებობას ადასტუ-


ოქროსგან დამზადებული ღომის სკულპტურული გამოსახულება ალაზნის ველიდან (ჩვ. წ-ალ-მდე III ათასწლეულის ბოლო).





რებს. მაგალითად, თ რ ი ა ლ ე თ ი ს არქეოლოგიური გათხრების შედეგად აქ აღმოჩნდა ტომთა ასეთი დიდი კავშირების ბელადების მდიდრული სამარხები. ბელადებს მაშინ დიდ ყორღანებში მარხავდნენ, რომლის აგებაშიც ადამიანთა დიდი კოლექტივი, კავშირში შემავალი ყველა ტომი მონაწილეობდა. ეს ყორღანები გრანდიოზულ მიწაყრილებს წარმოადგენდა. ზოგის სიმაღლე 10—15 მეტრს აღწევდა, ხოლო ფართობი თითქმის მთელ ჰექტარს მოიცავდა. გარდაცვლილი ბელადის გვამს წვავენ, ხის ოთხთვალა ეტლზე ათავსებდნენ და ხის ან ქვის დარბაზულ ნაგებობაში დგამდნენ. მას თან ატანდნენ ძვირფას ნივთებს, კურკულს, იარაღს. ამ ნაგებობას ქვაყრილით ან მიწაყრილით ფარავდნენ. თრიალეთის ერთ-ერთ ასეთ ყორღანში აღმოჩნდა ძვირფასი ფე-

ყორღანის ხედი და გვე-  
მა.




ხის ოთხთვალა ეტლის  
ნაშთი თრიალეთის ყორ-  
ღანიდან.

რადი ქვებით შემკული ოქროს თასი, რომელიც ოქრომჭედლობის მაღალი ხელოვნებითაა დამზადებული. აქვე აღმოჩნდა ვერცხლის სარწყული ზედ გამოსახული ცხოველებითა და ნადირობის სცენით. განსაკუთრებით საინტერესოა ვერცხლის სასმისი, რომლის ზედაპირზეც რაღაც რელიგიური ცერემონიალია გამოსახული. ეს ყორღანული სამარხი უსათუოდ დიდი ძალაუფლების მქონე ბელადს ეკუთვნოდა.


ჩვ. წ-ალ-მდე II ათასწლეულის მეორე ხახვეარი უკვე გვიანი ბრინჯაოს ხახაა. ამ დროს საქართველოს ტერიტორიაზე ორი დი-

ვერცხლის თასი რიტუალური სცენის გამოსახულებით და ოქროს თასი ძვირფასი ქვებით შემკული. თრიალეთის ყორღანდან.



დი კულტურული წრეა ჩამოყალიბებული: დასავლურ-ქართული, რომელიც კოლხური კულტურის სახელითაა ცნობილი და აღმოსავლურ-ქართული. ასეთი ერთგვაროვანი კულტურული წრეების არსებობა აქ მცხოვრები ტომების ერთმანეთთან დაახლოება-მეკავშირებას მოწმობს.

ჩვ. ადრექლასობრივი ურთიერთობის ჩასახვა ქართველ ტომებში. ჩვ. წ-ალ-მდე II ათასწლეულის მანძილზე ბრინჯაოს იარაღის შემდგომი განვითარება და სრულყოფა იწვევდა მეურნეობის სწრაფ დაწინაურებას. გაუმჯობესებული იარაღები უკვე ცალკეული პირების თუ ოჯახების საკუთრებაშია: ასევე საოჯახო საკუთრებაშია საცხოვრებელი სახლი, პირუტყვი. ცალკეული ოჯახები გვაროვნული თემებიდან გამოიყოფიან და თავიანთ მეურნეობას თვითონვე უძღვებიან. ზოგი ოჯახი თავის გვარსაც წყდება და სხვა გვარის ტერიტორიაზე სახლდება. ასე იშლებოდა გვაროვნული თემი. მაგრამ ჯერ კიდევ ძლიერი იყო თემური ცხოვრებისა და მეურნეობის ერთობლივად წარმოების ტრადიციები. მიწის დიდი ნაწილიც საერთო-თემურ მფლობელობაში იყო დარჩენილი. ამიტომ თემური მიწისმფლობელობა, ისევე როგორც საუკუნეების გან-



მავლობაში გამოჩენილ ადათ-წესებზე დამყარებული თემური მმართველობა, კიდევ დიდხანს არსებობდა. განსხვავება ის იყო, რომ ამჯერად თემებში მხოლოდ ერთი გვარის ან ერთმანეთის ახლო მონათესავე ოჯახები კი აღარ იყვნენ გაერთიანებულნი, არამედ სხვა გვარის ოჯახებიც. ასე თანდათან შეცვალა გვაროვნული თემი ახალი ტიპის თემმა, რომელსაც სამეზობლოთემი ეწოდება.

კერძო საოჯახო მეურნეობის და კერძო საკუთრების განვითარება იმას იწვევდა, რომ ცალკეულ ოჯახებს მეტი სიმდიდრე დაუგროვდათ, ვიდრე სხვა მეთემებს. ამავე დროს ტომის არჩეული ხელმძღვანელი პირები, რომლებიც ძირითადად ასეთი დაწინაურებული ოჯახებიდან იყვნენ გამოსულნი, ცდილობდნენ სამუდამოდ დაუფლებოდნენ და მემკვიდრეობითაც გადაეცათ თავიანთი ხელისუფლება. მათ მხარს უჭერდნენ მათი უახლოესი მეომარი-რაზმელები. ისინი სარგებლობდნენ თავიანთი მდგომარეობით და მიწის საუკეთესო ნაკვეთებს ისაკუთრებდნენ. ბრძოლის დროს ხელში ჩაგდებული ნადავლის დიდ ნაწილსაც ისინი ეუფლებოდნენ და კიდევ უფრო მდიდრდებოდნენ. ასევე მდიდრდებოდნენ

რიტუალური დანიშნულების ცულები და შუბისპირი კოლხეთიდან.

ბოიხაოს საომარი იარაღები აღმოსავლეთ საქართველოდან (ძვ. წ. II ათასწლეულის ბოლო).



მეომრის ბრინჯაოს ქანდაკება მელანიდან (კახეთი, ჩვ. წ-ალ-მდე I ათასწლეულის I ნახევარი).

მაშინდელი რელიგიის მსახურნიც — ქურუმები, რომლებიც ამა თუ იმ სალოცავისთვის შეწირულ სიმდიდრეს და მიწას თვითონ ეუფლებოდნენ და თავის სასარგებლოდ იყენებდნენ. ტომის ბელადები ხშირად უმალლესი ქურუმებიც იყვნენ. ეს კიდევ უფრო ზრდიდა მათ ძალაუფლებასა და ავტორიტეტს. ომიდან წამოყვანილ ტყვეებს აღარ ხოცავდნენ, როგორც წინათ, არამედ მონებად აქცევდნენ და მეურნეობაში იყენებდნენ. ტყვე-მონებს დიდი რაოდენობით სწირავდნენ სალოცავებს და ესენიც ფაქტობრივად ქურუმების მფლობელობაში ექცეოდნენ.

თემიდან გამოყოფილი ასეთი დაწინაურებული დიდკაცობა თანდათან ცალკე კლასად ჩამოყალიბდა, რომელიც ჩაგრავდა და ექსპლოატაციას უწევდა არა მარტო მონებს, არამედ თავისუფალ მეთემეთა დიდ ნაწილსაც.

პირველყოფილი საზოგადოების გათიშვა სხვა გზითაც ხდებოდა. უფრო ძლიერი და დაწინაურებული ტომი ძალით იმორჩილებდა სხვა უფრო სუსტ ტომს. ამ დამორჩილებული ტომის მეთემენი იძულებულნი იყვნენ გაბატონებული ტომის სასარგებლოდ გაეღოთ გადასახადი და მისი ბრძანებით ლაშქრობაში გამოსულიყვნენ ასე რომ ტომთა გაერთიანებები და კავშირები თანდათან ბატონობა-მორჩილების პრინციპით იქმნებოდა და ეწყობოდა. ასეთი კავშირები უფრო მყარი და ხანგრძლივი იყო. ასე თანდათან იშლება პირველყოფილი თემურ-გვაროვნული წყობილება და ყალიბდება ადრეკლასობრივი საზოგადოება.

### კითხვები და დავალებები

1. რომელი ლითონი გამოიყენა პირველად ადამიანმა და რატომ? რას ეწოდება ენეოლითი?
2. როგორი იყო ენეოლითის ხანის ადამიანთა დასახლებანი?
3. რა იწვევდა საომარ შეჯახებებს ტომებს შორის?
4. რა ვიცით მტკვარ-არაქსის კულტურის შესახებ? თრიალეთის კულტურის შესახებ?
5. რომელი კულტურული წრეები ჩამოყალიბდა საქართველოს ტერიტორიაზე გვიან ბრინჯაოს ხანაში?
6. როდის და როგორ ხდება ადრეკლასობრივი ურთიერთობის ჩასახვა ქართველ ტომებში?





## ადრეკლასობრივი საზოგადოება

### II ტ ა ვ ი

## ადრეკლასობრივი სახელმწიფოები საქართველო-ს ტერიტორიაზე

### § 8. ძირითადი ტომთა უპველსი ადრეკლასობრივი სახელმწიფოები

1. **დიაოხი.** ქართველ ტომებსა და ტომთა კავშირებს ცხოველი ურთიერთობა ჰქონდათ ძველი აღმოსავლეთის კულტურულ ხალხებთან. ჩვ. წ-ალ-მდე II ათასწლეულის მანძილზე ქართველი ტომების უშუალო მეზობლები სამხრეთით იყვნენ უძველესი ცივილიზაციის მქონე ხალხები: ხეთები, მითანელები, უფრო გვიან ასურელები, ურარტელები. ქართველი ტომების შესახებ აიოველი ცხოვრება ამ ხალხების ლურსმულ წარწერებში ჩნდება, საიდანაც ვგებულობთ, რომ ჯერ კიდევ ჩვ. წ-ალ-მდე XII ს. დასაწყისში ქართველი ტომების ნაწილი (მაგ. მესხები, ანუ მუშქები და სხვ.) ამიერკავკასიიდან შორს, წინააზიაში გაქროლან და იქ მნიშვნელოვან როლს ასრულებდნენ აქაური ქვეყნების ცხოვრებაში. იყო ბრძოლები, შეჯახებები, მაგრამ იყო მშვიდობიანი თანაცხოვრებაც, რომლის დროსაც წინა აზიის ხალხები და ქართველი ტომები ეცნობოდნენ და ითვისებდნენ ერთმანეთის კულტურული შემოქმედებისა და ცივილიზაციის მიღწევებს.

საქართველოს ისტორიული ტერიტორიის სამხრეთ-დასავლეთ ნაწილში ჩვ. წ-ალ-მდე II ათასწლეულის ბოლოსათვის ძველადმოსავლური წყაროები ასახელებენ ქართველ ტომთა დიდ გაერთიანებას, რომელსაც ასურულ წარწერებში და ი ა ი ე ხ ი, ხოლო ურარტულ წყაროებში დ ი ა ო ხ ი ეწოდებოდა. უფრო გვიან ძველი ბერძნები ამ ადგილების მცხოვრებლებს ტ ა ო ხ ე ბ ს ეძახდნენ. ეს სახელი შემორჩა ერთ-ერთ აქაურ ძველ ქართულ პრინციას — ტ ა ო ს.

დიაოხის გაერთიანება სათავეში ედგა ტომთა დიდ კავშირს, რომელიც მედგრად იბრძოდა ასურელი მეფეების აგრესიის წინააღმდეგ. ასურეთის მეფეებმა არაერთხელ დალაშქრეს დიაოხის,







ლერსმული (ურარტული) დამწერლობის ნიმუში.

აგრეთვე მისი მოკავშირეების მიწა-წყალი. დამპყრობლებმა აქედან წაიღეს დიდალი ნადავლი, გარეკეს ათასობით საქონელი და დატყვევებული ადამიანები, მაგრამ დიაოხის სრული განადგურება მათ მაინც ვერ შეძლეს. დიაოხი იბრძოდა ურარტუს ძლიერ სახელმწიფოსთანაც, რომელიც მის სამხრეთით ჩვ. წ-ალ-მდე IX საუკუნიდან ჩამოუალიბდა. ურარტუს მეფეებმა მეწუამ და არგიშთი I (ჩვ. წ-ალ-მდე IX — VIII სს.) რამდენჯერმე ილაშქრეს დიაოხის მეფე უტუფურსის წინააღმდეგ. თავდაპირველად იგი დაამარცხეს და დიდი ხარკიც დაადეს, მაგრამ მალე დიაოხის ქვეყანა კვლავ აჯანყდა და ურარტუს მეფე არგიშთი I ხელახალი ლაშქრობა მოუხდა უტუფურსის დასამორჩილებლად. აღსანიშნავია, რომ ურარტულ წარწერებში დიაოხს „ძლიევამოსილი (ძლიერი) ქვეყანა“ ეწოდება. ამ წარწერებიდანვე ჩანს, რომ დიაოხი მდიდარი და განვითარებული ქვეყანა იყო, რომელსაც მეფე განაგებდა. დიაოხი უკვე სახელმწიფოებრივ ერთეულს წარმოადგენდა.

საომარი ეტლის ბრინჯაოს მოდელი (წითელწყაროს რაიონი, ჩვ. წ-ალ-მდე VIII—VII სს.),

ურარტელთა შემოსევებმა დიდად დაასუსტა დიაოხი. ურარტელებმა მას წაართვეს სამხრეთი რაიონები, ხოლო ქვეყანას






მხედრისა და სამხარი ეტლის გამოსახულება ურარტუს მეფის არგითი მენუას ძის მუხარაღზე.

მძიმე ხარკი დააქისრეს. დიაოხი ურარტუს მეფეს უხდიდა ათასობით პირუტყვსა და ცხენს, დიდძალ სპილენძს, ოქროსა და ვერცხლს (იხ. დოკ. 1), მაგრამ ურარტუმ დიაოხის ძთლიანი დაპყრობა ვერ შეძლო. მას უკანასკნელი ლახვარი ჩასცა ჩრდილოელმა მეზობელმა კოლხამ.

2. კოლხა. კოლხა მეორე დიდი ქართული გაერთიანება იყო, რომელიც შავი ზღვისპირეთის სამხრეთ და აღმოსავლეთ ნაწილში ჩამოყალიბდა. იგი არსებობდა ჩვ. წ-ალ-მდე XI — VIII საუკუნეებში. მის სათავეშიც მეფე იდგა, რომელიც თავის სამეფოს მოხელეების (მეფის ნაცვლების) საშუალებით განაგებდა. აქ იყო არაერთი სამეფო ქალაქი, რაც ქვეყნის პოლიტიკურ და ეკონომიკურ დაწინაურებას მოწმობს. კოლხა ადრეკლასობრივი სახელმწიფო იყო. მის დაწინაურებულ მდგომარეობას კარგად ასახავს ცნობილი მითი არგონავტების შესახებ.

ძველი ქვეყნების ისტორიიდან თქვენ გახსოვთ, რომ ძველ საბერძნეთში ფართოდ იყო გავრცელებული მითი არგონავტებზე, რომელშიც აისახა ძველი ბერძნების წარმოდგენა შავი ზღვის აღმოსავლეთ სანაპიროზე მდებარე ქართველ ტომთა ამ გაერთიანების შესახებ, რომელსაც ისინი კოლხეთის სამეფოს ეძახდნენ. ამ შითვის მიხედვით კოლხეთი უძლიერესი სახელმწიფო იყო, რომლის სათავეშიც მეფე აიეტ იდგა. აიეტს დიდებული სასახლე ჰქონდა ქვის მაღალი სვეტებითა და სპილენძის ქონგურებით დამშვენებული. სასახლეში დაუმრეტელი შადრევნები ჩქეფდა, ჭომლიდანაც წყალთან ერთად რძე და სურნელოვანი ზეთი იღვრებოდა. აიეტს, შზის ღმერთის პელიოსის შვილს, ცეცხლისა და მკედლობის ღმერთმა ჰეფესტომ გამოუჭედა სპილენძისფეხებიანი ცეცხლის მფრქვეველი ხარები. მანვე გაუკეთა მაგარი ფოლადის გუნთანი. აიეტთანვე ინახებოდა ოქროს საწმისი — ვერძის ოქროს



მატლიანი ტყავი. აი, ამ აიეტთან ოქროს საწმისის წასაღებად საბერძნეთიდან გამოემგზავრნენ სახელგანთქმული გმირები იაზონის მეთაურობით. მათ ხომალდს არგო ერქვა, ამიტომ ამ ექსპედიციის მონაწილეებს არგონავტები დაარქვეს<sup>1</sup>.

არგონავტებმა ძნელი, ხიფათიანი მგზავრობის შემდეგ მიაღწიეს კოლხეთის ნაპირს და წარუდგნენ მეფე აიეტს. კოლხეთის მეფემ იაზონს აღუთქვა ოქროს საწმისის მიცემა, თუ ის შეძლებდა აიეტის სპილენძისჩლიქებიანი ცეცხლსმფრქვეველი ხარების უღელში შებმას, შემდეგ ფოლადის სახნისიანი გუთნით მინდორს მოხნავდა და ხნულში ურჩხულის კბილებს დათესავდა, ბოლოს ამ კბილებიდან აღმოცენებულ სპილენძისჩაფშნიან მემორებს დახოცავდა. ყოველივე ამას თვითონ აიეტი ადვილად აკეთებდა, ხოლო იაზონი ვერ შეასრულებდა მას კოლხთა მეფის გრძნეული ქალიშვილი მედეა რომ არ დახმარებოდა. ბერძენი ღმერთების ნებით


ტიმ სევერინის მიერ აღ-  
დგენილი არგონავტების  
ხომალდი შავ ზღვაში.



<sup>1</sup> ამ მცირე ხნის წინ არგონავტების მარშრუტი გაიმეორა ცნობილმა ინგლისელმა მეცნიერმა ტიმ სევერინმა. ამით მან დაამტკიცა მამინდელი ტექნიკური პირობებით ასეთი მოგზაურობის სრული შესაძლებლობა.

მედეას თავდავიწყებით შეუყვარდა იაზონი და ასწავლა მას, თუ როგორ შეესრულებინა ეს მძიმე დავალება. შემდეგ მედეა დაეხმარა იაზონს ოქროს საწმისის მოტაცებაშიც.

ამ მითში ლეგენდარულ ამბებთან ერთად ისტორიული სინამდვილეც არის ასახული. მაგალითად, ბერძნებმა ამ თქმულებაში გადმოსცეს კოლხეთის მაღალი მეტალურგიული და სამიწათმოქმედო კულტურა, ქვეყნის პოლიტიკური სიძლიერე და სხვ. ფოლადის სახნისიანი გუთანია აქ შემთხვევით როდია ნახსენები. ჩვ. წ-ალ-



იაზონი და მედეა იტაცებენ ოქროს საწმისს. ნახატი ბერძნულ ლარნაკზე.


მდე II ათასწლეულის ბოლოდან საქართველოში უკვე იცნობენ რკინას, რომლის დანერგვასა და ათვისებაში ქართველ ტომებს, კერძოდ შავი ზღვის სამხრეთ მთიანეთში მცხოვრებ ხალიბებს<sup>1</sup>, გარკვეული დამსახურება მიუძღვით.

ქართველი ტომების დიდ დამსახურებას მეტალურგიის დანერგვა-განვითარების საქმეში გარკვეულად ასახავს მითი პრომეთეს შესახებ, რომელიც ძალიან აჯაკს უძველეს ქართულ თქმულებას ამირანზე, პრომეთემ ზეეს ცეცხლო-მოსტაცა და ადამიანებს მისცა. ამ ცეცხლით ადამიანებმა ლითონის გამოდნობა შეძლეს. პრომეთეს თქმულების საქართველოსთან კავშირს ისიც ამტკიცებს, რომ ეს ადამიანებისათვის თავდადებული გმირი ზევსმა-საბოლოოდ საქართველოში, კავკასიონის მთაზე მიაჯაქვა.

48. დიაოხისა და კოლხას განადგურება. ჩვ. წ-ალ-მდე I ათასწლეულის პირველ ნახევარში დიდი ცვლილებები განიცადეს დიაოხიმ და კოლხამ. ჭერ იყო და კოლხასთან გამუდმებული შეჯახებებით და ბრძოლებით დასუსტებულმა დიაოხიმ ველარ გაუძ-

<sup>1</sup> ხალიბების სახელიდანაა ნაწარმოები ფოლადის ბერძნული სახელწოდება „ხალიფს“, რაც ხალიბურ ლითონს ნიშნავს.

4. კვირიკელთა და სკვითების შემოსევები აზიურკავკასიაში



ლო ურარტუს შემოტევას და ჩვ. წ-ლ-მდე VIII ს. შუა ხანებში არსებობა შეწყვეტა. მისი ტერიტორიის დიდი ნაწილი მოექცა კოლხას შემადგენლობაში, ხოლო ნაწილი კი ურარტუმ დაიკავა. ამის შემდეგ ერთმანეთს გაუმეზობლდნენ ურარტუ და კოლხა და


ახლა მათ შორის დაიწყო ბრძოლა. მარტო ურარტუს მეფე საო-  
დურ II ორგზის ილაშქრა კოლხეთში (ჩვ. წ-ალ-მდე 750—  
741 წწ.). ამ ბრძოლებმა დიდად დაასუსტა კოლხეთი. ჩვ.  
წ-ალ-მდე VIII ს. უკახსაცხელ მეოთხედში კოლხეთის სამე-  
ფო განადგურეს ჩრდილოეთ კავკასიიდან შემოჭრილმა მომთაბა-  
რე ტომებმა, კიმერიელებმა. კიმერიელების ცხენოსანთა  
ლაშქარმა და ურდოებმა გრიგალივით გადაუარა დასავლეთ სა-  
ქართველოს ტერიტორიას და ბოლო მოუღო კოლხას სამეფოს არ-  
სებობას. კიმერიელებმა თავზარდაძევეს მთაბეჭდილეა მოახდი-  
ნეს მთელ მაშინდელ წინა აზიაზე. ქართველი ხალხის მეტყველე-  
ბაში დღესაც მათი სახელი დაუმარცხებლის, გმირის მნიშვნელო-  
ბისაა. სიტყვა „გმირი“ წარმოდგება კიმერიელთა სახელწოდები-  
დან „გიმირ“.



ბრინჯაოს კოლხური ცუ-  
ლები (ჩვ. წ-ალ-მდე I  
ათასწლეულის დასაწყისი).

ჩვ. წ-ალ-მდე VIII ს. ბოლოს, ამჯერად კასპიის ზღვის სა-  
ნაპიროს გამოვლით ამიერკავკასიაში და შემდეგ წინა აზიაში შემო-  
იჭრა მეომარი ტომების ახალი დიდი ტალღა, რომელსაც სათა-  
ვეში სკვითები ედგნენ. სკვითებმა აქაურ მოსახლეობას საში-  
ნელი ნგრევა და განადგურება დაატეხეს თავს.

დიდი ცვლილებები მოხდა საქართველოს სამხრეთითაც.  
ჩვ. წ-ალ-მდე 590 წ. ურარტუს სამეფო განადგურეს მიდიელებ-  
მა, რომლებთან ერთადაც ურარტუს წინააღმდეგ იბრძოდნენ სკვი-  
თები და ამიერკავკასიის ხალხები. ურარტუს მოსახლეობის ნაწი-  
ლი ჩრდილოეთით გადასახლდა და ქართველი ტომების ჰეგემო-  
ნობის ქვეშ მოექცა. ისინი თანდათან გაითქიფნენ ქართველებ-  
ში და ქართველი ხალხის კულტურასა და მეტყველებაში ბევ-  
რი საგულისხმო ელემენტი შემოიტანეს. მაგალითად, ქართულში  
დღეს დამკვიდრებულია გამოთქმები — ყირამალა, თავდაყირა, ყი-  
რაზე გადასვლა და სხვ. „ყირა“ ქართულად არაფერს ნიშნავს,  
ურარტულში კი იგი მიწას აღნიშნავდა. აშკარაა, ამ გამოთქმებში  
ურარტული სიტყვა ნახმარი: ყირა (მიწა)მა(ო)ლა, თავდა (თავით)  
ყირა (მიწისაკენ) და ა. შ. ურარტელებმა ქართველთა ყოფასა და  
მეტყველებაში შემოიტანეს მათი მოსავლიანობის ღვთაების „არა-  
ლეს“ კულტი და სახელი. დღემდე ქართულ სამეურნეო სიმლე-  
რებში ამ ღვთაების სახელი და მისდამი მიმართვა ისმის. მაგა-  
ლითად, ცნობილი ქართული სიმღერა „ოროველა“, რომელსაც  
გუთნისდღეა მღეროდა პირველი ხნულის გაყვანის დროს, იწყე-  
ბა მოწოდებით ღვთაება არალესადმი: „არი არალი, არალე-ე-ე!“  
„არი“ ურარტულად ნიშნავს მოგვეცი, ე.ი. ამ სიმღერაში გუთ-  
ნისდღეა ევედრება მოსავლიანობის ღვთაება არალეს, რომ მოგვე-  
ცი კარგი მოსავალიო, ღვთაებაჲ არალე და.ა.შ. ანდა სიმღერა „კა-



ურარტუს მეფე მენუას  
წარწერის ფრაგმენტი.

ლოსპირული,“ რომელიც ასევე არალესადმი შიძარავით იწყე-  
ბა („არალო-ო და“) და შემდეგ მხიარულ ცეკვაში გადადის, რაც  
ღვთაებისადმი მადლობას და უხვი მოსავლის აღების ზეიმს გან-  
სახიერებს. სხვა სიმღერებში არალეს ეწოდება „იერი არალე“,  
„თარი არალე“, რაც ნიშნავს ურარტულად „მეუფეო არალე“,  
„დიდო არალე“ და ა.შ.

ურარტუს სამეფოს განადგურების შემდეგ მისი ტერიტორიის  
მთელი რიგი რაიონები დაიკავეს სომეხი ტომების გაერთიანე-  
ბებმა, რომლებიც აქამდე ურარტუს დასავლეთ პერიფერიებზე  
მოსახლეობდნენ. ამ რაიონებში მცხოვრები ურარტელების დიდი  
ნაწილი სომეხებში გაითქვიფა. ამის შემდეგ ქართველების უშუალო  
მეზობლები სამხრეთით სომეხები გახდნენ.

ქართველი ხალხის წარმოშობის საკითხი\*. ქართველი ხალხი, ისევე როგორც  
მსოფლიოს ყველა ხალხი, ხანგრძლივი და რთული ისტორიული პროცესის  
შედეგად ჩამოყალიბდა. ამ პროცესისადმი თვალის გაღწევა შეიძლება ტომე-  
ბისა და ტომთა კავშირების წარმოქმნის დროიდან. ქართველი ხალხის შემადგენ-  
ლობაში შევიდა ამიერკავკასიის ტერიტორიაზე უძველესი დროიდან მოსახლე  
სხვადასხვა ტომი, რომელთა ნაწილი ერთმანეთის მონათესავე და საერთო წარ-  
მოშავლობის იყო, ხოლო ნაწილი სხვადასხვა დროს მოსულნი და შემდეგ აღ-  
გილობრივ მოსახლეობაში შერწყმულნი. კავკასიის უძველესი მოსახლეობა,  
ქართველთა წინაპარი ტომები გარკვეულ სიახლოვეს ამჟღავნებდნენ წინა აზიის  
უძველეს კულტურულ ხალხებთან (შუმერებთან, პროტოხეთებთან, ხურიტებ-  
თან და სხვ.). ამის მიზეზი უნდა იყოს როგორც შესაძლებელი გენეტიკური ნათე-  
საობა, ისე ამ ხალხებთან ხანგრძლივი ურთიერთობა-კონტაქტები. ასეთივე კონ-  
ტაქტები დასტურდება უძველეს ინდოევროპულ ტომებთანაც. ამ საკითხების და-  
სახუსტებლად ამჟამად სერიოზულად მუშაობენ სხვადასხვა დარგის მეცნიერე-  
ბი: ლინგვისტები, არქეოლოგები, ეთნოგრაფები, ანთროპოლოგები, ხელოვნების  
ისტორიკოსები და სხვ.

საერთო წარმოშავლობის ქართველი ტომებიდან დღეს შეიძლება დავასახე-  
ლოთ ქ ა რ თ ე ბ ი , მ ე გ რ ე ლ - ქ ა ნ ე ბ ი და ს ე ა ნ ე ბ ი . ერთი საერთო ძირი-  
დან მომდინარე ეს ტომები გარკვეულ დროს და გარკვეულ პირობებში (ბუნებ-  
რივი გამრავლება-განსახლების, ისტორიულად განსხვავებული პირობებისა ოა  
სხვა მიზეზების გამო ერთმანეთს ჩამოშორდნენ და ცალ-ცალკე განვითარდნენ,  
ამიტომ მათი საერთო ძირიდან მომდინარე ენებიც ერთმანეთს დაშორდა.

საერთო ქართველური ფუძე-ენიდან (წინარექართველურიდან) ყველაზე ადრე  
(ჩვ. წ-ალ-მდე II ათასწლეულის დასაწყისში) გამოიყო სვანური. უფრო გვიან  
ერთმანეთს გაეთიშა და ცალ-ცალკე განვითარდა ქართული და მეგრული-ქანუ-  
ლი ენები. ამ ენებმა სხვა ენების გავლენაც განიცადეს. ამრიგად, ასეთი განცალ-  
კეებული განვითარებისა და სხვა ენების გავლენის შედეგად ეს ქართველური  
ენები ერთმანეთს დაშორდა და დამოუკიდებელ სალაპარაკო ენებად ჩამოყა-  
ლიბდა.

ქართლის ძველი სამეფოს (ცენტრით მცხეთაში) წარმოქმნის დროიდან  
(ჩვ. წ-ალ-მდე IV — III სს.) მის ფარგლებში მოექცა დასავლეთ საქართველოს

\* დასწავლა არ არის საკვლევლო

მნიშვნელოვანი ნაწილიც, რამაც ხელი შეუწყო საქართველოს მოსახლეობის ერთ-მანეთთან კვლავ დაახლოებას და ერთ ხალხად ჩამოყალიბებას. ამ პროცესში პოლიტიკურ-კულტურული ჰეგემონობა ქართლს ეკუთვნოდა, ამიტომ საერთო ენის ფუნქციას ქართული ასრულებდა.

### კითხვები და დავალებები

1. რა ურთიერთობა ჰქონდათ ქართველ ტომებს წინა აზიის უძველეს ხალხებთან? 2. რატომ და როდის განადგურდა დიაოხი? 3. რა ისტორიული ღირებულება აქვს თქმულებას აოგოზავტების შესახებ? 4. რა ურთიერთობა და კავშირი ჰქონდათ ქართველ ტომებს ურარტუს მოსახლეობასთან? 5. შეადარეთ ერთმანეთს ქართული თქმულება ამირანის შესახებ ბერძნულ მითს პრომეთეზე. 6. დააკვირდით, კიდევ რომელ ქართულ ხალხურ სიმღერებში ისმის არალეს სახელი?

## დოკუმენტები

### 1. დიაოხი და კოლხა ჩვ. წ-ად-მდე VIII ს. ლურსმულ წარწერებში

#### ა) ურარტუს მეფე არგიშთი I დიაოხიში ლაშქრობის შესახებ

(ფრჩხილებში ჩასმულია ამხსნელი სიტყვები)

„... ქალაქი ზუა, დიაოხის ქვეყნის სამეფო ქალაქი, მე დავწვი... დიაოხის მეფე დავიმორჩილე, შევიწყალე იგი ხარკის გადახდის პირობით: აი, რა ხარკი მისცა დიაოხიელმა არგიშთის: 41 მინა<sup>1</sup> სუფთა ოქრო, 37 მინა ვერცხლი, (ამდენი<sup>2</sup>) ათიათასი მინა სპილენძი, ათასი საჯდომი ცხენი, სამასი სული მსხვილფეხა რქოსანი პირუტყვი. აი, როგორი ხარკი დავადე მე დიაოხის ქვეყანას, რათა მას ეს ყოველწლიურად ეძლია: (ამდენი) მინა სუფთა ოქრო, ათი ათასი მინა სპილენძი, (ამდენი) ხარი, ასი ძროხა, ხუთასი ცხვარი, 300 საჯდომი ცხენი... მეფეები, რომლებიც დიაოხიელი მეფის დასახმარებლად მოვიდნენ, მე გავანადგურე“.

#### ბ) ურარტუს მეფე ხარდურ II კოლხაში ლაშქრობის შესახებ

„სარდური ამბობს: გავემართე სალაშქროდ კოლხას ქვეყნის წინააღმდეგ... ქალაქი ილდამუსა, სამეფო ქალაქი, კოლხას ქვეყნის მეფისა, ბრძოლით დავიპყარი, მისი მოსახლეობა გადავბუგე. კოლხას (მეფის) ნაცვლები, რომელნიც კი იქ იყვნენ, გავვლიტე. რკინის ბეჭედი გავაკეთებინე, წარწერა დავდვი ქალაქ ილდამუსაში. ციხესიმაგრეები, ქალაქები დავწვი და დავანგრეი, ქვეყანა გავაჩანაგე, კაცები და ქალები გავრეკე“.

<sup>1</sup> მინა — წონის ერთეული, უდრიდა 505 გრამს.

<sup>2</sup> ტექსტში რაოდენობის აღმნიშვნელი ციფრები არ იკითხება.



## კითხვები

1. რა ცნობებს ვაწეფდის მოტანილი წარწერები ღიაოხსა და კოლხაში ლიონის დამუშავებისა და მესაქონლეობის განვითარების შესახებ? 2. ამ დოკუმენტების მიხედვით რა შეიძლება ითქვას ღიაოხისა და კოლხას სახელმწიფო წყობაზე?

2. ნაწევრები ჩვ. წ-ად-მდე III ხაუკუნის ბერძენი პოეტის აპოლონიოს როდოსელის „არგონავტიკიდან“

„არგონავტების მფარველმა ქალღმერთმა პერამ ეთერში სქელი ნისლი დააყენა და იაზონი თავის მხლებლებით შემურა, რათა აიეტის სასახლისაკენ მიმავალი ვაჟკაცები კოლხთა ურიცხვ ტომს არ დაენახა. როცა იაზონი და მისი მხლებლობი აიერის სასახლესთან მივიდნენ, პერამ მყისვე გაფანტა ნისლი. ვაჟკაცები სასახლის შესასვლელთან გაჩერდნენ. ისიი გააოცა მეფის სასახლის გაღივანმა, ფართო ქიშკრებმა და სვეტებმა, რომლებიც მწყრივად იყო აღმართული კედლების გარშემო. სასახლის თავზე, სპილენძის ქონგურებზე, ქვის კოშკი იდგა. იაზონმა და მისმა მხლებლებმა დაუბრკოლებლივ დააბიჯეს ფეხი სასახლის ქიშკრის ზღურბლს, რომელთანაც მაღლა აღმართული, მწვანე ფოთლებით შემოსილი ვაზები გაშლილიყვნენ. ვაზების ქვეშ ოთხი დაუშრეტელი შადრევანი მოჩუჩხუხებდა. ეს წყაროები ჰეფესტომ<sup>1</sup> ამოაჩქეფა მიწის გულიდან. ერთი რძის შადრევანი იყო, მეორე ღვინისა, მესამედან სურნელოვანი ზეთი მოარაკრავბდა, მეოთხე კი ამოღარული ლოდინდან წყალს მოაქუხებდა, რომელიც პლეიადების<sup>2</sup> ჩასვლის დროს თბებოდა, ხოლო მათი ამოსვლის ჟამს ყინულივით ცივი და აწყარა ხდებოდა. აი, ასეთი ღეთაებრივი საქმეები გააკეთა დახელოვნებულმა ჰეფესტომ კუტაიელი<sup>3</sup> აიეტის სასახლეში. გარდა ამისა, ჰეფესტომ აიეტს გამოუქედა სპილენძის-ფეხებიანი ხარები, რომელთაც სპილენძისავე ხახები ჰქონდათ, საიდანაც ცეცხლის სახარელი ალი ამოსდიოდათ. მანვე გაუყეთა მთლიანი გუთანნი მაგარი ფოლადისაგან... სასახლის ეზოში უზარმაზარი შენობა იდგა, რომელსაც მრავალი ორმაგი კარი და მოსასვენებელი ოთახი ჰქონდა. კარები და ოთახები ერთ საუცხოო ტალანში გამოდიოდა. ამ შენობის მარჯვნივ და მარცხნივ ორი უფრო მაღალი შენობა იდგა. ერთ-ერთ მათგანში აიეტი ცხოვრობდა თავისი ცოლით, მეორეში კი აიეტის ვაჟი აფსირტე... სასახლის დანარჩენი ოთახები ეკავათ აიეტის ორ ასულს, ქალკიოპეს და მედეას და მოახლე ქალებს...

მეორე დილით, როცა მზემ თავისი ნათელი კავკასიონის თოვლიან მწვერვალებს მოჰფინა, ძლევაშოსილმა აიეტმა მკერდზე მაგარი აბჯარი შემოიკრა... კოლხეთის მეფემ ამის შემდეგ ოკეანიდან აღმომავალი მზის

<sup>1</sup> ჰეფესტო — ძველი ბერძნების წარმოდგენით, ცეცხლისა და მკედლობის ღმერთი.

<sup>2</sup> პლეიადები — შვიდი მნათობის თანავარსკვლავედი, პლეიადების ჩასვლა ზამთრის დაწყებას მოასწავებს, ამოსვლა კი — ზაფხულისას.

<sup>3</sup> კუტაია — აქედან მომდინარეობს ქუთაისის სახელწოდება.

შუქივით მოელვარე ოთხბიბილოვანი ოქროს ჭუზარადი ჩამოიცვა თავზე და ხელთ იპყრო ტყავის მრავალი ფენით შემოგარსული ფარი და ისეთი უზარმაზარი შუბი, რომელსაც ძლევამოსილ პერაკლეს გარდა, ვერც ერთი გმირი ვერ გამოიყენებდა. მრისხანე აიეტს სასახლის ეზოში ფეხმარდი ცხენებით შებმულ ეტლზე ელოდებოდა მისი ძე... აიეტი ეტლში ჩაჯდა, სადავეები ხელთ აიღო და ქალაქიდან ფართო შარაზე გავიდა, რათა იაზონის მიერ მძიმე დავალების შესრულებას დასწრებოდა. მეფე აიეტს უკან ურიცხვი ხალხი გამოედევნა. კოლხთა ძლევამოსილი წინამძღოლი... მიჰქროდა თავისი ეტლით არესის ველისაკენ<sup>1</sup>.

#### დავალემა და კითხვა

1. აღწერეთ კოლხეთის მეფის აიეტის სასახლე მოტიანი ნაწიჯიკის მიხედვით. \* კოლხეთის შესახებ კიდევ რა ცნობებს თქვენთვის ცნობილ თქვეს უკრადლებას აპოლონიოს როდოსელის „არგონავტიკიდან“?


#### § 4. ეგრიისა და პართლის სამეფოების წარმოქმნა

5

1. ეგრიის (კოლხეთის) სამეფოს წარმოქმნა. კიმერიელთა გამანდგურებელმა შემოსევამ დიდი ზიანი მიყენა დასავლეთ საქართველოს ბარის მოსახლეობას. მცხოვრებთა ნაწილი ამოწყდა, ნაწილი აიყარა და გადასახლდა. ამით ისარგებლეს მთიელმა ტომებმა და იწყეს კოლხეთის ბარში მასობრივად ჩამოსახლება. ეს ტომები ჯერ კიდევ პირველყოფილი-თემური წყობილების საფეხურზე იდგნენ. მოიშალა მეურნეობა. ყოველივე ამის გამო დაეცა ძველი კოლხას სამეფო. მაგრამ ასეთი ხელის შეშლელი პირობების მიუხედავად საზოგადოების წინსვლა მაინც არ შეჩერებულა. მალე აღდგა ადგილობრივი სახელმწიფოებრიობა და ქვეყანა განვითარების უფრო მაღალ საფეხურზე ავიდა.

ამ პერიოდის დასავლეთ საქართველოს შესახებ დიდმნიშვნელოვან ცნობებს გვაწვდიან ძველი ბერძნები. ბერძნებმა ჩე. წ.-აღმდე VI საუკუნიდან შავი ზღვის აღმოსავლეთ სანაპიროზე არაერთი ახალმეხი დააარსეს. ასეთი იყო, მაგალითად, ფ ა ზ ი ს ი (ქ. ფოთის მახლობლად), დ ი ს კ უ რ ი ა (ქ. სოხუმის მახლობლად), გ ი ე ნ ო ს ი (ქ. ოჩამჩირე). სსრკავშირის ისტორიის კურსიდან თქვეს იცით, რომ ბერძნებმა ასეთივე ახალმეხები დააარსეს ჩრდილოეთ შავიზღვისპირეთშიც (პანტიკაპეიონი, ოლგია, ხერსონესი და სხვ.). აქ ეს ბერძნული ახალმეხები ადგილობრივ



<sup>1</sup> პერაკლე — ძველ ბერძენთა უდიდესი მითოლოგიური გმირი.



მოსახლეობაზე გაბატონდნენ და თავიანთი დამოუკიდებელი ქალაქ-სახელმწიფოები შექმნეს.

დას. საქართველოს ტერიტორიაზე აღმოცენებული ბერძნული ახალშენები კი განსხვავებულ გარემოში აღმოჩნდნენ. ისინი არა თუ გაბატონდნენ ადგილობრივ მოსახლეობაზე, არამედ თვითონ მოექცნენ კოლხეთის გავლენის ქვეშ. ამის მიზეზი ის იყო, რომ აქაური მოსახლეობა სოციალურ-ეკონომიკური და კულტურული დონით გაცილებით მაღალ საფეხურზე იდგა, ვიდრე ჩრდილოეთ შავიზღვისპირეთისა. კოლხეთის აღდგენილი სამეფოც საკმაოდ ძლიერი იყო, რომ ეს სანაპირო ქალაქები მორჩილებაში ჰყოლოდა.

ბერძენები კოლხეთთან ვაჭრობას დიდ მნიშვნელობას ანიჭებდნენ. საბერძნეთიდან შემოჰქონდათ ძირითადად ხელოსნობის ნაწარმი: ქსოვილი, სამკაული, ჭურჭელი და ფუფუნების სხვა საგნები. შემოჰქონდათ აგრეთვე კვების ზოგი პროდუქტი (მაგალითად,



ოქროს სამაჯური და დიადემა ვანიდან (ჩვ. წ-მდე V ს.).

ზეთი, ღვინო). საქართველოდან გაპქონდათ სელი და სელის ნაწარმი, ბეწვეული, ტყავი, გემის საშენი ხე-ტყე, აგრეთვე ხის ძვირფასი ჯიშები, მაგალითად — ბზა. გაპქონდათ ოქრო; რკინა და სხვა ლითონები, გაპყავდათ მონებიც.

ბერძენი ავტორების ცნობებით კოლხეთი ამ დროს საკმაოდ დაწინაურებული ქვეყანა იყო. აქ განვითარებული ყოფილა მარცვლეულის მეურნეობა, მევენახეობა, მეხილეობა, მესაქონლეობა. ტრადიციულად მაღალ დონეზე იდგა ბრინჯაოს და რკინის მეტალურგია, ძვირფასი ლითონების დამუშავება. ყოველივე ამას თვალნათლივ ადასტურებს არქეოლოგიური მასალაც.

დას. საქართველოს ტერიტორიაზე ბერძნულ ახალშენებს გარდა არაერთი ადგილობრივი ქალაქური ტიპის დასახლება იყო. არქეოლოგებმა დღევანდელი დაბა ვ ა ხ ი ს, სამტრედიის რაიონის სოფ. დ ა ბ ლ ა გ ო მ ი ს და საირხეს (საჩხერესთან) ტერიტორიაზე გათხარეს ამდროინდელი ნაქალაქარები. აქვე აღმოჩნდა ბრწყინვალე არქეოლოგიური მასალა. კოლხეთის ერთ-ერთი უძველესი ქალაქი იყო ბერძნულ წყაროებში მითითებული კ უ ტ ა ი ა, ანუ დღევანდელი ქუთაისი და ბევრი სხვა ქალაქი. ეს ქალაქები უმნიშვნელოვანეს სავაჭრო-სახელოსნო ცენტრებს წარმოადგენდნენ.

ჩვ. წ-მდე VI საუკუნიდან დას. საქართველოში მიმოქცევაში იყო ადგილობრივ მოჭრილი ვერცხლის ფული, რომელსაც მეცნიერები „კ ო ლ ხ უ რ თ ე თ რ ს“ უწოდებენ. ფულის მოჭრა აქ განვითარებული სახელმწიფოს არსებობას ადასტურებს.

კოლხეთის სამეფოს ქართულად ეგარისი ეწოდებოდა. კოლხასთან შედარებით იგი უფრო განვითარებული, მაგრამ მაინც ადრეკლასობრივი სახელმწიფო იყო. ე.ი. აქ ჯერ კიდევ ძლიერი იყო თემური წყობილების გადმოსახშობები. საზოგადოების ზედაფენა, ექსპლოატაციას უწევდა რიგით მეთემეებს — თავისუფალ ან ნახევრადთავისუფალ მიწათმოქმედებს და მონებს.



კოლხური თეთრის ნიშნები. ვერცხლის ტიტრალრაჟმა და დიდრაჟმა (ჩვ. წ-მდე VI ს.).

1 თ ე თ რ ი ძველ ქართულად ვერცხლსაც ნიშნავდა.

ეგრისის (კოლხეთის) საქმეო საკმაოდ ძლიერი იყო. მისი უშუალოდ დაპყრობა ვერ შეძლო ძლევამოსილმა აქემენიოორმა ირან-მა. ეგრისი მას მხოლოდ „ხედაყოფლოდით“ ძლევს „უგზავნიდა“: 5 წელიწადში ერთხელ 100 ბიჭსა და 100 გოგოს. ელინისტური ხანის<sup>1</sup> დასაწყისში ეგრისი ერთგვარად დასუსტებული ჩაბს. მის სათავეში უკვე მეფის მაგივრად ერისთავი დგას, რაც ადგილობრივი ხელისუფლების დაკნინებას მოწმობს.

2. **ქართლის (იბერიის) სამეფოს წარმოქმნა.** ქართლის, ანუ იბერიის სამეფოს წარმოქმნა საკმაოდ რთულ ვითარებაში მიმდინარეობდა. ქართველ ტომთა უძველესი სახელმწიფოებრივი გაერთიანებების (დიოხი და სხვ.) განადგურების შემდეგ აღმოსავლეთ საქართველოს ტერიტორიაზე სხვადასხვა ტომი ჩამოსახლდა. მაგალითად, ჩვ. წ-ამ-მდე VI საუკუნის ბოლოს მცირე აზიიდან შესული ტომების ნაკადი შემოიჭრა. მათი სახელი აქაურმა ადგილებმა შემოინახა, მაგალითად მესხეთი, სამცხე (სამეხე), თვით მცხეთაც მესხთა ქალაქს ნიშნავს. ალექსანდრე მაკედონელის იმპერიის დაშლის შემდეგ საქართველოზე თავის გავლენის გავრცელებას ცდილობდნენ სელევკიდები<sup>2</sup>, პართია, პონტოს სამეფო. ეს ბრძოლები გარკვეულად აისახა გამოცემაში, რომელიც დაცულია უძველეს ქართულ საისტორიო თხზულებების კრებულ „ქართლის ცხოვრებაში“.


ამ გამოცემის მიხედვით როდესაც ალექსანდრემ აღონელმა დაიპყრო ირანი და წინა აზია, საქართველოშიც მოვიდნენ დამპყრობლები და ქვეყანა დაიკავეს<sup>3</sup>. მათ მოკლეს მცხეთის მამასახლისი და ქვეყნის მმართველად თავიანთი სარდალი აზო დატოვეს.

აზო მკაცრი მმართველი გამოდგა. მისი ბრძანებით მოთხარეს და დაანგრეს აქაური ციხეები, დამპყრობლები ზოცავდნენ ქართლის ყველა მცხოვრებს, ვისაც კი იარაღის ტარება შეეძლო. ქართლის მოსახლეობა დიდ უბედურებაში ჩაეარდა.

<sup>1</sup> ალექსანდრე მაკედონელის მიერ აღმოსავლეთის ქვეყნების დაპყრობის (ჩვ. წ-ამ-მდე 334—323 წწ.) შემდეგ აქ ფართოდ გავრცელდა ბერძნულ-ელინური კულტურა და საზოგადოებრივი წყობილება. ამ ხანას ელინისტური ხანა ეწოდება.

<sup>2</sup> ალექსანდრე მაკედონელის იმპერიის დაშლის შემდეგ წინა აზიაში წარმოიქმნა სირიის ძლიერი სახელმწიფო სელევკიდების დინასტიით სათავეში. მას შემდეგ გამოეყო მთელი რიგი სახელმწიფოები, მათ შორის პართია, პონტოს სამეფო და სხვ.

<sup>3</sup> დადგენილია, რომ ალექსანდრე მაკედონელს თვითონ საქართველოში არ ელაშქრა, მაგრამ გამორიცხული არ არის, რომელიმე მისი სარდალის ლაშქრობა.



გაიღია იარაგ ხანი. ბოლოს გამოჩნდა ჯაბუჯი ფარნავაზი, მცხეთის მამასახლისის ძმისშვილი, რომელიც ჭირ კიდევ 3 წლის ბავშვი ჩართოში იამპყრობთა შიმოსიგის დროიდან დედაძმის კავკასიონხის მთებში გადაემალა და ახლა უკვე სრულწლოვანი და დავაჟკაცებული დაბრუნებულყო მცხეთაში. იგი შესანიშნავი მოისარი და მონადირე იყო. ერთხელ ნადირობისას ირემი მოკლა, მაგრამ შემოაღამდა და გაუფერდა. მან თავი შეაფარა ერთ გამოქვაბულს, სადაც მოულოდნელად დიდძალ სიმდიდრეს მიიგნო. ფარნავაზი და მისი ოჯახის წევრები ხუთი ღამის განმავლობაში ფარულად ეზიდებოდნენ ამ სიმდიდრეს.

ფარნავაზი დაუკავშირდა დასავლეთ საქართველოს ერისთავს ქუჩის და მასთან ერთად გადაწყვიტა აჯანყება აზოს წინააღმდეგ. ამ სიმდიდრით შეიძინეს საომარი იარაღი, დაიხმარეს კავკასიის მთიელები (ოესნი, ლეკნი) და სასტიკ ბრძოლებში დაამარცხეს დამპყრობლები. აზოს ჭარის ნაწილი ქართველების მხარეზე გადმოვიდა, ხოლო თვითონ აზო ბრძოლაში მოკლეს.

სამშობლოს განთავისუფლების შემდეგ ფარნავაზმა თავი ქართლის მეფედ გამოაცხადა. მან თავისი და ცოლად მიათხოვა ქუ-

ოქროს სასაფეთქლე საკიდები ცხენების გამოსახლებით ახალგორიდან (ხე. წალმდე. VI ს.). მარჯვნივ, ზემოთ — ვერცხლის საბეჭდავი ყანაეთიდან, ქვემოთ — ოქროს საბეჭდავი ახალგორიდან.



არმაზის ციხის კედლის ნაშთები.

ჯის და თან იგი ეგრისის მმართველად დასვა. მეფე ფარნავაზმა ე რ ი ს თ ა ვ ე ბ ი, ე. ი. ადგილობრივი მმართველად, დააყენა ქვეყნის სხვადასხვა ნაწილში (სულ რვა). შიდა ქართლი ცალკე საგანმგებლო ერთეულად გამოყო და მის სათავეში სპასპეტი (მთავარსარდალი) ჩააყენა.

ფარნავაზმა კვლავ ააშენა მცხეთის ზღუდე და სხვა ციხე-ქალაქები. მან ქართველთა მთავარ ლეთაებად არმაზის ლეთაება გამოაცხადა, რომლის კერპიც (ქანდაკება) მცხეთის პირდაპირ მაღალ მთაზე აღმართა. აქვე ააშენა დიდი ციხე, რომელსაც არმაზის ციხე ეწოდებოდა. ფარნავაზსავე მიაწერს ეს ლეგენდა ქართული ენის გავრცელებას და ქართული მწიგნობრობის (დამწერლობის) შექმნას.

ამ ლეგენდაში ბევრია ზღაპრული, მაგრამ იგი მაინც სინამდვილის გარკვეულ ანარეკლს წარმოადგენს. სხვა მონაცემებითაც მტკიცდება, რომ ქართლის სამეფო მართლაც ჩვ. წ-ად-მდე IV—III საუკუნეების მიჯნაზე წარმოიქმნა და მის სათავეში იდგა ფარნავაზიანთა სამეფო დინასტია. ასევე, საესებით რეალური უნდა იყოს ის ლონისძიებანი, რაც ამ ლეგენდის მიხედვით, ფარნავაზმა გაატარა: ქვეყნის ადმინისტრაციული მოწყობა (7 საერისთაოდ და ერთ სსპასპეტოდ დაყოფა), ერთიანი სახელმწიფო რელიგიის შექმნა და სხვა.



არმაზის ციხის ზღუდის ნაშთები.

მ. ქართლის სამეფო ჩვ. წ-ად-მდე III ს-ში. ქართლის, ანუ როგორც მას ძველი ბერძნები უწოდებდნენ — იბერიის სამეფომ ჩვ. წ-ად-მდე III საუკუნეში დიდ სიძლიერეს მიაღწია. ამ დროს მისი საზღვრები სამხრეთით მდ. არაქსამდე აღწევდა, ჩრდილოეთით კი კავკასიონის ქედს მიჰყვებოდა. მისი პოლიტიკური გავლენა კავკასიის მთიელებზეც ვრცელდებოდა. ქართლის სამეფოს შემადგენლობაში შედიოდა დასავლეთ საქართველოც. ამით აღმოსავლეთ და დასავლეთ საქართველოს მოსახლეობა კიდევ უფრო დაუახლოვდა ერთმანეთს და დაჩქარდა მათი ერთ ხალხად ჩამოყალიბების პროცესი.

ქართლის ამ ძველი სამეფოს საშინაო მდგომარეობის და საზოგადოებრივი აგებულების შესახებ ცხოებებს ბიოძენი გეოგრაფი სტრაბონი გვაწვდის. მისი აღწერით „იბერია მეტწილად კარგად არის დასახლებული ქალაქებითაცა და დაბებითაც, ისე რომ აქ არის კრამიტისანი სახურავები, სახლები არქიტექტურულად მოწყობილი, ბაზრები და სხვა საზოგადოებრივი დაწესებულებანი“. ქვეყანა აქტიურ აღებ-მოციემობას ეწეოდა და დიდ როლს ასრულებდა ძველი საბერძნეთის აღმოსავლეთის ქვეყნებთან ვაჭრობის საქმეში. აქ გადიოდა სავაჭრო გზა (რიონი, მტკვარი, კასპიის ზღვა), რომლითაც ბერძნები შორეულ ინდოეთს უკავშირდებოდნენ.

ქართლის სათავეში მეფე იდგა. უმაღლესი თანამდებობანი მეფის საგვარეულოს წარმომადგენლებს ეკავათ. სამეფო გვარს ემსახურებოდა საკმაოდ მრავალრიცხოვანი ფენა დამოკიდებული მეფეებთან, რომლებსაც „სამეფო მონები“ ეწოდებოდათ. გაბატონებული მდგომარეობა ეკავათ ქურუმებსაც. მოსახლეობის დიდ უმრავლესობას ჯერ კიდევ თავისუფალი მეთემენი შეადგენდნენ. მონები შედარებით მცირე რაოდენობით ჰყავდათ და ძირითადად იყენებდნენ დიდ მშენებლობებზე; არხებისა და გზების გაყვანისას, მენიჩბეებად გემებზე და სხვა მძიმე სამუშაოებზე. ამრიგად, ქართლის სამეფოს საზოგადოებაც კლასიკურ მონათმფლობელურ ქვეყნებთან შედარებით განუვითარებელი, ადრეკლასობრივი ხასიათის იყო.

### კითხვები და დავალებები

1. რატომ ვერ განვითარდნენ დამოუკიდებელ ქალაქ-სახელმწიფოებად აღმოსავლეთ შავიზღვისპირეთში დაარსებული ბერძნული ახალშენები? 2. როგორი სახელმწიფო იყო ძველი ეგრისის სამეფო? 3. რა პირობებში წარმოიქმნა ქართლის, ანუ იბერიის სამეფო? 4. რა 'ლონისძიებები გაატარა ქართლის პირველმა მეფემ ფარნავაზმა? 5. მოძებნეთ რუკაზე ეგრისისა და ქართლის უძველესი ქალაქების ადგილ-სამყოფელი. 6. მოაწიეთ ექსკურსია თქვენნი რაიონის მხარეთმცოდნეობის ან ქალაქის ისტორიულ მუზეუმში. დაინტერესდით, რა მასალებია დაცული და გამოფენილი ეგრისისა და ქართლის სამეფოების არსებობის პერიოდიდან.

### დ რ კ უ მ ე ნ ტ ი ბ ი

1. ძველი ქართული საისტორიო თხზულებების კრებული „ქართლის ცხოვრება“ ქართლის პირველი მეფის ფარნავაზის მოღვაწეობის შესახებ

„ფარნავაზ უშიშ იქმნა ყოველთა მტერთა თვისთაგან და მეფე იქმნა ყოველსა ქართლსა და ეგრისსა ზედა. და განამრავლა ყოველნი მხედარნი (მოლაშქრენი) ქართლოსიანნი<sup>1</sup>, განაწესნა ერისთავნი რვანი და სპასპეტი (მხედართმთავარი)... ხოლო ამათ ერისთავთა ქუეშე, ადგილთა და ადგილთა, განაჩინა სპასალარნი (სარდლები) და ათასისთავნი, და მათ ყოველთაგან მოვიდოდა ხარკი სამეფუთ (სამეფო) და საერისთავო...

<sup>1</sup> ქ ა რ თ ლ ო ს ი ა ნ ნ ი — ქართლოსის — ქართველთა ლეგენდარული მამთავრის — შთამომავლები.



ამან ფარნავაზ მოზღუდა ქალაქი მცხეთა მტკიცედ, და ყოველნი ქალაქნი და ციხენი ქართლისანი მოოხრებულნი (მტერთაგან) ამან აღაშენა... და ამანვე ფარნავაზ შექმნა კერპი დიდი სახელსა ზედა თვისსა: ესე არს არმაზი...

ოცდაშვიდისა წლისა მეფე იქმნა და სამოცდახუთ წელ მეფობდა ნეზირ...

და ესე ფარნავაზ იყო პირველი მეფე ქართლსა შინა ქართლოსისა<sup>1</sup> ნათესავთაგანი. ამან განაერყო ენა ქართული, და არღარა იზრახებოდა სხვა ენა ქართლსა შინა თვინიერ (გარდა) ქართულისა და ამან შექმნა მწიგნობრობა ქართული“.

## 2. ძველი ბერძენი გეოგრაფი და ისტორიკოსი სტრაბონი<sup>2</sup> — ქართლის (იბერიის) სამეფოს შესახებ

„ადამიანთა ოთხი გვარი მოსახლეობს ამ ქვეყანაში: ერთი გვარია და პირველი, რომლისგანაც მეფეებს სხამენ მახლობლობისა და ასაკის მიხედვით უხუცესს, ზოლო მეორე ამ გვარიდან მოსამართლეობს და მხედართმთავრობს. მეორე გვარი არის ქურუმთა, რომლებიც ზრუნავენ აგრეთვე მეზობლებთან სამართალზე, მესამე გვარი არის მხედართა და მიწისმოქმედთა. მეოთხე გვარი არის ხალხისა, რომლებიც სამეფო მონები არიან და აკეთებენ ყველაფერს, რაც ცხოვრებისათვის არის საჭირო. საზოგადო აქეთ მათ ქონება ნათესაობისდა მიხედვით. მართავს და განაგებს თითოეულს უხუცესი. ასეთები არიან იბერები და მათი ქვეყანა“.

### დავალება

დაახსიათეთ ქართლის სახელმწიფოებრივი და სოციალური წყობილება ზემოხსენებული თხზულებებიდან მოტანილი ნაწყვეტების მიხედვით.

## § 6. საქართველო ძველი და ახალი წელთაღრიცხვის მიჯნაზე

1. საქართველო პომპეუსის ლაშქრობის წინ. ჩვ. წ - აღ-მდე II საუკუნის დასაწყისიდან აღმოსავლეთისკენ შემოტევა დაიწყო რომის ძლიერმა სახელმწიფომ. რომაელებმა ჩვენს წ - აღ-მდე 190 წელს დაამარცხეს სელევკიდები. ამით ისარგებლეს სომხეთის მმართველებმა და სელევკიდების ბატონობისგან თავი გაითავისუფლეს. სომხეთის ტერიტორიაზე შეიქმნა ორი სომხური სახელმწიფო — დიდი და მცირე არმენია. ამ სახელმწიფოებმა საქართველოს სამხრეთი ტერიტორიის ნაწილიც მიიტაცეს.

საქართველოს დასავლეთიდან გაუმეზობლდა პონტოს სამეფო,

<sup>1</sup> ქ ა რ თ ლ ს ი — ქართველთა ლეგენდარული წინაპარი.

<sup>2</sup> ს ტ რ ა ბ ო ნ ი — ცხოვრობდა ჩვ. წ-აღ-მდე 64 წლიდან ჩვ. წ-აღ-ის

რომელიც შავი ზღვის სამხრეთ სანაპიროზე ჩამოყალიბდა. მისი მოსახლეობის დიდ ნაწილს დასავლურ-ქართული ტომები (ლახები, ქანები, კოლხები, ხალიბები, მოსინიკები და სხვ.) შეადგენდნენ. პონტოს სამეფო განსაკუთრებით გაძლიერდა მითრიდატე VI მეფობის (ჩვ. წ-ალ-მდე 111 — 63 წწ.) დროს, მითრიდატე პონტოელმა დაიპყრო შავი ზღვის ჩრდილო და აღმოსავლეთ სანაპირო, მათ შორის კოლხეთის ტერიტორიაც. მან სომხეთის მეფე ტიგრან II-სთან ერთად დაიწყო ბრძოლა აღმოსავლეთში რომის შემოტევის წინააღმდეგ. ამ ბრძოლებში ქართლიცა და ალბანეთიც პონტოსა და სომხეთის მოკავშირეები იყვნენ.



მითრიდატე პონტოელი.  
გამოსახულება მონეტაზე.


რომაელებმა რამდენჯერმე დაამარცხეს მითრიდატე VI და სომხეთში შეიჭრნენ. მალე რომაელების არმიას სათავეში ჩაუდგინა ცნობილი სარდალი პომპეუსი, რომელმაც აიძულა სომხეთის მეფე ტიგრან II წინააღმდეგობა შეეწყვიტა და რომაელებს დამორჩილებოდა. ამის შემდეგ ჩვ. წ-ალ-მდე 65 წ. რომაელთა არმია საქართველოსკენ დაიძრა.

**2. რომაელთა ლაშქრობა საქართველოში.** ქართლში ამ დროს არტაგი მეფობდა. ქართველი მეფე კარგად ხედადა, რომ ძალები უთანაბრო იყო და მას არ შეეძლო წინააღმდეგობა გაეწია რომაელთა უძლეველი არმიისათვის, ამიტომ მან პომპეუსს დესპანი მიუგზავნა და ზავი შესთავაზა. პომპეუსმა იფიქრა, რომ ქართლის მეფეს ეს მოლაპარაკება დროის გასაყვანად და ძალების მოსაკრებლად უნდოდა. ამიტომ მოლაპარაკება შეწყვიტა და ქართლის შუაგულისაკენ დაიძრა. რომაელთა ჯარი არმაზის ციხეს შემოადგა. არმაზის ციხის მცირერიცხოვანმა გარნიზონმა მათ სათანადო წინააღმდეგობა ვერ გაუწია. მეფე არტაგი მტკვრის მარცხენა ნაპირზე გადავიდა და ხიდი დაწვა. პომპეუსის ჯარებმა მტკვრის სამხრეთით მდებარე ტერიტორია დაიკავეს. არტაგმა კვლავ მოლაპარაკებით სცადა ზავის ჩამოგდება, მტკვარზე ხიდი აღადგინა და მტერს სურსათით მომარაგება აღუთქვა. მაგრამ პომპეუსს ქართლის სრული დამორჩილება სურდა. რომაელები გადავიდნენ მტკვრის მარცხენა ნაპირზე და იბერთა ლაშქარს არაგვის ხეობაში შეუტიეს. ბრძოლა ქართველების დამარცხებით დამთავრდა.

რომაელი ისტორიკოსები აღწერენ თუ რა თავდადებით იბრძოდნენ ქართველი მებრძობნი. დამარცხების მიუხედავად ისინი აგრძელებდნენ ბრძოლას, აღიოდნენ მაღალ ხეებზე და იქიდან უშენდნენ ისარს მომხდურებს. მამაკაცებთან ერთად მამაცურად იბრძოდნენ ქალებიც. დაჭრილთა შორის, რომლებიც რომაელებმა დაატყვევეს, მრავალი ქალი აღმოჩნდა. ბრძოლის ველზე 9 000 ქართვე-

რომაელი მებრძოლი საომარი აღჭურვილობით.





ვერცხლის თასი მამაკაცის სკულპტურული გამოსახულებით არმაზის ხეივან 11—111 სს.




ლი მეომარი დაეცა. რომაელებმა ქართლში 10 000-ზე მეტი ტყვე იგდეს ხელთ. არტაგმა რომაელების სარდალს მძევლები და ძვირფასი საჩუქრები, მათ შორის ოქროს საწოლი, ტახტი და მაგიდა გაუზავნა. რომაელები სათანადოდ ითვალისწინებდნენ საქართველოს დიდ სტრატეგიულ და პოლიტიკურ მნიშვნელობას და ბოლოს და ბოლოს დაზავებაზე დასთანხმდნენ. ქართლში მეფობა ხელუხლებლად დატოვეს. ქართლის მეფეს რომაელთა მეგობრობა და მოკავშირეობა დაევალა, ასევე ევალებოდა კავკასიონის უღელტეხილების შეკვრა და იმერკავკასიიდან მეომარი-მომთაბარე ტომების შეკავება. იბერიიდან პომპეუსი კოლხეთში გადავიდა. აქ მას ფაზისთან საზღვაო ფლოტი უცდიდა. რომაელებმა კოლხეთიც ბრძოლით დაიკავეს და მმართველად თავიანთი მოხელე დააყენეს.

8. ქართლის სამეფოს საგარეო პოლიტიკა ჩვ. წ-ალ-ის I—II საუკუნეებში. ჩვ. წ-ალ-ის I — II საუკუნეებში ქართლის სამეფო შე-

სამჩნევად გაძლიერდა. იგი ფაქტობრივად გათავისუფლდა რომ-ზე დამოკიდებულებისაგან. რომთან ურთიერთობით ქართლი უფრო მეტ სარგებლობას პოულობდა, ვიდრე თვითონ რომი. I საუკუნის 30-იან წლებში სომხეთში გაბატონებას ცდილობდა პართიის გაძლიერებული სამეფო<sup>1</sup>. რომის იმპერატორის თხოვნით სომხეთში ქართლის ჯარი შევიდა და აქ მეფედ დასვეს ქართველი უფლისწული მითრიდატე. პართიის მეფემ დიდი ლაშქარი გამოგზავნა სომხეთიდან ქართველთა გასადევნად, მაგრამ გადამწყვეტ ბრძოლაში ქართველებმა ისინი დაამარცხეს. პართელთა ლაშქარს თვით მეფის ვაჟი ო რ ო დ ი სარდლობდა. ქართველებმა სათანადო თადარიგი დაიჭირეს. მათ დაიხმარეს მეზობელი ალბანეთის ჯარი, ვახსნეს კავკასიონის გადმოსასვლელები და იმიერკავკასიიდან მოკავშირედ ალან-ოსები გადმოიყვანეს. პართელების ძალა ძირითადად ცხენოსანთა ლაშქარში იყო, მაშინ როდესაც ქართველებს ცხენოსან ჯართან ერთად ძლიერი ქვეითი ჯარიც ჰყავდათ. შეტევის დროს იბერიელი მხედრების მიერ ცხენიდან გადმოგდებულ პართელებს შუბებითა და ხმლებით შეიარაღებული ქართველთა ქვეითი მებრძოლები უღებდნენ ბოლოს. ბრძოლის ქარცეცხლში ერთმანეთს შეხვდნენ თვით ჯარის სარდლებიც — ქართლის მეფის ძე ფ ა რ ს მ ა ნ ი და პართელი უფლისწული ოროდი. ფარსმანმა ხმლის მძლავრი დარტყმით მას მუზარადი გაუპო. ოროდის მცველებმა თავგაჩეხილი უფლისწული სასწრაფოდ გააცალეს ბრძოლის ველს, მაგრამ ცნობამ პართელთა მეფის ძის სასიკვდილოდ დაჭრის შესახებ მათ ლაშქარში დიდი არეულობა გამოიწვია. ქართველებმა კი გულსრულად შეუტიეს მტერს და სასტიკად დაამარცხეს.

ამის შემდეგ ქართველთა პოლიტიკური ბატონობა სომხეთში კარგა ხანს გაგრძელდა. რომაელებს ეს არ მოსწონდათ. მათ თვითონ სურდათ სომხეთის დაპყრობა. რომაელების ინტრიგების შედეგად მალე მტრობა ჩამოვარდა ქართლის მეფე ფ ა რ ს მ ა ნ პ ო რ ვ ე ლ ს ა და სომხეთის მეფედ დასმულ მის ძმას მ ი თ რ ი დ ა ტ ს შორის. მართალია ეს ამბები მითრიდატის დაღუპვით დამთავრდა, ქართლის მეფემ სომხეთი მაინც ვერ შეინარჩუნა, რადგან აქ ბატონობას ისეთი უძლიერესი სახელმწიფოები ეცილებოდნენ, როგორც იყვნენ რომის იმპერია და პართიის სამეფო. ბოლოს, 63 წ. რომსა და პართიას შორის დაიდო ხელშეკრულება, რომლის ძალითაც სომხეთი ორმაგი დამოკიდებულების ქვეშ ექ-




ქართველი მეომრის აღჭურვილობის არქეოლოგიური გათხრებით მოპოვებული ნიმუშები.

ფიფიტეებზე გამოსახულია ირმებისა და ტახებზე ნადირობა. I ს. აღმოჩენილია დედოფლის გორახი სოფ. არადეთთან



<sup>1</sup> პართიის სახელმწიფო კასპიის ზღვის სამხრეთ-აღმოსავლეთ ნაწილში ჩამოყალიბდა. დაპყრობითი ომების შედეგად მისი ტერიტორია მდ. ამულდარიდან ეფფრატამდე გადაიჭიმა. მის სათავეში იდგა არშაკიდების დინასტია.



არმაზის ბილინგვა (ორ-  
ნოვანი წარწერა, II ს.).

ეკოლა: სომხეთში იმეფებდნენ პართიის სამეფო გვარის, არ-  
შაკიდევის წარმომადგენლები, მხოლოდ იმ პირობით, რომ  
ისინი რომის ვასალები იქნებოდნენ. ამის შემდეგ ქართლის სამე-  
ფოს აღარ შექმლო სომხეთზე რაიმე უფლება განეცხადებინა.  
პართელებმა თავიანთ მხარეზე გადაიყვანეს აქამდე იბერიის გავლე-  
ნის ქვეშ მყოფი ალბანეთის სამეფოც. ამის მიუხედავად ქართლი  
მანაც ძლიერ სახელმწიფოდ რჩებოდა და კვლავ აქტიურად მო-  
წინაწილებდა წინა აზიის პოლიტიკურ ცხოვრებაში.

II საუკუნის განმავლობაში რომის იმპერატორები ცდილობდ-  
ნენ ქართლის სამეფოსთან კარგი ურთიერთობა ჰქონოდათ და ხელ-  
შეკრულებით გაფორმებული „მეგობრობა და მოკავშირეობა“ შეე-  
ნარჩუნებინათ, მაგრამ ქართლის მეფეებს თავი საკმაოდ დამო-  
უკიდებლად ეკირათ. მაგალითად, 128 წ. რომის იმპერატორმა  
ადრიანემ მცირე აზიაში ყოფნის დროს თავისთან მიიწვია აღმო-  
საველეთის სხვადასხვა ქვეყნის მეფეები და მმართველები. რო-  
მის იმპერატორმა ქართლის მეფე ფარსმან I-ის გულის  
მოსაგებად მას ძვირფასი საჩუქრები გამოუგზავნა. საჩუქრებს შო,  
რის იყო საომარი სპილო და 500 კაციანი რაზმი. ქართლის მე-  
ფემ იმპერატორს სამაგიერო საჩუქრები გაუგზავნა: დიდძალი  
ძვირფასეულობა და ოქროს ქსოვილის მოსასხამები, თვითონ კი  
მასთან გამოცხადება არ იკადრა. ამით განრისხებულმა რომის იმ-  
პერატორმა ბრძანება გასცა ამ მოსასხამებით გლადიატორები შეე-  
მოსათ და ისე გამოეშვათ ცირკის არენაზე. მისი საჩუქრების ასე  
აბუჩად აგდებით განაწყენებულმა ქართლის მეფემ გახსნა დარია-  
ლის კარი, გადმოიყვანა ალან-ოსთა მეომარი ტომები და რო-  
მის იმპერიის აღმოსავლეთ პროვინციებს შეუსია. ამით ქართლის  
მეფემ აგრძნობინა რომის იმპერატორს თავისი ძლიერება.

რომსა და ქართლს შორის ასეთი დაძაბული ურთიერთობა შე-  
დარებით მოწესრიგდა ადრიანეს სიკვდილის შემდეგ. რომის საიმ-  
პერატორო ტახტზე ასულმა ახალმა იმპერატორმა ანტონინე  
პიუსმა რომში სტუმრად მიიწვია ქართლის მეფე. ფარსმან I  
მრავალრიცხოვანი ამალით ჩავიდა რომში, მოლაპარაკების  
შემდეგ აქ გაიმართა დიდი ასპარეზობა, რომელშიც მონაწილეო-  
ბა მიიღო ქართლის მეფემ და მისმა ამალამ. ქართველთა ამ სტუმ-  
რობის აღსანიშნავად სპეციალური წარწერა გააკეთეს მარმარილოს  
დაფაზე, რომელიც რომის ფორუმის მოედანზე იყო გამოფენილი,  
ხოლო ცხენზე ამხედრებული ფარსმან მეფის ქანდაკება დაიდგა რო-  
მის ერთ-ერთ ტაძარში.

იბერიელი დიდაქის ას-  
ფარუე პიტიაზის ბეჭედი  
(II ს.).



4. რომის გაბატონება დასავლეთ საქართველოში. ანიკე-  
ტის აჯანყება. გახსხვავებული ვითარება იყო დასავლეთ საქარ-

ველოში. რომისთვის ეგრისი უფრო ხელმისაწვდომი იყო, ვიდრე ქართლი: ზღვის საშუალებით რომაელები ეგრისს ადვილად აღწევდნენ. გარდა ამისა, ეგრისში მათ არ ემუქრებოდათ უშუალო საფრთხე პართიის სახელმწიფოსგან. ამიტომ რომაელები აქ შედარებით თავისუფლად მოქმედებდნენ. ეგრისი მათ დაპყრობილ ქვეყნებს მიათვალეს და აქ საკუთარი მმართველები დააყენეს. ქვეყნის მთავარ ქალაქებში რომაელთა ჩარი იდგა. ეგრისის ბინადარი მოსახლეობის მდგომარეობა იმითაც გართულდა, რომ ამ პერიოდში გაძლიერდა მთაში მცხოვრები სხვადასხვა, შედარებით ჩამორჩენილი ტომების თავდასხმები და მასობრივი ჩამოსახლება. ისინი ტყვეებისა და ნადავლის ხელში ჩაგდების მიზნით თავს ესხმოდნენ კოლხეთის დასახლებულ პუნქტებს, ქალაქებს. მაგალითად, მათ გაძარცვეს ქ. პ ი ტ ი უ ნ ტ ი, დააცარიელეს დ ი ო ს კ უ რ ი ა და სხვ. რომაელები ამ მეკობრე მთიელებს კი არ ებრძოდნენ, არამედ მათთან საერთო ენის გამონახვას ცდილობდნენ და მათ ამ თავდასხმებისათვის აქეზებდნენ კიდევ, თუნდაც იმიტომ, რომ რომაელ მონათმფლობელებს ტყვე-მონები დიდი რაოდენობით სჭირდებოდათ. დასავლეთ საქართველოს მოსახლეობის ასეთი. განუკითხავი შევიწროების გამო აქ უცმაყოფილება დღითიდღე იზრდებოდა, რაც ძალე დიდ აჯანყებაში გადაიზარდა.

169 წ. შავი ზღვის სამხრეთ და აღმოსავლეთ სანაპიროს (პონტოს, კოლხეთის) მოსახლეობა აჯანყდა რომის წინააღმდეგ. აჯანყებას სათავეში ჩაუდგა ყოფილი მონა ანიკეტი. რომის იმპერატორმა აჯანყების ჩასაქრობად ჩარი გამოგზავნა. რომაელებმა დაამარცხეს ანიკეტი, რომელმაც თავი კოლხეთს (მდ. ხობის ხეობაში) შეაფარა. რომაელებმა იგი მაინც დაატყვევეს და სასტიკად დასაჯეს.

ანიკეტის აჯანყებამ რომს დაანახა, რომ იგი კოლხეთში ვერ გაბატონდებოდა. იბერიის გაძლიერებული სამეფოც დასავლეთ საქართველოს კვლავ შემოერთებას ცდილობდა. ამიტომ რომის საიმპერატორო კარი დათმობაზე წავიდა და იძულებული გახდა ეცნო ადგილობრივი მმართველობა. დასავლეთ საქართველოს ტერიტორიაზე ოთხი სამთავრო ჩამოყალიბდა: ლ ა ზ ე ბ ი ს, ა ფ შ ი - ლ ე ბ ი ს, ა ბ ა ზ გ ე ბ ი ს ა და ს ა ნ ი გ ე ბ ი ს, რომელთა მთავრები რომის ვასალებად ითვლებოდნენ.



არისტარქე კოლხელის დრახმა (ჩე. წ-ალ-მდე I ს.). არისტარქე პომპეუსის მიერ დასავლეთ საქართველოში დანიშნული მმართველი იყო.

**კითხვები**

1. რომელი სამეფოების მოკავშირე იყო იბერია რომაელების წინააღმდეგ?
2. რომელი ტომები მოსახლეობდნენ პონტოს სამეფოში? 3. გამოითვალეთ რამდენი წლის წინათ შემოესია პომპეუსს საქართველოს? 4. როგორ სარგებლობა

დნენ რომთან კავშირით ქართლის მეფეები? 5. აღწერეთ ფარსმან მეფის სტუმრობა რომში. 6. ქართლთან შედარებით რა განსხვავებული მდგომარეობაა ევრისში?

## დოკუმენტები

### 1. რომელი ისტორიკოსი დიონ კასიოსი (II—III სს.) იბერიაში პომპეუსის ლაშქრობის შესახებ

„იბერები ცხოვრობენ მდ. მტკვრის ორივე ნაპირზე და ემეზობლებიან ერთი მხრით ალბანელებს და მეორე მხრით არმენელებს. (პომპეუსს) მათთან უფრო ადრე მოუხდა შეხება ვიდრე მოელოდა. მათ (იბერიელთა) მეფეს არტაგს ეწინოდა, რომ პომპეუსი მის წინააღმდეგ წამოვიდოდა, ამიტომ მან გაუგზავნა ელჩები მეგობრობის წინადადებით, თვითონ კი ემზადებოდა, რათა მშვიდობაში დარწმუნებულს მოულოდნელად დასხმოდა თავს. მაგრამ პომპეუსმა გაიგო ამის შესახებ და პირველი თვითონ შეიჭრა მის ქვეყანაში, სანამ ის (არტაგი) შეძლებდა მომზადებას და მეტად ძნელგასაავალი ვიწროების დაკავებას, პომპეუსმა მოასწრო აკროპოლისამდე (არმაზ-ციხემდე) მისვლა, სანამ არტაგი მის მიახლოებას გაიგებდა... შეშინებულ არტაგს სრულიად არ ჰქონდა დრო მომზადებულიყო ბრძოლისათვის. იგი გადავიდა მდინარეზე და დაწვა ხიდი. ხოლო სიმაგრის დამცველები მისი გაქცევისა და ბრძოლაში დამარცხების გამო, დანებდნენ. პომპეუსმა ამგვარად ხელთ იგდო ვიწროები, ჩააყენა შიგ მცველები, დაიძრა იქიდან და დაიპყრო მდინარის გამოღმა მდებარე მთელი მხარე. როდესაც პომპეუსი უკვე მტკვარზე გადასვლას აპირებდა, არტაგმა გაგზავნა მასთან ელჩები ზავის თხოვნით და დაპირდა ნებაყოფლობით ხიდის აშენებას და სურსათის მიწოდებას. არტაგმა შეასრულა ორივე (პირობა), მაგრამ, როდესაც დაინახა, რომ პომპეუსი მდინარეზე გადმოვიდა, შეშინდა და გაიქცა მდინარე პელორისაკენ (არაგვისაკენ), რომელიც აგრეთვე მის სამეფოში მოედინებოდა. როდესაც პომპეუსმა დაინახა ეს, გაევიდა მას, დაეწია და დაამარცხა: ეიდრე მისი მშვილდოსნები თავის მოხერხებას გამოიყენებდნენ (პომპეუსი) ეცა მათ და უმაღლვე უკუაქცია. ამის შემდეგ არტაგი გადავიდა პელორზე (არაგვზე), დაწვა ხიდი და გაიქცა, ხოლო მის მეომართაგან ზოგიერთნი ბრძოლაში დაიღუპნენ, ზოგნი მდინარეზე გადასვლისას. მაგრამ მრავალნი გაიფანტნენ ტყეებში და რამდენიმე დღეს თავს იცავდნენ, ისრებს ისროდნენ ხეებიდან, რომლებიც იქ ძალიან მაღალია, მაგრამ შემდეგ, როდესაც ხეები გაკაფულ იქნა, ისინი დაიღუპნენ...“

### დავალება

დიონ კასიოსის აქ მოტანილი ცნობის მიხედვით უფრო სრულად გადმოეცით პომპეუსის იბერიაში შემოჭრის ისტორია.

**2. არმაზისხევში (მცხეთა) აღმოჩენილი ბილინგვის (არამეულ-ბერძნული ორენოვანი წარწერის) არამეული<sup>1</sup> ნაწილის ქართული თარგმანი**

„მე ვარ სერაფიტა, ფარსმან მეფის მცირე პიტიახშის ზევახის ასული, მეუღლე ფარსმან მეფის ეზოსმოდერის აგრიფის ძის იოდმანგანისა — ხსეფარნუგ მეფის მრავალი გამარჯვების მომპოვებელი ეზოსმოდერისა. ვაება ვაებისა! ის, ვინც იყო ახალგაზრდა და იმდენად კარგი და მშვენიერი, რომ არავინ იყო მისი მსგავსი სილამაზისა, გარდაიცვალა 21 წლისა“.

იგივე შინაარსისაა ბილინგვის ბერძნული ნაწილიც. ქვის ეს სტელა ერთ დროს აღმართული ყოფილა ზევახ პიტიახშის ასულის, უდროოდ გარდაცვლილი სერაფიტას საფლავზე.

### **დავალება**

მოტანილი წარწერის მიხედვით დაადგინეთ რა და რა მოხელები ჰყავდათ ქართლის მეფეებს.

### **8. რომელი ისტორიკოსი ტაციტუსი (I — II სს.) ანიკეტის აჯანყების შესახებ**

„პონტოში აჯანყდა მონა-ბარბაროსი, რომელიც ოდესღაც სამეფო ფლოტის უფროსი იყო. ეს იყო ანიკეტი, პოლემონის ყოფილი მონა, რომელსაც წინათ დიდი ძალა ჰქონდა და რომელიც გულნაკლული იყო სამეფო რომ პროვინციად აქცია (რომმა)... მან თავის მხარეზე გადაიბირა პონტოს (შავი ზღვის) ნაპირებზე მცხოვრები ხალხები და... საკმაოდ მრავალრიცხოვანი ბრბოთი შეიჭრა ტრაპეზუნდში... აქ განადგურებულ იქნა კოპორტა, რომელიც წინათ სამეფო დამხმარე რაზმი იყო... ანიკეტმა ცეცხლი წაუკიდა ფლოტსაც და დასცინოდა დაცარიელებულ ზღვას... ამიტომ იყო, რომ ბარბაროსები ამაყად დატურავდნენ ზღვაზე. სწრაფად ააშენეს ხომალდები, რომელნიც „კამარებად“ იწოდებოდა. ამ აჯანყებამ მიიპყრო ვესპასიანეს<sup>2</sup> ყურადღება. მან შეარჩია რაზმელები ლეგიონებიდან და მათ უფროსად დაუნიშნა გამოცდილი მხედარი ვირდი გემინი. ეს სარდალი თავს დაესხა დაქსაქსულ მტერს (აჯანყებულებს) და შერეკა ისინი ხომალდებზე... მდინარე ხომის შესართავთან დაეწია ანიკეტს, რომელსაც აქ თავი უშვირად ეგულებოდა, სედოხეზების<sup>3</sup> მეფის შემეწობის იმედით. ეს მეფე ანიკეტს გადაბირებული ჰყავდა მოკავშირედ ფულითა და საჩუქრებით (მაგრამ მოკავშირემ ულა-

<sup>1</sup> არამეული მთელს წინა აზიაში გავრცელებული ენა და დამწერლობა იყო.

<sup>2</sup> რომის იმპერატორი 69 — 79 წლებში.

<sup>3</sup> სედოხეზები — ადგილობრივი სატომო სახელია, დამახინჯებული უცხოელი ავტორის მიერ.



ლატა) — პირობა დასდო, რომ დალუპავდა ანიკეტს და ვასცა ლტოლვილნი. ასე მოელო ბოლო მონებთან ომს“.

## კითხვები და დავალება


1. რა მიზანს ისახავდა ანიკეტის აჩანებება? 2. ვინ იყო ანიკეტი? 3. როგორ წარმოართა აჩანებება და რატომ დამარცხდა იგი? გაიხსენეთ ძველი ქვეყნების ისტორიიდან მონების რომელი აჩანებებები იცით და შეადარეთ ისინი ანიკეტის აჩანებებს.

## § 8. რელიგია და კულტურა აღმავლანოვარივი ხანის საქართველოში

1. რელიგიური წარმოდგენები. პირველყოფილი-თემური წყობლების ხანაში ცალკეულ ტომებს თუ თემებს თავიანთი მფარველი ღვთაებები ჰყავდათ. აღმერთებდნენ ბუნების ძალებს, საგნებს, მოვლენებს. მაშინდელი ადამიანების წარმოდგენით ეს ღვთაებები ალქურვილნი იყვნენ ზებუნებრივი ძალითა და თვისებებით: ისინი ამყარებდნენ წესრიგს ბუნებასა და საზოგადოებაში, ჰქონდათ დიდი ფიზიკური და მხედრული, ძლიერება, შეეძლოთ ბუნებაში სიცოცხლის განახლება და აღორძინება. მათ პატივსაცემად იმართებოდა რელიგიური რიტუალები და ცერემონიები. ერთ-ერთი ასეთი რიტუალური სცენა გამოსახულია ზემოთ უკვე დასახელებულ თრიალეთის ვერცხლის თასზე. ასეთივე გამოსახულებები მოიპოვება არქეოლოგების მიერ აღმოჩენილ სხვადასხვა ნივთებსა და იარაღებზე. ბევრი ამ რელიგიური რიტუალიდან შემორჩენილია ხალხურ ყოფასა და ტრადიციებში. მაგალითად, უკანასკნელ დრომდე საქართველოს სხვადასხვა კუთხეში იმართებოდა ხოლმე სახალხო წარმოდგენები, დღესასწაულები: ბერიკაობა, ყვენობა, ხატობები, რაც ამ უძველეს რელიგიური რიტუალების სახეშეცვლილ გადმონაშთებს წარმოადგენს.

უძველესი რელიგიური წარმოდგენები შემორჩენილია ძველ ქართულ ხალხურ მითებსა და ზღაპრებში. გავიხსენოთ, რომ ჩვენი ზღაპრების გმირები ხშირად ჩადიან ქვესკნელში, ადიან ზეცაში, სადაც ხედებიან და ელაპარაკებიან მზეს, მთვარეს, ვარსკვლავებს, რომლებსაც ადამიანების თვისებები და გარეგნობა გააჩნიათ. მზე ქალის სახით ჰყავთ წარმოდგენილი, მთვარე — მამაკაცის, ასევე ამინდისა და ღრუბლების ღმერთი ტაროსიცი მამაკაცია და სხვ.

ქართველ ტომთა სახელმწიფოებრივი გაერთიანებების წარმოქმნასთან ერთად ხდება მათი რელიგიური წარმოდგენების დაახლოება-შერწყმა, ცალკეულ ღვთაებებს შორის გარკვეული წესრი-




არმაზის ხეივანში პიტიახშო ნეკროპოლისში აღმოჩენილი ძვირფასი ყელსაბამები. ძველი იბერიის საიუველირო ხელოვნების შესანიშნავი ნიმუშები (II ს. ბოლო).

გისა და იერარქიის (უფროს-უმცროსობის) დამყარება. ქართველების უმაღლეს ღვთაებად მთვარის ღვთაება იქცა. მთვარე მეომარი მამაკაცის სახით ჰყავდათ წარმოდგენილი. მის წმინდა ცხოველად ხარი ითვლებოდა, ამიტომ მას ხშირად ხარს შესწირავდნენ ხოლმე. ხარის რქები ნახევარმთვარის ფორმისაა, ამიტომ ძველ საკულტო შენობებში, ასევე ჩვეულებრივ საცხოვრებელ სახლებში ხშირად ხარის რქების გამოსახულებებს ანდა თვითონ ხარის თავებს ვხვდებით. ხარის კულტის ასეთი გავრცელება საქართველოში სამიწათმოქმედო მეურნეობის დაწინაურების შედეგი იყო.

როგორც უკვე აღვნიშნეთ, ქართული საისტორიო ტრადიციით ქართლის პირველმა მეფემ ფარნავაზმა მთვარე ღვთაებად არმაზი გამოაცხადა. ეს იგივე ძველი ქართველების მთვარის ღვთაება იყო, მხოლოდ ამჯერად სხვა ღვთაებების თვისებებითაც აღჭურვეს და სახელიც არმაზი უწოდეს, რაც ხეთურად სწორედ მთვარის ღვთაებას ნიშნავდა. ეს სახელი, ისევე როგორც ბევრი სხვა კულტურული ელემენტი, ამ დროს ქართლში შემოიტანა მცირე აზიიდან მოსულმა მესხურ ტომთა ნაკადმა.

არმაზის ქანდაკება აღმართული იქნა მცხეთის პირდაპირ მაღალ მთაზე, რომელსაც შემდეგ არმაზის მთა ეწოდა. ეს იყო სპილენძისგან ჩამოსხმული მეომარი მამაკაცი ოქროს აბჯრითა და



უფლისციხის ნაქალაქარი.  
თეატრონის ნაშთი.

მუზარადით, რომელსაც თვალების მაგივრად ძვირფასი ქვები ჰქონდა ჩასმული და ხელთ ეპყრა მახვილი. მისი დღეობა ზაფხულის ბოლოს ტარდებოდა, რომლის დროსაც ფერადი ქსოვილებითა და ყვავილებით მორთულ მცხეთის ქუჩებში იმართებოდა ხალხმრავალი რიტუალური მსვლელობა. ამ მსვლელობაში მონაწილეობას იღებდა სამეფო ოჯახიც. არმაზის ღვთაებას მსხვერპლად სწირავდნენ ბავშვებს.

არმაზის მთის მოპირდაპირე მთაზე აღმართულ იქნა ზ ა დ ე ნ ის კერპიც. არმაზის გვერდით იდგა სხვა ღვთაებების ქანდაკებებიც, რომლებსაც ძველი ქართველები მიიჩნევდნენ სხვადასხვა ძალის განსახიერებად და დიდ თაყვანს სცემდნენ.

2. კულტურა. როგორც დავინახეთ, ქართველ ტომთა უძველეს სახელმწიფოებრივ გაერთიანებებს (დიოხის, კოლხას და სხვ.) და შემდეგ ეგრისისა და ქართლის სამეფოებს მჭიდრო ეკონომიკური და პოლიტიკური კავშირები ჰქონდათ როგორც წინა აზიის ქვეყნებთან, ისე საბერძნეთთან და რომთან. ეს ურთიერთობანი აისახებოდა ქვეყნის კულტურულ განვითარებაშიც. ქართველ ხალხს მისი საზოგადოებრივი მდგომარეობის შესაბამისი საკმაოდ მაღალი თვითმყოფადი კულტურა ჰქონდა, მაგრამ იგი კარჩაკეტილი და გარესამყაროსგან მოწყვეტილი როდი იყო, პირიქით, ქართული კულტურა ითვისებდა ყველაფერ საუკეთესოს, რაც მის ახლო, თუ შორეულ მეზობელ ქვეყნებში იქმნებოდა. საქართველო თავისი გეოგრაფიული მდებარეობით წარმოადგენდა ბუნებრივ ხიდს


აღმოსავლეთსა და დასავლეთს შორის, ამიტომ აქ ხდებოდა აღმოსავლეთიდან და დასავლეთიდან მომდინარე ტრადიციების საინტერესო შერწყმა. ეს გარემოება ძალზე თავისებურ იერს აძლევდა ქართულ კურტურას მთელი მისი არსებობის მანძილზე.

ძველი ბერძენი გეოგრაფის სტრაბონის მოწმობით მაშინდელ საქართველოში მრავლად იყო ქალაქები, რომლებიც ხუროთმოძღვრული ხელოვნების წესების მიხედვით იყო ნაგები. ასეთი ქალაქები იყო აღმოსავლეთ საქართველოში მცხეთა არმაზის ციხით, ურბნისი, უფლისციხე. არქეოლოგიურმა გათხრებმა სავსებით დაადასტურა ბერძენი ავტორის ეს ცნობა.

განსაკუთრებით უნდა აღინიშნოს კლდეში ნაკვეთი ქალაქი უფლისციხე, სადაც სხვადასხვა დანიშნულების ნაკვეთ-ნაგებობებს შორის შემორჩენილია ანტიკური თეატრის შენობაც. მცხეთისა და მისი მიდამოების არქეოლოგიურმა შესწავლამ ადგილობრივი მაღალგანვითარებული კულტურის ბრწყინვალე ნიმუშები გამოავლინა. აქ აღმოჩენილ იქნა ძველი სასახლეებისა და ტაძრების ნაშთები და, რაც განსაკუთრებით აღსანიშნავია, ანტიკური ხანის აბანოები. აბანო ამ პერიოდის დიდკაცობისათვის დასვენება-გართობისა და ფიზიკური ვარჯიშის ადგილიც იყო. აბანო რთულ ნაგებობას წარმოადგენდა. იგი რამდენიმე დარბაზისაგან შედგებოდა ცხელი და ცივი წყლის აუზებით, წყლისა და ჰაერის გასაცხლებელი იატაკქვეშა მოწყობილობით. წყალს თიხის მი-



თიხის ქანდაკება. სარკინეთოდან (II ს.).



არმაზის ხევი აღმოჩენილი აბანოს ნაშთები. ჩანს მრგვალი აგურით ნაგები კალორიფერის სვეტები, რომლებიც ზემოდან თლილი ფილაქვებით იყო გადახურული. კალორიფერის სვეტებს შორის ცხელი ჰაერი მოძრაობდა და ათბობდა ზემოთ მოთავსებულ დარბაზს.



მცხეთაში აღმოჩენილი აკლამა (11 ს.).

ლებით აწოდებდნენ. იატაკი მოზაიკით იყო მოხატული, რაც თავისთავად ხელოვნების საუცხოო ნიმუშს წარმოადგენდა. ასეთი აბანოების ნაშთი აღმოჩნდა მცხეთასთან, არმაზის ხევში, ძალისასთან, აგრეთვე დასავლეთ საქართველოში. მცხეთასთან აღმოჩნდა შედარებით კარგად შემონახული სამეფო აკლამაც, რაც ამ პერიოდის სააშშენებლო ხელოვნების მაღალ განვითარებას მოწმობს.

დასავლეთ საქართველოში დაბა ვანის ტერიტორიაზე არქეოლოგებმა გათხარეს და შეისწავლეს ამ პერიოდის ნაქალაქარი, სადაც აღმოჩნდა სხვადასხვა საკულტო და საერო ნაგებობების ნაშთები: მრგვალი ტაძრის ნანგრევები, შეიღებულხურია-ნი საკურთხეველი, ქვით მოკირწყლული ქუჩები, კოშკები და სხვ. აღმოჩნდა აგრეთვე ძველი ნაგებობების დეკორაციულად გაფორმებული სვეტისთავები. აქვე აღმოჩენილ მრავალრიცხოვან ნივთებს შორის გამოირჩევა გამარჯვების ქალღმერთ ნიკეს ბრინჯაოს ფიგურა, რომელიც აგვირგვინებს სარიტუალო ქურჭელს.

ანტიკური პერიოდის ქალაქი იყო ციხე-გოჯიც, რომელსაც ბერძნები არქეოპოლისს, ანუ ძველ, ქალაქს უწოდებდნენ. ამ ნაქალაქარის (ნოქალაქევის) გათხრები ამჟამადაც გრძელდება.


ადრეკლასობრივი ხანის ქართული კულტურის მაღალ დონეს მოწმობს ბრინჯაოსა და რკინის შესანიშნავი ნაკეთობანი, საომარი და სამუშაო იარაღების ფორმების სრულყოფა და მხატვრული გაფორმება, მაღალი გემოვნებით დამზადებული სამკაულე-

ვანის ნაქალაქარის კარიბჭე სამლოცველოს ნაშთით (ჩე. წ-ალ-მდე 111—11 სს.). ვანის ნაქალაქარში აღმოჩენილი გამარჯვების ქალღმერთის ნიკეს ქანდაკება (ჩე. წ-ალ-მდე 11 ს.).



ბი, საოჯახო ნივთები, ოქრომკვდლობისა და ლითონის მხატვრულად დამუშავების ბრწყინვალე ძეგლები, რომლებიც დიდი რაოდენობითაა აღმოჩენილი საქართველოს მთელ ტერიტორიაზე.

**8. დამწერლობის ძეგლები.** მეცნიერთა შორის დიდ კამათს იწვევს ქართული დამწერლობის წარმოშობის საკითხი. საისტორიო ტრადიციით ქართული ანბანი შექმნა ქართლის პირველმა მეფე ფარნავაზმა, მაგრამ ჭეղაჭეღობით ჩვ. წ-ალ-ის V საუკუნეზე ადრინდელი ქართულად შესრულებული წარწერა აღმოჩენილი არ არის. საქართველოში იხმარებოდა ბერძნული და მთელს მახლობელ აღმოსავლეთში გავრცელებული არამეული დამწერლობა. ამ ენებზე შესრულებული არაერთი წარწერაა აღმოჩენილი საქართველოში. როგორც ვარაუდობენ, მათ გვერდით უნდა ყოფილიყო გამოყენებული ამ ანბანების საფუძველზე შექმნილი ქართული დამწერლობაც, რომელიც სულ უფრო და უფრო მეტ სრულყოფას განიცდიდა. საბოლოოდ მან ჩამოყალიბებული სახე მიიღო ქრისტიანობის შემოსვლის შემდეგ.




არმაზის არამეულწარწერაში სტელა (II ს.) ქართული ასომთავრული მსგავსი ნიშნებით.



ქვევრის ნატეხი ს. დაბლაგომიდან (ძვ. წ. IV—III სს.). ქართული ასომთავრული „ღ“-ონის მსგავსი ნიშნით.

### კითხვები

1. რა ცვლილებები განიცადა ქართულმა წარმართულმა რელიგიამ სახელმწიფოს წარმოქმნასთან ერთად? 2. დაასახელეთ ძველი ქართველების მთავარი ღვთაებები. 3. რომელი ძველი ქართული ქალაქებია შესწავლილი არქეოლოგების მიერ? 4. რა ვიცით ქართული დამწერლობის წარმოქმნის შესახებ?





## ფ ე ო დ ა ლ უ რ ი    წ ყ ო ბ ი ლ ე ბ ა

### ა. ადრინდელი ფეოდალიზმი

III ტ ა ვ ი

## საქართველო ადრეფეოდალური ურთიერთობის ხანაში

### § 7. საქართველო ფეოდალური ურთიერთობის საწყის ეტაპზე

1. ფეოდალური ურთიერთობის ჩასახვა და განვითარება საქართველოში. როგორც დავინახეთ, ახ. წ -ის პირველ საუკუნეებში ქართლის (იბერიის) სამეფო აქტიურად გამოვიდა მსოფლიო ასპარეზზე. მას მკიდრო პოლიტიკური, კულტურული და სავაჭრო-ეკონომიკური კავშირ-ურთიერთობა ჰქონდა დამყარებული მაშინდელი მსოფლიოს ისეთ უძლიერეს და მოწინავე ქვეყნებთან, როგორც იყო რომი და პართია. ყოველივე ეს აჩქარებდა თვითონ ქართლის მოსახლეობის საზოგადოებრივ განვითარებას. მაგრამ მთავარი იყო ის, რომ ამ პერიოდში სწრაფად ხდება სამუშაო იარაღების გაუმჯობესება, განსაკუთრებით რკინის იარაღის საყოველთაო გავრცელება და დანერგვა, რაც იწვევდა მეურნეობის შემდგომ დაწინაურებას. რკინის სახნისიანი სახენწლით უფრო ადვილად და მეტი რაოდენობით ითვისებდნენ ახალ მიწებს. ამავე დროს, სულ უფრო და უფრო ვითარდებოდა სოფლის მეურნეობის ისეთი დარგები, როგორც იყო მებაღეობა-მევენახეობა, სარწყავი მიწათმოქმედება, სელის მოყვანა-დამუშავება, მესაქონლეობა. სამხედრო საქმის განვითარებასთან ერთად განსაკუთრებით ვითარდებოდა მეცხენეობა.

მეურნეობის ასეთი გაფართოება და ახალი დარგების დანერგვა მოითხოვდა ისეთ მუშახელს, რომელიც შრომის შედეგებით და მოსაგლიანობის გადიდებით დაინტერესებული იქნებოდა. ვერც

მონა და ვერც თავისუფალი ან ნახევრად თავისუფალი მეთემე ასეთ ინტერესს ვერ იჩენდა. მონას იძულებით ამუშავებდნენ და მოსავლიდან თითქმის არაფერს აძლევდნენ. მეთემე მხოლოდ მეურნეობის მარტივ, მამაპაპურ დარგებს მისდევდა. არაფერი ახლის დანერგვა მას არ სურდა. ამავე დროს იგი მცირე მოსავლით კმაყოფილდებოდა, რაც მხოლოდ მისი და მისი ოჯახის გამოკვებისათვის იქნებოდა საკმარისი.

მეურნეობის ახალი დარგების განვითარების შედეგად სწრაფად იშლებოდა თემი, თემური მიწათმფლობელობა კერძო, საოჯახო მიწათმფლობელობით იცვლებოდა. თემიდან გამოყოფილ მეთემეთა მცირე ნაწილი, რომელიც მეურნეობას უფრო უნარიანად წარმართავდა, მდიდრდებოდა, შეძლებული ხდებოდა, დიდი ნაწილი კი სამეფო და სხვა გადასახადების გამოღებას ვერ აუდიოდა და თანდათან ღარიბდებოდა. გაღარიბებული მეთემე იძულებული იყო ის მიწაც გაეყიდა, რაც მას თემის დაშლის შედეგად ჰქონდა შერჩენილი. მის მიწას შეძლებული და დაწინაურებული ყოფილი თანამეთემე ეუფლებოდა. ამ უკანასკნელთა როლი ქვეყნის ცხოვრებაში იზრდებოდა. ახალი ტიპის საომარი იარაღი (რკინის აბჯარი, მით უმეტეს ჯავშანი, რკინის ხმალი, სატყეარი და სხვ.) მეტად ძვირი იყო და მისი შეძენა მხოლოდ შეძლებულ პირებს შეეძლოთ. ამიტომ სამეფო ჯარის ძირითადი ნაწილიც ასეთი შეძლებული პირებისაგან კომპლექტდებოდა. ერთგული სამსახურის უზრუნველყოფის მიზნით მეფე მთელ რიგ შეღავათებს ანიჭებდა მათ, ათავისუფლებდა გადასახადებისაგან, ასაჩუქრებდა მიწის ნაკვეთით, რომელზედაც ხშირად დამოკიდებული მეთემენი („სამეფო მონები“) ისხდნენ.

ასე იქმნებოდა, ერთი მხრივ, შეძლებულ, პრივილეგირებულ მიწისმფლობელთა ფენა, რომლებსაც წ ა რ ჩ ი ნ ე ბ უ ლ ე ბ ი, ანუ აზნაურები<sup>1</sup> ეწოდებოდა და, მეორე მხრივ, შეუძლებელ, უქონელ და უუფლებო გ ლ ე ხ თ ა<sup>2</sup> ფენა. უმიწოდ დარჩენილი გლეხი იძულებული ხდებოდა მისულიყო მიწისმფლობელ წარჩინებულთან, ანუ აზნაურთან და მიწა მისგან მიეღო გარკვეული ვალდებულებების პირობით. ასეთი გლეხი აზნაურის



ქართულ-სასანური  
ვერცხლის მონეტა, VI ს.

<sup>1</sup> სიტყვა აზნაური ორი ნაწილისაგან შედგება: აზნა — ძველ სპარსულში დაწინაურებულს, წარჩინებულს ნიშნავდა, ური — ჩვეულებრივი ქართული ბოლოსართია, რომელიც თვისებას, წარმომავლობას, ამა თუ იმ ჯგუფისადმი კუთვნილებას აღნიშნავს.

<sup>2</sup> გლეხი ძველ ქართულში ნიშნავდა არაფრის მქონეს, ღარიბ-ღატაკს. დღესაც სიტყვა გლახა, გლახაკი, რაც გლეხის დიალექტურად შეცვლილი ფორმაა, ნიშნავს უუნაროს, ღატაკს, მათხოვარს.



ყ მ ო ბ ა შ ი<sup>1</sup> ექცეოდა. აზნაური მიწას თვითონ აღარ ამუშავებდა და იწყებდა ამ ყმა-გლეხის შრომის ექსპლოატაციას. ამრიგად, ყოფილ თავისუფალ და დამოკიდებულ მეთემეთა დიდი ნაწილი ყმა-გლეხად იქცეოდა, რომლებსაც აზნაურები ნებაყოფლობით ან ძალით იქვემდებარებდნენ. შუა საუკუნეების ისტორიიდან თქვენ იცით, რომ ასეთ პირებს დას. ევროპაში ფეოდალები ეწოდებოდნენ. მიწისმოქმედი მოსახლეობის დიდი ნაწილი ამ ფეოდალებისადმი დამოკიდებულებაში ექცეოდა.

მონებსაც შრომის ნაყოფიერების გაზრდის მიზნით მათი მეპატრონენი მიწის ნაკვეთებს აძლევდნენ, მოწეული მოსავლის ნაწილს უტოვებდნენ და იმის უფლებასაც რთავდნენ, რომ თავისი ოჯახი ჰყოლოდათ. ესენიც საბოლოოდ ყმა-გლეხის მდგომარეობაში ექცეოდნენ. ამრიგად, ქვეყანაში ფეხს იკიდებდა ფეოდალური ურთიერთობა.

ეს პროცესი ხანგრძლივი დროის განმავლობაში და მწვავე კლასობრივი ბრძოლების ვითარებაში მიმდინარეობდა. თავისუფალი მეთემენი ადვილად როდი თმობდნენ ძველ უფლებებს და თავდადებით იბრძოდნენ მათი შენარჩუნებისათვის. საბოლოო წარმატება მაინც კარგად შეიარაღებულ და ორგანიზებულ ფეოდალებს რჩებოდათ. თემური მიწათმფლობელობის და წყობილების გადმონაშთები მაინც დიდხანს იყო საქართველოში შემორჩენილი. ამ ხანას ადრინდელი ფეოდალიზმის ხანა ეწოდება.



სასანიანი პიტიაშის გამოსახულება მცხეთაში აღმოჩნულ ვერცხლის ლარნაკზე.

**2. საქართველო III — IV საუკუნეებში. ქრისტიანობის სახელმწიფო რელიგიად გამოცხადება.** III საუკუნიდან ქართლის საგარეო პოლიტიკური მდგომარეობა მკვეთრად გაუარესდა. ეს გამოწვეული იყო პირველ რიგში იმით, რომ ჩვენი ქვეყნის სამხრეთით პართიის სახელმწიფოს ადგილას ახალი უფრო ძლიერი და აგრესიული ირანის სახელმწიფო ჩამოყალიბდა სასანიანთა დინასტიით სათავეში. სასანიანმა შაჰებმა ქვეყანა ცენტრალიზებულად მოაწყვეს, აღადგინეს ძველი ირანული რელიგია — მაზდეიანობა, ახუ ცეცხლთაყვანისმცემლობა და ენერგიულად დაიწყეს ბრძოლა მეზობელი, პირველ რიგში, ამიერკავკასიის ქვეყნების დასაპყრობად. მათ დაამარცხეს რომის იმპერია, რომელიც ამ დროს სულ უფრო და უფრო სუსტდებოდა და შეუდგნენ აღმოსავლეთიდან მის საბოლოოდ განდევნას.

<sup>1</sup> ყმა წარმოდგება სიტყვიდან ყრმა, რაც ახალგაზრდა ვაჟიშვილს ნიშნავდა. ყრმა მამის მორჩილი უნდა ყოფილიყო, ამდენად ყმობა სხვის მორჩილებაში და მფარველობის ქვეშ ყოფნას ნიშნავდა.


IV საუკუნის დასაწყისში რომის სახელმწიფო რელიგიად ქრისტიანობა იქცა. სასანიდურმა ირანმა რომის საპირისპიროდ კავკასიის ქვეყნებში თავისი რელიგიის — მაზდეანობის ძალით გავრცელება იწყო. ასეთ ვითარებაში ქართველმა პოლიტიკოსებმა გადაწყვიტეს ქრისტიანობა მიეღოთ და ამით სასანიდების წინააღმდეგ რომთან კავშირი განემტკიცებინათ.

ქრისტიანული რელიგია წარმოიქმნა რომის იმპერიის აღმოსავლეთ პროვინციებში ახალი წელთაღრიცხვის I საუკუნეში. იგი თავდაპირველად ჩაგრულთა რელიგია იყო, რომელიც თავის მიმდევრებს მოუწოდებდა მოთმინებას, ამქვეყნიური გაჭირვების უდრტეხივლად ატანას. ეს რელიგია ქადაგებდა, რომ არ გაეწიათ წინააღმდეგობა ბოროტებისთვის, შეგუებოდნენ გაჭირვებას და სხვ. ეს პრინციპები კარგად შეესაბამებოდა აღმავალი ფეოდალური საზოგადოების ინტერესებს და ამიტომ მალე იგი ფეოდალური კლასის იდეოლოგიად იქცა.

საქართველოში ქრისტიანობა უკვე პირველ საუკუნეში ვრცელდება. IV საუკუნის პირველ ხახევარში კი (დაახლოებით 337 წ.) იგი მიიღო ქართლის მეფე მირიანმა და მისმა კარმა. უფრო გვიან ქართულმა ქრისტიანულმა ეკლესიამ შეიმუშავა ოფიციალური ვერსია საქართველოს გაქრისტიანების შესახებ, რომელშიც სინამდვილესთან ერთად ბევრი სასწაულებრივი ამბებიც იყო შეტანილი.



სტელა—ჭვარი ბოლნისიდან ასომთავრული წარწერით.



ბოლნისის სიონი (V ს. ბოლო). აღმოსავლეთის ფასადი.

გაღმოცემით ქრისტიანობა ქართლში უცხოეთიდან მოსულმა ქალმა ნინო კაბადოკიელმა იქადაგა. მან თავდაპირველად სახელი გაითქვა, როგორც შესანიშნავმა მკურნალმა. ბოლოს მძიმე სენით შეპყრობილი დედოფალი ნანაც მორაჩინა და გააქრისტიანა. ასევე უქადაგა ქრისტიანობა მეფე მირიანსაც, მაგრამ მირიანი არ თანხმდებოდა ამ ახალი რელიგიის მიღებას, ვიდრე სასწაული არ მოხდებოდა. ერთხელ ნადირობის დროს ჩამოხვდებოდა. მეფე მირიანმა და მისმა ამაღამ ტყიდან გზა ვერ გაიკვლია. მეფე ბევრს ევედრებოდა თავის მამაპაპეულ ღმერთებს, მაგრამ მხოლოდ მაშინ განათდა, როდესაც მირიანმა ნინოს მიერ ქადაგებულ ქრისტეს მიმართა თხოვნით, ამის შემდეგ ქართლის მეფემ იწაბა ნინოს სარწმუნოების კემმარტება და დაუყოვნებლივ მოინათლა.

ქრისტიანობა ქართლში სწრაფად გავრცელდა, თუმცა ისეთ კუთხეებში, სადაც მოსახლეობა ჯერ კიდევ თემური წყობილებით ცხოვრობდა, მამაპაპეულ რელიგიას ჯიუტად იცავდნენ და მეფის ხელისუფლებას ძალის გამოყენებაც მოუხდა. ასე იყო, მაგალითად, არაგვის ხეობის მოსახლეობაში (იხ. დოკ. 1), კახეთის მთიანეთში და სხვ.

დასავლეთ საქართველოში რომთან უფრო მჭიდრო კავშირისა და გეოგრაფიული სიახლოვის გამო ქრისტიანობა ადრინდნვე გავრცელდა. 325 წ. ქ. ნიკეაში გამართულ პირველ მსოფლიო საეკლესიო კრებას ესწრებოდა ბიჭვინთის ეპისკოპოსიც. როგორც ჩანს, სახელმწიფო რელიგიად ქრისტიანობა ეგრისშიც IV საუკუნიდან უნდა ქცეულიყო.

ქრისტიანობის შემოსვლა აჩქარებდა ფეოდალური ურთიერთობის დამკვიდრებას, ამიტომ იგი ამ ეტაპზე უსათუოდ დადევ-



მოზაიკური იატაკის ფრაგმენტი ბიჭვინთის ტაძრიდან (V—VI სს.).

ბით როლს ასრულებდა ქვეყნის საზოგადოებრივ განვითარებაში. ამას გარდა, ქრისტიანობა წიგნიერი რელიგია იყო, იგი ხელს უწყობდა ერთიანი ქართული კულტურის, ენისა და ლიტერატურის განვითარებას. ქართულმა დამწერლობამ ამ დროიდან მიიღო უკვე საბოლოოდ ჩამოყალიბებული, დახვეწილი სახე და იგი ფართოდ გავრცელდა მთელს საქართველოში. ქრისტიანობა დაუნდობლად ებრძოდა ძველ რელიგიას. ამ პერიოდში მოისპო და განადგურდა წინაქრისტიანული, წარმართობისდროინდელი ქართული კულტურის ბევრი ძეგლი, მათ შორის, ალბათ, ძველი დამწერლობის ნიმუშებიც.

8. ქართველი ხალხის ბრძოლა უცხოელი დამპყრობლების წინააღმდეგ IV ს. ბოლოს და V ს. პირველ ნახევარში. IV ს. ბოლოს და V ს. I ნახევარში ირანის სასანიანი შაჰები იბრძვიან ამიერკავკასიის ქვეყნების დასაპყრობად. თავდაპირველად მათ შეძლეს როგორც სომხეთისა და ალბანეთის, ისე ქართლის დახარკვა. უკვე IV საუკუნის ბოლო წლებში მათი მოხელე პიტიახში ციხე-ქალაქ თ ბ ი ლ ი ს შ ი იჭდა, აქედან აკონტროლებდა ქართლის მეფის მოქმედებას და განაგებდა ხარკის აკრეფის საქმეს. ქართლის მოსახლეობისთვის მძიმე იყო ირანის სასარგებლო სამხედრო ვალდებულება. აქ დროდადრო იკრიბებოდა ცხენოსანი ჯარი და იგზავნებოდა შორეულ ლაშქრობებში (მაგალითად, შუა აზიაში, ინდოეთში და სხვ.). დიდი ნაწილს ამ გაწვეულ მოლაშქრეთაგან სამშობლოში ვეღარ ბრუნდებოდა. ამით—ორაწილი დამპყრობლები ასუსტებდნენ ქართველი ხალხის ძალასა და წინააღმდეგობის უნარს.

428 წ. ირანელებმა გააუქმეს მეფობა სომხეთში და ქვეყანა აუტანელი ჩაგვრის უღელქვეშ მოაქციეს. მალე მეფობა გააუქმეს ალბანეთშიც. ქართლის მდგომარეობა სულ უფრო და უფრო მძიმე და კრიტიკული ხდებოდა.


IV — V სს. მნიშვნელოვანი ცვლილებები მოხდა დასავლეთ საქართველოშიც. მის განვითარებაში დიდ როლს ასრულებდა ურთიერთობა რომის სახელმწიფოსთან. IV საუკუნის ბოლოს რომის სახელმწიფო ორ ნაწილად გაიყო: დასავლეთ და აღმოსავლეთ რომის იმპერიებად. აღმოსავლეთ რომის იმპერია ძირითადად საბერძნეთს და მისგან აღმოსავლეთით მდებარე პროვინციებს მოიცავდა. მისი დედაქალაქი იყო კონსტანტინოპოლი, რომელიც ბოსფორის სრუტეზე მდებარეობდა. მას ადრე ბიზანტიონი ერქვა, ამიტომ ამ იმპერიას ბ ი ზ ა ნ ტ ი ი ს ი მ პ ე რ ი ა ს ა ც უწოდებენ.

ბიზანტიის საიმპერატორო კარი ცდილობდა მტკიცედ მოეკიდებინა ფეხი დას. საქართველოს ტერიტორიაზე, მაგრამ ადგილობ-

რივი მოსახლეობა შეუწელებლად ებრძოდა დამპყრობლებს.

I — II საუკუნეებში დასავლეთ საქართველოს ტერიტორიაზე არსებულ სამთავროებს შორის ყველაზე მეტად დაწინაურდა ლაზების სამთავრო, რომელმაც თანდათან დაიმორჩილა მთლიანად დასავლეთ საქართველო და IV ს. დასასრულისათვის ერთიან სამეფოდ ჩამოყალიბდა (იხ. დოკ. 2). ამ სახელმწიფოს ბიზანტიელები ლ ა ზ ი კ ა ს უწოდებდნენ, ხოლო ქართველები, ტრადიციულად ე გ რ ი ს ს. მისი დედაქალაქი იყო ც ი ხ ე - გ ო ჯ ი, რომელსაც ბერძნები „ა რ ქ ე ო პ ო ლ ი ს ს“, ანუ „ძველ ქალაქს“ ეძახდნენ. არქეოლოგიურმა გათხრებმა წარმოაჩინა ამ უძველესი ქალაქის დიდებული ნაგებობანი და თავდაპირველი სახე.

არქეოპოლისის (ციხეგოჯის, დღევანდელი ნოქალაქევი) გალავნის ნაშთი.



ეგრისის მოსახლეობამ ხანგრძლივი ბრძოლით გააძევა სანაპირო ციხეებში ჩაყენებული ბიზანტიელთა გარნიზონები და ფაქტობრივ დამოუკიდებლობას მიიღწია. ბიზანტიელებმა V ს. რამდენიმეჯერ გამოგზავნეს ჯარები, მაგრამ ეგრისელებმა ისინი დამარცხეს და უკუაქციეს.

### კითხვები და დავალება

1. შუა საუკუნეების ისტორიიდან გაიხსენეთ რა ნიშნებით ხასიათდებოდა ფეოდალური წყობილება? 2. როგორ ხდებოდა ფეოდალური წყობილების ჩასახვა საქართველოში? 3. როდის და რა პირობებში გამოცხადდა ქრისტიანობა სახელმწიფო რელიგიად საქართველოში? 4. რა მნიშვნელობა ჰქონდა ქრისტიანობის მიღებას ქართველი ხალხის შემდგომი სოციალური, პოლიტიკური და კულტურული განვითარებისათვის? 5. გვიამბეთ ამიერკავკასიის ხალხთა ერთობლივი ბრძოლების შესახებ ირანელი დამპყრობლების წინააღმდეგ, ეგრისის მოსახლეობის ბრძოლების შესახებ რომაელების წინააღმდეგ.

**1. ძველი ქართული საისტორიო წყარო (ლეონტი მროველი) ქრისტიანობის გავრცელების შესახებ ქართლის მთის რაიონებში**

„წარვიდა წმიდა ნინო და ეპისკოპოსი იოვანე და მათ თანა წარატანა<sup>1</sup> მეფემან ერისთავი ერთი. მივიდეს და დადგეს წობენს, და მოუწოდეს მთიულთა, პირუტყვეთა სახეთა მათ კაცთა, ქართალელთა, ფხოველთა, წილკანელთა და გუდამაყრელთა და უქადაგეს მათ სჯული ქრისტიანეთა ქეშმარიტი... ხოლო მათ არა ინებეს ნათლისღება. მაშინ ერისთავემან მეფისამან მკირედ წარმართა მახელილი მათ ზედა და ძლევით შემუსრნა კერპნი მათნი.

გარდმოვიდეს მუნით<sup>2</sup> და დადგეს ქალეთს და უქადაგეს ერწო-თიანელთა. ხოლო მათ შეიწყნარეს და ნათელ ილეს. ხოლო ფხოველთა დაუტყვევს ქვეყანა მათი და გარდავიდეს თუშეთს. და სხვანიცა მთიულნი უმრავლესნი არა მოიქცეს, არამედ დაუმძიმა<sup>3</sup> მათ მეფემან ხაკი, ოდეს არა ინებეს ნათლის ღება“.

**კითხვები**

1. რატომ გაატანა მეფემ ნინოს ერისთავი? 2. რატომ უწოდებს ავტორი მთიელებს „პირუტყვეთა სახეთა მათ კაცთა“? 3. რატომ ეწინააღმდეგებოდნენ მთიელები ქრისტიანობის მიღებას? 4. რა ზომას მიმართა მეფემ მთიელთა გასაქრისტიანებლად?

**2. ბიზანტიელი ისტორიკოსი აგათია ლაზების შესახებ**

„ძლიერი და მამაცი ტომია ლაზები და სხვა ძლიერ ტომებზედაც მბრძანებლობენ. ისინი ამაყობენ კოლხთა ძველი სახელით. იმ ტომებს შორის, რომელნიც სხვა სახელმწიფოს ექვემდებარებიან. მე არ მეგულება არც ერთი სხვა ასე სახელგანთქმული და განდიდებული თავისი სიმდიდრის სიუხვით, ისე ქვეშევრდომთა სიმრავლით, როგორც მიწაწყლის სიჭარბითა და მოსაელიანობით, ისე ხასიათის სილამაზითა და სიეჭვირით... ლაზები ზღვაშიც დასურავენ და ვაჭრობაშიც დიდ სარგებელს პოულობენ. მათ თავიანთი ცხოვრებისათვის სახელმწიფოებრივი და კანონიერი სახე მიუციათ“.

**კითხვები და დავალება**

1. რა იფიქსირება ავტორის ცნობაში: ლაზები ამაყობენ კოლხთა ძველი სახელით? 2. რა საქმიანობას ეწეოდნენ ლაზები? 3. აღწერეთ ლაზიკის (ეგრისის) სამეურნეო მდგომარეობა ამ ცნობის მიხედვით.

<sup>1</sup> წ ა რ ა ტ ა ნ ა — გააყოლა. <sup>2</sup> მ უ ნ ი თ — იქიდან. <sup>3</sup> დ ა უ მ ძ ი მ ა — გაუდიდა.

1. ირანის სამეფო კარის კავშირი ქართლის დიდზნაურებთან. IV — V საუკუნეების მანძილზე ქართლის მოსახლეობა კიდევ უფრო დაწინაურდა ფეოდალური ურთიერთობის განვითარების გზაზე. აზნაურთა გამრავლებულ ფენას გამოეყო უფრო გამდიდრებული და დაწინაურებული ნაწილი, რომლებიც დიდაზნაურებად იწოდებოდნენ. მათ ეკავათ სახელმწიფოს უმაღლესი სამოხელეო და საეკლესიო თანამდებობანი, ფლობდნენ და განაგებდნენ დიდ ტერიტორიებს მათზე მოსახლე ყმა-გლეხებითა და მეთემეებითურთ. ისინი ამ თანამდებობის და საგამგებლო ტერიტორიების მემკვიდრეობით დაუფლებას ცდილობდნენ, რასაც ქართლის მეფის ხელისუფლება გადაჭრით ეწინააღმდეგებოდა. ამის ნიადაგზე მეფესა და დიდზნაურებს შორის მწვავე კონფლიქტი წარმოიშვა, რაც მალე შეურიგებელ ბრძოლაში გადაიზარდა. ამით კარგად სარგებლობს შაჰის კარი და უკავშირდება ქართლის დიდზნაურებს, აქეზებს მათ საკუთარი მეფის წინააღმდეგ. ასეთი გზით ირანელი დამპყრობლები ქართლის საბოლოო დამორჩილებას გეგმავდნენ.

სპარსელების მხარეზე გადასული ერთ-ერთი ასეთი დიდაზნაური იყო ქვემო ქართლის განმგებელი პიტიახში ვარსკიენი. იგი ირანის შაჰის კარზე მიიწვიეს. იქ მან უარყო ქრისტიანობა და მახდენობა, ანუ ცეცხლთაყვანისმცემლობა მიიღო. ირანის შაჰმა მას თავისი ქალიც კი შერთო ცოლად და ქართლში დიდი პატივით გამოისტუმრა. სამშობლოში მის ასეთ საქციელს აღმფოთებით შეხვდნენ. განსაკუთრებით გამოიჩინა თავი ვარსკიენის პირველმა ცოლმა შუშანიკმა, რომელმაც მრავალი წამების მიუხედავად არ უარყო ქრისტიანობა და მტრის სარწმუნოებაზე არ გადავიდა. შუშანიკის ასეთი თავდადება აღწერა მისმა კარის მოძღვარმა იაკობ ცურტაველმა.

ამ დროს ქართლის ეკლესიაც უკვე ფეოდალურად იყო ორგანიზებული. ეკლესია-მონასტრებს დიდი სამფლობელოები გაუჩნდათ ძირითადად შეწირული მიწების სახით, რომლებსაც განაგებდნენ ამ ეკლესია-მონასტრების სათავეში მდგომი საეკლესიო დიდმოხელენი: მთავარეპისკოპოსები, ეპისკოპოსები, მონასტრების წინამძღვრები და სხვ. ეს უმაღლესი საეკლესიო თანამდებობანი ეკავათ ძირითადად დიდზნაურთა საგვარეულოების წარმომადგენლებს და, გასაგებია, ისინი მსხვილი ფეოდალების ინტერესების დამცველნი და გამტარებლები რომ იყვნენ.

ირანის შაჰის კარმა ქართულ ეკლესიასთან ურთიერთობის

გარკვეული პოლიტიკა გამოიმუშავა. სადაც ამას ახერხებდა, იქ იგი, რა თქმა უნდა, ცდილობდა დაენერგა ცეცხლთაყვანისმცემლობა, მაგრამ სადაც ამ საქმეში წარმატება არ ჰქონდა, იქ მხარს უჭერდა ქრისტიანობის ისეთ მიმდინარეობას, რომელიც ბიზანტიაში უარყოფილი, აკრძალული და დევნილი იყო. ამით შაჰის კარი ცდილობდა ბიზანტიის გავლენისაგან ჩამოეშორებინა აღმოსავლეთის ქვეყნები, რაც მისი დამპყრობლური გეგმების განხორციელებას გააადვილებდა.

ამ პერიოდში ქრისტიანობაში ორი ძირითადი მიმდინარეობა იყო: მონოფიზიტობა და დიოფიზიტობა. პირველი აღიარებდა ქრისტეს ერთბუნებიანობას, მის მხოლოდ ღვთაებრივ ბუნებას, მეორე კი თვლიდა, რომ ქრისტეს ორი ბუნება ჰქონდა — ღვთაებრივი და ადამიანური. ამ ორ მიმდინარეობას შორის ბიზანტიაში დიდი ბრძოლა წარმოებდა, რომელიც ბოლოს დამთავრდა დიოფიზიტობის გამარჯვებით. ბიზანტიაში მონოფიზიტობა აიკრძალა. ამის შემდეგ ირანმა მხარი დაუჭირა ბიზანტიის საწინააღმდეგო მონოფიზიტურ ქრისტიანობას. ასეთი გზით ირანის პოლიტიკოსები კავშირს ამყარებენ უმაღლეს საეკლესიო პირებთანაც და ისინიც გადაწყვეთ თავის მხარეზე. ასეთი რთული შინაპოლიტიკური ბრძოლების ვითარებაში ადის ქართლის სამეფო ტახტზე მეფე ვახტანგ გორგასალი.




ქვის მოჩუქრომებული ქვარი და ქვის სტელა ქართველი ღიღებულის გამოსახულებით (ბოლნისი, V ს.).

**2. ვახტანგ გორგასალი.** ვახტანგ გორგასალი ქართლში მეფობდა V საუკუნის მეორე ნახევარში. იგი სათავეში ედგა ქართველი ხალხის ბრძოლას ირანელი დამპყრობლების წინააღმდეგ და ბოლოს ამ ბრძოლაში დაიღუპა კიდეც. ამიტომ იყო, რომ ქართველმა ხალხმა ამ ქვეყნისთვის თავდადებული გმირი მეფის სახელი და სიყვარული დღემდე შემოინახა. მეფე ვახტანგის სახელი ლეგენდებით არის მოსილი და მის შესახებ არაერთი გადმოცემა და თქმულებაა დაცული ხალხში.

ვახტანგი სრულიად ახალგაზრდა ყმაწვილი ავიდა ქართლის ტახტზე. იგი ქართველთა ლაშქართან ერთად ირანში გაიწვიეს და შაჰის ბრძანებით მონაწილეობდა შუა აზიასა და ინდოეთში სხვადასხვა ბრძოლებში. ამ ბრძოლებში მას თავი გამოუჩენია, როგორც უბადლო მეომარსა და მხედართმთავარს. ირანიდან დაბრუნების შემდეგ ვახტანგმა დაიწყო ბრძოლა ქართლში მეფის ხელისუფლების განმტკიცებისათვის და მოლაღატე დიდაზნაურთა თვითნებობის აღსაკვეთად.

ვახტანგმა პირველ რიგში ყურადღება მიაქცია ქართულ ეკლესიას, რომელშიც, როგორც დავინახეთ, გაბატონებულნი იყვნენ დიდაზნაურები. მეფემ გადააყენა არაერთი ეპისკოპოსი, რომ-





ელიც შეუფერებლად მიაჩნდა. და მათ მაგივრად თავისი მომხრე და უფრო ღირსეული პირები დანიშნა. ამ ამბავმა იმდენად აღაშფოთა ქართლის მთავარეპისკოპოსი მიქაელი, რომ მან წარმოდგენელი მკრებელობა ჩაიდინა: შეუტაცხყოფა მიაყენა მეფე ვახტანგს და დაწყველა იგი და მისი ლაშქარი. განრისხებულმა ვახტანგმა მთავარეპისკოპოსი მიქაელი გააძევა საქართველოდან. ამევე დროს ვახტანგმა ბიზანტიისაგან მიიღო ნებართვა, რათა ქართული ეკლესიის სათავეში ჩაეყენებინა კათალიკოსი, რომელიც თვითმწყემსობის, ე. ი. ავტოკეფალიის უფლებით იქნებოდა აღტურვილი და მხოლოდ საქართველოს მეფეს დაექვემდებარებოდა.

ვახტანგ მეფემ შეუტია საერო ფეოდალებსაც — დიდაზნაუ-

რებს. მან საბაბად გამოიყენა შუშანიკის წამების ამბავი და 482 წელს სპარსელების სამსახურში ჩამდგარი ვარსკენ პიტიახში მოაკვლევინა. ეს იქცა სპარსელების წინააღმდეგ აჯანყების დაწყების ნიშნად. მეფე ვახტანგი შეუჯავშირდა მეზობელ სომხებსა და ალბანელებს და მათთან ერთად აპირებდა გამოსვლას. მას იმედოვნებდა, რომ დაიხმარებდა იმიერკავკასიაში მომთაბარე ჰუნთა მეომარ ტომებს. საამისოდ ვახტანგმა გაილაშქრა იმიერკავკასიაში, დაიმორჩილა ალან-ოსები და დაიკავა კავკასიონის ერთ-ერთი მთავარი გადმოსასვლელი კარი — დ ა რ ი ა ლ ი. მაგრამ მისი იმედი ამ მოკავშირეებისაგან დახმარების მიღებისა არ გამართლდა. ჰუნთაგან მხოლოდ 300 მეომრის გადმოყვანა მოხერხდა. სომეხი მსხვილი ფეოდალებიც, ნახარაები, ისევე როგორც ქართველი დიდბატონები, სპარსელებთან შეთანხმებას არჩევდნენ და გადამწყვეტ მომენტში საერთო საქმეს ღალატობდნენ.


თავდაპირველად აჯანყებულებს წარმატებები ჰქონდათ. მათ დაამარცხეს და საქართველოდან გააძევეს სპარსელთა ჯარის ნაწილები, მაგრამ 483 წელს ირანის შაჰმა ახალი დიდძალი ჯარი გამოგზავნა და ვახტანგს მარტო თავისი ძალებით მათთან შეხვედრა არ შეეძლო. ამიტომ აჯანყებულებმა სომხეთის მთებისაკენ დაიხიეს და გამაგრდნენ. იქ ელოდა ქართლის მეფე სომეხთა დამხმარე ძალებს. მართლაც ქართველების დასახმარებლად მოვიდა სომეხთა ლაშქარი ცნობილი მხედართმთავრის ვაჰან მაგიკონიანის მეთაურობით. ქართველ-სომეხთა შეერთებული ლაშქარი გარდაბნის ველზე დაბანაკდა, სადაც აპირებდნენ მტრის ჯართან შეხვედრას. მაგრამ ბრძოლის წინ ღალატმა იჩინა თავი. ზოგიერთმა სომეხმა ნახარამა სპარსელთა სარდალს აცნობა, რომ ბრძოლის დროს მის მხარეზე გადავიდოდა. მეორე დღეს, როცა აჯანყებულებმა მტერს შეუტიეს და მოწინააღმდეგის ერთი ფრთა უკუაქციეს კიდეც, მოღალატეებმა ბრძოლის ველი მიატოვეს და ამით მტერს გაუადვილეს გამარჯვება. ვახტანგ მეფე იძულებული გახდა უკან დაეხია და ახალი ბრძოლისათვის მომზადებულიყო.


484 წელს ქართლსა და სომხეთში ირანელთა დიდი ჯარი შემოვიდა. მის სარდალს ნაბრძანები ჰქონდა ვახტანგ მეფე ან შეეპყრო, ან მოეკლა. ძალები აშკარად უთანაბრო იყო, ამიტომ ქართლის მეფე იძულებული შეიქნა თავისი მომხრეებითურთ დასავლეთ საქართველოში გადასულიყო. მეფე ფიქრობდა აქ ძალების მოკრებას და ბიზანტიიდან დახმარების მიღებას. რამდენიმე ხნის შემდეგ ვახტანგ გორგასალი ქართლში დაბრუნდა და ირანის წინააღმდეგ აჯანყების ცეცხლი კვლავ დაანთო. დამოუკიდებლობისათვის ბრძოლაში მეფეს ძირითადად უბრალე ხალხი



ანჩისხატის ბაზილიკური ტაძარი თბილისში, VI ს.

სიონის გუმბათოვანი ტაძარი თბილისში (VI—VII სს.).





უქერდა მხარს, დიდგვარიანი აზნაურები კი კვლავ მტრის მხარეზე იყვნენ. ეს გარემოება მტერს ბრძოლას უადვილებდა.

უჯანსკნელი ბრძოლა ვახტანგ მეფემ სპარსელებს სამგორის ველზე გაუმართა. თავისი სიმამაცითა და გმირული შემაართებით იგი მტერს შიშის ზარს სცემდა. სადაც კი გამოჩნდებოდა, სპარსელები ატეხავდნენ ყვირილს „ერიდეთ გორგასალსო“ (გორგასალი სპარსულად მგლის თავს ნიშნავს. ვახტანგი ატარებდა მუზარადს, რომელზეც წინ მგლის თავი იყო გამოსახული. ამიტომ შეარქვეს ვახტანგ მეფეს გორგასალი) და თავქუდმოგლეჯილი გარბოდნენ. მეფე თავისი მაგალითით ქართველ მეომრებს ამხნევებდა და გამარჯვების რწმენას უნერგავდა, მაგრამ შინაგამცემლებმა მეფე ვახტანგი ბრძოლის დროს მოკლეს. როგორც გადმოგვცემენ, იგი ღალატით მოუკლავს მის ყოფილ მონას, რომელსაც სკოდნია, რომ ვახტანგს ჭაქვის პერანგი ილიის ქვეშ გახეული ჰქონდა. როდესაც ბრძოლის დროს მეფემ შემაართა ხმლიანი ხელი, მონაყოფილმა მას ისარი სტყორცნა და სასიკვდილოდ დაჭრა. ვახტანგი თანამებრძოლებმა ბრძოლის ველს გააცალეს და მის მიერ აგებულ უჯარმის ციხეში შეაფარეს, სადაც გმირი მეფე ჭრილობისაგან გარდაიცვალა. სამშობლოს დამოუკიდებლობისათვის ბრძოლაში დაღუპული ვახტანგ გორგასალი მცხეთის სვეტიცხოვლის ტაძარში დიდი პატივით დაკრძალეს (იხ. დოკ. 1).

უჯარმის ციხე-ქალაქი. ზედაციხე. კედლის წყობის ნიმუში საჩქმლებითა და თაღოვანი შესასვლელით.



მ. თბილისი — ქართლის დედაქალაქი. ვახტანგ გორგასალი ცნობილია დიდი აღმშენებლობითი მოღვაწეობითაც, მან არაერთი ციხე და ქალაქი გააშენა, მაგალითად, მდ. ივრის ხეობაში ციხე-ქალაქი უჭარმა, აღმოსავლეთ კახეთში ქერემი, ხორნაბუჯი. საქართველოს სამხრეთ-დასავლეთ ნაწილში არტანუჯის ციხე და სხვ. მის სახელთან არის დაკავშირებული თბილისის გაშენება და მისი დედაქალაქად გადაქცევა.

თბილისი IV საუკუნეში უკვე ცნობილი იყო, როგორც ციხე-ქალაქი. აქ იჯდა სპარსელთა მიერ დასმული მოხელე პიტიახში. მას შემდეგ, რაც ვახტანგმა სპარსელების წინააღმდეგ აჯანყება დაიწყო და ისინი ქართლიდან გააძევა, ყურადღება მიაქცია თბილისს, რომელსაც ხელსაყრელი გეოგრაფიული მდებარეობა ჰქონდა. ვახტანგმა თბილისში სამეფო სასახლისა და ციხის მშენებლობა დაიწყო. ეს საქმე გააგრძელეს მისმა მემკვიდრეებმა და ანდერძის თანახმად დედაქალაქიც აქ გადმოიტანეს.

ქართველმა ხალხმა შესანიშნავი ლეგენდა შექმნა თბილისის დაარსების შესახებ: ერთხელ ვახტანგ მეფე თბილისის მიდამოებში ნადირობდა. იქ მამინ ჯერ კიდევ უსიერი ტყე იყო. უცებ ბუჩქიდან ულამაზესი მამალი ხოხობი აფრინდა. მეფემ მას თავისი სანადიროდ გაწვრთნილი ქორი დაადევნა. ჰაერში გაიშართა ბრძოლა ხოხობსა და ქორს შორის. ბოლოს ორივე სადღაც გაუჩინარდა. დიდი ძებნის შემდეგ ნახეს, რომ ბრძოლით დაღლილი ქორიცა და ხოხობიც წყალში ჩაეარდნილიყო. წყალი ცხელი იყო და ორივე შიგ ჩაფუჭებულიყო. ცხელი წყალი დეამიწიდან ამოდიოდა. მეფეს მოეწონა ეს ადგილი, ბუნებრივი ცხელი წყალი და ბრძანა აქ ქალაქის გაშენება. თბილი წყლე-

თბილისის ძველი ციხის ნაშთები.



ვახტანგ გორგასლის ქან-  
დაკება მეტეხის პლატო-  
ზე. მოქანდაკე ელ. ამბ-  
აშვილი.



ბის გამო ქალაქს თბილისი (ძველი გამოთქმით ტფილისი) ეწო-  
და. ამ ლეგენდამი ასახულია ვახტანგის დამსახურება თბილისის  
გაშენებისა და შემდეგ დედაქალაქის აქ გადმოტანის საქმეში.  
არქეოლოგიური გათხრებით, რომელიც თბილისსა და მის მი-  
დამოებში დღესაც მიმდინარეობს. დადასტურდა, რომ მოსახ-  
ლეობა აქ უძველესი დროიდან, თვით ენეოლითის ხანიდან არ-  
სებობდა.

ვახტანგ გორგასალს ხალხმა დიდებული ლექსიც უძღვნა:

ვახტანგ მეფე ღმერთს უყვარდა,  
ციდან ჩამოესმა რეკა;  
იალბუზზე ფეხი შესდგა,  
დიდმა მთებმა შექმნეს დრეკა.

### კითხვები და დავალება

1. როგორ დაამყარა ირანის შაჰის კარმა კავშირი ქართლის დიდბნაუ-  
რებთან? 2. რატომ მიემხრო ქართლის დიდბნაურთა ნაწილი ირანის მთავრო-  
ბას? 3. რით დაიმსახურა ხალხის სიყვარული ვახტანგ გორგასალმა? 4. ვაიაზ-  
რეთ, რას გულისხმობს ხალხი, როდესაც ლექსში ამბობს, რომ მან „იალბუ-  
ზე ფეხი შედგა“?


# დოკუმენტები

## 1. ძველ ქართულ ხელნაწერში დაცული ცნობა ვახტანგ გორგასალის მოღვაწეობისა და დაღუპვის შესახებ

„ამან ვახტანგ ალაშენა ტფილისი და ქალაქი მცხეთა და მუნ მიიკვალა. ამან დაიმორჩილნა ოვსნი და (სხვანი კავკასიანნი), ამან შექმნნა კარნი იგი ოვსეთისანი, რომელსა ჩუენ დარიანისად უწოდთ, და ალაშენნა მას ზედა გოდოლნი<sup>1</sup> მაღალნი და დაადგინნა მკველად მახლობელნი იგი მთეულნი, და დღენდელად დღემდე არა ხელეწიფების<sup>2</sup> გამოსვლად დიდთა მათ ნათესავთა ოვსთა და (სხვათა კავკასიანთა), თვინიერ ბრძანებისა ქართველთა მეფისა. ამან ვახტანგ მეფემან ფრიად ძლიევი აღადგინა სპარსთა ზედა და ყოველნი წინააღმდეგმონი დაიმორჩილნა. რამეთუ იყო საზარელ<sup>3</sup> და გოლიათ და განთქმულ ყოველსა ქუეყანასა და ჰასაკითა<sup>4</sup> უმეტეს ყოველთა კაცთა, რამეთუ ათთორმეტი მტკაველი იყო სიმაღლე მისი. და აწცა რომელ არს აბჯარი და სამოსელი მისი, მისგან უფროის საცნაურ არს... (ვახტანგ) მოიკლა სპარსთა ბრძოლასა შინა მონაყოფილისა ვისგანმე მისისა ზაკითა<sup>5</sup>, და არს საფლავი მისი. წინაშე სუეტის ცხოველისა და ზედა საფლავსა მისსა წერილ არს ხატი მისი<sup>6</sup>, სწორი ჰასაკისა მისისაი“.

## კითხვები და დავალება

1. რა მნიშვნელობა ჰქონდა დარიალის კარის დაპყრობას? 2. ეისი დავალებით მოქმედებდა „მონაყოფილი ვინმე“, რომელმაც დალატით მოკლა მეფე ვახტანგი? 3. მოტანილი ნაწყვეტის მიხედვით აღწერეთ ვახტანგ გორგასალის გარეგნობა.



ბოლნისის სიონის წარწერის ფრაგმენტი.

## 2. უძველესი ქართული წარწერა ბოლნისის ტაძარზე

„შეწვენითა წმიდისა სამებისაითა, ოც წლისა პეროზ მეფისა ზე, ვიწყე შენება ამის ეკლესიისაი და თხუთმეტ წლისა შემდგომად განვასრულე. ვინ აქა შინა თავყანისხეცეს, ღმერთმან შეიწყალებ. და ვინ ამის მამულებელსა დავით ეპისკოპოსსა ხულოცოს, იგიცა ღმერთმან შეიწყალებ“

<sup>1</sup> კოშკი. <sup>2</sup> არ შეუძლიათ. <sup>3</sup> მტრისთვის შემზარავი. <sup>4</sup> სიმაღლით. <sup>5</sup> დალატით. <sup>6</sup> წერილ არს ხატი მისი — ამოკვეთილია მისი გამოსახულება.

## კითხვები და დავალება

1. წარწერაში აღნიშნულია, რომ ირანის შაჰის, პეროზის (459 -- 484 წწ.) მეფობის ოცი წლის თავზე დავით ეპისკოპოსს დაუწვია და თხოუმეტი წლის შემდეგ დაუმთავრებია ამ ეკლესიის მშენებლობა. გამოიანგარიშეთ რომელ წელს დაუწვიათ და რომელ წელს დაუმთავრებიათ ბოლნისის ეკლესიის მშენებლობა. 2. რომელი წლით შეიძლება დათარიღდეს მოტანილი წარწერა? 3. ვინ იყო ამ დროს ქართლის მეფე და სად იმყოფებოდა იგი?

### § 8. სპარსეთში VI საუკუნეში

1. მეფობის გაუქმება ქართლში. ირანელთა გაბატონება ქართლში. ვახტანგ გორგასლის დაღუპვის შემდეგ ირანელებმა გადაიღვეს ქართლის შევიწროება. ისინი ქართველებისაგან ქრისტიანული რჯულის შეცვლას და მარხვასაზე გადასვლას მოითხოვდნენ. ამით ირანის შაჰი ქართლის სრულ დაპყრობას ამზადებდა. 523 წ. ქართლის მეფე გურგენმა ირანელთა წინააღმდეგ აჯანყება სცადა, მაგრამ მას მხარი არ დაუჭირა დიდაზნაურთა უმრავლესობამ. ვერც ბიზანტიის იმპერიიდან მიიღო დაპირებული დახმარება და მეფე იძულებული გახდა თავისი ოჯახის წევრებითა და ამალით დასავლეთ საქართველოში გადასულიყო (იხ. დოკ. 1). აქ იგი იმედოვნებდა ბიზანტიისაგან დახმარების მიღებას, მაგრამ 532 წ. ბიზანტიამ „საუკუნო ზავი“ დადო ირანთან, რომლის ძალითაც მან სცნო ირანელთა ბატონობა აღმოსავლეთ საქართველოზე. გურგენმა ქართლში დაბრუნება ვეღარ შეძლო. ირანელებმა არც სხვა ვინმეს მისცეს გამეფების ნება და ამით ქართლში მეფობა გააუქმეს.

ირანელებმა ქართლში თავიანთი უშუალო მმართველობა და ბატონობა დაამყარეს. ირანის შაჰმა ქვეყნის სათავეში თავისი მოხელე მარზპანი<sup>1</sup> დააყენა, რომელიც თბილისში იჯდა. თბილისში, მცხეთაში, რუსთავეში და ქართლის სხვა მნიშვნელოვან ციხე-ქალაქებში ირანული სამხედრო ნაწილები იდგნენ. ამას გარდა დამპყრობლებმა კავკასიონის გადმოსასვლელები დაიკავეს და ახალი ციხე-კოშკებით გაამაგრეს.

მარზპანი ქართლის უზენაესი სამოქალაქო და სამხედრო ხელისუფალი იყო. რადგან ქართლში მეფობის გაუქმების საქმეში ირანელებს ადგილობრივი დიდაზნაურები დაეხმარნენ, ქვეყნის მართვადამეგობრობაში ისინიც ჩართეს. ირანელებმა ქართლის დიდაზნაურ-

<sup>1</sup> მარზპანი — ძველ სპარსულად ნიშნავდა სანაპირო ოლქის მმართველს, მცველს.

რებს მთელი რიგი პრივილეგიებიც კი მიანიჭეს. მაგალითად, მათ მემკვიდრეობით დაუმტკიცეს საერისთავო-საგამგებლო ტერიტორიები, დანიშნეს მაღალ თანამდებობებზე და სხვ. დამპყრობლებმა ეკლესია-მონასტრებსაც შელავათები მიანიჭეს. დამპყრობთა უღლის სიმძიმე უმთავრესად მოსახლეობის დაბალ ფენებს, მშრომელ ხალხს დააწვა. მათ ეკისრებოდათ ირანელთა სასარგებლოდ მძიმე ხარკი და სამხედრო ბეგარა.

2. „დიდი ომიანობა“ ეგრისში. ქართლში გაბატონების შემდეგ ირანის შაჰმა დასავლეთ საქართველოშიც სცადა ფეხის მოკიდება. ქართლსა და ეგრისს შორის ძველთაგანვე მკვიდრო კავშირი არსებობდა და ირანელთა წინააღმდეგ ბრძოლაში ეგრისი ქართლს ზურგს უმაგრებდა. ეგრისში დამკვიდრებით ირანი ქართლს ამ ზურგს მოუშლიდა, ამასთანავე ზღვაზე გავიდა, საიდანაც უკეთ შეუტევდა თავის ისტორიულ მეტოქეს, ბიზანტიას.


ბიზანტიის იმპერიის წინაშე მწვავედ დადგა ეგრისის გამაგრების საკითხი. ბიზანტიამ ეგრისში ჯარი შეიყვანა, რამაც ადგილობრივი მოსახლეობის დიდი უკმაყოფილება გამოიწვია. ბიზანტიელთა გარნიზონები ჩადგა შავი ზღვის სანაპირო ციხე-ქალაქებში: ფ ა ზ ი ს შ ი (ფოთი), ს ე ბ ა ს ტ ო პ ო ლ ი ს შ ი (სოხუმი), პ ი ტ ო უ ნ ტ შ ი (ბიჭვინთა). ამას გარდა, სამხრეთ სანაპიროზე, დღევანდელი ციხისძირის ადგილას, მაღალ კლდეზე ააგეს ციხე-ქალაქი პ ე ტ რ ა, სადაც ბიზანტიელთა მთავარი სამხედრო ნაწილები დააბანაკეს. აქვე იყო ბიზანტიელთა სარდლის (სტრატეგოსის) რეზიდენცია. ბიზანტიელებმა გაამაგრეს ეგრისის დედაქალაქი — ც ი ხ ე გ ო ჯ ო და ფაქტობრივად მთელი ქვეყანა თავიანთ კონტროლს დაუქვემდებარეს. ბიზანტიელი მოხელეები თვითნებობდნენ, ხალხს ყვლეფდნენ. ეგრისის საგარეო ვაჭრობა მთლიანად ბიზანტიელმა მოხელეებმა ჩაიგდეს ხელში. ქვეყანას სინამდვილეში ბიზანტიელი სტრატეგოსი განაგებდა, ეგრისის მეფეს და წარჩინებულებს არაფერი ეკითხებოდათ. მეფეს მხოლოდ გარეგნულად დაუტოვეს მეფობის ნიშნები. ბიზანტიელთა ბატონობით უკმაყოფილო იყო მოსახლეობის ყველა ფენა (იხ. დოკ. 2). ეგრისელებს მარტო თავისი ძალით არ შეეძლოთ ბიზანტიელთა განდევნა, ამიტომ გადაწყვიტეს დახმარება ირანისთვის ეთხოვათ. ეგრისის მეფე გ უ ბ ა ზ მ ა ელჩები მიაგლინა შაჰის კარზე დახმარების სათხოვნელად. შაჰი სიამოვნებით გამოეხმაურა ეგრისელთა თხოვნას.

542 წ. ირანელებმა დიდი ლაშქარი შემოიყვანეს ეგრისში და ამით დაარღვიეს „საუკუნო ზავი“ ბიზანტიასთან. ასე დაიწყო ე. წ. „დიდი ომბანობა“ ეგრისში, რომელიც დროდადრო დაზავება-შესვენებებით — თითქმის 20 წელიწადს მიმდინარეობდა. თავდაპირველად, როცა მათ ადგილობრივი მოსახლეობა ეხმარებო-



დაწარმატება ირანელების მხარეს იყო. მალე მდგომარეობა მკვეთრად შეიცვალა, რადგან გამოძვლანდა ირანის შაჰის ნამდვილი ზრახვები ეგრისის მიმართ. ირანის შაჰის კარს გადაეწყვიტა ადგილობრივი ქართული მოსახლეობა აეყარა და ეგრისში სპარსი და სხვა მათთვის სანდო ტომები ჩაესახლებინა. ამ ვერაგული გეგმის სისრულეში მოსაყვანად შაჰმა მოლაღატის ხელით გუბაზ მეფის მოკვლა განიზრახა. ამ განზრახვის შესრულება სპარსელთა სარდალმა ერთლავ წარჩინებულს, ფარსანს დააჯალა, რომელსაც გუბაზ მეფესთან მტრობა ჰქონდა. ფარსანსმა ასეთი მუხანათური საქმე არ იკადრა. როდესაც სამშობლოს დიდი განსაცდელი ელოდა, მან დაივიწყა პირადი მტრობა და ყველაფერი მეფე გუბაზს აცნობა. გუბაზი მიხვდა თავის შეცდომას. მოსახლეობა, წარჩინებულები დიდად

8. აზრიანი (ლაზიკა) III-VI ს.ს-ში





უკმაყოფილონი იყვნენ ირანელთა მოქმედებით და ისევ ბიზანტიასთან დაკავშირება გადაწყვიტეს.

549 წ. ომი ახალი სისასტიკით განახლდა. ასეთი დიდი განსაცდელი იშვიათად უნახავს დასავლეთ საქართველოს. როგორც ბიზანტიის, ისე ირანის მიზანი ეგრისის დაპყრობა-დამონება იყო. ისინი დაუნდობლად აოხრებდნენ ქვეყანას.

ეგრისის ბრძოლა დამოუკიდებლობისათვის ქართლის ინტერესებსაც ემსახურებოდა, რადგან ერთი იმდროინდელი ისტორიკოსის სიტყვებით რომ ვთქვათ, ეგრისში გაბატონება ირანს „დიდ სარგებლობას მოუტანდა. იბერიაც ხომ მომავალში საესეებით მორჩილი იქნებოდა, რადგან იბერებს აღარ ეყოლებოდათ ეს ხალხი, ვისთანაც ისინი აჯანყების შემთხვევაში, თავს გადაირჩენდნენ“.

ბრძოლა ცვალებადი შედეგებით მიმდინარეობდა, ციხე-ქალაქები პეტრა, ქუთაისი, ფაზისი და სხვა მნიშვნელოვანი პუნქტები ხელიდან ხელში გადადიოდა. გამარჯვების სასწორი თანდათან ეგრისელებისა და ბიზანტიელებისაკენ იხრებოდა, რაც ეგრისელების დამსახურება უფრო იყო. ეგრისელები გაალმასებით იბრძოდნენ, რადგან საკუთარ სამშობლოს, სახლ-კარს, ცოლ-შვილს იცავდნენ, ადგილობრივ პირობებსაც კარგად იცნობდნენ. „მე არ ვიცი ვაჟ-კაცებო — მიმართავდა მეფე გუბაზი ეგრისელებს, — საჭიროა თუ არა კიდევ რჩევა-დარიგებით მომართვა თქვენდამი თქვენს აღსაფრთოვანებლად... საფრთხე მოელის ცოლ-შვილს, სამშობლო ქვეყანას და ერთი სიტყვით ყველაფერს, რის გამოც სპარსელებმა ჩვენზე იერიში მოიტანეს... თუ სპარსელები ამ ომში გაიმარჯვებენ, ისინი მარტო იმას არ იკმარებენ, რომ დაგვიმორჩილონ, ან ხარკი დაგვაკისრონ, ან სხვა რაიმე დაისაკუთრონ... ნუ გაქრება ლაზების სახე-



ბარელიეფი ჭკრის ამალ-  
ლების გამოსახულებით  
მცხეთის ჭკრის ტაძრის  
სამხრეთის შესასვლელის  
თაზე.

ლი! ძნელი არ არის ვაეკაცებო სპარსელების წინააღმდეგ ბრძო-  
ლა ჩვენთვის, რომელთაც ხშირად გაგვიმარჯვნია მათზე ხელ-  
ჩართულ ომში“.

გუბაზ მეფემ რამდენიმე დიდი ბრძოლა მოიგო, მაგრამ ბიზან-  
ტიელები მეტად უნიათოდ მოქმედებდნენ. ისინი მხოლოდ საკუთარ  
გამდიდრებასა და გამორჩენაზე ზრუნავდნენ. მეფე გუბაზი არ მა-  
ლავედა თავის უკმაყოფილებას და იმპერატორსაც ატყობინებდა  
ამას. თავის გადაარჩენის მიზნით ბიზანტიელმა სარდლებმა, ვითომც  
სპარსელებთან კავშირის გამო, 554 წელს მდინარე ხობისწყლის ნა-  
პირას, გუბაზი ღალატით მოკლეს.

სამშობლოს თავისუფლებისათვის მებრძოლი გმირი მეფის მუ-  
ხანათურმა მკვლელობამ ეგრიცელთა აღმფოთება გამოიწვია. იმ  
დროინდელი ისტორიკოსის სიტყვით „როცა ლაზებმა გუბაზი თა-  
ვისი ჩვეულების მიხედვით დაასაფლავეს, მათ აღარ მიიღეს მონა-  
წილეობა ბრძოლებში, რადგან თავს უკიდურესად შეურაცხყოფი-  
ლად გრძნობდნენ და ფიქრობდნენ, ჩვენმა სამშობლომ დაკარგა  
თავისი სახელი და დიდებაო“. ლაზებისაგან მიტოვებულმა ბიზან-  
ტიელებმა მარცხი მარცხზე იგემეს სპარსელებისაგან.


სამშობლოს ბედის გადასაწყვეტად ლაზთა წარჩინებულებმა  
ფარული კრება მოიწვიეს. გუბაზ მეფის მოკვლით აღელვებული  
ეგრიცელები, რომელთა აზრს წარჩინებული ა ი ე ტ ი გამოხატა-  
და, სპარსელების დახმარებით რომაელთა განდევნას მოითხოვდნენ,  
მაგრამ მეორე ლაზმა დიდებულმა ფ ა რ ტ ა ძ ე მ ხალხს ენებათა  
ღელვის დაცხრომისა და გონიერი მოქმედებისაკენ მოუწოდა. ბი-  
ზანტიელთაგან განდგომა ომის ვითარებაში, როდენსაც ეგრისი სავსე  
იყო მათი მეომრებით, საშიში იქნებოდა. ამასთანავე ლაზები თავი-  
სი ცხოვრების წესით ბიზანტიელებთან უფრო ახლოს იდგნენ,  
ვიდრე ირანელებთან, ბიზანტიელებთან სარწმუნოებაც საერთო  
ჰქონდათ. სპარსელები კი ვერ ურიგდებოდნენ მათ ქრისტიანობას.  
ფარტაძე ბიზანტიელებთან კავშირის შენარჩუნებას უჭერდა მხარს,  
მხოლოდ იმ პირობით, რომ კეისრისაგან გუბაზის მკვლელობა დას-  
ჯა მოეთხოვათ (იხ. დოკ. 3 და 4). კრების მონაწილეთა უმრავლე-  
ლობამ ეს აზრი გაიზიარა.

ეგრისში ბიზანტიელთათვის მძიმე ვითარება შექმნილიყო და  
იმპერატორი იძულებული იყო შეესრულებინა ლაზთა მოთხოვნა.  
მეფედ გუბაზის მემკვიდრე წ ა თ ე აკურთხეს, ხოლო გუბაზის  
მკვლელი ბიზანტიელი სარდლები საჭაროდ გაასამართლეს და სიკე-  
ლილით დასაჯეს. იმპერიის ხელისუფლება ამის შემდეგ იძულებუ-  
ლი შეიქნა ანგარიში გაეწია ეგრისისათვის და მის საშინაო საქმეებ-  
ში ჩარევისაგან თავი შეეკავებინა. ამგვარად, ხალხის მიერ გაღებულ  
დიდ მსხვერპლს უშედეგოდ არ ჩაუვლია.

ომის მსვლელობაში ეგრისის ჩრდილოეთით, მთიან კუთხეებში, ბიზანტიელების წინააღმდეგ რამდენიმე აჯანყება მოხდა. 550 წ. ბიზანტიელებმა დაამარცხეს აჯანყებული ა ბ ა ზ გ ე ბ ი და სასტიკად დაარბიეს მათი მიწა-წყალი, ასევე 555 წ. დიდი ბრძოლის შემდეგ დაამარცხეს მ ი ს ი მ ი ე ლ ე ბ ი ც.

562 წ. ეგრისელებმა და ბიზანტიელებმა საერთო ძალებით საბოლოოდ დაამარცხეს ირანელები და განდევნეს ეგრისიდან.

**8. ირანელთა განდევნა ქართლიდან. ერისმთავრობის დაწესება.** ირანელთა ეგრისში დამარცხების შემდეგ ქართლში მათ წინააღმდეგ ბრძოლა გააქტიურდა. VI საუკუნის 70-იან წლებში ირანელთა ბატონობით უკმაყოფილო ქართველები, სომხები და კავკასიელი სხვა ხალხები ერთდროულად აღდგნენ მათ წინააღმდეგ. ქართლის ბრძოლას ამჯერად სათავეში დიდაზნაურები ჩაუდგნენ. ირანელთა ბატონობამ ისინიც მეტად შეაწუხა და თანდათან დამპყრობთა წინააღმდეგ განაწყო. როგორც დავინახეთ, ქართლში მეფობის გაუქმების შემდეგ დიდაზნაურებმა, ერისთავებმა და მთავრებმა მემკვიდრეობით განიმტკიცეს თავიანთი სამფლობელოები და ახლა ქვეყნის სრული ბატონ-პატრონობა სურდათ. მათ გამოიყენეს ქვეყანაში გაშლილი ირანელთა საწინააღმდეგო სახალხო მოძრაობა და აჯანყების სათავეში მოექცნენ, დაუჯავშირდნენ ბიზანტიის იმპერატორს და მასაც პირველ რიგში თავიანთი



ქვის ტაძარი მცხეთასთან, აგებული 586—606 წწ. (აღმოსავლეთის ფასადი).



სტეფანოზ ერისმთავრის მონეტა ქართული წარწერით.

ფეოდალური პრივილეგიების დამტკიცება მოსთხოვეს ირანელთა წინააღმდეგ ბრძოლაში მონაწილეობის სამაგიეროდ. ასევე, მოსთხოვეს იმპერატორს, დაემტკიცებინა ქართლის უმაღლესი ხელისუფალი, რომელიც მათ მიერ იქნებოდა არჩეული. ქართლის დიდ-აზნაურებმა, ერისთავებმა და მთავრებმა ასეთ ხელისუფლად აირჩიეს ერთ-ერთი ერისთავთაგანი, ირანის წინააღმდეგ აჯანყების მეთაური გუარამი, რომელსაც ერისთავთ-მთავარი, ანუ ერთ-ერთ-მთავარი ეწოდა.

ირანელთა საბოლოო განდევნა 90-იან წლებამდე ვერ მოხერხდა, ამიტომ ქართლის ერისმთავრები თავდაპირველად ირანელთა ფორმალურ მორჩილებაში იყვნენ. 591 წლიდან კი ქართლი განთავისუფლდა ირანელთა ბატონობისაგან და შედარებით მშვიდობიან ცხოვრებას შეუდგა. ამ დროს ქართლის ერისმთავარი იყო სტეფანოზ I, რომელმაც მდ. არაგვისა და მტკვრის შესართავთან, მცხეთის პირდაპირ აღმართულ მაღალ კლდეზე დიდებული ჭერის ტაძარი ააშენა. ქართული ხუროთმოძღვრების ამ შედევრში შესანიშნავად განსახიერდა ირანის ბატონობისაგან განთავისუფლებული და ეროვნულ სახელმწიფოდ აღმდგარი ქართლის დიდი შემოქმედებითი ენერგია.

### კითხვები

1. როგორ და როდის გაუქმდა მეფობა ქართლში? 2. რას მიაღწიეს აზნაურებმა მეფობის გაუქმებით? 3. რამდენ წელს მიმდინარეობდა „დიდი ომი-ანობა“ ეგრისში? 4. რისთვის იბრძოდა ბიზანტია და ირანი ეგრისში? 5. როდის განთავისუფლდა ქართლი ირანელთა ბატონობისაგან? 6. როგორი იყო ერისმთავრების ხელისუფლება?

### დოკუმენტები

#### 1. VI საუკუნის ბიზანტიელი ისტორიკოსი პროკოფი კესარიელი იბერიის (ქართლის) მეფის გურგენის აჯანყების შესახებ

„ისინი (იბერები) ქრისტიანები არიან<sup>1</sup> და ამ სარწმუნოების წესებს ყველა იმათზე უკეთ იცავენ, რომელთაც ჩვენ ვიცნობთ, ხოლო ძველთაგანვე სპარსელთა მეფის ქვეშევრდომნი გამხდარან. მაშინ კავადს<sup>1</sup> უნდოდა ძალით მოექცია ისინი თავისი სარწმუნოების წესებზე და მათ მეფე გურგენს შეუთვალა სხვა რამეშიაც ისე მოქცეულიყო, როგორც სპარსელებში იყო მიღებული, და მიცვალებულებიც მიწაში კი არ დაემაჩხა, არამედ ყველა მიცვალებული, ფრინველებისა და ძაღლებისათვის გადაეგდო<sup>2</sup>. ამიტომ გურგენმა მოინდომა იუსტინე მეფის

<sup>1</sup> კავადი — ირანის შაჰი 488—531 წწ.

<sup>2</sup> მახდენური რელიგიის მიხედვით მიცვალებულის მიწაში დამარხვა არ შეიძლებოდა.

(ბიზანტიის იმპერატორი იუსტინე 518—527 წწ.) მხარეს გადასულიყო და პირობა მიეღო, რომ რომაელები არასოდეს სპარსელების ხელში არ ჩააგდებდნენ იბერებს. იმანაც (ე. ი. იუსტინემ) დიდი სიამოვნებით მისცა ეს დაპირება... მეფემ (იუსტინემ) პეტრე სტრატეგოსი გაგზავნა ლაზიკაში რამდენიმე ჰუნნიურთ, რომ ის დახმარებოდა გურგენს, რამდენადაც შესაძლებელი იყო. ამავე დროს კავადმაც დიდძალი ჯარი გაგზავნა გურგენისა და იბერების წინააღმდეგ... გურგენმა რომ დაინახა, რომ ის სუსტია სპარსელთა იერიშის ატანისათვის, რადგან რომაელების მიერ გამოგზავნილი დამხმარე ძალები საკმარის არ იყო, ლაზიკაში გაიქცა იბერთა დიდებულებითურთ და თან წაიყვანა ცოლი, შვილები და ძმები, რომელთაგან უხუცესი იყო პერანი: ლაზიკის საზღვრებში რომ მივიდნენ, აქ გაჩერდნენ და, ძნელგასასვლელი ადგილებით დატყულნი, იგერიებდნენ მტერს. სპარსელები კი დაედევნენ მათ, მაგრამ მინცდამინც ვერაფერი დააკლეს“.

### კითხვები

1. რამ გამოიწვია, ამ დოკუმენტის მიხედვით, ქართლის მეფის აჯანყება ირანელთა წინააღმდეგ? 2. ვის სთხოვა დახმარება გურგენმა და რით დამთავრდა ეს აჯანყება?

### 2. ეგრისელები ბიზანტიელთა ბატონობის შესახებ ეგრისში (პროკოფი კესარიელის მიხედვით)

„საქიროა ითქვას ზოგიერთი რამ, რაც ჩაიღინეს ჩვენს წინააღმდეგ წყევლმა რომაელებმა (ბიზანტიელებმა). ჩვენ მეფეს ხომ მეფობის გარეგნული ნიშნები დაუტოვეს, ხოლო ძალაუფლება თვითონ მიითვისეს. მეფე მოსამსახურის ბედში იმყოფება და განმკარგულებელი სტრატეგოსის ემინია.. უამრავი ჯარიც ჩაგვიყენეს, მაგრამ არა იმიტომ, რომ დაიცივან ეს ქვეყანა შემწუხებელთაგან (მოსაზღვრეებიდან სხვა ხომ არავინ გვაწუხებდა ჩვენ, გარდა რომაელებისა), არამედ რათა დაეემწყვედიეთ ჩვენ როგორც სადილეგოში და ჩვენს ქონებას დაპატრონებოდნენ. რაც კი საქირო საგნებიდან მათთვის ზედმეტი აღმოჩნდებოდა, მის ყიდვას აიძულებდნენ ლაზებს, მათი ნების წინააღმდეგ, ხოლო რაც მათთვის საჭირო საგნებიდან ლაზიკას შეუძლია მისცეს, ისინი ფიქრობდნენ რასაკვირველია, მათ შესყიდვას ჩვენგან მხოლოდ სიტყვით, რადგან ფასი თითოეულ შემთხვევაში წესდება მმართველთა აზრისდა მიხედვით. ამნაირად, საქირო საგნებთან ერთად ისინი გვართმევდნენ მთელ ოქროსაც და უწოდებენ ამას ეპქრობის ეთილშობილ სახელს, საქმიით კი ისინი გვმძლავრობენ, რაც შეიძლება უფრო მეტად. ჩვენ გვიყენია მთავარი მეწერილმან<sup>1</sup>, რომელიც ჩვენს სილარიბეს, ძალაუფლების წყალობით, მოგების საშუალებად ხდის. აი, ასეთია მიზეზი ჩვენი განდგომისა და მისი გამართლება მასშივეა“.

<sup>1</sup> იგულისხმება ბიზანტიელთა მიერ ეგრისში დანიშნული მოხელე იოანე ციბე.

## კითხვა და დავალება

1. რატომ განუდგნენ ეგრისელები ბიზანტიელებს? 2. დაახასიათეთ ბიზანტიელი დამპყრობლების პოლიტიკა ეგრისში.

### 8. აიეტის სიტყვა სახალხო კრებაზე

(დაცულია ბიზანტიელ ისტორიკოს აგათია სქოლასტიკოსთან)

„რომაელები რომ სიტყვებითა და გეგმებით გვეპყრობოდნენ უსამართლოდ, ჩვენც კარგს ვიზამდით, რომ მუდამ ამგვარივე საშუალებებით დაგვეცვა თავი; მაგრამ ეხლა ნუთუ მისაღებია, რომ ამ დროს როდესაც ისინი ყველაფერში საშინლად გვექცევიან, სამაგიეროს გადახდის შემთხვევას ვყარავთ იმაზე, რომ ვუყუმიანობთ და ვთათბირობთ? ხომ არაეის შეუძლია იმის მტკიცება, თითქოს მტერი ბოროტ ქცევაში ჯერ არ იყოს შემჩნეული, და თითქოს მხოლოდ ექვეები არსებობდეს, რომ ის ამგვარ აზრებსა და ზრახვებს ატარებს: არც საბუთების მოგონებაა საჭირო მისი, ვითომდა დაფარული, ვერაგობის დასამტკიცებლად. საკმარისია გაიხსენოთ სახელოვანი გუბაზი, რომელიც ასე საცოდავად იქმნა მოსპობილი... გაქრა კოლხთა ღირსება და ამიერიდან ველარ ველირსებით იმას, რომ სხვებს ვბრძანებლობდეთ: ისიც უნდა ვიკმაროთ, თუ მივალწევთ იმას, რომ ძალიან არ დაგვჩაგრონ იმათ, ვინც წინათ ჩვენი ქვეშევრდომი იყო. ნუთუ უკიდურეს უგუნურობას არ წარმოადგენს ის, რომ იმათ შესახებ, ვინც ეს ჩაიდინა, ეზივართ და ემსჯელობთ. მტრებად ჩაეთვალოთ ისინი თუ მეგობრებად? უნდა ვიცოდეთ რომ მათი თავხედობა ამაზე არ შეჩერდება: თუ ჩვენ ამ ბოროტმოქმედებას უყურადღებოდ დავტოვებთ, ისინი არ მოგვეშვებიან და, გულხელდაკრეფილნი რომ ვისხდებით, უფრო შეუპოვრად აგვხდიან ნამუსს...“

...მე ვინატროდი კოლხეთის სახელმწიფოს ჰქონდეს მისი ძველი ძლიერება, რომ მას არ დასჭირდებოდეს უცხო და გარეშე დახმარება და რომ ყოველგვარ საქმიანობაში, როგორც ომიანობის, ისე მშვიდობიანობის დროს, მხოლოდ საკუთარ თავს ეყრდნობოდეს, მაგრამ როდესაც ჩვენ ეამთა ტრიალის ან ბედის უყულმართობის, ან ორივეს წყალობით ისეთს უძღურებაში ჩავევადით რომ სხვათა ხელქვეითნი გავხდით, მე ვფიქრობ უმჯობესია იმათ ხელში ვიყოთ, ვინც უფრო კეთილისმსურველია, ვინც ურყევად იცავს კეთილგანწყობილებას თავი-სიანებისა და მოკავშირეთა მიმართ“.

### 4. ფარტაძის სიტყვა

„ჩვეულებრივი ამბავი დაგემართათ კოლხებო, რომ მეტად მოხერხებულად და წარმატებულად თქმულმა სიტყვებმა გონება შეგირყვიათ. უძლეველი როდაც არის მჭკრამეტყველება და ის თითქმის ყველას ამარცხებს, განსაკუთრებით კი იმათ, ვისაც წინათ მისი ძალა არ გამოუცდილია; მაგრამ ეს სრულიადაც არ ნიშნავს იმას, რომ მას ვერ დაუეპირისპირებთ გონიერ მოსაზრებას, რომელიც საქმის ნამდვილ ვითარებას ემყარება...“

... წყეული და შეჩვენებული არიან ისინი (ბიზანტიელები) და მე უდიდესი სიამოვნებით ვუყურებდი მათ საშინელ სასჯელს. ვუყურებდი არა მარტო იმათ დალუპვას, რომელთაც განგმირეს გუბაზი და საკუთარი ხელებით ჩაიდინეს ეს მკვლელობა, არამედ ყველა იმათსაც, რომელთაც შეეძლოთ შეეფერხებინათ ეს მკვლელობა და არ შეაფერხეს, და აგრეთვე იმათაც, რომელთაც ეს მკვლელობა გაეზარდათ და არ თუ ისე აღწყოთდნენ. თუმცა მე ამას ვფიქრობ, მაგრამ სპარსელების მხარეზე გადასვლა მაინც არ იქნება სასარგებლო: არავინ არ მიიჩნევს საჭიროდ მივიღოთ და გავიზიაროთ ის აზრი, თითქოს თუ იმათ (ბიზანტიელებმა) ჩაიდინეს უკანონობა, აუცილებელი იყოს ჩვენც გამოვეთხოვოთ შშობილურ წესებს (ე. ი. ქრისტიანობას)... რას დაემსგავსება ჩვენი საქციელი, თუ მივემხრობით უზენაესი პირების (ე. ი. ქრისტიანობის) სასტიკ მტერს? თუ ისინი (ირანელები) ავეიკრძალავენ ჩვენი საღმრთო წესების შესრულებას და თავიანთ წესებზე გადაგვიყვანენ, ამაზე უფრო სამძიმო რა უნდა განვიცადოთ ჩვენ?

... მე იმ აზრისა ვარ, რომ საჭიროა რომაელთა მეფეს ვაცნობოთ მომხდარი ამბავი, რათა იგი სათანადოდ მოეპყრას იმათ, ვისაც ამ მკვლელობაში დანაშაული მიუძღვის, და თუ ის ამას იზამს, ამიერიდან მოისპობა ჩვენი უთანხმოება რომაელებთან“.

## დავადლება და კითხვა

1. შეადარეთ ერთმანეთს აიეტისა და ფარტაძის არგუმენტები. 2. როგორ დონეზე ყოფილა საქართველოში რიტორიკული ხელოვნება?

## § 10. საბარათველო VII საუკუნეში. არაბთა ბატონობის დასაწყისი.

1. ჰერაკლე კეისრისა და ხაზართა ლაშქრობანი საქართველოში. ქართლის მშვიდობიანი ცხოვრება დიდხანს არ გაგრძელბულა. VII საუკუნის დასაწყისში აქაური ერისმთავარი იძულებული გახდა ირანის შაჰის უზენაესობა ეცნო. ირანელებმა ამჯერად ქვეყნის უმთულო დაპყრობა ვერ შეძლეს, ამიტომ კვლავ ნაცად ხერხს მიმართეს: დაიწყეს ქართლის დიდაზნაურთა თავის მხარეზე გადაბირება და ბიზანტიის საწინააღმდეგო მონოფიზიტური ქრისტიანობისათვის ენერგიულად მხარის დაჭერა. ქართლის მოსახლეობის დიდი ნაწილი მაინც დიოფიზიტურ ქრისტიანობას იცავდა, სომხეთში კი მონოფიზიტობა უფრო ძლიერი იყო. ამის ნიადაგზე ამ ორ მოძმე ხალხს შორის სარწმუნოებრივი განხეთქილება მოხდა (608 წ.).

ამასობაში ბიზანტიას სათავეში ჩაუდგა ახალი იმპერატორი ჰერაკლე (610—641 წწ.), რომელმაც დაიწყო ბრძოლა ირანელ-





ბარელიეფები მცხეთის ჭვრის ტაძრის კედლებზე ასომთავრული წარწერებით და ისტორიულ პირთა (დემეტრე ვიპატოსის, სტეფანოზ პატრიკიოსისა და ადარნასე და ქობულ სტეფანოსის) გამოსახულებით.

ბის ამიერკავკასიიდან გასადევნად. იგი დარწმუნდა, რომ ირანელების დასამარცხებლად მარტო თავისი ძალა არ ეყოფოდა. მან ბრძოლაში ჩააბა ადგილობრივი მოსახლეობა, დაუკავშირდა თურქთა დასავლეთის ხაკანატს და ჩრდილო კავკასიაში მომთაბარე ხაზარები ჯობლეს სარდლობით ხალისით გამოემართნენ ამიერკავკასიისაკენ, რადგან დიდი ნადავლის ხელში ჩაგდების იმედი ჰქონდათ. ამ დროს ერთი სომეხი ისტორიკოსი შემდეგნაირად აღწერს ხაზარების შემოჭრას: „დაიძრა ნიაღვარი მოვარდნილი და მდინარე აღიდებული ქართველთა ქვეყნისაკენ, გარს შემოადგა და ალყა შემოარტყა ნებიერს, მოვაჭრესა და სახელგანთქმულ დიდ ქალაქს ტფილისს“. აქვე 627 წ. შემოდგომაზე მოვიდა ჰერაკლე კეისარიც და მოკავშირეებმა დაიწყეს ბრძოლა თბილისის ასაღებად. ირანელებმა მოასწრეს და თბილისში 1000 რჩეული მეომარი შეიყვანეს. აქვე იყვნენ ირანელთა მომხრე ქართველი აზნაურებიც.

თბილისის დამცველებმა ხაზარებსა და ბიზანტიელებს შეუპოვარი წინააღმდეგობა გაუწიეს. ბიზანტიელები ქალაქს საგანგებო ლოდსატყორცი მანქანებით უზარმაზარ ლოდებს უშენდნენ, მეციხოვნეები კი დაბზარულ და დანგრეულ კედლებს ხელახლა აშენებდნენ და კვლავ განაგრძობდნენ ბრძოლას. მოალყეებმა მტკვარი დააგუბეს და წყალი ქალაქზე მიუშვეს, მაგრამ თბილისის დამცველთა წინააღმდეგობა მაინც ვერ გატეხეს.

მოკავშირეებმა ალყის მოხსნა გადაწყვიტეს. გათამამებულმა ციხის დამცველებმა ბიზანტიელებს და ხაზარებს დაცინვეც კი დაუწ-

ყეს. დიდ გოგრაზე ხაზართა ხაჯანის<sup>1</sup> დამახინჯებული სახე გამოსახეს, ციხის გალავანზე შემოსდეს და შუბებით ჩხვლელთა დაუწყეს, თან მოალყეთა გასაგონად ყვიროდნენ: აი, თქვენი მეფე-ხელმწიფე, მობრუნდით, თაყვანი ეცით, ეს ჭიბლუ-ხაჯანიაო. მასხარად აიგდეს ჰერაკლე კეისარიც, მაგრამ გაწილებული იმპერატორი იძულებული იყო თბილისს გასცლოდა. იგი ხაზარებს შეუთანხმდა, რომ ერთი წლის შემდეგ უფრო დიდი ძალით გამოილაშქრებდნენ თბილისის ასაღებად.

მართლაც, 628 წ. ხაზართა ახალი ურიცხვი ლაშქარი თბილისს შემოადგა. ამასობაში ჰერაკლეს ირანელები დაემარცხებინა და ამ უკანასკნელთ თბილისისადმი დახმარების თავი აღარ ჰქონდათ. თბილისელები მანც მხედ დაუხვდნენ მტერს და თავდადებით იცავდნენ თავიანთ დედაქალაქს, მაგრამ ხაზართა რიცხობრივმა უპირატესობამ თანდათან გატეხა ისინი. ორი თვის თავგანწირული ბრძოლის შემდეგ თბილისის დამცველები დამარცხდნენ და გამძვინვარებული ხაზარები ქალაქში შეიჭრნენ. მათ ჩვეული სისასტიკით დაარბიეს და გაძარცვეს ქალაქი (იხ. დოკ. 1). მცხოვრებთა დიდი ნაწილი გაყლიტეს. თბილისიდან გაზიდეს აურაცხელი ძვირფასი ქურქული, თვალმარგალიტით შემკობილი ოქროსა და ვერცხლის სამკაულები, გაირეკეს ტყვეები. ბიზანტიელები განსაკუთრებით მკაცრად მონოფიზიტ ქართველებს გაუსწორდნენ. საქართველოში ბიზანტიის პოლიტიკური გავლენა დამყარდა.

ბიზანტიელთა გავლენა განსაკუთრებით ძლიერი იყო დასავლეთ საქართველოზე. ეგრისში ბიზანტიის ხელისუფლება თავს უფრო მყარად გრძნობდა, ამიტომ VII ს. მეორე ნახევარში კეისარმა აქ მეფობა გააუქმა. ქართლში, რომელიც ირანთან უფრო ახლო მდებარეობდა და უფრო მჭიდროდ იყო მასთან დაკავშირებული, ბიზანტიელები შედარებით ფრთხილად იქცეოდნენ და ქართლის ერისმთავრისაგან მხოლოდ ერთგულებას და სამხედრო სამსახურს მოითხოვდნენ და ქვეყნის საშინაო საქმეებში არ ერეოდნენ.

ქართლისა და ეგრისის ერთმორწმუნე ბიზანტიის გავლენის ქვეშ მოქცევა ხელსაყრელ პირობებს ქმნიდა ამ ორი ქართული მხარის შემდგომი დაახლოება-შერწყმისათვის.

**2. არაბთა გამოჩენა.** VII საუკუნეში მახლობელი აღმოსავლეთის პოლიტიკურ სარბიელზე ახალი დიდი ძალა გამოვიდა, რომელმაც საფუძველშივე შეცვალა აქაური ქვეყნების სოციალურ-



ბარელიეფები მცხეთის  
ჭერის ტაძრის სამხრეთის  
კედელზე.

<sup>1</sup> ხაზართა მეფე.

ეკონომიკური და პოლიტიკური განვითარება. ესენი არაბები იყვნენ.

VII საუკუნის დასაწყისში არაბეთის ნახევარკუნძულზე ჩამოყალიბდა არაბთა სახელმწიფო. სახელმწიფოს დამაარსებელი და ახალი რელიგიის მქადაგებელი იყო მუჰამადი, ანუ მაჰმადი, რომლის სახელის მიხედვით ამ სარწმუნოებას მაჰმადიანობა, ხოლო მის მიმდევრებს მაჰმადიანები ეწოდებოდათ. მაჰმადიანობას ისლამიც ეწოდება და მის მიმდევრებს—მუსლიმები, ანუ მუსლიმანები<sup>1</sup>. მუჰამედის გარდაცვალების (632 წ.) შემდეგ არაბთა სახელმწიფოსა და რელიგიის მეთაურებს მუჰამედის მოადგილეები, ანუ არაბულად ხალიფები ერქვათ და მათ სახელმწიფოსაც ხალიფატი, ანუ სახალიფო ეწოდება.

არაბების ასპარეზზე გამოსვლისას ბიზანტიაცა და ირანიც მეტად დაუსუსტებული იყვნენ ურთიერთშორის ბრძოლებით. ამით სარგებლობდნენ არაბები და როგორც ერთს, ისე მეორესაც ადვილად ამარცხებდნენ. არაბებმა ბიზანტიელებს წაართვეს აღმოსავლეთის პროვინციები: სირია, პალესტინა, ეგვიპტე; მთლიანად დაიპყრეს ირანი.

პირველ ხანებში არაბები შედარებით ლმობიერად ეპყრობოდნენ დაპყრობილი ქვეყნების მოსახლეობას. ვინც უბრძოლველად დანებდებოდა, დიდ შელავათებს ანიჭებდნენ. ბიზანტიელთა და ირანელთა ხანგრძლივი ძალმომრეობით სულშეხუთული ხალხები არაბებს ზოგჯერ განმათავისუფლებლადაც კი თვლიდნენ და უბრძოლველად ნებდებოდნენ. ამან დიდად შეუწყო ხელი თავდაპირველად მაჰმადიანთა წარმატებებს.

**8. საქართველოს დაპყრობა არაბთა მიერ.** ამიერკავკასიის ქვეყნებში არაბთა შემოსევები VII საუკუნის 40-იან წლებში დაიწყო. ეს ჯერ მხოლოდ მარბიელი რაზმების თავდასხმები იყო, რომელთაც მოსახლეობა მედგარ წინააღმდეგობას უწევდა. VII საუკუნის 50-იანი წლებიდან იწყება ბრძოლები ამიერკავკასიის დასაპყრობად. თავდაპირველად მათ სომხეთი დაიპყრეს. აქედან არაბთა სარდალმა ქართლის ერისმთავარს მუქარით სავსე წერილი გაუთუგზავნა და დამორჩილება მოსთხოვა. ქართველებმა დაიწყეს მზადება თავდაცვისათვის, მაგრამ ქართლისკენ მომავალ არაბთა უზარმაზარ ლაშქარს მკაცრმა ზამთარმა შეუშალა ხელი. 654 წ. არაბებმა დაამარცხეს ბიზანტიელები სომხეთში. ბიზანტიელთა ჯარის სარდალმა ქართლს შეაფარა თავი. არაბთა ლაშქარი ქართლის საზღვარს მოადგა.

<sup>1</sup> ისლამი არაბული სიტყვაა და ღვთისადმი მინდობას ნიშნავს, მუსლიმი — მინდობილი.

ქართლის ერისმთავარმა სტეფანოზმა არაბთა სარდალს ჰაბიბ იბნ-მასლამას ელჩის ხელით საჩუქრები გაუგზავნა და ზავი და მშვიდობა შესთავაზა. ქართლის ერისმთავრის ეს დიპლომატიური სვლა არსებული ვითარების სწორი შეფასების შედეგი იყო. საქართველო მარტო დარჩა არაბების პირისპირ. ბიზანტია დამარცხებული იყო და არაბებისთვის დაეთმო აღმოსავლეთის პროვინციები. სომხეთშიც უკვე არაბები ბატონობდნენ. ამდენად, ძლიერი და მრავალრიცხოვანი არაბების წინააღმდეგ ბრძოლა ამჯერად პატარა ქვეყანას განადგურების მეტს არაფერს მოუტანდა. არაბთა სარდალი ჰაბიბ იბნ-მასლამა დიდად კმაყოფილი დარჩა ქართლის ერისმთავრის წინადადებით. მირთმეული საჩუქრები მომავალი ხარკის ანგარიშში ჩათვალა, მოვიდა თბილისში და ქართლს, როგორც ნებაყოფლობით დამორჩილებულ ქვეყანას, „დაცვის სიგელი“ მისცა, რომელშიც ჩამოთვლილი იყო ქართლის მორჩილების პირობები: მოსახლეობას დაეკისრა ფულადი გადასახადი („ჯიზია“) — თითო დინარი კომლის თავზე. ქართველებს ეკრძალებოდათ კომლთა გაერთიანება გადასახადის შემცირების, ხოლო არაბებს მათი დაყოფა ჯიზიას გაზრდის მიზნით. ქართველებს ევალებოდათ არაბებისათვის სამხედრო დახმარების აღმოჩენა. ქართველთაგან, თუ ვინმე შავ-თადიახობას ძიილებდა, თავისუფლდებოდა ჯიზიასაგაი და სარგებლობდა მუსლიმანთა საერთო უფლებებით, ხოლო ხელახლა გაქრისტიანების შემთხვევაში ისჯებოდა. არაბები ვალდებულნი იყვნენ ქართლი დაეკავათ მომხდურ მტერთაგან. „დაცვის-სიგელის“ აირობების შესრულების ვითარებაში არაბები მოსახლეობას უძი-შროიბას, ქონებისა და სარწმუნოების ხელშეუხებლობას ჰპირ-



ძველი შუამთის ტაძარი  
(VII ს.).



მედალიონი სალოლაშენიდან. ქართული ოქრომკვედლობის ნიმუში (VII ს.).

დებოდნენ. თუ არა და ალაჰისა და მისი მოციქულის, მუჰამედის სახელით ომს უცხადებდნენ (იხ. ლოკ. 2).

არაბთა ბატონობა ამიერკავკასიაში ამჯერად დიდხანს არ გაგრძელბულა. სახალიფოში დიდი შინაომი ატყდა, რომელიც 661 წლამდე გაგრძელდა და არაბებს ქართლისთვის არ ეცალათ. ქართლმაც ამით ისარგებლა და თავი გაითავისუფლა. 60-იანი წლებიდან ქართლის ვითარება იმან გაართულა, რომ აქ ერთმანეთს დაუპირისპირდა სამი ძალა: სახალიფო, ბიზანტია და ხაზარები. სახალიფო და ბიზანტია იბრძოდნენ ქართლის კვლავ დაუფლებსათვის. მათ ხაკის გარდა კავკასიონის საუღელტეხილო გზების, დარუბანდისა და დარიალის დაუფლება აინტერესებდათ, ხოლო ხაზარები თავს იცავდნენ არაბებისაგან და ღროდარო ქართლს თავს ესხმოდნენ ნადავლის ხელში ჩაგდების მიზნით. ქართველ მოსახლეობას სამი მხრით ხმლის ქნევა უხდებოდა. ეს მათ ძალებს მეტად ასუსტებდა.

VII საუკუნის 80-იანი წლებიდან იწყება არაბთა გამუდმებული თავდასხმები. ისინი ქართლის მოსახლეობისაგან „დაცვის სიგელის“ პირობების შესრულებას მოითხოვდნენ. არაბები დასავლეთ საქართველოშიც გადავიდნენ. ბიზანტიელთა ბატონობით შეუზღებულმა ეგრისის მმართველმა სერგი ბარნუკის ძემ ძველ ხერხს მიმართა — ბიზანტიელთა წინააღმდეგ არაბთა გამოყენება სცადა. 697 წელს იგი ბიზანტიელებს აუჯანყდა და ქვეყანა არაბებს გადასცა, ისე რომ VIII საუკუნის დასაწყისისათვის არაბებს ზღვისპირა ზოლს გარდა თითქმის მთელი დასავლეთ საქართველო ეკავათ. ციხეგოჯში, ასევე კოდორის ხეობის ციხეებში მათი სამხედრო ნაწილები იდგა.

### კითხვები და დავალება

1. რა იყო მიზეზი ქართველებსა და სომხებს შორის სარწმუნოებრივი განხეთქილებისა? 2. ვის წინააღმდეგ უხდებოდათ ბრძოლა ქართველებს VII საუკუნის პირველ ნახევარში? 3. რა უწყობდა ხელს ეგრისისა და ქართლის მოსახლეობის ერთმანეთთან დაახლოებას? 4. შუა საუკუნეების ისტორიიდან გაიხსენეთ რა იცით არაბებისა და არაბთა სახალიფოს შესახებ.

### დოკუმენტები

1. VII საუკუნის სომეხი ისტორიკოსი მოსე კალანკატუელი ხაზარების მიერ თბილისის აოხრებისა და გაძარცვის შესახებ  
„მოვიდა წამხდენელი მხეცი თავის სისხლისმსმელ ლეკვებთან ერთად... იგი ჯერ ქართველთა ქვეყნის ქალაქ თბილისის წინააღმდეგ გაე-

მართა. ძველ მხნე კაცთაგან არაეინ იყო თბილისის შიგნით, ამიტომ მან ხელსაყრელად ჩათვალა დრო მათგან მიღებული შეურაცხყოფისათვის ანგარიშის გასასწორებლად. ალყა შემოარტყა და დაუწყო ბრძოლა. შეავიწროვა ქალაქის მცხოვრებლები, რომელნიც მის წინააღმდეგ იბრძოდნენ. ფრიად დაშვრნენ ისინი ორი თვის განმავლობაში, მაშინ დაულრიალა მათ გამძვინვარებულმა მხეცმა, ბევრი დაიჭირა და დაახრჩობინა თავის ლომის ბოკეერებს. აავსო თავისი ბუნაგი ნანადირევით და თავისი ჯარი ნაძარცვით. მათ იშიშვლეს ხმლები და ყველამ მიიშურა გალაყანას, სადაც ერთმანეთზე დახრვოდნენ ისეთი სიმრავლით, რომ ზღუდესაც კი ასცილდნენ. მაშინ ბნელი ჩრდილი დაეცა ქალაქის საცოდავ მცხოვრებლებს... დამარცხდნენ... ხოლო მათ შემდეგ უწყალო მკვლელები მოვიდნენ. მათმა ხელებმა დააყენეს სისხლის ნაკადულები, ფეხებით სთელავდნენ გვამებს, ხოლო თვალები ხედავდნენ მკვდრებს დაყრილებს, როგორც სეტყვის დეარს. როდესაც შეწყდა ხმა ტირილისა და ვაეზისა და აღარაეინ ვადარჩა ცოცხალი, მაშინ მათაც გაიგეს, რომ დაძლნენ მათი მახვილნიც.

მაშინ ხელთ იგდეს ყუთები განძით სავსე, მთელს სიმრავლეს ჯარისას ზურგით მიჰქონდა ისინი და თავიანთი მბრძანებლის წინაშე ახვაეებდა ერთმანეთზე. იმდენხანს მიჰქონდათ მის წინაშე, რომ ყურებაც კი მოსწყინდა ოქროსა და ვერცხლის ფულების ურიცხვი სიმრავლისა, ხოლო ვინ მოსთვლის მარგალიტის ქვებით მოოქვილ საეკლესიო სამკაულსა და ჭურჭელს, (აგრეთვე) ჭიქები და სასმელები ვერცხლისა ოქროს ქანდაკებით მოქედლინი (ხაზარებს) ნადავლად წამოეღო თბილისიდან“.

## კითხვა და დავალებები

1. რა ცნობებია დაცული ამ თხზულებაში VII საუკუნის თბილისის ეკონომიკური მდგომარეობის შესახებ? 2. აღწერეთ ხაზარების ლაშქრობა და მისი შედეგები. 3. განმარტეთ დოკუმენტის შემდეგი ადგილი: „მან ხელსაყრელად ჩათვალა დრო მათგან მიღებული შეურაცხყოფისათვის ანგარიშის გასასწორებლად“.

### 2. ჰაბიბ იბნ მასლამას „დაცვის სიგელის“ ქართული თარგმანი

„სახელითა ალაჰისა მოწყალისა მწყალობლისათა. ეს არის წიგნი ჰაბიბ იბნ მასლამასაგან თბილისის, არმაზის, მანგლისის (ე. ი. ქართლის) მოსახლეობისადმი მათი პიროვნების, ტაძრების, მონასტრების, ლოცვის და რელიგიის გარანტიის პირობით დამციერებისა და ჯიზიას ცნობისა — კომლის თავზე თითო დინარი. თქვენ არ გაქვთ უფლება რომ გააერთიანოთ კომლები ჯიზიას შემსუბუქების მიზნით და ჩვენ კი არ გვაქვს უფლება დავანაწილოთ ისინი მისი (ჯიზიას) გაზრდის მიზნით. თქვენ ვალდებული ხართ, რომ დაგვეხმაროთ ჩვენ რჩევით და შეწყვენით ალაჰისა და მისი მოციქულის მტრების წინააღმდეგ ბრძოლაში რამდენადაც შეგიძლიათ... გევალებათ ღამის გათევილება გაქირვე-

ბული მუსლიმანისა და მათი გამასპინძლება დასაშვები საქმელით. თუ ჩამორჩება მუსლიმანი თავისიანებს, ვალდებული ხარტ მიიყვანოთ ის მართლმორწმუნეთა (ე. ი. არაბთა) უახლოეს რაზმამდე, თუ ეს თქვენთვის შეუძლებელი არ არის. თუ ისლამზე მოიქცევით და შეასრულებთ ჩვენს ვალდებულს, მაშინ გახდებით ჩვენი თანამოძმენი სარწმუნოებაში, თუ არა და ვალდებული ხართ იხადოთ ჭიზია. თუ მუსლიმანები ვერ დაგეხმარებიან თქვენ, ხოლო მტერი დაგიმორჩილებთ, ამისთვის თქვენ არ იქნებით დასჯილნი და ეს არ იქნება დამრღვევი თქვენი ალთქმისა. ესაა თქვენი უფლებები და თქვენი ვალდებულებანი“.

## კითხვები და დავალება


1. რა ევალედოთ ქართლის მცხოვრებლებს ამ სიგელის მიხედვით? 2. რატომ დათანხმდნენ არაბი დამპყრობლები მორჩილების ასეთ შედარებით მსუბუქ პირობებს? 3. მოიფიქრეთ, რატომ ათავისუფლებდნენ არაბები გადასახადებისაგან იმათ, ვინც ისლამს მიიღებდა.

## § 11. საპართველო არაბთა ბატონობის უღელქვეშ

1. მურვან-ყრუს შემოსევა. VIII საუკუნის 20-იან წლებში არაბებმა შეძლეს კვლავ აღედგინათ „დაცვის სიგელით“ დაწესებული ურთიერთობა. ოღონდ კომლობრივი გადასახადის მაგივრად ქართლის მოსახლეობას დაეკისრა სულადობრივი გადასახადი (გაღიღებული „ჭიზია“), აგრეთვე საადგილმამულო გადასახადიც („ხარაჯა“). ეს მძიმე მოვალეობა იყო და ამიტომ საქართველოში აჯანყებები არ ცხრებოდა. ასეთი შეურთიგებელი ბრძოლების გამო არაბთა ხალიფამ ქართველ ხალხს სასტიკი სასჯელი გამოუტანა. ქვეყნის მოსათხრელად და საბოლოოდ დასამორჩილებლად აქ გამოიგზავნა თავისი სისასტიკით ცნობილი არაბი სარდალი მურვან იბნ-მუჰამედი, რომელსაც ქართველებმა „მურვან ყრუ“ შეარქვეს. როგორც ქართველი ისტორიკოსი წერს: „ამისთვის ეწოდა მეორედ (ე. ი. ზედსახელად) ყრუ, რომელ არა მიითვლიდა (ე. ი. არ იღებდა მხედველობაში) სიტყვასა განმზრახვთასა“.

735 წ. მურვან ყრუ საქართველოში 120 ათასიანი ლაშქრით შემოვიდა. მან აიღო და დაანგრია აღმოსავლეთ საქართველოს უმრავლესი ციხეები და ქალაქები, მოსახლეობა სასტიკად დაარბია ან შეუთრალებლად ამოხოცა. მურვან ყრუ დასავლეთ სა-

9. სპარტოპოლი VII-VIII სს-ში



ქართველოშიც გადავიდა, სადაც აგრეთვე დიდი ნგრევა და აოხრება შეიტანა. როგორც ძველი ქართველი ისტორიკოსი წერს, მურვანმა „შემუსრნა ყოველნი ქალაქნი და სიმაგრენი ეგრისის ქვეყნისანი“ (იხ. დოკ. 1). მოსახლეობა სასტიკ წინააღმდეგობას უწევდა. ამ ბრძოლებში თავი გამოიჩინეს არგვეთის მთავრებმა დავითმა და კონსტანტინემ, მაგრამ არაბებმა ისინი ტყვედ იგდეს და წამებით დახოცეს.

მურვან-ურუმ აიღო და დაანგრია ეგრისის დედაქალაქი სამგალავნიანი ციხეგოჯი. გადალახა კლისურის კედელი და დაანგრია ქალაქი ცხუმი (სოხუმი). ბოლოს მიადგა ანაკოფიის ციხეს, სადაც ქართლის ერისმთავარი არჩილი და მისი ძმა მირი იყვნენ გამაგრებულნი ქართველთა და აფხაზთა ლაშქრით. ქართველებისა და აფხაზების გაერთიანებულმა ლაშქარმა არაბები დაამარცხა და უკუაქცია. უკან გაბრუნებულ არაბებში თავი იჩინა მოარულმა სენმა (ეპიდემიამ), მათ ბანაკებს თავს





თბილისში მოჭრილი არაბული მოხეტები (X ს.).

დაატყდა წყალდიდობა, რამაც ძალიან დაზარალა ისინი<sup>1</sup>. მურვან ყრუს დამარბეველი ლაშქრობა საქართველოში სამ წელიწადს გაგრძელდა. მან უდიდესი ზიანი მიაყენა როგორც საქართველოს, ისე მთელ კავკასიას, ისტორიკოსის სიტყვით: ამ ლაშქრობების შედეგად საქართველო ისე განადგურებულა, რომ „არლარა იპოვებოდა ნაშენები, არცა საქამადი კაცთა და პირუტყვთა“.

2. არაბთა ბატონობის დამძიმება. მურვან-ყრუს ლაშქრობათა შემდეგ არაბებმა ქართლში ფეხი მტკიცედ მოიკიდეს, ქვეყნის მმართველად თავისი მოხელე დააყენეს, რომელსაც ამირა ეწოდებოდა. ქართლის არაბი ამირა თბილისში იჯდა. თბილისში და აღმოსავლეთ საქართველოს რიგ ციხე-ქალაქებში (რუსთავეში, დმანისში...) დამპყრობელთა ჯარი იდგა, რომელთა უფროსები ქართლის, ანუ თბილისის ამირას ექვემდებარებოდნენ. არაბებმა თბილისის ამირას დაუმორჩილეს ქართლის ერისმთავარი, რომელსაც საარაბო ხარკის აკრეფა და ადგილობრივი მოსახლეობიდან სამხედრო ნაწილების გამოყვანა ევალებოდა.

VIII საუკუნის მეორე ნახევრიდან არაბთა უღელი საგრძობლად დამძიმდა, გაიზარდა ხარკი. ამ საუკუნეში მოღვაწე ქართველი მწერალი იოანე საბანისძე წერდა: „ვართ მორწმუნენი მძლავრებასა ქვეშე დამონებულ და ნაკლულევანებითა და სიგლახაითა შეკრულნი, ვითარცა რკინითა ხარკსა ქუეშე მათსა გვემულნი და ქეჯნილნი“.

ხალხის გულისწყრომა დამპყრობთა მიმართ თანდათან იზრდებოდა. ბრძოლა ხანგრძლივი და მსხვერპლიანი იყო. ქართველი ხალხის ბრძოლას არაბთა წინააღმდეგ ხელსაყრელ პირობებს უქმნიდა ის გარემოება, რომ მიუხედავად დიდი მცდელობისა, არაბებმა დასავლეთ საქართველოში ფეხი ვერ მოიკიდეს, მთიან ზოლზეც ხელი არ მიუწვდებოდათ. მათი ძალაუფლება ძირითადად ქართლის ცენტრალურ თემებზე — ქვემო და შიდა ქართლზე ვრცელდებოდა. ხალხი არაბთა უღლის სიმძიმეს გაურბოდა, დასავლეთ საქართველოში გადადიოდა ან მთას აფარებდა თავს და იქიდან ებრძოდა მტერს. მძიმე მდგომარეობას უქმნიდნენ არაბებს ხაზარებიც, რომელთა წინააღმდეგ მათ ვერაფერი გაახერხეს. მათი ლაშქრობები ხაზარეთში დიდი მსხვერპლითა და მარცხით მთავრდებოდა.

<sup>1</sup> გადმოკვებით, რომელიც დატულია „ქართლის ცხოვრებაში“. მდინარეების ნაპირას დაბანაკებულ არაბთა ლაშქარს თავს დაატყდა წყალდიდობა. ერთმა მდინარემ წაიკვია არაბთა ჯარში მყოფი 23 000 აბაში (აბისინიელი), ხოლო მეორემ მდინარემ დააბრჩო 35 000 ცხენი. ამის შემდეგ, თითქოს, პირველ მდინარეს ეწოდა აბაშისწყალი. ხოლო მეორე მდინარეს — ცხენისწყალი.

8. ბრძოლა არაბთა ბატონობის წინააღმდეგ. VIII სუეუენის მეორე ნახევარში ამიერკავკასიაში ახალი ძალით ინთება არაბების წინააღმდეგ ბრძოლის ცეცხლი. 70-იან წლებში აჯანყებაა სომხეთში. (ჩანს ქართველები ეხმარებიან მოძმე სომხებს) დამარცხებული სომხები საქართველოში პოულობენ თავშესაფარს. აჯანყებულ სომხებთან კავშირის გამო ქართლის ერისმთავარი ნ ერ ს ე 772—3 წლებში ხალიფამ ბაღდადში დაიბარა და სამ წელს საპყრობილეში ჰყავდა. მართალია, შემდეგ ნერსე ისევ დააბრუნეს ქართლში მაგრამ რამდენიმე წლის შემდეგ ხალიფამ კვლავ დაიბარა. ნერსემ კარგად იცოდა რაც ელოდა და აღარ ეახლა ხალიფას. ნერსე ერისმთავარმა ოჯახი დასავლეთ საქართველოში, აფხაზთა მთავარ ლ ე ო ნ თ ა ნ გაგზავნა, თვითონ კი დიდი ამალით ხაზართა ხაკანთან გაემგზავრა მოსალაპარაკებლად და დახმარების სათხოვნელად. ეტყობა, ხაკანი არ დაეხმარა ქართლის ერისმთავარს და ნერსე თვითონაც დასავლეთ საქართველოში გადავიდა.

ქართლის, სომხეთისა და ალბანეთის მოსახლეობა ამბოხებულია არაბთა წინააღმდეგ. მთავრები, დიდი აზნაურები, რომელთაც თავდაპირველად სცადეს არაბებთან საერთო ენის გამონახვა, ახლა ხალხის ბრძოლას უდგებიან სათავეში.

ქართველი ხალხი ხმალთან ერთად იდეოლოგიური საშუალებებითაც ებრძოდა არაბებს. მოწინავე, პროგრესულად მოაზროვნე ქართველი პატრიოტი მოღვაწეები ხალხს არაბთა ბატონობის წინააღმდეგ ბრძოლისაკენ მოუწოდებდნენ, პატრიოტულ სულისკვეთებას უღვიძებდნენ. არაბთა წინააღმდეგ ბრძოლაში გამოჩენილ და თავდადებულ პირებს წმინდანებად აცხადებდნენ და შარა-




მოწამეთას მონასტერი იმერეთში, სადაც დარჩა დღეს არაბთა არაბების მთავრები და ვით და კონსტანტინე.

ვანდელით მოსავდნენ. მათ მოწამებრივ სიკვდილს საგანგებოდ აღწერდნენ და ეკლესიაში შეკრებილ ხალხს უკითხავდნენ, რაც დამპყრობთა წინააღმდეგ ბრძოლის მოწოდებად გაისმოდა. ასეთი მოწოდების დანიშნულება ჰქონდა დამპყრობთა წინააღმდეგ ბრძოლაში დაღუპულ არაგეთის მთაგრიბის—**და ვ ი თ ი ს ა და კ ო ნ ს ტ ა ნ ტ ი ხ ე ს** წაძების, ერისმთავარ **არჩილის** მოღვაწეობისა და მოწამებრივი სიკვდილის, განსაკუთრებით **ი ო ა ნ ე ს ა ბ ა ნ ი ს - ძ ი ს** მიერ **ა ბ ო ტ ფ ი ლ ე ლ ი ს** ქრისტიანობისათვის თავდადების ამბის აღწერას.

აბო წარმოშობით არაბი იყო, სჯულით მაჰმადიანი, ნერსე ერისმთავრის მსახური. იგი ნერსეს საქართველოში წამოჰყვა. გაიწიწა და შეიყვარა ქრისტიანული სარწმუნოება და მალე გაქრისტიანდა კიდევ. ამ მიზეზით არაბებმა იგი სასტიკად აწამეს. ეს კერძო ხასიათის ამბავი ნიჰიერმა და დახელოვნებულმა მწერალმა იოანე საბანისძემ კარგად გამოიყენა ქართველთა ეროვნული გრძნობების გამოსავლიანად. ისლამისა და ქრისტიანობის სახით აქ ხომ არაბობა და ქართველობა უპირისპირდებოდა ერთმანეთს. საბანისძის მიზანი იყო ამ მაგალითით, როდესაც თვით დამპყრობელი ერის წარმომადგენელი მათ მხარეზე და მათ სარწმუნოებაზე გადმოდოდა და ამ სარწმუნოებისა და ახალი სამშობლოსათვის თავსაც სწირავდა, გაემხნეებინა სუსტნი და მერყეენი, რომელნიც „შიშითა განილევიან და ირყევიან, ვითარცა ლერწამნი ქართაგან ძლიერთა“.

ბრძოლა დამპყრობთა წინააღმდეგ განსაკუთრებით გამწვავდა VIII საუკუნის დასასრულსა და IX საუკუნის დასაწყისში. ყველაზე დაუნდობელი ეს ბრძოლა ქართლის ბარის ცენტრალურ თემებში იყო. არაბებმა გააუქმეს ქართლის ერისმთავრის ხელისუფლება და ქართლის ფეოდალური არისტოკრატის მნიშვნელოვანი ნაწილი გაჟლიტეს. დამპყრობთა წინააღმდეგ ბრძოლამ საერთო-სახალხო ხასიათი მიიღო.

**4. ახალი ქართული სამეფო-სამთავროების აღმოცენება.** არაბთა ბატონობის ვითარებაში ქართლის ერისმთავრის ხელისუფლება ერთობ შესუსტდა, ხოლო შემდეგ, როგორც დავინახეთ, საერთოდ გაუქმდა კიდევ. უცხო ძალის ასეთი ხელისშემშლელი ზეგავლენის მიუხედავად ფეოდალური ურთიერთობა საქართველოში ვითარდება და უფრო მაღალ საფეხურზეც ადის. არაბთაგან შევიწროებული ქართლის ცენტრალური თემების მოსახლეობა განაპირა, არაბთათვის შედარებით მიუწვდომელ თემებში (დას. საქართველო. მთის რაიონები და სხვ.) სახლდება და იქ თავისი სოციალურ-ეკონომიკური და პოლიტიკური წყობაც შეაქვს.



იქმნება პირობები, რომ ამ ნაწილებში ახლებური, უფრო განვითარებული ფეოდალური პოლიტიკური ერთეულები აღმოცენდეს. მართლაც, VIII საუკუნის ბოლოდან საქართველოს განაპირა რაიონებში ზედიზედ ჩამოყალიბდა ახალი ქართული ფეოდალური სამეფო-სამთავროები.

ყველაზე ადრე, VIII საუკუნის 80-იან წლებში, მღ. არაგვისა და ივრის ხეობების ზემო წელში ჩამოყალიბდა კახეთის სამთავრო, რომლის ცენტრიც თიანეთში იყო. მის სათავეში იდგა მთავარი, რომელიც ქორეპისკოპოსის ტიტულს ატარებდა. ამ სამთავროს აღმოსავლეთით წარმოიქმნა ჰერეთის სამეფო.


VIII საუკუნის დასასრულს შეიქმნა მთელი დასავლეთ საქართველოს მომცველი დიდი ქართული სახელმწიფო „აფხაზთა სამეფო“. როგორც დავინახეთ, ეგრისის (ლაზიკის) სამეფო დასუსტდა ბიზანტიასთან ბრძოლებში. ბიზანტიელებმა შეძლეს აქ მეფის ხელისუფლების გაუქმება. არაბების პერიოდულმა შემოსევებმა და დროდადრო ბატონობამ კიდევ უფრო დაასუსტა ადგილობრივი ხელისუფლება. ქვეყნის სოციალურ და კულტურულ განვითარებაში მნიშვნელოვანი ცვლილებები შემოაქვს აქ ქართლიდან შემოსახლებულთა მრავალრიცხოვან მასას. ამ საუკუნის მანძილზე თანდათან გაძლიერდა აფხაზთა სიერისთავო, რომელიც არაბთა თავდასხმებისგან შედარებით დაცული იყო და დარჩენილი იყო უკვე დასუსტებული ბიზანტიის ქვეშევრდომობა-



აშოტ კურაპალატის გამოსახულება ოპიზის ტაძარზე (X ს.).

ში. აფხაზთა საერისთავომ VIII საუკუნის პირველ ნახევარში აფშილეთი შეიერთა, ხოლო შემდეგ, საუკუნის მეორე ნახევარში, აფხაზეთი და ეგრისიც გაერთიანდა. აფხაზთა ერისთავმა ლეონ II ისარგებლა ბიზანტიაში გაშლილი შინაბრძოლებით და თავი მეფედ გამოაცხადა (იხ. დოკ. 2). ამ დიდ დასავლურქართულ სახელმწიფოს, რომლის დედაქალაქი ქუთაისი იყო, ეწოდებოდა „აფხაზთა სამეფო“ (ან „ეგრისის სამეფო“).

IX საუკუნის დამდეგს დამოუკიდებელი ქართული სახელმწიფო შეიქმნა სამხრეთ-დასავლეთ საქართველოშიც. ქართლის უკანასკნელი ერისმთავარი აშოტ ბაგრატიონი გამოექცა არაბებს და თავისი ოჯახითა და მრავალრიცხოვანი ამალით საგვარეულო მამულში, კლარჯეთში დასახლდა. აქედან მან თანდათანობით დაიმორჩილა და დაიქვემდებარა მეზობელი თემები და საკმაოდ ვრცელი სამფლობელო შექმნა. არაბების შეურიგებელ მოწინააღმდეგეს ბიზანტიაც მფარველობდა. იმპერიის ხელისუფლებამ აშოტს კურაპალატის მაღალი ტიტული უბოძა.



ოპიზის ტაძარი (VIII—X სს.).

აშოტმა თავის დედაქალაქად არტანუჯი აქცია. ასე თანდათანობით აქაე ჩამოყალიბდა ახალი სამთავრო, რომელსაც ქართველთა, ანდა ძირითადი პროვინციების მიხედვითა ტაოკლარჯეთის სამთავრო ეწოდება<sup>1</sup>. IX საუკუნის ბო-

<sup>1</sup> ბაგრატიონთა კურაპალატობის გამო ამ სახელმწიფოს ქართველთა საკურაპალატოც ეწოდება.

ლოს აშოტის შთამომავალმა ადარნასე ბაგრატიონმა „ქართველთა მეფის“ ტიტული მიიღო და ამიერიდან ამ სახელმწიფოს „ქართველთა სამეფო“ ეწოდება. ბაგრატიონთა საგვარეულო წარმოშობით ძველისძველი ქართული პროვინციიდან — ს კ ე რ ი დ ა ნ (დღევანდელი ისპირი, თურქეთშია) იყო.

IX საუკუნის დასაწყისიდან სახალიფოდან გამოყოფას და დამოუკიდებელ პოლიტიკურ ერთეულად ჩამოყალიბებისათვის ბრძოლას იწყებს თ ბ ი ლ ი ს ი ს ს ა ა მ ი რ ო ც, რომლის ფარგლებში შედიოდა თბილისს გარდა შიდა ქართლის ნაწილი და ქვემო ქართლი. მიუხედავად იმისა, რომ თბილისი მაჰმადიანი ამირების ხელთ იყო, ის არ იყო მოწყვეტილი საერთო ქართულ სხეულს. საამიროს ქართული მოსახლეობა მჭიდროდ იყო დაკავშირებული საქართველოს სხვა კუთხეების მცხოვრებლებთან. თბილისი მსოფლიო მნიშვნელობის სავაჭრო გზაზე მდებარეობდა, მონაწილეობდა საერთაშორისო ვაჭრობაში, რაც ბევრ ქართველსა და არაქართველს იზიდავდა. საქართველოს სხვადასხვა კუთხიდან აქ მრავლად ჩამოდიოდნენ გლეხები და ხელოსნები და თავისი ნაწარმი ჩამოჰქონდათ. თბილისი მახლობელი აღმოსავლეთის ერთ-ერთ დიდ ქალაქად იქცა, ხოლო თბილისის საამირო თანდათან ფაქტობრივად ქართულ ფეოდალურ სამთავროდ.

### კითხვები

1. რა იყო მიზეზი საქართველოში მურვან ყრუს ლაშქრობისა? 2. რა შედეგებით იბრძოდნენ ქართველები არაბების წინააღმდეგ? 3. რა და რა სამეფო-სამთავროები აღმოცენდა საქართველოში VIII—IX საუკუნეებში?

## დ მ კ უ მ ე ნ ტ ე ბ ი

1. XI საუკუნის ქართველი ისტორიკოსი ჭუანწერი საქართველოში მურვან ყრუს ლაშქრობათა შესახებ

„... მოიწია ამირა აგარიანი (ე. ი. მაჰმადიანი) ქართლად, რომელსა ერქვა მურვან ყრუ, ძე მომადისა... ამისთვის ეწოდა მეორედ (ე. ი. მეორე სახელად) ყრუ, რომელ არა მიითვალეიდა სიტყვასა განმზრახვთასა. ... მოვლო ყრუმან ყოველი კავკასია, და დაიპყრო კარი დარიელი-სა და დარუბანდისა, და შემუსრნა<sup>1</sup> ყოველნი ქალაქნი და უმრავლესნი ციხენი ყოველთა საზღვართა ქართლისათა...

<sup>1</sup> შემუსრნა — დაანგრია.

... შემუსრნა ყოველი ქალაქი და სიმაგრენი ეგრისის ქვეყახისა-  
ნი. და ციხე იგი სამ-ზღუდე (სამ გალავნიანი), რომელ არს ციხეგოჯი.  
შემუსრნა. და შეველო ზღუდე იგი საზღვარი კლისურისა.

და ვითარცა შეველო ყრუმან კლისურა... შემუსრნა ქალაქი აფში-  
ლეთისა ცხუმი და მოადგა ციხესა ანაკოფისასა... რომელსა შინა იყუ-  
ნეს შამინ მეფენი ქართლისანი მირ და არჩილ... ერისთავი ლეონ (აფ-  
ხაზთა ერისთავი) შესრულ იყო ციხესა სობლისასა. რომელ არს გა-  
დასავალსა ოსეთისასა. და ვერეინ შემძლებელ იყო წყობად ყრუსა.  
რამეთუ იყვნეს სპანი მისნი უფროს და უმრავლეს ქალაქთა ეგრისთა.

...განვიდეს სასოებით! ღმრთისათა წყობად მათდა და ეწყუნეს<sup>2</sup>, და  
მოსცა უფალმან ძლევა მცირეთა ერთა ქრისტიანეთა.

და აღიყარა (მურვანე) მუნით (ანაკოფიიდან) და შემოვლო გზა გუ-  
რიისა და განვლეს სპერისა...

... ხოლო იქმნა მას ეამსა განრყუნილ<sup>3</sup> ქუეყანა ქართლისა, სომ-  
ხითისა და რანისა და არლარა იპოვებოდა ნაშენები, არცა საჭამადი<sup>4</sup>  
კაცთა და პირუტყვთა ყოვლადეე“.

## კითხვები და დავალება

1. დასახელებთ ციხეები და ქალაქები. რომლებიც დაუპყრია და დაუნგრე-  
ვია მურვანს ევონსი. 2. რა შედეგები მოყვა მურვანის ლაშქრობას ქართლსა  
და ეგრისში? 3. როგორია ჭუნაშვილის დამოკიდებულება მურვანის ლაშქრობი-  
სადმი? 4. დასაბუთეთ თქვენი აზრი დოკუმენტის მიხედვით.

## 2. XI ს. ძეგლი „მატიანე ქართლისა“ აფხაზთა სამეფოს წარმოქმნის პირობების შესახებ

„ხოლო რაეამს მოუძღურდეს ბერძენნი, გადგა მათგან ერისთავი  
აფხაზთა სახელით ლეონ. ძმისწული ლეონ ერისთავისა, რომლისად მიე-  
ცა სამკვიდროდ აფხაზეთი. ესე მეორე ლეონ ასულის წული იყო  
ხაზართა მეფისა, და ძალითა მათითა გაადგა (ე. ი. გადაუდგა) ბერძენ-  
თა. დაიპყრა აფხაზეთი და ეგრისი ვიდრე ლიხამდე. სახელ-იდეა მეფე  
აფხაზთა“.

## კითხვები და დავალებები

1. შუა საუკუნეების ისტორიიდან გაიხსენეთ თუ რა ვითარებაა ამ პერიო-  
დის ბიზანტიისში. რა იგულისხმება „ბერძენთა მოუძღურებაში“? 2. ვისი ძალა  
გამოიყენა აფხაზეთის ერისთავმა ლეონმა ბიზანტიისაგან დამოუკიდებლობის  
შისაპოვებლად? 3. რას ნიშნავს: ლეონისათვის „მიეცა სამკვიდროდ აფხაზეთი“?  
4. გაიხსენეთ. კიდეც ეინ მოიპოვა ასეთი „განმკვიდრების“ უფლება?

<sup>1</sup> სასოებით — იმედით. <sup>2</sup> ეწყუნეს — შეებრძოლნენ. <sup>3</sup> განრყუნ-  
ლი — აოხრებული. <sup>4</sup> საჭამადი — საჭმელი.

1. ფეოდალური ურთიერთობის განმტკიცება და გაფართოება. განვლილ პერიოდში მნიშვნელოვანი ცვლილებები მოხდა საქართველოს საზოგადოებრივი კლასების მდგომარეობაში. აზნაურები სულ უფრო და უფრო აფართოებდნენ თავიანთ ფეოდალურ უფლებებსა და სამფლობელოებს. ისინი სხვადასხვა გზით ხელთ იგდებდნენ თავისუფალ მეთემეთა მიწებს, ხოლო თვითონ მეთემეებს ყმა-გლეხებად აქცევდნენ. მოსახლეობა თავის მიწას და თავისუფლებას, რა თქმა უნდა, უბრძოლველად არ თმობდა და იარაღით ხელში გააფთრებით იბრძოდა, მაგრამ უპირატესობა უკეთ შეიარაღებული და ორგანიზებული აზნაურების მხარეს იყო.

ფეოდალურ ხანაში სიმდიდრისა და ძალაუფლების მთავარი წყარო მიწა იყო. ძლიერი იყო ის, ვისაც დიდი სამფლობელო ჰქონდა. თავდაპირველად ყველაზე დიდი მიწისმფლობელი მეფე იყო, მაგრამ მეფე იძულებული ხდებოდა სხვადასხვა სამსახურის სანაცვლოდ აზნაურებისთვის გადაეცა თავისი სამფლობელოს დიდი ნაწილი. მიწა ეძლეოდა შეწირულობის სახით ეკლესია-მონასტრებსაც. დიდაზნაურების ხელთ იყო ქვეყნის ცალკეული კუთხეების მმართველობა და სამეფოს უმაღლესი სამოხელეო თანამდებობანი. დიდაზნაურები ესწრაფოდნენ, რომ თავიანთი საგანმგებლო ტერიტორიები და თანამდებობანი სამეგვიდრეო სამფლობელოდ ექციათ. როგორც უკვე დავინახეთ, ამ ნიადაგზე მეფესა და უძლიერეს ფეოდალებს შორის მწვავე კონფლიქტი და ბრძოლა გაჩაღდა, რაც ქართლში მეფის ხელისუფლების გაუქმებით დამთავრდა. დამპყრობლები ხალხით უქერდნენ მხარს მეფის მოწინააღმდეგე დიდაზნაურებს, რათა ასეთი გზით ქვეყანაში თავიანთი ბატონობა უზრუნველყვით. ჭერ ირანელებმა, შემდეგ ბიზანტიელებმა ქართლის დიდაზნაურებს მემკვიდრეობით მფლობელობაში დაუმტკიცეს მათ ხელთ მყოფი საგანგებლო ტერიტორიები (მაგალითად, საერისთავოები). ამით მსხვილი ფეოდალები თავიანთ სამფლობელოებში თითქმის სრულ შეუქცალობას აღწევდნენ ე.ი. თავიანთ მამულებში ისინი იყვნენ სრულუფლებიანი ბატონ-პატრონნი და მოსამართლე-გამაკითხავნი.

წერილი და საშუალო აზნაურები იძულებული გახდნენ ძლიერ ფეოდალთა მფარველობაში შესულიყვნენ. მიწისა და მწარმოებელი საზოგადოების დაუფლებისათვის ბრძოლამ ამ პერიოდში უმაღლეს წერტილს მიაღწია. ქართველი მემკვიდრე წერს: „იქმნა სიმრავლე მთავართა ქვეყანასა ქართლისასა და შეერია ბრძოლა, იქმნეს მტერ ურთიერთას“. ამ ბრძოლების ვითარებაში შედარებით სუსტი აზნაურები უფრო ძლიერი მთავრების მფარველობას ეძებდ-



ნენ და მათ ყმობაში შედიოდნენ. ზოგჯერ დიდაზნაურები ძალი-  
თაც იქვემდებარებდნენ სხვა წვრილ და საშუალო ფეოდალებს.  
ახე თანდათანობით წარმოიქმნა მფარველობა-მორჩილებაზე, ანუ  
პატრონობასა და ყმობაზე დამყარებული მსხვილი საფეოდალოები,  
რომლებიც დასავლეთ ევროპული ხენიორიების მსგავსნი იყვნენ.

ქართული ფეოდალური საზოგადოების ნორმალურ განვითარე-  
ბას ერთგვარად აფერხებდა არაბთა ბატონობა, მაგრამ არაბები  
თვითონ განიცდიდნენ დაპყრობილი ხალხების გავლენას და ფეო-  
დალიზაციის პროცესს, რის შედეგადაც არაბთა სახალიფო თან-  
დათან დაიშალა. ამას გარდა, არაბთა ბატონობა ძირითადად ქართ-  
ლის ცენტრალურ რაიონებზე ვრცელდებოდა, ამასობაში კი გა-  
ნაპირა რაიონებში აღმოცენდნენ ახალი ქართული სამეფო-სამთავ-  
როები, რომლებიც საზოგადოებრივად ფეოდალური ურთიერთო-  
ბის უფრო მაღალ საფეხურზე იყვნენ.

2. IV — VIII საუკუნეების ქართული ლიტერატურა და მეცნიე-  
რება. ფეოდალური ურთიერთობის გამარჯვება საქართველოში  
დაემთხვა ქრისტიანობის სახელმწიფო რელიგიად გამოცხადებას.  
ქრისტიანობა კარგად შეეგუა ფეოდალური ურთიერთობის ნორ-  
მებს და ამდენად იგი ქართული ფეოდალიზმის იდეოლოგიად იქ-  
ცა. ქრისტიანული რელიგია ქადაგებდა უსიტყვო მორჩილებას,  
გაჭირვების უდრტივნიველად ატანას, ამის გამო იგი ვაბატონებუ-  
ლი ფეოდალური კლასის ხელში მძლავრ იარაღად იქცა ყმა-  
გლეხობის დასამორჩილებლად. ქართული კულტურის ყველა სფე-  
როში ქრისტიანული იდეოლოგია განუსაზღვრელი უფლებით სარ-  
გებლობდა.

• აღრეფეოდალურმა საქართველომ ანტიკური ხანიდან მდიდარი  
კულტურული მემკვიდრეობა მიიღო, ამიტომ ამ პერიოდის ქარ-  
თული კულტურა ემყარებოდა წინა პერიოდის ტრადიციებს. მას  
აგრეთვე მჭიდრო კავშირი ჰქონდა მეზობელი ქვეყნების და ხალ-  
ხების — ბიზანტიის, ირანის, არაბების, სომხების — კულტურას-  
თან. ეს ურთიერთობა ამდიდრებდა ქართულ კულტურას და ხელს  
უწყობდა მის წინსვლას. თავის მხრივ ქართულ კულტურასაც  
შეჰქონდა თავისი წვლილი მეზობელი ხალხების კულტურულ გან-  
ვითარებაში.


ქრისტიანულმა რელიგიამ სასტიკი ბრძოლა გამოუცხადა წარ-  
მართულ მსოფლმხედველობასა და წეს-ჩვეულებებს. ამ დროს მო-  
ისპო წინაქრისტიანული კულტურის არაერთი ძეგლი. შესაძლებე-  
ლია, ამ დროს განადგურდა წარმართობის დროინდელი ქარ-  
თული დამწერლობის ძეგლები. თვითონ ქართულმა დამწერლო-  
ბამ ქრისტიანობის შემოსვლასთან ერთად განსაკუთრებულ  
მნიშვნელობა მოიპოვა.

ქრისტიანობა წიგნიერი რელიგია იყო და დამწერლობის ფართო გამოყენებას მოითხოვდა. ამასთან დაკავშირებით ქართული ანბანი უფრო დაიხვეწა და სრულყოფილი გახდა, ბერძნულის მიხედვით ყველა ხმოვნისათვის განსაკუთრებული ნიშანი იქნა შემოღებული, ასოთა თანმიმდევრობაც ბერძნულის მიხედვით გაიმართა და თითოეულ ასოს რიცხვითი მნიშვნელობა მიენიჭა. მაგალითად, ა — 1-ს აღნიშნავდა, ბ — 2-ს, გ — 3-ს, ი — 10-ს, რ — 100-ს და ა.შ.

	1	2	3
ა	Ⴀ	Ⴁ	1
ბ	Ⴂ	Ⴃ	2
გ	Ⴄ	Ⴅ	3
დ	Ⴆ	Ⴇ	4
ე	Ⴈ	Ⴉ	5
ვ	Ⴊ	Ⴋ	6
ზ	Ⴌ	Ⴍ	7
თ	Ⴎ	Ⴏ	8
ი	Ⴐ	Ⴑ	9
კ	Ⴓ	Ⴔ	10
ქ	Ⴖ	Ⴗ	20
ც	Ⴘ	Ⴙ	30
ძ	Ⴚ	Ⴛ	40
წ	Ⴝ	Ⴞ	50
ჭ	Ⴟ	Ⴀ	60
ხ	Ⴒ	Ⴓ	70
ძ	Ⴕ	Ⴖ	80
წ	Ⴗ	Ⴘ	90
ჭ	Ⴚ	Ⴛ	100

	1	2	3
ს	Ⴜ	Ⴝ	200
ც	Ⴟ	Ⴘ	300
ძ	Ⴚ	Ⴛ	400
წ	Ⴜ	Ⴝ	
ჭ	Ⴟ	Ⴘ	500
ხ	Ⴒ	Ⴓ	600
ღ	Ⴔ	Ⴕ	700
ყ	Ⴗ	Ⴘ	800
შ	Ⴚ	Ⴛ	900
ჩ	Ⴜ	Ⴝ	1000
ც	Ⴟ	Ⴘ	2000
ძ	Ⴚ	Ⴛ	3000
წ	Ⴜ	Ⴝ	4000
ჭ	Ⴟ	Ⴘ	5000
ხ	Ⴒ	Ⴓ	6000
კ	Ⴕ	Ⴖ	7000
ქ	Ⴗ	Ⴘ	8000
წ	Ⴚ	Ⴛ	9000
ჭ	Ⴜ	Ⴝ	10000

ქართული ასომთავრული ანბანი. პირველ სვეტში V—VI სს. ძეგლების მიხედვით. მეორე სვეტში—VII—VIII სს. ძეგლებში. მესამე სვეტში რიცხვითი მნიშვნელობა.



ქართული დამწერლობის უძველესი ძეგლები ჯერჯერობით მხოლოდ V საუკუნიდანაა მოღწეული. ეს არის პალესტინაში აღმოჩენილი მოზაიკით შესრულებული წარწერა, რომელიც იქ არსებულ ქართული მონასტრის იატაკზეა შემორჩენილი და V საუკუნის 30-იანი წლებით თარიღდება. საქართველოს ტერიტორიაზე უძველესი წარწერა შემორჩენილია ბოლნისის ტაძარზე (473 — 494 წწ). ასევე ძველი წარწერებია შემორჩენილი მცხეთის ჯვრის ტაძარსა და სხვა ძეგლებზე.

უძველესი სახე ქართული დამწერლობისა იყო ასომთავრული, ანუ მრგვლოვანი დამწერლობა. V — VIII საუკუნეებში მრგვლოვან დამწერლობას ხმარობდნენ როგორც ეპიგრაფიკულ ძეგლებზე (ე.ი. წარწერებში ეკლესიებზე, ქვის სტელებზე, მოზაიკურ იატაკზე და სხვ.), ისე ძველ წიგნებშიც. წიგნები მაშინ სპეციალურად გამოყვანილი ტყავისაგან (ეტრატისაგან) მზადდებოდა და ძალიან ძვირი ღირდა. ამიტომ ხშირად ძველ ნაწერს ამოშლიდნენ ხოლმე და მასზე ახალი ტექსტი დაჰქონდათ. ასეთ ხელნაწერებს პალიმფსესტები ეწოდება. მეცნიერებმა შეძლეს პალიმფსესტებში ძველი გადაშლილი ნაწერის ამოკითხვა და ბევრი V — VI საუკუნის ქართული ტექსტის აღდგენა. ამ ხანებშივე შეიქმნა ქართული წელთაღრიცხვის სისტემა.

თავდაპირველად დათარიღება მეფეთა ზეობის მიხედვით ხდებოდა. თუ საქართველოში სპარსელები ბატონობდნენ, თარიღიც ამა თუ იმ შაჰის გამეფებიდან იან-

უძველესი ქართული ასომთავრული წარწერა პალესტინიდან (V ს. I ნახ.), შესრულებული იქ არსებული ქართული მონასტრის მოზაიკურ იატაკზე.

პალიმფსესტური ხელნაწერის ფრაგმენტი (V — VI სს.).

აღწერილობა  
 ანუ მრგვლოვანი  
 დამწერლობის  
 უძველესი სახე  
 ქართული დამწერლობისა  
 იყო ასომთავრული  
 ანუ მრგვლოვანი  
 დამწერლობა  
 V — VIII საუკუნეებში  
 მრგვლოვან დამწერლობას  
 ხმარობდნენ როგორც  
 ეპიგრაფიკულ ძეგლებზე  
 (ე.ი. წარწერებში ეკლესიებზე,  
 ქვის სტელებზე, მოზაიკურ  
 იატაკზე და სხვ.), ისე ძველ  
 წიგნებშიც. წიგნები მაშინ  
 სპეციალურად გამოყვანილი  
 ტყავისაგან (ეტრატისაგან)  
 მზადდებოდა და ძალიან  
 ძვირი ღირდა. ამიტომ ხშირად  
 ძველ ნაწერს ამოშლიდნენ  
 ხოლმე და მასზე ახალი  
 ტექსტი დაჰქონდათ. ასეთ  
 ხელნაწერებს პალიმფსესტები  
 ეწოდება. მეცნიერებმა  
 შეძლეს პალიმფსესტებში  
 ძველი გადაშლილი ნაწერის  
 ამოკითხვა და ბევრი V — VI  
 საუკუნის ქართული ტექსტის  
 აღდგენა. ამ ხანებშივე  
 შეიქმნა ქართული წელთაღრიცხვის  
 სისტემა.



ქართული ასომთავრული  
წარწერა პალესტინიდან.

გარიშებოდა, თუ ბიზანტიელები — ბიზანტიის იმპერატორის ზეობით. ქრისტიანული დღესასწაულების განსაზღვრის აუცილებლობამ, რომლებიც იანგარიშებოდა ხან შვის, ხან მთვარის მიმოქცევის მიხედვით, მოითხოვდა კალენდრის მოწესრიგება და სტაბილურობა. შვისა და მთვარის მიმოქცევაზე ხანგრძლივი ასტრონომიული დაკვირვებით დადგინდა, რომ კვირის დღეებისა და თვეთა რიცხვების თანმიმდევრობა ზუსტად მეორედება მხოლოდ 532 წლის შემდეგ, ამიტომ 532 წლიანი ციკლი აღებულ იქნა ერთ მოქცევადა.

ქრისტიანულ ქვეყნებში ჩვეულებრივ წელთაღრიცხვას იწყებდნენ „სამყაროს გაჩენიდან“. „სამყაროს გაჩენის“ ბიბლიური ლეგენდა ცალკეულ ქვეყნებში სხვადასხვანაირად ესმოდათ. ამიტომ დათარიღებაც „სამყაროს გაჩენისა“ სხვადასხვა იყო. საქართველოში მიღებული იყო, რომ სამყარო თითქოს გაჩნდა ჩვ.წ.-აღმდეგ 5604 წელს და აქედანვე იწყებდნენ წელთაღრიცხვას. წელთა ეს რაოდენობა დაყოფილი იყო 532 წლიან (ციკლებად, რაც მოხახვრებელი იყო საეკლესიო დღესასწაულების გამოსათვლელად. თითოეულ 532 წლიან ციკლში მოქცევა ეწოდებოდა. მაგალითად ახ. წ.-აღ-ვით 780 წელს დამთავრდა მე-12 მოქცევა და დაიწყო მე-13, რომელიც თავის მხრივ დამთავრდა 1312 წელს. მოქცევის ყოველ წელს ქორონიკონი ეწოდებოდა. თუ მითითებული იყო, რომ ესა თუ ის ამბავი მოხდა ქორონიკონსა ამას და ამას, თუ ვიცით დაახლოებით რომელი მოქცევის ფარგლებში ჰქონდა მას ადგილი, მაშინ ამ მოქცევის დასაწყისის, ვთქვით 780 ან 1312 წელს მივუმატებთ ქორონიკონის რიცხვს და მივიღებთ ახალი წელთაღრიცხვით დათარიღებას. *ქორონიკონსა 15* შეესაბამება ახ. წ.-აღ-ვით 795 (780 + 15) ან 1327 (1312 + 15) წელი.

უძველესი საქონისტიანო წიგნები, რომლებიც სხვადასხვა ეხადან (ბერძნულიდან, სირიულიდან, ებრაულიდან) ქართულად ითარგმნებოდა, იყო „სახარება“ და „ბიბლია“. მალე ორიგინალური მწერლობაც გაჩნდა. ეს იყო ჰაგიოგრაფიული თხზულებანი, ანუ ისეთი ნაწარმოებები; სადაც აღწერილი იყო ქრისტიანობისთვის თავდადებული პირების ცხოვრება და მოღვაწეობა. ჩიინ იცით, რომ V საუკუნეში ი ა ვ ო ბ ხ უ ც ე ს შ ა დაუწერა „*შუ შ ა ი კ ი ს წ ა მ ე ზ ა*“. ეს არის ჯერჯერობით ივესასის ცნობილი უძველესი ქართული ლიტერატურული ნაწარმოები. VI საუკუნეში დაიწერა „*ევსტათე მცხეთელის წამება*“, VIII ს-ში — *იოანე საბანისძის „ა ბ ო ტ ფ ი ლ ე ლ ი ს წ ა მ ე ბ ა“* და სხვ. მათში კარგად აისახა ქართველი ხალხის ბრძოლა უცხოელ დამპყრობთა წინააღმდეგ, ქვეყნის პოლიტიკური, სოციალურ-ეკონომიკური და

კულტურული მდგომარეობა, ამიტომ ისინი შესანიშნავი საისტორიო თხზულებებია.


ამ დროის საქართველოში ფართოდ იყო გავრცელებული ანტი-კური ფილოსოფია, რიტორიკული ხელოვნება. IV ს. ეგრისელებს არაერთხელ უსახელებიათ თავი მჭევრმეტყველებით ბერძნების სადღესასწაულო კრებებზე. იმავე IV საუკუნის II ნახევარში აღმოსავლეთ რომის იმპერიაში თავისი ჭკუით, განათლებითა და ფილოსოფიის სიყვარულით კარგად ყოფილა ცნობილი ქართველი მეფისწული ბაკური. ცხადია, რომ ძველ იბერიასა და კოლხეთში გავრცელებული იყო ბერძნული განათლება, ძველი ბერძნული ფილოსოფიისა და პოეზიის ცოდნა. IV საუკუნის კოლხეთში, ქ. ფაზისის (ფოთის) მახლობლად, არსებობდა ფილოსოფიურ-რიტორიკული სკოლა, სადაც განათლება მიუღიათ ცნობილ ბერძენ რიტორებს ევგენიოსს და მის შვილს თემისტოიოსს (იხ. დოკ. 1).

V საუკუნის პირველ ნახევარში ქართველი მეფისწული მუხანოსი, რომელიც მძევლად იყო წაყვანილი და იზრდებოდა კონსტანტინოპოლში, გახდა მთელს მსოფლიოში სახელგანთქმული ფილოსოფოსი. მურვანოსი პეტრიე ბერის სახელითაა ცნობილი. მას არ გაუწყვეტია კავშირი საქართველოსთან და არა ერთი ქართული მონასტერი დააარსა პალესტინაში.

**8. ხელოვნება.** ადრეფეოდალური ხანა ერთ-ერთი მნიშვნელოვანი პერიოდია ქართული ხელოვნების განვითარებაში. ქრისტიანულმა რელიგიამ ხელოვნებაშიც გარკვეული მოთხოვნების დაკვა მოითხოვა, რაც საერთო უნდა ყოფილიყო ყველა ქრისტიანული ქვეყნისათვის, მაგრამ ჩვენმა ხალხმა ქართულ ხელოვნებას მკაფიოდ გამონატული ეროვნული სახე მისცა. ეს შეინიშნება როგორც ხუროთმოძღვრებაში, ისე ძეგლების გაფორმებასა და ქვისა და ლითონის ქანდაკებაში.

ქრისტიანულმა რელიგიამ მშენებლობას სრულიად გარკვეული ამოცანა დაუსახა. უნდა აგებულიყო საგანგებო ნაგებობანი — ეკლესიები,<sup>1</sup> სადაც ღვთისმსახურება შესრულდებოდა. თავდაპირველად მცირე ზომის, მარტივი ეკლესიები შენდებოდა. ასეთები შემორჩენილი გვაქვს ნეკრესის მონასტერთან, ძველი შუამთის მონასტრის კომპლექსში, მატანის ცხრაკარზე და სხვ. მაგრამ V საუკუნიდან უკვე გრანდიოზული ნაგებობანი შენდება. ესენია ე.წ. ბაზილიკები—ორფერდა სახურავი-

<sup>1</sup> ეკლესია — ბერძნული სიტყვაა და შეკრებას, კრებულს. აგრეთვე შესაყრებელ ადგილს აღნიშნავდა. შემდეგში „ეკლესია“ დაერქვა იმ შენობასაც, სადაც ქრისტიანების კრებული თავს იყრიდა ლოცვისათვის.




ბოლნისის სიონის გეგმა.  
 1. აბსიდი — საკუთხეველი. 2. სვეტები. 3. სანათლაი (ბაბტიტერიუმი). 4. კარიბჭეები (პორტიკები). 5. საძვლე (კრიბტა).

ნი, უმთავრესად სვეტებით ნაწილებად (ნაეებად) გაყოფილი ნაგებობანი. ამის ნიმუშს წარმოადგენს ბოლნისის სიონის ტაძარი. ეს არის სამნავიანი ბაზილიკა ხუთი წყვილი სვეტის რიგებით გაყოფილი, საკმაოდ კარგად დაცული პროპორციებით, მკაცრი სისადავით.

გვიანდელი ძეგლებისაგან განსხვავებით, ქვაზე კვეთილი სკულპტურული გამოსახულებანი აქ ძირითადად ტაძრის შიგნითაა თავმოყრილი: ეს არის ცხოველებისა და ჯვრების გამოსახულებანი სვეტის თავებზე, გეომეტრიული და მცენარეული ორნამენტები, ბევრგანაა გამოსახული ქრისტიანული რელიგიის სიმბოლო ჯვარი, რომელიც წრეშია ჩასმული და თავისებური ფორმის გამო „ბოლნური ჯვარის“ სახელითაა ცნობილი. ცხოველებს გამოსახულებებს შორის აღსანიშნავია ხარის თავის სკულპტურული გამოსახულება, რომელიც წარმართობის დროიდან მომდინარე ტრადიციის გამომხატველია, მაგრამ ამჟერად მას რქებს შორის ქრისტიანული ჯვარი აქვს ჩადგმული.

ასეთ უძველეს ბაზილიკურ ნაგებობებს განეკუთვნება ურბნისის ტაძარი, ზაშმის სამება, თბილისის ანჩისხატის ტაძარი და სხვ. ბიზილიკური ნაგებობანი, როგორც ჩანს, ვერ აკმაყოფილებდა ქართველი ხალხის გემოვნებას და ქართული საამშენებლო ტრადიციიდანაც განზე იდგა, ამიტომ VI საუკუნისათვის შემუშავდა საეკ-

სვეტისთავი ცხოველების გამოსახულებით ბოლნისის სიონის ტაძრიდან (V ს.).



ლესიო ხუროთმოძღვრების ახალი ტიპი, რომლის ბრწყინვალე გვირგვინს წარმოადგენს მცხეთის ჯვრის ტაძარი. ეს არის გეგმაში ჯვრის ფორმის გუმბათიანი ნაგებობა, რომლის გუმბათიც ეყრდნობა აბსიდათა კედლების შესაყარს.


აბსიდები ტაძრის გეგმაში ჯვრის მკლავებს ქმნიან, რომელთა შორისაც კამარით გადახურული მცირე ოთახებია. ტაძრის კედლები ბარელიეფებითაა მორთული. მათზე გამოსახულნი არიან ტაძრის დამფუძნებელნი: ერისმთავარი სტეფანოზი და მისი ძმები ადარნერსე და დემეტრე. აგრეთვე ადარნერსეს შვილი პატარა ქობული. ყველა რელიეფის ჩარჩოში ამოტვიფრულია შესანიშნავი ასომთავრული წარწერები. ტაძარი არაჩვეულებრივი პარამონითა და პროპორციითაა ნაგები. ეს ურთულესი არქიტექტურული ძეგლი შესანიშნავად ერწყმის გარემო ლანდშაფტს. იგი ფრიალო კლდეზეა აგებული და ბუნებრივად აგვირგვინებს მაღალი მთის სილუეტს. ჯვრის ტიპის ტაძარი ფართოდ გავრცელდა მთელს ამიერკავკასიაში (მარტვილის ტაძარი სამეგრელოში, ატენის სიონი ქართლში, ძველი შუამთის ეკლესია კახეთში და რიგი ძეგლებისა სომხეთში).

ჯვრის ფორმის ტაძრების შემდგომი განვითარებაა წრომის ტაძარი (VII ს.), სადაც გუმბათის ყელი უკვე სვეტებზეა დაყრდნობილი და სხვა არქიტექტურული სიახლენიც შეინიშნება, რომლებიც საფუძვლად დაედო ქართული კლასიკური ხუროთმოძღვრული სტილის ჩამოყალიბებას.


საერო ძეგლებიდან აღსანიშნავია ნაგებობანი, რომელთა ნაშთებიც ამ პერიოდის ნაქალაქარებშია შემორჩენილი. ესენია აღმოსავლეთ საქართველოში — უჯარმა, ქერემი, დასავლეთ საქართველოში — ნოქალაქევი (ციხეგოჯი) და სხვა.



ქერემის ნაქალაქარის არქეოლოგიური გათხრები (V ს.).



ატენის სიონის (VII ს.)  
ხედი.





ატენის სიონის გეგმა. 1.  
აბსიდები. 2. საღიაკენე,  
3. სამკეცლო. 4. გუმბათი.


საპროექტული



წრომის ტაძრის ხედი  
(VII ს.).



წრომის ტაძრის გეგმა.



## დოკუმენტი

### 1. IV საუკუნის ბერძენი ფილოსოფოსი და რიტორი (მკვერმეტყველი) თემისტიოსი ფაზისის ფილოსოფიური სკოლის შესახებ

„მეც, ჩემო კარგო ახალგაზრდავ, რიტორიკის ნაყოფი მოეწყვიტე გაცილებით უფრო უჩინარ ადგილას, ვიდრე ეს ჩვენი ადგილია, არა წყნარსა და ელინურ ადგილას, არამედ პონტოს ბოლოში, ფაზისის მახლობლად, სადაც არგომ თესალიიდან წამოსულმა დაისადგურა... მართალია თუ არა ის, რასაც ვამბობ, ცხადი ვახდება ახლაც, თუ დაეძენ შემდეგსაც: იქ ჩავედი მე არა საკუთარი მისწრაფებითა და გადაწყვეტილებით, არამედ მე გამგზავნა იქ ისეთმა კეთილმოსურნე კაცმა, როგორც შეიძლება იყოს მამა და ისეთმა მართებულად მოაზროვნემ, როგორც შეიძლება იყოს ფილოსოფოსი. იქნებ შენ ის სრულიად დავმო იმისათვის, რომ მან თვითონაც თავისი განთქმული ფილოსოფია სწორედ იქ შეიძინა, ან უფრო მეტად დამგმო მე, რომელიც ფილოსოფიის საიდუმლოებას ბავშვობიდანვე ვარ ზიარებული“.

#### კითხვა და დავალება

1. გაიხსენეთ, რომელ „არგოზეა“ აქ ლაპარაკი? 2. სად გამოჩნდა ქართველების მაღალი რიტორიკული ხელოვნება?



IV ტ ა ვ ი

ერთიანი ქართული ზეოდალური მონარქიის  
წარმოქმნა IX — XI საუკუნეებში

§ ჯ. ბრძოლა საპატრიარქოს გაერთიანებისათვის


1. სახალიფოს დაშლა. არაბთა მიერ შექმნილი უზარმაზარი სახელმწიფო განვითარების სხვადასხვა საფეხურზე მდგომ და განსხვავებულ ზნე-ჩვეულებათა მქონე ხალხთა ნაძალადეგ, სამხედრო ძალაზე დამყარებულ გაერთიანებას წარმოადგენდა. მას არ ჰქონდა ერთიანობის მტკიცე საფუძველი. დაპყრობილ ხალხთა მძლავრმა განმათავისუფლებელმა მოძრაობამ, სახალიფოში მიმდინარე სოციალურმა და კლასობრივმა ბრძოლებმა დაასუსტა თანდათან არაბთა სახელმწიფო და IX საუკუნიდან დაიწყო მისი დაშლა.

არაბთა მიერ დაპყრობილ სხვა ხალხებთან ერთად დამპყრობილთა წინააღმდეგ ამიერკავკასიის ხალხებიც დაუცხრომლად ბრძოდნენ. 816 — 837 წლებში ალბანეთში დიდი აჯანყება მოხდა არაბთა წინააღმდეგ, რომელსაც სახალხო გმირი ბ ა ბ ე ქ ი მეთაურობდა. ბაბექს სომხები და ქართველებიც ეხმარებოდნენ. ერთ-ერთ ბრძოლაში, რომელიც სოფ. გ ა ვ ა ზ თ ა ნ (ახლა ყვარლის რაიონი) მოხდა, აზერბაიჯანელთა და ქართველთა შეერთებულმა ძალებმა სასტიკად დაამარცხეს არაბები.

ხალიფებს განუდგნენ დაპყრობილი ქვეყნების არაბი მმართველებიც. მათ დამოუკიდებლობისათვის დაიწყეს ბრძოლა. როგორც დავინახეთ, ერთ-ერთი ასეთი მმართველი იყო თბილისის ამირა, რომელიც IX საუკუნის დასაწყისიდან ცდილობდა ხალიფასაგან სრული დამოუკიდებლობის მოპოვებას. თბილისის ამირებს სახალიფოს წინააღმდეგ ბრძოლაში ქართველი მთავრებიც ეხმარებოდნენ. ხალიფები დიდ ჯარს აგზავნიდნენ თბილისის ურჩი ამირებისა და მათი მოკავშირე ქართველი მთავრების წინააღმდეგ.

ამიერკავკასიის ურჩი მოსახლეობის დასამორჩილებლად და თბილისის ამირების დასასჯელად გამოგზავნილ დამსჯელ ექსპედიციებს შორის ლაშქრის სიმრავლითა და ურჩთა მიმართ სისასტიკით გამოირჩეოდა სარდალ ბუღაბუღის მეთაურობით მოწყობილი ლაშქრობა. ბუღა თურქმა სისხლში ჩაახშო არაბების საწინააღმდეგო გამოსვლები სომხეთსა და ალბანეთში, მოადგა საქართველოს და 853 წ. 5 აგვისტოს ცეცხლი წაუქიდა თბილისს, გაუღიტა ქალაქის მოსახლეობის დიდი ნაწილი, დაამარცხა თბილისის ამირა სპაკი და მისი მოკავშირეები. სპაკი სიკვდილით დასაჯეს, მისი მოკვებითი თავი ხალიფას გაუგზავნეს. თივით გატენილი ტანი კი, ურჩთა დასაშინებლად, ქალაქის კედელზე გადმოკიდეს. ხალიფასთან გაგზავნილ ტყვეთა შორის იყო ქართლის ერთ-ერთი მთავარი კოსტანტი — კახა. ხალიფას არაერთგზისი მოთხოვნის მიუხედავად მან არ უარყო თავისი ეროვნული სარწმუნოება და არ მიიღო დამპყრობთა რელიგია მაჰმადი-

10. ქართული სამეფო-სამთავროები IX-X სს-ში



ანობა, რისთვისაც მას თავი მოჰკვეთეს (იხ. დოკ. 1).

მიუხედავად სასტიკი ზომებისა, არაბთა ძალა თანდათან სუსტდებოდა და საქართველო ნელ-ნელა თავისუფლდებოდა არაბთა მფლობელობისაგან. უკანასკნელად საქართველოს დამორჩილება ხალიფებმა სცადეს X საუკუნის დამდეგს. 914 წ. აქ მოვიდა დიდი ჭარბი ხალიფას სარდალი აბუ-ჯალალის მიხედვით. მან აიღო ციხეები უჯარმა და ბოქორმა, მოაოხრა სამცხე და ჯავახეთი. მაგრამ ვერც ამ ლაშქრობით მიაღწიეს მიზანს. არაბთა ბატონობა საქართველოში საბოლოოდ გადაეარდა.

**2. ცვლილებები ეკონომიკურ და სოციალურ ცხოვრებაში IX — X საუკუნეებში.** არაბთა ბატონობისაგან განთავისუფლებული საქართველო განუხრელად დაადგა აღმავალი ეკონომიკური და სოციალური განვითარების გზას. IX — X საუკუნეები არის აღრეული ფეოდალიზმიდან განვითარებულ ფეოდალიზმზე გარდამავალი ხანა. ეს პერიოდი საქართველოს სოფლის მეურნეობაში მნიშვნელოვანი ძვრებით აღინიშნება. განვითარების მაღალ დონეს აღწევს მემინდვრობა, მებაღეობა-მეხობსტნეობა, მევენახეობა, მესაქონლეობა. მოსახლეობა შესამჩნევად მრავლდება. მასობრივად იწყება საქართველოში მთელი რიგი დაუსახლებელი ადგილების დასახლება, მოშენება. ხალხი სახლდება მამა-პაპათა ნასახლარებზე და აქამდე გამოუყენებელ ადგილებს სამიწათმოქმედოდ იყენებს.

სამიწათმოქმედოდ გამოყენებული ფართობის გაზრდა, დაუმუშავებელი მიწის ათვისება, ტყის გაკაფვა, კორდის გატეხვა, მშვიდობის დამყარებისა და მოსახლეობის რიცხობრივ ზრდასთან ერთად ემყარებოდა სასოფლო-სამეურნეო იარაღების გაუმჯობესებასაც. საქართველოში შეიქმნა სოფლის მეურნეობისათვის ისეთი მნიშვნელოვანი იარაღი, როგორც იყო გუთანა. ამ იარაღმა საქართველოში განსაკუთრებით სრულყოფილი სახე მიიღო. გაიყვანეს და ააშენეს ახალი, ან აღადგინეს და გააუმჯობესეს მტრის შემოსევებისას დანგრეული და გავერანებული ძველი არხები, წყალსადენები, გზები, ხიდეები.

ქვეყნის ეკონომიკურ მოღონიერებასთან ერთად კვლავ გამოცოცხლდა საქალაქო ცხოვრება. IX — X საუკუნეები ქვეშაირიტად ახალქალაქების ხანაა. დაარსდა არაერთი ახალი ქალაქი, როგორც იყო მაგალითად: დ მ ა ნ ის ი, ა ხ ა ლ ქ ა ლ ა ქ ი (რამდენიმე), თ მ ო გ ვ ი, ო ლ თ ის ი, ა ხ ა ლ ც ი ხ ე. განახლდნენ და ახალი სიცოცხლით იწყეს ცხოვრება ძველმა ქალაქებმაც, როგორც იყო: რ უ ს თ ა ვ ი, ს ა მ შ ვ ი ლ დ ე, ხ უ ნ ა ნ ი, ა რ ტ ა ნ უ ჯ ი. თ ბ ი ლ ის ი (იხ. დოკ. 2, 3, 4) და ქ უ თ ა ის ი პოლიტიკურთან ერთად მნიშვნელოვანი ეკონომიკური ცენტრებიც გახდა. სა-



ქართველოს ასე მომრავლებულ ქალაქებში ინტენსიურად ვითარდებოდა ხელოსნობა და ვაჭრობა. საქართველოს ქალაქები გაცხოველებულ აღებ-მიცემობას ეწეოდნენ როგორც ქვეყნის შიგნით, ისე ახლო თუ შორეულ სახელმწიფოებთან.

ქვეყნის შემდგომი ეკონომიკური განვითარება დღის წესრიგში აყენებს ცალკეული ქართული სამეფო-სამთავროების ერთიან ძლიერ სახელმწიფოდ გაერთიანებას. ეს აუცილებელია იმისათვის, რათა უფრო თავისუფალი და შეუფერხებელი იყოს ურთიერთობა ქვეყნის ცალკეულ კუთხეებს შორის; რომ ქვეყანას შეეძლოს თავიდან აიცილოს დამპყრობთა შემოსევები და მათი ხელახალი გაბატონება. ქვეყანაში ძლიერი და ერთიანი მეფის ხელისუფლების შექმნის მომხრეა მომრავლებულ მოქალაქეებთან ერთად ფეოდალთა კლასის ფართო ფენებიც.

კლასობრივი ბრძოლა ამ პერიოდში განსაკუთრებით მწვავედბა. მიწათმოქმედი მოსახლეობის დიდი ნაწილი უკვე აზნაურთა ყმა-გლეხებადაა გადაქცეული. მხოლოდ მცირე ნაწილია დარჩენილი, რომელიც ნაწილობრივი თავისუფლებით სარგებლობს. ესენი თემებში იყვნენ გაერთიანებულნი, მაგრამ ამ თემების „უფალნიც“ მეფე-მთავრები ან აზნაურები იყვნენ. ფეოდალები ამ ნახევრადთავისუფალი მეთემეების ასევე ყმა-გლეხებად გადაქცევას ცდილობდნენ. ფეოდალური ურთიერთობა ნაყლებად იყო შექრილი მთიან ზოლში და მთის მოსახლეობა შედარებით თავისუფლებით სარგებლობდა.

როგორც დაინახეთ, ქვეყნის შემდგომი ფეოდალიზაციის შედეგად საქართველოს მთელ ტერიტორიაზე ჩამოყალიბდა მსხვილი საფეოდალოები, რომლებიც ფეოდალებს შორის გარკვეულ იერარ-



დავით III კურაპალატის  
ვერცხლის მონეტა (X ს.).



დავით III კურაპალატის  
ჯვარი. ქვემოთ ფრაგმენ-  
ტი წარწერით: „ქრისტე,  
აღიდე დღევრძელობითა  
დავით კურაპალატი,  
ამინ“.

ქიულ (საფეხურებრივ) ურთიერთობას ემყარებოდნენ. ამ დროს წარმოქმნილ სამეფო-სამთავროებში მრავლად იყო უფრო მცირე სამთავროები (საფეოდალოები), რომლებიც პატრონ-ყმობის პრინციპით ექვემდებარებოდნენ ამ მეფე-მთავრებს და თავის მხრივ თვითონ ჰყავდათ ყმებად საშუალო და წვრილი აზნაურები. ეს იერარქიული შენობა იმჟამად მატერიალური დოვლათის ძირითადი მწარმოებლების, ყმა-გლეხების ფეოდალურ ექსპლოატაციას. წვრილი და საშუალო აზნაურები ამ ძლიერი მთავრებისაგან მიმძღავრებას განიცდიდნენ, ამიტომ ისინი საქართველოს ერთიანი მეფის ხელისუფლების მომხრენი იყვნენ. ძლიერი ცენტრალური ხელისუფლება მათ დაიცავდა ასეთი თვითნებობა-მიმძღავრებისაგან, თანაც უზრუნველყოფდა მათ ბატონობას ყმა-გლეხებზე, დათრგუნავდა ყმა-გლეხთა კლასობრივ წინააღმდეგობას. ყოველივე ეს, ე.ი. ზემოთ აღნიშნული ქვეყნის ეკონომიკური განვითარების მოთხოვნა, ქვეყნის თავდაცვისუნარიანობის განმტკიცების აუცილებლობა და ფეოდალთა ფართო ფენებისა და ვაჭარ-ხელოსანთა სოციალური ინტერესები საქართველოში ერთიანი ძლიერი ფეოდალური მონარქიის წარმოქმნის საფუძველს ქმნიდა.

8. ბრძოლა ქართულ სამეფო-სამთავროთა შორის საქართველოში პირველობისა და ქვეყნის გაერთიანებისათვის. გაერთიანებისათვის ბრძოლა ხანგრძლივი და დაუნდობელი იყო. ის ორ საუკუნეზე მეტ ხანს გაგრძელდა. ამ ბრძოლებში უცხო ძალაც ერთვოდა. ბიზანტიის იმპერია და არაბთა სახალიფო ყოველნაირად უშლიდნენ ხელს ერთიანი ქართული სახელმწიფოს შექმნას და გაძლიერებას.

სამეფო-სამთავროებს შორის ბრძოლა ცვალებადი წარმატებით მიმდინარეობდა. ოპირარქისობა ჯერ კახელებმა იგდეს ხელთ, შემდეგ თანდათან — დასავლეთ საქართველომ, რომელმაც დაიკავა შიდა ქართლი. შიდა ქართლს აფხაზთა მეფის ირისოაივი განაგებდა. მადგამ X საუკუნის 70-იანხი წლებისათვის მდგომარეობა შეიცვალა. აფხაზთა სამეფო შედარებით დასუსტდა, რითაც კარგად ისარგებლა ტაო-კლარჯეთის ქართველთა სამეფომ, რომელიც განსაკუთრებით გაძლიერდა და ვ ი თ კ უ რ ა პ ა ლ ა ტ ი ს<sup>1</sup> დროს (X საუკუნის მეორე ნახევარი).

შორსმჭვრეტელმა და კვიანმა პოლიტიკოსმა, ენერგიულმა მმართველმა დავით III-ემ მთელს მახლობელ აღმოსავლეთში დი-

1 კ უ რ ა პ ა ლ ა ტ ი — ბიზანტიის იმპერატორების კარზე ერთ-ერთი უმაღლესი საკარისკაცო ტიტული იყო, რომელსაც IX საუკუნიდან აძლევდნენ ტაო-კლარჯეთის მთავრებს. ამით იმპერატორები ხაზს უსვამდნენ თავიანთ უზენაესობას საქართველოს ამ ნაწილის მთავრებზე.

დი სახელი მოიპოვა. მას დიდად აფასებდნენ არა მხოლოდ საქართველოში, არამედ მკობელ სომხეთსა და ბიზანტიაშიც.

• 979 წ. ბიზანტიის იმპერიაში სარდალი ბარდა სკლიაროსი აჯანყდა. აჯანყებულებთან ბრძოლა გაძნელდა და საიმპერატორო კარმა დახმარებისათვის დავით დიდს მიმართა, რომელმაც 12 000-იანი ცხენოსანი ლაშქარი გაგზავნა სახელოვანი ქართველი სარდლების თორნიკე ერისთავისა და ჯოჯიკის მეთაურობით. გადამწყვეტ ბრძოლაში ქართველებმა დაამარცხეს სკლიაროსი და მადლიერმა იმპერატორმა დავითს დიდი მიწა-წყალი დაუთმო. ქართველთა სამეფოს საზღვრები საგრძნობლად გაფართოვდა. ეს ამბავი აღწერა აკაკი წერეთელმა თავის ცნობილ პოემაში „თორნიკე ერისთავი“.

ქართული მიწების ერთ სამეფოდ გაერთიანება რეალურ საქმედ ისახებოდა. პროგრესულად მოაზროვნე ფეოდალური არისტოკრატის მეთაურმა, ქართლის ერისთავმა იოანე მართლისძემ თავის თანამოაზრეებთან ერთად ამ დიდი საქმის მოთავეობა დავით III ძესთავაზა. გადაიდგა შორს გამიზნული ნაბიჯი. გადაწყდა ხელი შეეწყით დავითის შვილობილის, ბაგრატ III გამეფებისათვის. ბაგრატი ჯერ კიდევ არასრულწლოვანი იყო, მაგრამ იგი სამი ტახტის მემკვიდრედ ითვლებოდა: იგი იყო ქართველთა მეფის ტიტულის მქონე ბაგრატ ბაგრატიონის შვილი-




ოშკის ტაძრის სამხრეთის კედელი.



ოშკის ტაძარი (X ს.).





ვილი, უშვილო და უსინათლო თეოდოსი აფხაზთა (დასავლეთ საქართველოს) მეფის დის შვილი და მემკვიდრე, ამავე დროს თვიონ დავით კუროპალატის შვილობილი და მემკვიდრე.

975 წ. დავითი ჯარით შევიდა შიდა ქართლში და ადგილობრივ დიდგვარიან აზნაურებს ბაგრატის მორჩილება უბრძანა, ხოლო 978 წ. დასავლეთ საქართველოს ფეოდალების ერთი ნაწილის ინიციატივით ბაგრატი ქუთაისში აფხაზთა (ე.ი. დასავლეთ საქართველოს) მეფედ აკურთხეს. 1001 წ. გარდაიცვალა დავით კუროპალატი. ბიზანტიის იმპერატორმა კუროპალატის ტიტული ბაგრატს უწყალობა, ქართველთა მეფის ტიტული კი მან მემკვიდრეობით მიიღო. ბაგრატმა ბრძოლით დაიკავა კახეთი და ჰერეთი (1008-1010 წწ.), ასევე თავის ნათესაეებს, კლარჯ ხელმწიფეებს ძალით ჩამოართვეა მათი სამფლობელოები და თვითონ შემოიმტკიცა. ასე თანდათანობით ბაგრატ III-ის ხელისუფლების ქვეშ გაერთიანდა თითქმის მთელი საქართველო. მხოლოდ თბილისი და ქვემო ქართლი ჯერ კიდევ მაჰმადიანი ამირების ხელთ რჩებოდა. ბაგრატ III იწოდებოდა „მეფედ აფხაზთა<sup>1</sup>, ქართველთა<sup>2</sup>, რანთა<sup>3</sup> და კახთა“. ერთიანი საქართველოს დედაქალაქი იყო ქუთაისი.

საქართველოს გაერთიანების პროცესს გააფთვრებით ეწინააღმდეგებოდნენ დიდგვაროვანი აზნაურები, რადგან ერთიანი საქართველოს მეფის ხელისუფლების განმტკიცება მათი თვითნებობის და

<sup>1</sup> დასავლეთ საქართველოს. <sup>2</sup> ქართლისა და მესხეთის, <sup>3</sup> ჰერეთის.

აგრეთვე თავთავიანთ სამფლობელოებში დამოუკიდებლობისა და შეუვალობის აღკვეთას ნიშნავდა. ბაგრატ მეფეს არაერთი ბრძოლის გადახდა დასჭირდა ამ თავნება ძლიერი ფეოდალების დასამორჩილებლად. ქვეყნის გაერთიანებას ბიზანტიაც ეწინააღმდეგებოდა, ისე რომ წინ კიდევ დიდი ბრძოლები იყო მოსალოდნელი, ვიდრე საქართველო საბოლოოდ ერთიან, ცენტრალიზებულ სახელმწიფოდ გადაიქცეოდა.


**კითხვები და დავალება**

1. რამ განაპირობა არაბთა სახალიფოს დამლა? 2. რომელი ფეოდალური სამთავროები შეიქმნა საქართველოში და როდის? 3. რა აპირობებდა საქართველოს გაერთიანებას? 4. ვინ იყო საქართველოს პირველი გამაერთიანებელი მეფე? შუა საუკუნეების ისტორიიდან გაიხსენეთ ევროპის ქვეყნებში არსებული სენიორიები და შეადარეთ საქართველოს ბატონყმურ საფეოდალოებს.

**დოკუმენტები**

**1. ატენის სიონის წარწერა**

„თვესა აგუსტოსა მ-სა (ე.ი. 5), ღღესა შაბათსა, ქორონიკონსა მზ-სა (ე.ი. 73)... ქალაქი ტფილისი დაწვა ბულა (მ) და შეიპყრა ამირაი საპაკ და მოკლა, და მასავე თთვესა აგუსტოსსა ძმ-სა (ე.ი. 26), ღღესა შაბათსავე ზირაქ (ბულას სარდალმა) შეიპყრა კახაი და ძე მისი თარხუჯი“.



ატენის სიონის წარწერა.

**კითხვები და დავალება**

1. სად მდებარეობს ატენის სიონი? 2. ვინ არიან წარწერაში მოხსენიებული ბულა, საპაკი და კახაი? 3. გამოიანგარიშეთ ჩვენი წელთაღრიცხვის რომელ წელს შეესაბამება ქართული ქორონიკონის 73 წელი (იხ. § 12, გვ. 103)

## 2. ნაწყვეტი X საუკუნის ოშკის ტაძრის წარწერიდან

„ესე იყო გალატოზთა და მოქმედთა (მუშების) მიზდი (ქირა) და აზავერთა მექვიშეთაი (ქვიშის მზიდავი მეტვირთე საქონელი), რომელი წეიწადსა წაეგების დრამა<sup>1</sup> 20 ათასი, ლუინო — ფისოსი<sup>2</sup> 5 000; რკინა ლიტრა<sup>3</sup> 60; ხუარბალი — გრივი<sup>4</sup> 250; გალატოზი და ხუროი და მქედელი, რომელი მარადის შურებოდა (მუშაობდა) — 70; ხარი რომელ ქვასა კრებდა (ეზიდებოდა) 30, ჯორი და სხუაი აზავერი, რომელი გრიგოლწმიდით სპონდიაკს<sup>5</sup> კრებდა — 30, სხუაი აზავერი, რომელ კრებდა... 60, და ყოველი ერი და მოქმედი — 80“.

### კითხვები და დავალება

1. ოშკის ტაძარი ათი წლის მანძილზე (951 — 961) შენდებოდა; 2. გაიანგა-რჩით რამდენი ათასი დრამა, რამდენი ლუინო, რკინა და ხორბალი დაიხარ-ჯა მის ასაშენებლად? 3. რა და რა დარგის ხელოსნები და მუშები მუშაობდნენ მშენებლობაზე? 4. რა დასკვნის გამოტანა შეგვიძლია ამ დოკუმენტიდან ქართველ-თა (ტაო-კლარჯეთის) სამეფოს ეკონომიკური შეძლების შესახებ?

### 8. X საუკუნის არაბი გეოგრაფი და მოგზაური იბნ-მაუჟალი იმდროინდელი თბილისის შესახებ

„თბილისს შემოვლბული აქვს ალიზის (გამოუწვავი აგურის) ორი კედელი, რომელშიც დატანებულია სამი კარი. ეს არის ნაყოფიერი, გამაგრებული, სურსათ-სანოვაგით მდიდარი, ფასების თვალსაზრისით იაფი ქალაქი. თავისი კეთილდღეობით იგი აღემატებოდა სხვა მდიდარ სახელმწიფოებსა და ნაყოფიერ ქვეყნებს. ერთმა კაცმა, რომელსაც იქ თავლი უყიდა, მიაბო, რომ მან 1 ლირჰემად<sup>6</sup> 20 ლიტრი შეიძინა. ეს ქალაქი წარმოადგენს მნიშვნელოვან სასაზღვრო ოლქს, რომელსაც ყოველი მხრიდან უამრავი მტერი ეხვევა. აქ არის აბანოები... მათი წყალი უცეცხლოდ იღვს. ქალაქი მდებარეობს მდინარე მტკვარზე. თბილისში, მცურავი წისქვილებია, რომლებიც ფქვავენ ხორბალს...“

თბილისის მცხოვრებლებს შორის უცხოელი უშიშრად გრძნობს თავს და მათი გულუხვობით სარგებლობს. ისინი მეგობრულად არიან განწყობილნი მათ მიმართ, ვინც მათთან შემთხვევით მოხვდება და ვისაც რაიმე თუნდაც მცირე, გულისხმიერება ან ცოდნა აქვს მეცნიერებისა...“

აქ (ამიერკავკასიაში) ბარდას (ბარდავს), ბაბსა (დერბენტსა) და თბილისზე უფრო დიდი ქალაქი არ არის“.

<sup>1</sup> დ რ ა მ ა — ვერცხლის ფული, უდრის შემდეგდროინდელ აბაზს. 20 000 ირამა უდრის დაახლოებით 4 000 მანეთს ვერცხლით.

<sup>2</sup> ფ ი ს ო ს ი — ლეინის საწყაო.

<sup>3</sup> ლ ი ტ რ ა — წონის ერთეული. 50 ლიტრა დაახლოებით 250 კგ-ია.

<sup>4</sup> გ რ ი ვ ი — ხორბლის საწყაო.

<sup>5</sup> ს პ ო ნ დ ი ა კ ი — მსუბუქი ფოროვანი სააშენებლო ქვა.

<sup>6</sup> დ ი რ ჰ ე მ ი — არაბული ფულის ერთეული, დრამის, ანუ აბაზის შესატყვისი.

#### 4. IX საუკუნის არაბი ისტორიკოსი ტაბარი თბილისის შესახებ

„თბილისს აქვს ხუთი კარი. მოედნის კარი, ყარსის კარი, მცირე კარი, რაბადის კარი და სოლდებილის კარი... დაიწვა ქალაქში (ბულა თურქის ლაშქრობისას) 50 000 მცხოვრები“.

#### კითხვები და დავალება

1. რა განსხვავებაა ჰალეასა და ტაბარის ცნობებში თბილისის კართა რაოდენობის შესახებ? 2. რით შეიძლება იყოს გამოწვეული ეს განსხვავება? 3. რაზე მიუთითებს IX საუკუნის თბილისში ქალაქის 5 კარის არსებობა? 4. იბნ-ჰალეასა და ტაბარის ცნობების მიხედვით აღწერეთ IX — X საუკუნეების თბილისი.

#### 5. ნაწყვეტები ბასილ ზარზმელის მაგიოგრაფიული თხზულებიდან

„სერაპიონ ზარზმელის ცხოვრება“

როდესაც ბერებმა სერაპიონის მეთაურობით გადაწყვიტეს ზარზმის მონასტრის აშენება დიდმა მთავარმა გიორგი ჩორჩანელმა „მოუწოდა ვისმე ქაბუცსა... და ჰრქუა, შეილო საყვარელო, გზა-ჰყევ წმიდათა ამათ უკეთუ იზინე იპოოს დამახრწველი მათდა უცხოებისათვის ყოველთადა ხვალე გახთიადითგაზ ვიდრე მწუხრამდე (რაოდენი) შემოწერით შეძოვლონ, მიმიცემიეს მათდა, ვინაითგან ადგილსა ამას წადიერ არიან და ყუ აუწყე, ვითარმედ თავისუფლესით და ნებისაებრ აშენიეგ მონასტერს საბრძანებელსა შინა ჩუენსა...“

...და ვითარ ვლეს, მიიწიეს შესაკრებელსა ორთა მათ წყალთასა. ხოლო იყო მუნ წისქვილი, სახლი რაიმე შესაკრებელსა მას შუა წყალთასა რომელსა საძმო ეწოდებოდა და ამას შინა იყენეს კაცნი რაიმე უკეთურნი ყოვლად მხეცებრიგნი... ხოლო გვიხილნეს რაი კაცთა მის რაბა-წისქვილისათა, იწყეს ყენებად ჩუენდა და ვითარცა ცოფნი წინა რბიოდეს“.

#### კითხვები და დავალება

1. ვინ უწყალობებს ბერებს მიწას მონასტრისათვის? 2. ვინ უწევს წინააღმდეგობას ბერებს მონასტრისათვის მიწის ნაკვეთის შემოზომვაში და რატომ? 3. როგორ ახასიათებს აგიოგრაფი მთავრის განკარგულების წინააღმდეგ მებრძოლ ხალხს? 4. ამ დოკუმენტის მიხედვით მოგვიყევით მიწისათვის მთავრებისა და ეკლესიის წინააღმდეგ ხალხის ბრძოლის შესახებ.

1. ბრძოლა ბიზანტიის შემოტევის წინააღმდეგ. საქართველოს გაერთიანება და გაძლიერება ეწინააღმდეგებოდა ბიზანტიის ინტერესებს. აქამდე ბიზანტიის იმპერია ითმენდა ამიერკავკასიაში ძლიერი ქრისტიანული ქართული და სომხური სახელმწიფოების არსებობას, რათა ისინი მუსლიმანებისათვის დაეპირისპირებინა, მაგრამ ამ დროისათვის არაბთა სახელმწიფო უკვე დაშლილ-დასუსტებული იყო და იმპერია ცდილობდა ამიერკავკასიაში თავისი დაკარგული უფლებები აღედგინა.

XI საუკუნის მანძილზე ქართველმა ხალხმა არაერთი ბრძოლა გადაიტანა ბიზანტიასთან. 1001 წ., როდესაც გარდაიცვალა დავით III კურაპალატი, ბიზანტიის იმპერატორი ბასილი დიდი ლაშქრით მოვიდა და დავითის სამფლობელოს დიდი ნაწილი დაიკავა. ბაგრატ III იძულებული გახდა ამ ამბავს შერიგებოდა. სამაგიეროდ იმპერატორმა ბაგრატ III-ეს კურაპალატობა უბოძა. ბაგრატ III გარდაიცვალა 1014 წ. იგი დაკრძალეს მის მიერვე აგებულ ბედიის ტაძარში (იხ. დოკ. 1).

ბიზანტიის მიერ დაკავებული მიწების უკან დაბრუნება სცადა ბაგრატ მეფის მემკვიდრემ გიორგი I (1014 — 1027 წწ.) მან ისარგებლა იმით, რომ ბასილ იმპერატორი ბულგარელებს ეომებოდა, ტაოში შეიქრა და ბიზანტიელების მიტაცებული მიწები დაიკავა.

ბასილ იმპერატორმა ბულგარელებთან ომი წარმატებით დაასრულა და საქართველოს მეფეს დაკავებული მიწა-წყლის დატოვება მოსთხოვა. ომი საქართველოს დამარცხებით დამთავრდა და 1023 წლის ზავით იმპერიამ დაიბრუნა სადავო ტერიტორია. გიორგი I-ის მდგომარეობას ართულებდა ის გარემოება, რომ საქართველოს შიგნით არ იყო მტკიცე ერთიანობა. უკვე მისი გამეფების პირველივე წელს ერთიან საქართველოს ჩამოშორდა ჰერეთ-კახეთი, სადაც აღდგა ადგილობრივი მეფის მმართველობა. კიდევ უფრო გაუარესდა მდგომარეობა მისი მცირეწლოვანი მემკვიდრის ბაგრატ IV (1027 — 1072 წწ.) მეფობის პირველ წლებში. ბიზანტიის საიმპერატორო კარი საქართველოს მეფის წინააღმდეგ აქეზებდა დიდგვარიან ფეოდალებს. მეფესა და მის ქვეშევრდომ უძლიერეს ფეოდალებს შორის ისედაც შეურიგებელი წინააღმდეგობა არსებობდა.

როგორც აღნიშნული იყო, ერთიანი საქართველოს მეფის ხელისუფლების განმტკიცება ამ დიდგვარიანთა უფლებების შეკვეცის ხარჯზე ხდებოდა. დიდგვარიანებს ერთმეოლათ მათ მამულებში შეუვალლობის უფლება, ფრთები ეკვეციებოდა მათ თავისუფ-




ნიკორწმინდის ტაძარი (XI ს.).

ფალ პარპაშს. საქართველოს გაერთიანებით უკმაყოფილო თავ-  
 ნება დიდხანაურები მრავლად გადავიდნენ ბიზანტიელთა მხარეზე.  
 მაგალითად, მათ მტერს გადასცეს ტაო-კლარჯეთის რამდენიმე  
 ციხე-სიმაგრე და ამით საქართველოს მეფის მდგომარეობა მეტის-  
 მეტად გაართულეს. მაგრამ სამშობლოს პატრიოტებმა და პროგ-  
 რესულად მოაზროვნე პირებმა დიდგვარიანთა ასეთ მოქმედე-  
 ბას სამშობლოსათვის თავგანწირვა დაუპირისპირეს. მათ შორის  
 განსაკუთრებით ისახელა თავი ეპისკოპოსმა ს ა ბ ა მ ტ ბ ე ვ ა რ -  
 მ ა, რომელმაც ტ ბ ე თ შ ი (შავშეთშია) ციხე ააგო, იქაური მცხოვ-  
 რებლებისაგან ჯარი შექმნა და მტერს მედგრად დაუხვდა.

ბრძოლები დიდხანს გაგრძელდა. ზაეის ჩამოსაგდებად ბიზან-  
 ტიის დედაქალაქში გაემგზავრა ბაგრატის დედა დ ე ლ ო ფ ა -  
 ლ ი მ ა რ ი ა მ ი. მოლაპარაკება წარმატებით დამთავრდა. ბაგ-

II. საპართიკოს ბაერტიანება X-XI სს. მიჯნაზე





სამთავისის ტაძრის ორ-  
ნამეტები (XI ს.)

რატ მეფეს ცოლად შერთეს კეისრის ძმის შვილი ელენე და მებრძო-  
ლი ქვეყნები დაზავდნენ. მაგრამ ეს დაზავება არ იყო შტრიციე-  
საიმპერატორო კარი აგრძელებდა საქართველოს მეფის მოწი-  
ნააღმდეგე დიდაზნაურების თავის მხარეზე გადაბირებას და მათ  
ყოველმხრივ აქეზებდა ურჩობისა და თვითნებობისაკენ.

**2. ბრძოლა ბაგრატ მეფესა და ლიპარიტ ერისთავს შორის.**  
საქართველოს დიდგვარიან აზნაურებში თავისი სიძლიერით გა-  
მოირჩეოდა ბ ა ღ ვ ა შ თ ა ფეოდალური საგვარეულო, რომელსაც  
კ ლ დ ე კ ა რ ი ს ე რ ი ს თ ა ვ ო ბ ა ეპყრა და ძლიერი საეკლესიოდა-  
ლო შეექმნა. მათ დასამორჩილებლად ჯერ კიდევ ბაგრატ III იბრ-  
ძოდა. ბაგრატ IV-ის მცირეწლოვანობის დროს კლდეკარის ერის-  
თავმა ლ ი პ ა რ ი ტ ბ ა ღ ვ ა შ მ ა სცადა მეფე თავისი გავლენის  
ქვეშ მოეჭია. ლიპარიტს მიზანში ამოეგო თბილისის საამირო  
და ამირას ხელისუფლების გაუქმებით შიას საფეოდალოს დიდი  
ნაწილის ხელში ჩაგდებას აპირებდა. 1032 წ. მას თბილისის ამი-  
რა ჯაფარი დაატყვევა, მაგრამ ლიპარიტის მოქიშპე სხვა დიდაზნა-  
ურების რჩევით მეფე ბაგრატ IV-ემ ამირა გაანთავისუფლა და  
კვლავ თბილისში დააბრუნა. ხუთი წლის შემდეგ ბაგრატ IV-ემ  
ლიპარიტის რჩევით შემოიკრიბა მოკავშირეები და თბილისს ალ-  
ყა შემოარტყა. თბილისისათვის ბრძოლა ორ წელიწადს გაგრ-  
ძელდა. თბილისელებს გაუჭირდათ. ამირაც დანებებას აპირებ-  
და. ასე ხანგრძლივად ალყად დგომით ქართველთა ლაშქარიც  
დაიღალა. ამ დროს ამირას დასახმარებლად მამამდიანთა დამხ-  
მარე ძალის წამოსვლის ამბავი მოვიდა. ბაგრატ მეფემ ლიპარიტის  
უკითხავად თბილისს ალყა მოხსნა. ამან მეფესა და ლიპარიტს შო-  
რის უკვე აშკარა კონფლიქტი წარმოქმნა, რაც მალე დაუნდობელ  
ბრძოლაში გადაიზარდა. ეს ბრძოლა დაახლოებით ოც წელიწადს  
გაგრძელდა. ლიპარიტს ენერგიულად უჭერდა მხარს ბიზანტიის  
საიმპერატორო კარი. მას იქიდან დამხმარე ლაშქარიც კი მოს-  
ლიოდა. ბიზანტიელები მისთვის ფულსაც არ იშურებდნენ. ამ ბრძო-  
ლებმა საქართველოს საბოლოო გაერთიანება მკვეთრად დაამუხ-  
რუჭა. მაგალითად, ბოლომდე ვერ იქნა მიყვანილი კახეთის შემო-  
ერთების საქმე, თბილისიც ბაგრატ მეფეს რამდენჯერმე გადას-  
ცეს მოქალაქეთა წარმომადგენლებმა, მაგრამ ვერც თბილისი შე-  
მოიერთეს.

• ამ დროს თბილისის ამირა გარდაიცვალა და ქალაქის მმართველობა ვაჟარ-ხელოსანთაგან არჩეულ პირებს — ბერებს ეპყრათ. თბილისელმა მოქალაქეებმა ბაგრატ მეფეს თბილისის დაკავება შესთავაზეს. ამოზე აღრე ბაგრატს ძველი სონაშური ქალაქის ანისის თავკაცებმაც გადასცეს თავიანთი ქალაქი. მაგრამ როგორც ანი-


სის, ისე თბილისის შემოერთება ლიპარიტთან ბრძოლების გამო ჩაიშალა.

ბოლოს, 1058 წ. ლიპარიტის ასეთი თვითნებობით თავმო-ბეზრებულმა მესხმა აზნაურებმა შეიპყრეს ეს მძლეთა-მძლე ფეო-დალი და ბაგრატ მეფეს მიპყვარეს. მეფემ ლიპარიტი იძულებით ბერად აღკვეცა და საქართველოდან განდევნა. ეს იყო როგორც საქართველოს მეფის ხელისუფლების დიდი გამარჯვება, ისე ბიზანტიის პოლიტიკური მარცხიც. ამის შემდეგ საქართველოს გაერთიანების საქმე სწრაფად უნდა წასულიყო წინ. ბაგრატ მეფემ კახეთიც დაიკავა ჭარით, მაგრამ ქვეყანას ახლა ახალი განსაცდელი დაემუქრა. დაიწყო თურქთა ლაშქრობანი საქართველოში.

**8. თურქ-სელჩუკები საქართველოში.** XI საუკუნის 30-იანი წლებიდან მახლობელი აღმოსავლეთის კულტურულ ქვეყნებს შუა აზიიდან შემოესივნენ თურქი ტომები, რომელთაც სათავეში სეღ-ჩუკთა საგვარეულო ედგა, ამიტომ ამ თურქებს თურქ-სელჩუკებს უწოდებდნენ. სელჩუკებმა 50-იანი წლებისათვის დაიპყრეს ირანი, შუამდინარეთი, აზერბაიჯანი, სომხეთი, 1071 წ. მანასკერტთან ბრძოლაში დაამარცხეს ბიზანტიის იმპერატორი და აიძულეს მათთვის დაეთმო აღმოსავლეთის პროვინციები. ამის შემდეგ ქრისტიანული საქართველო მარტო აღმოჩნდა ძლიერი, მრავალრიცხოვანი, კარგად ორგანიზებული და შეიარაღებული მტრის პირისპირ.


პირველად საქართველოს თურქ-სელჩუკები 1064 წ. შემოესივნენ. მათ სასტიკად შოარბიეს საქართველოს სამხრეთ-დასავლეთი პროვინციები. მეორედ სელჩუკები პერეთ-კახეთის მხრიდან შემოვიდნენ 1068 წ. და ააოხრეს როგორც აღმოსავლეთი საქართველო, ისე იმერეთიც. თურქთა სულთანი ბაგრატ მეოთხისაგან დიდ ხარკს და უსიტყვო მორჩილებას მოითხოვდა, მაგრამ ბაგრატ მეფე ისე გარდაიცვალა (1072 წ.), რომ თურქებისადმი არც მორჩილება იკადრა და არც ხარკი უკისრია. თურქებმა განსაკუთრებით გააძლიერეს შემოტევა ბაგრატის მემკვიდრე გიორგი II მეფობის (1072 — 1089 წწ.) დროს.

1080 წლიდან დაიწყო თურქთა დიდი შემოსევები. მომთაბარე თურქები მოდიოდნენ თავიანთი ჯოგებით, ოჯახებით და სახლდებოდნენ დაპყრობილ მიწებზე. ეს იყო, როგორც მაშინდელი ისტორიკოსები ამბობდნენ, „დიდი თურქობა“, რაც მართლაც დიდი უბედურება იყო განვითარებული, ინტენსიური მეურნეობისა და უფრო მაღალი საზოგადოებრივი წყობილების მქონე ქვეყნისთვის. აყვავებულ, კულტურული მეურნეობით დაკავებულ ადგილებზე სახლდებოდნენ მომთაბარე თურქები, რომელთაც მხო-



სამთავროს ტაძრის ორნამენტები (XI ს.).





ლოდ ხარკი და თავიანთი საქონლისათვის უხვი საძოვრები აინტერესებდათ. ქართველი მოსახლეობის მნიშვნელოვანი ნაწილი თურქებთან ბრძოლას შეეწირა, სხვები გარბოდნენ და მიუვალ ადგილებში აფარებდნენ თავს (იხ. დოკ. 2.).

შექმნილი მდგომარეობით ისარგებლეს რეაქციონერმა ფეოდალებმა და თავი აიშვეს. გიორგი II ვერაფერს ახერხებს ვერც საშინაო და ვერც საგარეო მტრების წინააღმდეგ. მან თურქთა სასარგებლოდ მძიმე ხარკი იკისრა. ყოველწლიურად საქართველოში მომთაბარეთა ახალ-ახალი ურდოები შემოდიოდნენ. ქვეყანა სრული გადაშენების საფრთხის წინაშე იდგა.

## კითხვები

1. რატომ იბრძოდნენ დიდგვაროვანი ფეოდალები მეფის თვითმპყრობელური ხელისუფლების წინააღმდეგ? 2. როგორი იყო ბიზანტია-საქართველოს ურთიერთობა XI ს. პირველ ნახევარში? 3. ვინ იყვნენ თურქ-სელჩუკები და რას ეწოდება „დიდი თურქობა“?

## დოკუმენტები

1. მეფე ბაგრატ III-ის დახასიათება XI ს. საისტორიო თხზულებაში „მატიანე ქართლისაი“

„ამანვე დიდმან მეფემან (ბაგრატ III) აღაშენა საყდარი ბედიისა, და შექმნა საყდრად საეპისკოპოსოდ... შეწირნა სოფელნი მრავალნი... განასრულა ყოვლითა განგებითა, შეამკო ყოვლითა სამკაულითა ეკლესია, აკურთხა და დასუა ეპისკოპოსი. უკეთუ ვისმე ენების განცდად<sup>1</sup> და გულისხმისყოფად სიმაღლისათვის დიდებისა მისისა, პირველად განიცადოს სამკაული ბედიისა ეკლესიისა, და მისგან გულისხმა ყოს, რომელ არავენი ყოფილ არს სხუა მეფე მსგავსი მისი ქუეყანასა ქართლისასა (ე.ი. აღმოსავლეთ საქართველოში) და აფხაზეთისასა (ე.ი. დასავლეთ საქართველოში).

ამანვე აკურთხა ეკლესია ქუთათისა (ქუთაისის) განგებითა დიდითა და მიუწვდომელითა. რამეთუ შემოიკრიბნა მახლობელნი ყოველნი ხელმწიფნი და კათალიკოსნი, მღვდელთმომძღუარნი და ყოველთა მონასტერთა წინამძღუარნი, და ყოველნი დიდებულნი ზემონი და ქუემონი, მამულისა და სამეფოსა მისისა მყოფნი, და სხუათა ყოველთა სახელმწიფოთანი.

ესე ბაგრატ, აფხაზთა და ქართველთა მეფე წარემატა<sup>2</sup> ყოველთა ხელმწიფეთა ყოვლითა განგებითა<sup>3</sup>. ამისდა შემპოვნედ და ამისდა მოაჭედ<sup>4</sup> შეიქმნეს ყოველნი ხელმწიფენი, მახლობელნი, და მოთაულნი<sup>5</sup> მამულისა და სამეფოსა მისისანი, მოლაშქრედ ვითარცა თვისნი<sup>6</sup> და მისანდობელნი<sup>7</sup> და დაუმორჩილნა ღმერთმან ყოველნი მტერნი და წინააღმდეგომნი მისნი. მომადლა დღეთა მისთა შშვიდობა და დიდი დაწყენარება ქუეყანისა“.

## დავალება.

წარმოადგინეთ ბაგრატ III-ის, როგორც პოლიტიკური მოღვაწის, პორტრეტი ამ დახასიათების მიხედვით.

<sup>1</sup> განცდა — ნახვა, შეცნობა. <sup>2</sup> წარემატა — აღმება. <sup>3</sup> განგება — მართვა. <sup>4</sup> შემპოვნედ და მოაჭედ — მთხოვნელად. <sup>5</sup> მოთაული — მეთაური, უფროსი. <sup>6</sup> თვისნი — ნათესავნი. <sup>7</sup> მისანდობელი — ერთგული.

## 2. XII ს-ის ქართველი ისტორიკოსი „დიდი თურქობის“ და მისი

### შედგების შესახებ

თურქ-სელჩუკები „მეზობლობით მოეახლნენ საზღვართა ჩუენთა, განმრავლდა შიში და ჭირი მათგან ჩუენ ზედა. რამეთუ იწყეს მიერთგან რბევად, ტყუენვად და მოოხრებად, წუად, სრვად და ტყუეობად ჩუენ ქრისტიანთა...“

...მოეფინეს პირსა ყოვლისა ქუეყანისასა, ვითარცა მკალნი.<sup>1</sup>

და დღესა ივანობისასა (ივნისი) ასისფორნი და კლარჯეთი ზღვის პირამდის, შავშეთი, აჰარა, სამცხე, ქართლი, არგუეთი, სამოქალაქო და ჰყონდიდი აღივსო თურქითა. მოისრა და ტყუე იქმნა ამათ ქუეყანათა მკვიდრი ყოველი. და მასვე ერთსა დღესა დაწუეს ქუთათისი, და არტანუჯი, და უდაბნონი კლარჯეთისანი. და დაყვეს ამათ ქუეყანათა შინა თურქთა ვიდრე მოსვლამდე თოვლისა, მოჰამეს ქუეყანა და მოსწყვიტეს, თუ სადღა ვინ დარჩომილი იყო ტყეთა, კლდეთა, ქუაბთა და ხურელთა ქუეყანისათა. და ესე იყო პირველი და დიდი თურქობა., რამეთუ ქორონიკონი იყო სამასი. ხოლო თუ ვინმე მთიულეთს ანუ სიმაგრეთა სადამე ვინ დაშთა კაცი, ზამთრისა სიფიცხითა, უსახლობითა და შიმშილითა ეგრეცა მოისრა.

და განგრძელდა ესევეითარი ჭირი ქრისტიანეთა ზედა, რამეთუ არესა თანა გაზაფხულისასა მოვიდიან თურქნი და მათვე პირველთა საქმეთაებრ იქმოდნიან, და ზამთარს წარვიდიან და არა იყო მათ ეამთა შინა თესვა და მკა: მოოხრდა ქუეყანა და ტყედ გარდაიქცა, და ნაცვლად კაცთა მხეცნი და ნადირნი ველისანი დაემკვიდრნეს მას შინა. და იყო ჭირი მოუთმენელი ყოველთა ზედა მკვიდრთა ქუეყანისთა, შეუსწორებელი და აღმატებული ოდესვე ყოფილთა სმენილთა და გარდასრულთა ოხრებათასა. რამეთუ წმინდანი ეკლესიანი შექმნეს სახლად ჰუნეთა<sup>2</sup> თვისთა, ხოლო საკურთხეველნი ღმრთისანი ადგილად არაწმინდებისა მათისა. და მღდელნი... შეწირულ იქნეს და სისხლნი მათი აღირივნეს მეუფისათა თანა. და რომელნიმე მწარესა ტყუეობასა მოცემულ იქმნეს, მოხუცებულნი არა შეწყალბულ იქმნეს, ხოლო ქალწულნი გინებულ. ქაბუკნი დაკუეთებულ, ხოლო ჩვილნი მიმოტაცებულნი. ცეცხლი უცხო და მბრძოლი, რომლითა მოიწუთა შენებული ყოველი, მდინარენი სისხლთანი, ნაცვლად წყლისა ნაკადულთა მრწყველნი ქუეყანისანი“.

### დავალბებები

1. დაახასიათეთ ამ დოკუმენტის მიხედვით „დიდი თურქობა“ და მისი შედეგები 2. გამოიანგარიშეთ, რომელ წელს უდრის „ქორონიკონი 300“.

<sup>1</sup> მკალნი — კალიები.

<sup>2</sup> ჰუნე — ცხენი.

1. ქართული მწერლობა. IX — XI საუკუნეებში საქართველოს ისტორიული განვითარება ქვეყნის პოლიტიკური გაერთიანების ნიშნით მიმდინარეობდა, რაც თავის მხრივ ცხოველყოფილ გავლენას ახდენდა კულტურულ შემოქმედებაზე. ქართული ქვეყნების ერთ სახელმწიფოდ გაერთიანებასთან ერთად დასრულდა ერთიანი ქართველი ხალხის ჩამოყალიბების ხანგრძლივი ისტორიული პროცესი. განსაკუთრებული მნიშვნელობა მოიპოვა ქართულმა ენამ, რომელიც IX საუკუნისათვის ქართლში, კახეთში, ჰერეთში, ტაოსა და კლარჯეთში, ეგრისსა და აფხაზეთში, ისტორიული საქართველოს ყველა კუთხეში მწერლობის, სამოქალაქო ურთიერთობის, საეკლესიო მღვდელმსახურების ერთადერთი ენა იყო. ქართული ენა ჩრდილო კავკასიაში, ჩერქეზეთსა და ალან-ოსებშიც იწყებს გავრცელებას, სადაც ქრისტიანობა საქართველოდან შედიოდა. საქართველოს პოლიტიკურ გაერთიანებას ქართული სამყაროს საეკლესიო-კულტურული გაერთიანება უსწრებდა წინ. ყოველივე ამან განაპირობა მშობლიური ენის დიდი მნიშვნელობის შეგნების შემუშავება. X საუკუნეში დაიწერა კიდევ ქართული ენის საგლობელი იოანე ზოსიმეს მიერ — „ქებაი და დიდებაი ქართულისა ენისაი“, რომელშიც ავტორი ქართულ ენას განსაკუთრებულ მნიშვნელობას ანიჭებს მსოფლიო ენათა შორის.


IX — X საუკუნეებში ქართული მწერლობის მნიშვნელოვანი ძეგლები შეიქმნა, დაიწერა ისტორიულ-ბიოგრაფიული თხზულებები: ბასილი ზარზმელის „სერაპიონ ზარზმელის ცხოვრება“, გიორგი მერჩულეს „გრიგოლ ხანძთელის ცხოვრება“. გარეშე მტრის, სახელდობრ, მაჰმადიანთა წინააღმდეგ ბრძოლის ვითარებაში განსაკუთრებული მნიშვნელობა ჰქონდა საშობლო და მცველთა, ეროვნული სარწმუნოებისათვის, ეროვნული თვითმყოფობისათვის მეზობლობა და დაღუპულთა მოღვაწეობის აღწერას. ასეთი თხზულებები იყო, მაგალითად, უცნობი ავტორის „კოსტანტი-კახას მარტვილობა“, სტეფანე მტბევეარის „მიქელ-გობრონის მარტვილობა“ და სხვა. ეს ჰაგიოგრაფიული თხზულებები მნიშვნელოვანი საისტორიო წყაროებიცაა. ისინი მდიდარ მასალას გვაწვდიან იმდროინდელი საქართველოს ყოფაცხოვრების, საზოგადოებრივი ცხოვრების, კულტურის, გარეშე მტრების წინააღმდეგ ბრძოლის შესახებ.

ქართული ორიგინალური მწერლობის ცალკე დარგს წარმოადგენს სასულიერო პოეზია, ანუ ჰიმნოგრაფია, ლექსად დაწერილი ჰიმნები, რომელთაც ეკლესიებში სიმღერით ასრულებდნენ. იმდ-



მათე მახარებელი. მინიატურა სახარების დასაწყის გვერდზე. ალავერდის ოთხთავი. 1054 წ.

ქრისტე წერს ეპისტოლეს. მინიატურა იმავე ოთხთავიდან.



როინდელი ქართული ჰიმნოგრაფიის ცნობილი წარმომადგენლები არიან მიქაელ მოდრეკილი, იოანე მინჩხი, იოანე მტბევეარი, იოანე ზოსიმე და სხვები. X საუკუნის ჰიმნოგრაფმა მიქაელ მოდრეკილმა შეადგინა ჰიმნოგრაფიული კრებული, რომელშიც შეიტანა თავისი და სხვა ქართველი, აგრეთვე ბიზანტიელი ჰიმნოგრაფების თხზულებები. ამ ჰიმნებს საგანგებო სამუსიკო ნიშნები აქვთ, რომელნიც უთითებენ საგალობლის შესრულების დროს ხმის აწევისა და დაწევაზე, შესრულების რიტმზე.

ამ ხანებში ჩვენში საერო მხატვრული ლიტერატურაც არსებობდა, როგორც ნათარგმნი, ასევე ორიგინალური, რომლის მხოლოდ მცირე ნაწყვეტებმა მოაღწიეს ჩვენამდე.

**2. მეცნიერება.** იმდროინდელ საქართველოში განათლებული კაცისათვის სავალდებულო იყო ფილოსოფიის ცოდნა, რაც ქმნიდა საფუძველს ფილოსოფიური მეცნიერების განვითარებისათვის. სწორედ ამ ეპოქაში შეიქმნა ქართული ფილოსოფიური აზროვნების შესანიშნავი ნიმუში, ქართველი მწერლის მიერ დამუშავებული აღმოსავლური თქმულება ბუდას<sup>1</sup> შესახებ „სიზრძნე ბალავარიისა“, რომელიც XI საუკუნეში გამოჩენილმა ქართველმა მწერალმა და მეცნიერმა ექვთიმე ათონელმა ქართულიდან თარგმნა ბერძნულად, ხოლო ბერძნულიდან იმავე XI საუკუნეში ითარგმნა ლათინურად და მთელს ევროპაში გავრცელდა.

IX — XI საუკუნეებში განსაკუთრებით დაწინაურდა ქართული საისტორიო მწერლობა. IX საუკუნეში რედაქცია გაუკეთდა და შეივსო საისტორიო თხზულება — „მოქცევაი ქართლისაი“, რომელიც გადმოგვცემს ჩვენი ქვეყნის ისტორიას უძველესი დროიდან IX საუკუნემდე. ამ თხზულებას დართული აქვს წმინდა ნინოს მიერ ქართლის გაქრისტიანების ისტორია. დიდ აყვავებას განიცდის ქართული ისტორიოგრაფია XI საუკუნეში. ამ დროს დაიწერა უცნობი ავტორის „მატიანე ქართლისაი“, სუმბატ დავითისძის „ბაგრატიონთა გვარის ისტორია“, ლეონტი მროველის „მეფეთა ცხოვრება“, ჯუანშერის „ვახტანგ გორგასლის ისტორია“ და სხვ. XI საუკუნის ეს ისტორიკოსები თავისი წინამორბედი ავტორების თხზულებებით სარგებლობდნენ. ამ თხზულებებში ქვეყნის პოლიტიკურ ისტორიასთან ერთად მსჭვლობაა ქართველთა წარმომავლობის, კავკასიის ხალხთა ნათესა-

<sup>1</sup> ბუდა — ძველი ინდოელების მთავარი ღვთაება, რომელიც თქმულების მიხედვით ჭერ ჩვეულებრივი ადამიანი იყო და შემდეგ გაღმერთდა.

ობა-ურთიერთობის, ქართული დამწერლობის წარმოშობის, კულტურის ისტორიის სხვადასხვა საკითხზე. მხიშველოვანი ცვლილებები განიცადა ქართულმა დამწერლობამ. წიგნებზე გაზრდილმა მოთხოვნილებამ და სწრაფი წერის პრაქტიკამ გამოიწვია ქართული მრგვლოვანი ანბანის შეცვლა ნუსხურით. ნუსხური ანბანის ცალკეული ნიმუშები აღრევე ჩნდება, მაგრამ საბოლოოდ IX საუკუნიდან მკვიდრდება. ამ სახის ანბანი იმავე მრგვლოვანიდან მომდინარეობს, მხოლოდ ასოები აქ უფრო მცირე ზომისა და კუთხოვანი მოყვანილობისაა, რაც დასაწერი ადგილის ეკონომითაა გამოწვეული. ნუსხურიდან განვითარდა უფრო სწრაფი წერისათვის მოხერხებული მხედრული დამწერლობაც. მისი ასოები ნუსხური ასოების მომრგვალებით და გადაბმულად წერისათვის მოსახერხებელი ფორმებით ჩამოყალიბდა. ნუსხური მაინც ტრადი-

1	2	3	4	5	6	7	8	9	1	2	3	4	5	6	7	8	9
ა	ბ	გ	დ	ე	ვ	ზ	თ	ი	კ	ლ	მ	ნ	ო	პ	ჟ	რ	ს
ყ	შ	ჩ	ც	ც	ც	ც	ც	ც	ც	ც	ც	ც	ც	ც	ც	ც	ც
კ	ლ	მ	ნ	ო	პ	ჟ	რ	ს	ტ	ც	ც	ც	ც	ც	ც	ც	ც
ტ	ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც
ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც
ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც
ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც
ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც
ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც
ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც
ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც
ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც	ც

ქართული ანბანის განვითარება: 1. V ს. მრგვლოვანი (ასომთავრული). 2. VII ს. მრგვლოვანი (ასომთავრული). 3. X ს. ნუსხური. 4. XII ს. ნუსხური. 5. XI ს. მხედრული. 6. XIII ს. მხედრული. 7. XV ს. მხედრული. 8. XVII ს. მხედრული. 9. თანამედროვე მხედრული.

ციულად იხმარებოდა საეკლესიო წიგნებში. ასევე შემორჩა მრგვლოვანი; რომელსაც იყენებდნენ ძირითადად სათაურებისათვის და წინადადების დასაწყისი ასოებისათვის (აქედან მისი მეორე სახელი — ასომთავრული). ამ ორ ანბანს, მრგვლოვანს (ასომთავრულს) და ნუსხურს ხუცუბრიც ეწოდება, ხოლო მესამე სახის ანბანს, რომელსაც ძირითადად სამოქალაქო დოკუმენტებისა და საერო ნაწარმოებების დაწერისათვის იყენებდნენ — მხედრული ეწოდეს.

მნი. აბაგლიოიყყო ტყვეთა: სკაბაიბმთიბ: ვიყს  
 ყფი: სანს: მანკ: სონ: ხანს: მთილიაი — ღიაქარან:  
 ეფნი: ენი: შაქოთა: ყოთა: სუბ — თაქაქაქა — თაქაქა

XI ს. ქართული მხედრული დამწერლობის ნიმუში. ბაგრატ IV სიგელის ფრაგმენტი.

8. კულტურისა და სახწავლო-სამეცნიერო ცენტრები. ქართული ეროვნული კულტურის განვითარებისათვის განსაკუთრებული მნიშვნელობა ჰქონდა საქართველოსა და მის ფარგლებს გარეთ, ქრისტიანული კულტურის მოწინავე ქვეყნებში არსებულ განათლებისა და კულტურის ცენტრებს, ქართულ ეკლესია-მონასტრებს. ასეთი ეკლესია-მონასტრები ქრისტიანობის პირველივე საუკუნეებში დაარსდა. იქ მხოლოდ წირვა-ლოცვა როდი სრულდებოდა. ეს მონასტრები იმთავითვე სწავლა-აღზრდისა და სასწავლო-სამეცნიერო ცენტრებს წარმოადგენდნენ. ამ მონასტრებში ხდებოდა ხელნაწერთა გადაწერა-გამრავლება, მოხატვა-შემკობა, ლიტურჯატურის თარგმნა სირიულიდან, არაბულიდან, ბერძნულიდან. აქ ზრდიდნენ მომავალ თაობას და რაც მთავარია აქ იქმნებოდა ორიგინალური ქართული მწერლობა. უცხოეთში არსებულ ქართული კულტურის ცენტრებში ითარგმნებოდა საღვთისმეტყველო, ფილოსოფიური, საბუნებისმეტყველო თხზულებანი, რომელთაც საქართველოში გზავნიდნენ.

უცხოეთის ქართულ სავანებს შორის ყველაზე დიდი დამსახურება ათონის (მღებარაობდა საბერძნეთში, ქალკედონის ნახევარკუნძულზე) მონასტრის ჰქონდა. ათონის მონასტერი X საუკუნის დასასრულს დააარსა ცნობილმა მოღვაწემ იოანე მთაწმინდელმა. მონასტრის დაარსებლად დიდი თანხა შესწირა

თორნიკე ერისთავმა, რომელმაც ბიზანტიის საიმპერატორო კარისაგან მიიღო ეს თანხა იმ დახმარებისათვის, რომელიც ქართველებმა აღმოუჩინეს იმპერატორს ბარდა სკლიაროსის აჯანყების ჩაქრობის დროს. ამ მონასტერში დიდი სამწერლო მოღვაწეობა წარმოებდა. განსაკუთრებით აღსანიშნავია იოანეს შვილის, ექვთიმეს მოღვაწეობა, რომელმაც არაერთი მნიშვნელოვანი წიგნი თარგმნა ბერძნულიდან ქართულად. აგრეთვე, როგორც უკვე აღვნიშნეთ, ის ქართულიდან ბერძნულადაც თარგმნიდა. ათონზე ორიგინალური ქართული თხზულებებიც იწერებოდა. მაგალითად, გიორგი მთაწმინდელმა აღწერა მონასტრის დამაარსებლის იოანეს და მისი შვილის ექვთიმეს მოღვაწეობა, ხოლო თვით გიორგი მთაწმინდელის მოღვაწეობა მისმა მოწაფემ გიორგი ხუცესმონაზონმა. ამ თხზულებებში უაღრესად მნიშვნელოვანი ცნობებია, როგორც ათონის მონასტერში მიმდინარე ეროვნულ-კულტურული საქმიანობის, ასევე ქართული კულტურის, ბიზანტია-საქართველოს ურთიერთობისა და სხვა საკითხებზე.

XI საუკუნის დასასრულს დღევანდელი ბულგარეთის ტერიტორიაზე, რომელიც მაშინ ბიზანტიის შემადგენლობაში შედიოდა, სოფ. პეტრიწონთან ბიზანტიის საიმპერატორო კარის დიდმა მოხელემ, ქართველმა დიდაზნაურმა გრიგოლ ბაკურიანის ძემ დააარსა ქართული მონასტერი და მონასტერს თავისი წესდება (ტიპიკონი) შეუდგინა. პეტრიწონის მონასტერთან ქართველი ახალგაზრდებისათვის სემინარია არსებობდა.

დიდი მნიშვნელობა ჰქონდა იმ სამწერლობო მოღვაწეობას, რომელიც პალესტინაში საბაწმინდას ლავრაში, სინას მთაზე და სხვა კერებში მიმდინარეობდა.

განათლების საქმე იმდროინდელ საქართველოში მაღალ დონეზე იდგა. მთავარი ყურადღება ექცეოდა ქრისტიანული სარწმუნოების მოძღვრებისა და წესების შესწავლას, მაგრამ ასწავლიდნენ მათემატიკასაც, ისტორიას, მუსიკას (გალობას) და სხვა საგნებს. იმაზე, თუ რას ასწავლიდნენ იმ დროს, საინტერესო ცნობებს გვაწვდის X საუკუნეში შედგენილი ერთი კრებული, რომელსაც „შატბერდის კრებული“ ეწოდება, რადგან ის შატბერდის მონასტერშია (მდებარეობდა სამხრეთ-დასავლეთ საქართველოში) გადაწერილი და სამართლიანად უწოდებენ „სასწავლო წიგმს“. ამ წიგნში თავმოყრილია ის ძირითადი ლიტერატურა, რომელიც იმდროინდელ განათლებულ ქართველს უნდა სცოდნოდა. საღვთისმეტყველო, საბუნებისმეტყველო, ფილოსოფიურ თხზულებებთან ერთად ამ წიგნში არის შეტანილი მსოფლიო ისტორია, აგრეთვე საქართველოს ისტორია („მოქცევაი ქართლისაი“).



პეტრიწონის მონასტრის საძევე (XI ს.).





4. ხელოვნება. IX — XI საუკუნეები ქართული ხელოვნების ისტორიაში ახალი შემოქმედებითი ძიებების, ახალი ამოცანების, ახალი პრობლემების ეპოქაა. ამ დროს ისახება გზები, რომელმაც ქართული ხელოვნება, ახალ ისტორიულ პირობებში, განვითარების უმაღლეს საფეხურზე აიყვანა.

არასოდეს, მთელი შუა საუკუნეების მანძილზე, საქართველოს შემოქმედებითი ცხოვრება არ ყოფილა ასე ყოვლისმომცველად ამ აღმწეგნული და აყვავებული, როგორც X—XII საუკუნეებში. ამ ეპოქის სრულიად განსაკუთრებული, მაღალი მხატვრული დონე და შემოქმედებითი შესაძლებლობები ერთნაირი ძალით აღინიშნა ქართული ხელოვნების ყველა დარგში — ხუროთმოძღვრებაში, კედლის მხატვრობაში, ქვის თუ ხის რელიეფებში, ოქრომქანდაკელობაში, ხელნაწერი წიგნის დეკორში, საოჯახო ყოფის ნივთებშიც კი — კერამიკისა თუ ლითონის კურკულში. ყველაზე ადრე ეს მიღწევები ხუროთმოძღვრებაში გამოვლინდა. X საუკუნის მიწურულს და XI საუკუნის პირველ მესამედშია აგებული საქართველოს ყველაზე დიდი კათედრალები — ბ ა გ რ ა ტ ი ს

სვეტიცხოველი. მცხეთა  
(XI ს.).





ალავერდის ტაძარი კახეთში (XI ს.) და მისი გეგმა: 1. აღმოსავლეთის აბსიდი (საკურთხეველი). 1<sup>ა</sup>, 1<sup>ბ</sup> გვერდითი აბსიდები. 2 საღიაკენე. 3. სამკვეთლო. 4. სვეტები. 5. გუმბათი.


ტაძარი (ქუთაისში), სვეტიცხოველი (მცხეთაში), ალავერი (კახეთში). ეს სამი ნაგებობა (ერთი რასაიღეთ საქართველოშია აღმართული, მეორე — შუაგულ ქართლში და მესამე — კახეთში) ზოგადეროვნული მნიშვნელობის ძეგლებია, უკვე გაერთიანებული ქვეყნის თავისებური სიმბოლური გამოხატულებაა. სამივე ეს ძეგლი განვითარებული შუა საუკუნეების არქიტექტურული სტილის საბოლოოდ დამამკვიდრებელი ნაწარმოებებია. სპივე ეს ძეგლი, თავისი დინამიკური და ჰარმონიული ფორმებით, უზადო, დახვეწილი პროპორციებით, მდიდრული და მრავალფეროვანი მორთულობით, ხუროთმოძღვრული ხელოვნების ნამდვილი შედევრია. გარდა ამ ფუძემდებლორი ძეგლებისა, XI საუკუნის პირველი ხახევიარი სავსეა სხვა პირველხარისხოვანი ნაგებობებით: სამთავრო, სამთავისი, მანგლისის ტაძარი, ნიკორწმინდა, ხცისი, სავანე და ბევრი სხვა. ყველა ეს ძეგლი თავისი დროის ხელოვნების შესანიშნავი ნიმუშია. ყოველი მათგანი გამოირჩევა თავისებური ხუროთმოძღვრული ფორმებით, ვირტუოზული ბრწყინვალეობით შესრულებული ჩუქურთმებით.

სამთავისის ტაძრის (XI ს.) აღმოსავლეთის ფასადის ფრაგმენტი.



IX — XI საუკუნეების ქართული ხელოვნების ზოგად სურათს მნიშვნელოვნად აძლიერებს მონუმენტური მხატვრობისა და ქანდაკების ნიმუშები, რომლებიც მრავლად შემორჩა ჩვენი ეკლესიების კედლებს. აქვე უნდა დავასახელოთ ქანდაკებათა სხვა სახეობის ნიმუშებიც — ეკლესიათა ქვის კანკლები და ხის კარე-

სამთავისის ტაძარი (XI ს.)  
ხედი აღმოსავლეთიდან.



ბი, ოქრო-ვერცხლისაგან ნაკედი საეკლესიო ნივთები (ხატები, ჯვრები, თასები და სხვ.), ანდა ამავე IX — XI საუკუნეების სხვა დარგთა ნაწარმოებები — ხელნაწერი წიგნის დიდი გემოვნებით შესრულებული მინიატურები, ნატიფი მინანქრები, ფაქიზად ნაქარგი ქსოვილები.

ყველაფერი ეს ერთად ქმნის მთელი ამ ეპოქის ქართული ხელოვნების დიდებულ სურათს, რომელიც თავისუფლად შეიძლე-

ქართული კედლის მხატ-  
ვრობის ნიმუში. გაბრიელ  
მთავარანგელოზის გამო-  
სახელება ატენის ფრეს-  
კაზე (XI ს.).



ბა გაუეტოლოთ მსოფლიოს სხვა ხალხთა ხელოვნების უმაღ-  
ლეს მიღწევებს.


#### კითხვები და დავალება

1. რა მნიშვნელობა მოიპოვა ამ პერიოდისათვის ქართულმა ენამ? 2. რომელი აე-  
ტორისა და რა სათაურის თხზულება ეძღვნა ქართულ ენას? 3. მწერლობის რო-  
მელი დარგებია ამ დროს განვითარებული? 4. რა მიუთითებს ისტორიული მეც-  
ნიერების განვითარებასა და ისტორიისადმი დიდ ინტერესზე? 5. ქართული დამ-  
წერლობის რა და რა სახეები იცით? 6. ხელოვნების რომელი დარგები აღწე-  
ვენ განვითარების მაღალ საფეხურს? 7. დაასახელეთ ხუროთმოძღვრების რამდენიმე  
ძეგლი.

დავით გარეჯის კლდეში  
ნაკვეთი მონასტერი.



ქართული ოკროქანდა-  
კებლობის ნიმუში. კედლუ-  
რი ხატი სალოლაშენიდან  
(X—XI სს.).



ქართული მინიატურული  
შხატვრობის ნიმუში. ხა-  
რების სცენა. ეკეთიშე  
მთაწმინდელის სვინაქსა-  
რი (1030 წ.).



**საქართველო თვითმმართველური მონარქიის  
განმტკიცების კერიოლში (XI ს. ბოლო — XIII ს.  
დასაწყისი).**

**§ 18. საქართველოს გაერთიანების დასრულება.  
დავით აღმაშენებელი**

1. რეფორმები და ღონისძიებანი ფეოდალური მონარქიის გასაძლიერებლად. 1089 წ. საქართველოს სამეფო კარზე პოლიტიკური გადატრიალება მოხდა. ქვეყნის მომავლით დაინტერესებულმა პირებმა აიძულეს მეფე გიორგი II გადამდგარიყო და მეფობა თავისი 16 წლის ვაჟის დავითისთვის დაეთმო. დავით IV მართლაც თავი გამოიჩინა, როგორც შესანიშნავმა მოღვაწემ. მან თავის ერთგულ თანამოღვაწეებთან ერთად შეძლო ქვეყანა ამ მძიმე მდგომარეობიდან გამოეყვანა და საქართველო მთელს წინა აზიასი უძლიერეს სახელმწიფოდ ექცია. მადლიერმა შთამომავლობამ მას აღმაშენებელი უწოდა. ახალგაზრდა მეფეს მხარში ედგა პროგრესულ მოღვაწეთა მთელი დასი, რომელსაც მისი აღმზრდელი გიორგი მწიგნობართუხუცესი მეთაურობდა. თვითონაც დავითი ძლიერი პიროვნება, ნიჭიერი პოლიტიკოსი და დიდი მხედართმთავარი იყო.

ქვეყნის წინაშე გადაუდებელ ამოცანად ედგა უძლიერეს ფეოდალთა თვითნებობის დათრგუნვა და თურქი დამპყრობლების განდევნა. მეფე პირველ რიგში ლაშქრის ორგანიზაციას შეუდგა. მრავალრიცხოვან დამარცხებათა შედეგად ლაშქარი დეზორგანიზებული და მორალურად გატეხილი იყო. დავითმა თავის ირგვლივ შემოიკრიბა წვრილი და საშუალო აზნაურები, რომელთაგანაც ჩამოაყალიბა მცირერიცხოვანი, მაგრამ კარგად გაწვრთნილი სამხედრო რაზმები. ამ ერთგულთა რაზმებით ის თავს ესხმოდა და ავიწროებდა ქართლში ჩამოსახლებულ თურქებს, ქართველ მოსახლეობას მამა-პაპათა ნასახლარებზე დაბრუნების საშუალებას აძლევდა. „სოფლებთაც იწყეს შთამოსვლად და დასხდომად“-ო მოგვითხრობს ისტორიკოსი. დავითი ასევე მტკიცე ხელით შეუდგა რეაქცი-

დავით აღმაშენებელი. გელათის კედლის მხატვრობა.



ონერ ფეოდალთა ნახევრად დამოუკიდებელი საფეოდალოების გაუქმებას და დიდგვაროვანი აზნაურების ურჩობის ალაგმვას. ამათ შორის კვლავ გამოირჩეოდა კლდეკარის ერისთავი ლ ი პ ა რ ი ტ ი<sup>1</sup>. მან იგი შეიპყრო და საქართველოდან გააძევა, მისი სამფლობელო კი სახელმწიფო საკუთრებად აქცია. ასევე დაუნდობლად გაუსწორდა ის მეამბოხე ძ ა გ ა ნ ა ბ უ ლ ე თ ი ს ძ ე ს. ამ უძლიე-

<sup>1</sup> ბაგრატ IV დროინდელი ლიპარიტის შვილიშვილი



რეს ფეოდალთა დამარცხებით მეფემ დასძლია დიდგვაროვან ფეოდალთა წინააღმდეგობა.

დავითმა მნიშვნელოვანი ღონისძიებანი გაატარა მეფის ხელისუფლების გასაძლიერებლად. მან მალალი თანამდებობიდან გადააყენა მეფის ორგული მოხელეები, რომელთაც ეს თანამდებობები პირადი ღირსებით კი არ ჰქონდათ მიღებული, არამედ შთამოძავლობით და გვარიშვილობით. მათ ადგილას ახალგაზრდა მეფემ თავისი ერთგული აზნაურები დააწინაურა. ხელისუფლების ცენტრალიზაციისათვის დიდი მნიშვნელობა ჰქონდა ეკლესიის პოზიციას.

ეკლესია უძლიერესი და უმდიდრესი ფეოდალური ორგანიზაცია იყო შუა საუკუნეების საქართველოში. მეფის მოწინააღმდეგენი ეკლესიაშიც იყვნენ მოკალათებულნი მალალ საეკლესიო თანამდებობებზე. დავითმა გააძლიერა ეკლესიაში თავის მომხრეთა დასი და შემდეგ 1103 წელს მოიწვია საეკლესიო კრება. კრებაში იქნა ქართლის საეპისკოპოსოების — რ უ ი ს ი ს ა და უ რ ბ ნ ი ს ი ს მიდამოებში გაიმართა. რ უ ი ს - უ რ ბ ნ ი ს ი ს სა ე კ ლ ე ს ი ო კ რ ე ბ ა ზ ე დიდი ბრძოლა გაიმართა მეფის მომხრეებსა და მის მოწინააღმდეგეებს შორის. გაიმარჯვეს მეფის მომხრეებმა და მოწინააღმდეგე დაჯგუფებების ეპისკოპოსები და სხვა მალალი საეკლესიო თანამდებობის პირები განდევნეს. ეკლესია მეფეს დამორჩილდა. ამ მორჩილების განსამტკიცებლად მან ორი დიდი თანამდებობა, სამეფოს უმაღლესი ძოხელის — მ წ ი გ ნ ო ბ ა რ თ უ ხ უ ც ე ს ი ს და საქართველოს ერთ-ერთი უდიდესი საეპისკოპოსოს მეთაურის, ჰ ყ ო ნ დ ი დ ე ლ ი ს ა, ერთი პირის ხელში გააერთიანა. ამიერიდან საეკლესიო საქმეები სამეფო კარზე მ წ ი გ ნ ო ბ ა რ თ უ ხ უ ც ე ს - ჰ ყ ო ნ დ ი დ ე ლ ს ეკითხებოდა.

მწიგნობართუხუცეს-ჰყონდიდელს დაუქვემდებარა მეფემ აგ-

რუისისა და ურბნისის საეპისკოპოსო კათედრალური ტაძრები.





რეთვე უმაღლესი სასამართლო დაწესებულება — „ს ა ა ჯ ო კ ა - რ ი“, რომელსაც უნდა გაერჩია იმ პირთა „აჯა“ — მოხსენებები (თხოვნა, საჩივარი), რომელთაც დაბალ სასამართლო ორგანოებში სამართალი ვერ ეპოვათ. მეფე პირადად ადგივნებდა თვალყურს სააჯო კარის საქმიანობას და ეს უმაღლესი სასამართლო დაწესებულება მისი ხელისუფლების განმტკიცებას ემსახურებოდა.


დავითმა შექმნა მტკიცე საპოლიციო აპარატი „მ ს ტ ო ვ რ ე - ბ ი ს ა“, რომელნიც თვალყურს ადევნებდნენ ქვეყნის შიგნით ფეოდალთა საქმიანობას და თურქ-სელჩუკთა ურდოების მოძრაობას. დავითმა გაატარა სამონეტო საქმის რეფორმა.

დავითის ღონისძიებანი ფეოდალური სახელმწიფოს გაძლიერებას, მეფის ერთპიროვნული ხელისუფლების განმტკიცებას, გარეშე მტრებისაგან ქვეყნის გაწმენდას და შიგნით კლასობრივი წინააღმდეგობის დათრგუნვას ისახავდა მიზნად.

2. ბრძოლა თურქ-სელჩუკების წინააღმდეგ. სამხედრო რეფორმა. XI საუკუნის 90-იანი წლების დასაწყისისათვის მახლობელ აღმოსავლეთში საერთაშორისო მდგომარეობა საქართველოს სასარგებლოდ შეიცვალა. დაიწყო თურქ-სელჩუკთა სახელმწიფოს დასუსტებისა და დაშლის პროცესი. ამავე დროს დასავლეთ ევროპის ქრისტიანულმა ქვეყნებმა დაიწყეს ჯვაროსნული ომები თურქ-მაჰმადიანთა წინააღმდეგ. საქართველოს სამეფო კარი კარგად იყო ინფორმირებული იმ მოვლენების შესახებ, რაც მის ირგვლივ ხდებოდა. მეფე დავითმა 1097 წელს სელჩუკებს ხარკის გადახდა შეუწყვიტა და გადავიდა შეტევაზე. სამეფოს ფარგლებს გარეთ იმყოფებოდა კახეთ-ჰერეთი და თბილისის საამირო. დავითმა კახეთიდან დაიწყო და 1101-1103 წლებში კახეთი და ჰერეთი საქართველოს სამეფოს შემოუერთა. ამის საპასუხოდ თურქებმა საქართველოს წინააღმდეგ დიდი ჯარი გაგზავნეს, მაგრამ დავითმა ისინი სასტიკად დაამარცხა 1105 წელს (იხ. დოკ. № 2). თბილისი კვლავ საქართველოს გარეთ რჩებოდა. თბილისისათვის ბრძოლა დავითმა ღრმა შემოვლის ტაქტიკით განახორციელა, 1110—1118 წლებში ქართველთა ლაშქარმა ზედიზედ გაათავისუფლა თბილისის სამხრეთით მდებარე ციხე-ქალაქები — ს ა მ შ ვ ი - ლ დ ე , რ უ ს თ ა ვ ი , ლ ო რ ე და სხვა., რომელნიც ამაგრებდნენ თბილისის მიდამოებს და მას თურქ-სელჩუკთა სახელმწიფოსთან აკავშირებდნენ.

გამუდმებული მოლაშქრეობა მწარმოებელ მოსახლეობას სწყვეტდა მის ძირითად საქმიანობას, რაც აბრკოლებდა ქვეყნის ნორმალურ სამეურნეო განვითარებას. შესამჩნევი იყო, რომ საქართველოს მეფის განკარგულებაში მყოფი ფეოდალური ლაშ-

13. სპარტაკოს XI - XII სს-ის მიჯნაზე



ქარი და მისი პირადი გვარდია არ იყო საკმარისი. საჭირო იყო თურქთაგან განთავისუფლებულ ციხეებში მეციხოვნეების ჩაყენება, გამუდმებული ბრძოლა საშინაო თუ გარეშე მტრების წინააღმდეგ. ეს რთული საკითხი დავითმა მოხერხებულად გადაწყვიტა.

საქართველოს სამეფო კარმა ჩრდილო კავკასიიდან საქართველოში ჩამოასახლა ყივჩაღთა დიდი ურდო (დაახლ. 40000 ოჯახი). ყივჩაღები კარგ მეთომრებად იყვნენ ცნობილნი. დავითს ამ ურდოს მთავრის ათრაქაშარადანის ძის ასული ჰყავდა ცოლად. როგორც ჩანს, ამ ქორწინებასაც პოლიტიკური მიზანი ჰქონდა... ყივჩაღები ამ დროს დიდად იყვნენ შევიწროებულნი კიევის სამთავროს მიერ და მათთვის ხელსაყრელი უნდა ყოფილიყო საქართველოსთან დაკავშირება. გადმოსახლებულ ყივჩაღებს მიწები დაურიგეს და სცადეს მათი ბინადარ ცხოვრებაზე გადაყვანა (ციხეებისათვის საძოვრებიც მიუჩინეს). ყოველ ოჯახს ერთი შეიარაღებული მხედარი უნდა მიეცა მეფისათვის. შეიქმნა 40 ათასიანი კარგად გაწვრთნილი და შეიარაღებული, მთლიანად მეფე-

ზე დამოკიდებული მუდმივი ცხენოსანი ლაშქარი, რაც მეფის ხელში დიდ ძალას წარმოადგენდა.


ასეთი სამზადისის შემდეგ დავით მეფე ერთიანი ფრონტით შეტევაზე გადავიდა თურქ-სელჩუკთა წინააღმდეგ. შეირყა მაჰმადიანთა პოზიციები. ამიერკავკასიის შემფოთებულმა მაჰმადიანმა მფლობელებმა სელჩუკ სულთანთან ელჩები გაგზავნეს და საქართველოს მეფის წინააღმდეგ დახმარება სთხოვეს.

სულთანმა მახლობელი აღმოსავლეთის მაჰმადიანური ქვეყნებიდან ერთობლივი ლაშქარი შეკრიბა, რომლის სათავეში ჯვაროსნებთან ბრძოლებში სახელმოხვეჭილი სარდალი, ბაღდადის გამგებელი, ილ-ლ-აზი ჩააყენა.

მ. დიდგორის ბრძოლა. თურქ-სელჩუკთა უზარმაზარი ლაშქარი ქართლში მანგლის-თრიალეთის გზით შემოვიდა და 1121 წლის აგვისტოს პირველ რიცხვებში მანგლისსა და დიდგორში დაბანაკდა, აქედან მტერი თბილისისაკენ აპირებდა წასვლას.

საქართველოს მეფე მტერს კარგად მომზადებული დახვდა. დავითი 56 ათასიანი ლაშქრით ნიჩბისის ხევით მიუახლოვდა დიდ-

გელათის სამონასტრო კომპლექსი.



გორს და ჰეოპრებს, რომელნიც საკუთარ სახლ-კარს, ცოლ-შვილს, სამშობლოს იცავდნენ კარსმომდგარი მტრისაგან, სიტყვით მიმართა, რათა აღთქმა დაედოთ: „ახ გავიძარჯვებთ, ახ ბრძოლის ველზე დავიხოცებთ“.

გადამწვევტი ბრძოლა 12 აგვისტოს მოხდა. დავითმა ხერხს მიმართა, ბრძოლის დაწყებამდე ქართველთა ლაშქარს 200 გულადი მეომარი გამოეყო და მტრის ლაშქრისაკენ გაემართა. სელჩუკებს ისინი მოლაღატენი ეგონათ და დაუბრკოლებლად შეუშვეს თავის განლაგებაში. აქ კი ამ მამაცმა მეომრებმა უეცრად ბრძოლის ყიფინა დასცეს და მტრის ხოცვა დაიწყეს, რამაც თურქთა ლაშქარში დიდი არევ-დარევა გამოიწვია. ამ ნიშანზე ქართველთა ლაშქარმა დავითისა და უფლისწულ დემეტრეს მეთაურობით მტერს ორი მხრიდან შეუტია. სისხლისმღვრელი ბრძოლა რამდენიმე საათში ქართველთა ბრწყინვალე გამარჯვებით დამთავრდა. უწყსრიგოდ უყანდახეულ მტერს ქართველებმა ფეხდაფეხ მისდიეს და საქართველოს საზღვრებიდან გარეკეს. დაჭრილი მთავარსარდალი ილ-ლაზი ძლივს გადაუტრია დატყვევებას და ერთგულთა მცირე გუნდით გაქცევით უშველა თავს.

დიდგორის გამარჯვებას დიდი მნიშვნელობა ჰქონდა, გაიხსნა გზა თბილისისაკენ. გამარჯვებამ აშკარა გახადა ქართველთა უპირატესობა მახლობელ აღმოსავლეთში თურქთა წინაშე. თურქების უღელქვეშ მყოფ კავკასიის ქრისტიან ხალხებს განთავისუფლების იმედი მიეცათ. თურქ-სელჩუკებზე ასეთ დიდ გამარჯვებას იმ დროს, როდესაც ევროპელი ჯვაროსნები მათთან ბრძოლაში მარცხდებოდნენ, დიდი გამოხმაურება ჰქონდა. ამ გამარჯვებაზე წერდნენ ევროპელი, არაბი, სომეხი ისტორიკოსები. ევროპელები საქართველოს ქრისტიანობის ბურჯს უწოდებდნენ აღმოსავლეთში. ამ დიდი გამარჯვების ორგანიზატორ მეფე დავითზე ლეგენდები შეიქმნა და გავრცელდა აღმოსავლეთისა და დასავლეთის ქვეყნებში.

საქართველოს დედაქალაქი თბილისი კვლავ თურქთა ხელთ იყო. თურქებს აქ დიდი სამხედრო ძალა ჰყავდათ. ქალაქში მდიდარ მოქალაქეთა წარმომადგენლების თვითმმართველობა არსებობდა „ქალაქის ბერების“ სახით.

დიდგორის ბრძოლის შემდეგ თბილისი საქართველოს სამეფოს რკალში მოექცა. 1122 წელს დავითმა იერიში მიიტანა თბილისზე. მართალია, ქალაქის სამხედრო გარნიზონმა და მაჰმადიანურმა მოსახლეობამ დიდი წინააღმდეგობა გაუწია საქართველოს მეფეს, მაგრამ „აილო მეფემან ქალაქი ტფილისი, პირველსავე ომსა, ოთხას წელ ქონებული სპარსთა, და დაუმეკიდრეს შვილთა მისთა“; მოგვითხრობს ქართველი ისტორიკოსი. დავითმა გააუქმა ქალაქის თვითმმართველობა, ქალაქის გამგებლობა თა-



დავით აღმაშენებლის მონეტა წარწერით: „დავით, მეფე აფხაზთა. ქართველთა რანთა, კახთა და სომეხთა“.

ვის მოხელეებს ჩააბარა და საქართველოს სამეფოს დედაქალაქი ქუთაისიდან თბილისში გადმოიტანა.

მეფემ თბილისელ მაჰმადიანებს, ებრაელებს, სომხებს ქალაქში უვნებლად ცხოვრების, მათი სარწმუნოების ხელუხლებლობის პირობა და მთელი რიგი შეღავათები მისცა, რათა მათ თავისუფლად განეგრძოთ ქალაქში მშვიდობიანი სავაჭრო საქმიანობა.

ერთი წლის შემდეგ დავითმა თითქმის უბრძოლველად აიღო ქალაქი დმანისი — მაჰმადიანთა უკანასკნელი საყრდენი პუნქტი საქართველოში.


4. ბრძოლა სომხეთისა და შარვანისათვის. სანამ ამიერკავკასიის მისადგომებზე თურქები ბატონობდნენ, საქართველოს მშვიდობიანობა უზრუნველყოფილი არ იყო. დავით აღმაშენებელი მეზობელი მოძვე ქვეყნების — სომხეთისა და შარვანის თურქთა უღლისაგან გასათავისუფლებლად იწყებს ბრძოლას. სომხეთისა და შარვანის მოსახლეობა საქართველოს ლაშქრის მხარდამხარ იბრძოდა, რაც მნიშვნელოვნად განაპირობებდა დავით მეფის წარმატებებს. შარვანისათვის წარმოებული ხანგრძლივი ბრძოლა 1124 წელს ქართველთა გამარჯვებით დასრულდა. შარვანის ციხეებში დავითმა თავისი მეციხოვნეები ჩააყენა, ხოლო „გამგებლად და ზედამხედველად“ თავისი მოხელე დანიშნა, შარვანი უშუალოდ საქართველოს შემოუერთდა.

1124 წ. დავითთან მოვიდნენ სომხეთის დედაქალაქის ანისის წარმომადგენლები და ქალაქის თურქთაგან განთავისუფლება სთხოვეს. სამი დღის ბრძოლის შემდეგ ქართველ-სომხთა შეერთებულმა ლაშქარმა დაამარცხა და შეიპყრო ანისის მაჰმადიანი ამირა. მეფემ ქალაქში თავისი მეციხოვნეები და მმართველები დააყენა და ანისი მისი შემოგარენითურთ საქართველოს სამეფოს შემოუერთა. მაჰმადიანთაგან ანისის განთავისუფლების გამო ერთი სომეხი ისტორიკოსი წერდა: „განთავისუფლა დავით ქართველთა მეფემ, სომეხი ერის მფარველმა და მეგობარმა, 60 წლის მონობისაგან სატახტო ქალაქი სომხეთისა ანისი და მისი დიდებული. მეჩეთად ქცეული ტაძარი. დავითმა დიდი ზემოთ კვლავ აკურთხებინა ტაძარი და სიხარული გამეფდა სომეხთა მთელ სახლში“.

დავით IV დიდი და ძლიერი სახელმწიფოს მეფე გახდა, რომლის საზღვრები გადაჭიმული იყო „ნიკოფსიიდან (თანამედროვე ტუფესესთან) დარუბანდის (დერბენტი) საზღვრამდე და ოკეთიდან (იგულისხმება ჩრდილო ოსეთი) არაგაწამდე (სომხეთში)“.

დავითის ისტორიკოსი გვამცნობს, რომ მეფეს დიდი გეგმები ჰქონდა, მაგრამ 1125 წლის 24 იანვარს მეფე დავითი გარდაიცვალა. გადმოცემით, ცნობილ ქართველ მოღვაწეს, არსენ

დავით აღმაშენებლის საფლავის ქვა გელათიდან. „ქ. ესე არს განსასუენებელი ჩემი უკუნითი უკუნისადმე, (რამეთუ მთნავს ესე) ამას დავემკუიდრო მე“.



იუალთოელს, დავითის გარდაცვალებასთან დაკავშირებით დაუწერია:

„ეინ ნაჰარმაგეეს მეფენი თორმეტნი პურად დამესხნეს, თურქნი, სპარსნი და არაბნი საზღვართა გარეთ გამესხნეს, თეუზნი ამერთა წყალთაგან იმერთა წყალთა შთამესხეს, აწე ამათსა მოქმედსა გულზედა ხელნი დამესხნეს.“

ეს ლექსი ხალხში ფართოდ გავრცელდა და თაობიდან თაობას გადაეცა.

დავით აღმაშენებლის დროს დასრულდა ქართული მიწა-წყლის გაერთიანების ხანგრძლივი ისტორიული პროცესი და შეიქმნა საქართველოს ერთიანი, ძლიერი ფეოდალური მონარქია.

### კითხვები და დავალება

1. რა რეფორმები ჩატარდა დავით აღმაშენებლის დროს და რა მიზანს ემსახურებოდა ისინი? 2. რა საფრთხე შეუქმნა „დიდმა თურქობამ“ საქართველოს? 3. ვახსენეთ რას ეწოდება ჭვაროსნული ომები, როდის მიმდინარეობდა ეს ომები? 4. როდის დაიწყო დავით აღმაშენებელმა ბრძოლა თურქ-სელჩუკების წინააღმდეგ და საქართველოს რომელი მხარეები და ციხეები გაათავისუფლა მათგან. 5. რატომ მიანიჭა დავით აღმაშენებელმა თბილისელ მამულიანებს და სხვა ეროვნებათა წარმომადგენლებს შეღავათები?

### დოკუმენტები

ნაწყვეტი დავით აღმაშენებლის ისტორიკოსის თხზულებიდან — „ცხოვრება მეფეთ-მეფისა დავითისი“

1). „მეფე იქმნა რა დავით, მოხსრებულ იყო ქართლი და თეინიერ<sup>1</sup> ციხეთა სადამე არა სადა იყო კაცი სოფელსა შინა, არცა რა შენებულობა. და მათ ჟამსა შინა ჰქონდეს თრიალეთი და კლდე-კარნი და მიმდგომნი მისი ქუეყანა ლიპარიტს, და მეფესა დავითს წინაშე იყო რეცა<sup>2</sup> ერთ-გულად, ეგრეთვე ნიანია კახაბერის ძეცა და სხუანიცა აზნაურნი.

მცირედ-მცირედ შემოკრებიან დაშთომილნი სადამე და სოფლებადცა იწყეს შთამოსვლად და დასხდომად.

და იყო მაშინ საზღვარი სამეფოსა მთა მცირე ლიხთა.“

### დავალება

დაახასიათეთ ქვეყნის მდგომარეობა ამ დოკუმენტის მიხედვით

<sup>1</sup> თეინიერ — გარდა. <sup>2</sup> რეცა — თითქოს.

მ). „აღიხუნა<sup>1</sup> მეფემან ჰერეთი და კახეთი, და ერწუხს<sup>2</sup> ქმნნა წყობანი<sup>3</sup> დიდნი და ხმა-განსმენილი იგი დიდი ძლევა<sup>4</sup>, რომელ მცირედითა ლაშქრითა და განწირულითა ერთთა დახოცნა სულტანისა იგი ურიცხვნი სპანი...“

ხოლო თვით მეფე არა თუ ვითარცა სხუა ვინმე ზურგით უდგა ოდენ სპათა თვისთა, ანუ შორით უზახებდა, ვითარცა ერთი მთავართაგანი ვინმე, არამედ უპირატეს ყოველთასა თვით წინა უვიდოდა, და ვითა ლომი შეუზახებდა ხმითა მაღლითა, და ვითა გრივალი მი-და-მო იქცეოდა; და თვით გოლიათებრ მიმართებდა და მკლავთა მტკიცითა დაამხოზბდა ახოვანთა, სრვიდა<sup>5</sup> და დასცემდა წინა დამთხვეულთა ყოველთა... და მას დღესა სამნი ცხენი გამოუცლნეს<sup>6</sup> და მეოთხესაღა ზედა მჭდომ-მან სრულ ყო<sup>7</sup> მის დღისა ომი.“

### დავალება

აღწერეთ ერწუხის ბრძოლა. ამ დოკუმენტის მიხედვით დაახასიათეთ დავით აღმაშენებელი, როგორც სარდალი.

მ). „სულტანმან მოუწოდა არაბეთისა მეფესა დურბუზს, სადაყას ძესა, და მოსცა ძე თვისი მაღიქი და ყოველი ძალი მისი; და აჩინა<sup>8</sup> სპასალარად ელლაზი, ძე არდუხისი, კაცი მრავალღონე. და უბრძანა თურქმანობასა, სადაცა ვინ იყო, დამასკოთ და ჰალაბითგან ამოღმართ, ყოველსა მხედრობად შემძლებელსა ამათ თანა ათაბაგსა განძისასა მისითა ძალითა და სომხითისა ამირათა. ქრონიკონი იყო სამას ორმოცდაერთი.“

შეკრებს ესე ყოველნი, შეითქუნეს, შეიმტკიცნეს სიმრავლითა ვითარცა ქვიშა ზღვისა, რომლითა აღივსო ქუეყანა, და აგვისტოს თორმეტსა მოვიდეს თრიალეთს, მანგლისს დიდგორთა, რომელ თვით ფერხთა ზედა ვერ ეტეოდეს ამათ ადგილთა. ხოლო მეფემან დავით, უშიშმან და ყოვლად უძრავმან გულითა, თუ ვითარ წინა განაწყო სპა მისი, და თუ ვითარ ყოველი საქმე შეუენიერად და ღონიერად ყო, რაბამ რამე წყნარად, უშფოთველად და გამოცდილებით, და ყოვლად ბრძნად განაგო, და ვითარ თვისნი სპანი დაიცვნა უვნებლად, — ამათ ყოველთათვის არა ჩუენი, არამედ ვგონებ, რომელ ყოველთა ბრძენთა სოფლისათა ენა ვერ შემძლებელ არს მითხრობად ზედამიწეენით ყოველსავე.

რამეთუ პირველსავე ომსა იოტა<sup>9</sup> ბანაკი მათი და ივლტოდა... და ვითარ ღონითა მოსრნა სახელოვანნი იგი მებრძოლნი არაბეთისანი, და ანუ მეოტთა ვითარ სიმარჯვით და განკრძალულად სდევნნა და მოსრნა, რომელთა აღივსნეს ველნი, მთანი და ლელენი მძორებითა“.

<sup>1</sup> აღიხუნა — აიღო. <sup>2</sup> ერწუხი — მდებარეობდა კახეთის აღმოსავლეთ ნაწილში. <sup>3</sup> წყობა — ბრძოლა. <sup>4</sup> ძლევა — გამარჯვება. <sup>5</sup> სრვიდა — ხოცავდა. <sup>6</sup> გამოუცლნეს — მოუყლეს. <sup>7</sup> სრულყო — დაასრულა. <sup>8</sup> აჩინა — დანიშნა. <sup>9</sup> იოტა — გააქცია.

1. აღწერეთ დიდგორის ბრძოლა ამ დოკუმენტების მიხედვით. 2. გამოიანგარიშეთ, რომელი წელია „ქრონიკონი 341“

#### 4. XII საუკუნის სომეხი ისტორიკოსი მათე ურაქაცი დავითის შესახებ

ა). „ხოლო ესე მეფე დავით იყო მამაცი და ძლიერი სპარსეთის წინააღმდეგ (მიმართულ) ომებში. მან მრავალჯერ სძლია უცხოელთა ჭარები და დაამხო მთელი მათი ძლიერება. მრავალი და სახელოვანი მხარენი აიღო სპარსთაგან მახვილითა და ძალითა. აიღო თბილისი და დმანისი, აიღო შარვანი, შაქი და შამქარი, აიღო აგრეთვე სხვა მრავალი მხარეც.

იყო მეფე დავით წმინდა და სათნო, ყოვლად შემკული ღვთის მოსაგობით და კეთილი სამართლიანობით. ის აღმოჩნდა მიმღები და მოუვარული სომეხთა ტომისა. მის გარშემო შეიკრიბა სომეხთა გადარჩენილი ლაშქარი. მან ააშენა სომეხთა ქალაქი ქართველთა ქვეყანაში, განამტკიცა ეკლესიები და მონასტრები მრავლად, ხოლო ქალაქს სახელად უწოდა გორა (გორი). დიდის სიხარულით და აღფრთოვანებით ექცეოდა მას მთელი სომეხი ხალხი. ....(1124 წ. დავითმა) მონობისაგან გაანთავისუფლა (სომეხთა) სატახტო ქალაქი ანი, რომელიც 60 წელს იმყოფებოდა ტყვეობაში... იყო სიხარული ყოველი სომეხის სახლში.“

#### კითხვა

1. როგორ აფასებს სომეხი ისტორიკოსი ქართველთა მეფის საქმიანობას და დამოკიდებულებას მეზობელი სომეხეთისადმი?

ბ). (დავით მეფე დიდგორის ველზე) „წავიდა საბრძოლველად თურქთა ჭარის წინააღმდეგ 40 000 ძლიერი და მამაცი ვაჟაკით და ომში ნაცადი მეომრით. ჰყავდა აგრეთვე სხვა ლაშქარიც, ხაფჩახთა (ყივჩაღთა) მეფისაგან — 15 000 მამაცი და რჩეული კაცი, ალანთა ტომისაგან — 500 კაცი, ხოლო ფრანგი (ჯვაროსანი) — 100“.

#### დავალება

ამ დოკუმენტის მიხედვით დაახსიათეთ საქართველოს ლაშქრის შემადგენლობა დიდგორის ბრძოლაში.



1. საგარეო და საშინაო პოლიტიკური ვითარება დავითის შემკვიდრების დროს. ძლიერი პიროვნებისა და თვითმპყრობელი მეფის დავითის გარდაცვალება ხელსაყრელ დროდ მიიჩნის საქართველოს საგარეო თუ საშინაო მტრებმა.

დაშლილ თურქ-სელჩუკთა სახელმწიფოს ნანგრევებზე აღმოცენებული მაჰმადიანური სახელმწიფოები თანდათან გაძლიერდნენ. მართალია, მათ ურთიერთშორის ქიშპი და მტრობა ჰქონდათ, მაგრამ ქრისტიანული საქართველოს წინააღმდეგ ისინი, როგორც წესი, ერთიანდებოდნენ და ერთად იბრძოდნენ.


დავით IV შემკვიდრის დემეტრეს (1125 — 1156 წწ.) გამეფებისთანავე კვლავ დაიწყო ბრძოლა სომხეთისა და შარვანისათვის. დემეტრეს გაურთულდა საშინაო ვითარებაც, ამიტომ იტყულებული შეიქნა ანისი მაჰმადიანი მფლობელებისათვის დავთმო, ოღონდ საქართველოს ყმადნაფიცობის პირობით. ასევე აღდგენილ იქნა შარვანშაჰის ხელისუფლებაც, ესეც საქართველოს ყმადნაფიცობის პირობით. საქართველოს სამეფო კარი საბოლოოდ მიიწვევრ თმობდა ანისსა და შარვანს. როგორც კი დრო მოიხელთა დემეტრემ, ქ. განძის<sup>1</sup> დაუფლება სცადა. 1138 წ. მან განძა აიღო, გამარჯვების ნიშნად ქალაქის რკინის კარი ჩამოხსნა, საქართველოში ჩამოიტანა და გელათის მონასტერს შესწირა (ეს კარი დღესაც ინახება გელათში). მაგრამ ეს მხოლოდ დროებითი წარმატება იყო. განძა ისევ რჩებოდა საქართველოს წინააღმდეგ ბრძოლის ერთ-ერთ საყრდენად ამიერკავკასიაში.

დემეტრეს დროინდელი თავდაცვითი პოლიტიკა მისი შვილის გიორგი III (1156 — 1184 წწ.) დროს ისევ აქტიური შეტევის პოლიტიკით შეიცვალა. განსაკუთრებით მწვავე იყო ბრძოლა ანისისათვის. ბრძოლა ცვალებადი შედეგებით მიმდინარეობდა. ანისი და მისი ოლქი საბოლოოდ შემოუერთდა საქართველოს უკვე თამარის მეფობაში, XII საუკუნის ბოლოს. გიორგი III ენერგიულად იბრძოდა საქართველოს გაძლიერებისათვის, ქვეყნის შიგნით მეფის ცენტრალური ხელისუფლების განმტკიცებისათვის. იგი დიდგვარიან ფეოდალებს გასაქანს არ აძლევდა. ამიტომ სამეფო კარზე დიდებულთა შორის თანდათან იზრდებოდა უკმაყოფილება. მეფის მტკიცე პოლიტიკით უკმაყოფილო პირებმა იწყეს თავმოყრა დემნაბატონის ვილიის გარშემო. დემნა (იგივე დემეტრე) გიორგის უფროსი ძმის შვილი იყო და თავს საქართველოს მეფის ტახტის კანონიერ მემკვიდრედ თვლიდა. მის გამეფებას

გიორგი III პორტრეტული გამოსახულება ვარძიის ტაძრიდან.



<sup>1</sup> განძა, იგივე განჯა, 1935 წლიდან კიროვადი (აზერბაიჯანის სსრ).



ენერგიულად უჭერდა მხარს მისი სიმაჰრი, საქართველოს ამირ-სპასალარი<sup>1</sup> იოანე ორბელი. მისი მეთაურობით მომზადდა ამბოხება, რომელიც მიზნად ისახავდა გიორგის დამხობას და დემ-ნა ბატონიშვილის გამეფებას.

აჯანყება 1177 წ. დაიწყო და რამდენიმე თვეს გაგრძელდა. მასში მონაწილეობდა უმაღლესი თანამდებობების მქონე დიდგვაროვან აზნაურთა დიდი ნაწილი. მეფემ შეძლო აჯანყებულოთა დაძარცვება. შეამპოხეთა რიგები შეირყა. ისინი მეფის ძხარეზე გადმოდინდნენ და პატიებას თხოულობდნენ. საბოლოოდ ლორეს ციხეში გამომწყვდეული ამბოხების მეთაურებიც დამორჩილდნენ გიორგის.

გიორგიმ დამნაშავეები გაასამართლა და მკაცრად დასაჯა. ორბელთა გვარი დაემხო, დემნა უფლისწული სასჯელს გადაეცა. მეფემ ისარგებლა ამ გამარჯვებით და გაბედული პოლიტიკური ნაბიჯი გადადგა: აჯანყების მონაწილე და თანამგრძნობი დიდ-

<sup>1</sup> ამირსპასალარი — სამხედრო საქმეთა გამგებელი, სამხედრო მინისტრი.

გვაროვანები გადააყენა მაღალი თანამდებობიდან და მათ მაგიერ მეფის ერთგული პირები აღაზევა შედარებით დაბალი ფუნქციონარი, საშუალო და მცირე აზნაურობიდან.

2. **თამარის გამეფება.** საშინაო პოლიტიკური მოძრაობანი. გიორგი მეფეს ვაჟი არ ჰყავდა და ტახტის მემკვიდრე მისი უფროსი ასული თამარი იყო. გიორგი შიშობდა, რომ დამარცხებულ-ძინოშებულ დიდგვაროვანები მისი გარდაცვალებისთანავე თავს წამოპყობდნენ და მისი ასულის გამეფებას წინ აღუდგებოდნენ. ამიტომ მან 1178 წ. თვითონვე აკურთხა თამარი მეფედ. 1178-1184 წლებში მამა-შვილი ერთად მართავდნენ ქვეყანას. 1184 წ. გიორგი III გარდაიცვალა და თამარი ერთპიროვნული მმართველი გახდა.

გიორგის გარდაცვალება დიდგვაროვანმა აზნაურებმა შესაფერ მონეტად მიიჩნიეს იმისათვის, რომ აღედგინათ თავიანთი დაკარგული უფლებები და მდგომარეობა. მათ ახალგაზრდა მეფე-ქალს გიორგის დროს დაწინაურებული მეფის ერთგული ვაზირების გადაყენება მოსთხოვეს. პოლიტიკური მდგომარეობა ისე დაიძაბა, რომ თამარი იძულებული შეიქმნა დაეკმაყოფილებინა დიდგვაროვანთა ეს მოთხოვნა.

ამის შემდეგ სამეფოს მ ე კ უ რ ჯ ლ ე თ უ ხ უ ც ე ს მ ა<sup>1</sup> ყ უ თ ლ უ - ა რ ს ლ ა ნ მ ა და მისმა პოლიტიკურმა დასმა მეფის უფლებების შეზღუდვა და საკანონმდებლო უფლებებით აღჭურვილი საგანგებო საკრებულოს „კ ა რ ა ვ ი ს“ დაარსება მოითხოვა. შეთქმულთა პროგრამით სახელმწიფოს მმართველობის ძირითადი საკითხები ამ საკრებულოს უნდა გაერჩია, მასვე უნდა გადაცემოდა უმაღლესი სასამართლო ხელისუფლება. მეფეს მხოლოდ მოახსენებდნენ მიღებულ გადაწყვეტილებას და მას უნდა „სრულეყო“ ე.ი. აღესრულებინა.

ყუთლუ-არსლანის დასი დიდგვაროვანი ფეოდალებისა და მოქალაქეთა ზედაფენის ინტერესებს გამოხატავდა. მეფემ ჭერ შეუტია შეთქმულებს და მათი მეთაური დააპატიმრა, მაგრამ, როდესაც დაწმუნდა, რომ რეპრესიებით არაფერი გამოვიდოდა, დიდი დიპლომატიური ტაქტი გამოიჩინა. მოლაპარაკებით, დათმობებით, შეთქმულთა შორის უთანხმოების ჩამოგდებად, თანდათან დააშოშმინა მემამბოხეები. მართალია, ამ დროს ვერ მოხერხდა „კარავისელთა“ პროგრამის მთლიანად განხორციელება, მაგრამ ვფართოვდა დარბაზის, სამეფო საბჭოს უფლებები, შეიზღუდა მეფის ხელისუფლება.

<sup>1</sup> მ ე კ უ რ ჯ ლ ე თ უ ხ უ ც ე ს ი — სახელმწიფოს საფინანსო საქმეების გამგებელი. მინისტრი.

საქართველოს სახელმწიფო წყობილებაში მომხდარი ეს დიდად მნიშვნელოვანი ცვლილება ქვეყნის პროგრესული განვითარების შედეგი იყო. ეს იმ ცვლილების წინამორბედსა და მსგავს მოვლენას წარმოადგენდა, რომელიც XIII საუკუნის დამდეგს ინგლისში მოხდა, როდესაც „თავისუფლებათა დიდი ქარტიით“ შეიზღუდა ინგლისის მეფის ხელისუფლება.

დიდგვაროვანი ფეოდალების მცდელობა, გაეძლიერებინათ თავისი გავლენა მეფეზე, არც ამის შემდეგ შეწყვეტილა. ქალის მეფობის ვითარებაში დიდი მნიშვნელობა ჰქონდა თუ ვინ იქნებოდა მისი ქმარი. მეფე-ქმრის შერჩევის საკითხი პოლიტიკური ბრძოლის საბაზად იქცა. საბოლოოდ არჩევანი ელადიმერ-სუზდალის დიდი მთავრის ან დ რ ი ა ბ ო გ ო ლ უ ბ ს კ ი ს ვაჭზე, ი უ რ ი ზ ე შეჩერდა. იური, ანუ როგორც მას საქართველოში უწოდებდნენ — გ ო რ გ ი რ უ ს ი, მამის სიკვდილის შემდეგ ბიძის, ვსევოლოდის მიერ დევნილი, ყივჩაღებთან იყო შეხიზნული. თვით თამარი ამ ქორწინების მომხრე არ იყო და დიდებულებს აჩქარებისაგან თავის შეკავებას სთხოვდა. მაგრამ მას ანგარიში არ გაუწიეს და 1185 წელს თამარისაგან ნებადაურთავი „განამზადეს ქორწილი“. თამარსა და გიორგი რუსს შორის თავიდანვე უთანხმოება იყო. გიორგის ბევრი პიროვნული ნაკლიც აღმოაჩნდა და ორი წლის შემდეგ, როდესაც თამარმა უკვე განიმტყიცა ტახტზე მდგომარეობა და გაიმრავლა მომხრეები, მას გაშორდა და საქართველოდან გააძევა.

მალე თამარი დაქორწინდა ოს უფლისწულზე, ბაგრატიონთა შთამომავალ დ ა ვ ი თ ს ო ს ლ ა ნ ზ ე, რომელიც საქართველოს სამეფო კარზე იყო აღზრდილი თამარის მამიდის რ უ ს უ დ ა ნ ი ს მიერ.

თამარის ქმარყოფილმა გიორგი რუსმა ორჯერ სცადა საქართველოში დაბრუნება და გამეფება. პირველად, 1191 წ., როდესაც ცენტრალური ხელისუფლების მოწინააღმდეგე დიდგვაროვანმა ფეოდალებმა დიდი აჯანყება მოაწყვეს და გიორგი საქართველოში შემოიყვანეს, მაგრამ თამარის ერთგულმა ჯარებმა აჯანყებულთა მთავარი ძალები გაანადგურეს. მეორედ, გიორგის ადგილობრივ ფეოდალთაგან არავინ დაუჭირა მხარი და ის ადვილად დაამარცხეს.

**8. შამქორის ბრძოლა.** XII საუკუნის 90-იანი წლებისათვის შინაგანი პოლიტიკური ბრძოლა მეფის ცენტრალური ხელისუფლების გამარჯვებით დამთავრდა და საქართველოს სამეფო კარმა მთავარი ყურადღება საგარეო საქმეებზე გადაიტანა. ქართველებმა შეძლეს ინიციატივის ხელში აღება და თურქთა წინააღმ-



თამარ მეფე. ვარძიის ტაძრის ფრესკიდან.


14. საქართველო და მოსაზღვრე ქვეყნები XIII ს




გორგი III მონეტები.



თამარ მითოს მონეტები.



I მართხაღი




დეგ საერთო შეტევებზე გადავიდნენ. საქართველო წარმატებით უტევდა თურქებს შარვანიდან და რანიდან მოყოლებული ბასიანსა და სპერამდე. შევიწროებულმა თურქებმა საერთო ძალით გამოლაშქრება გადაწყვიტეს და მაჰმადიანთა სულიერ მეთაურს, ბაღდადის ხალიფას მიმართეს. ხალიფამ დიდი თანხა გაიღო, აგრეთვე ყველა მაჰმადიან სახელმწიფოს მიმართა მოწოდებით, გამოსულიყვნენ საქართველოს წინააღმდეგ სალაშქროდ. ადარბადაგანში (ირანის აზერბაიჯანი) ურიცხვი ლაშქარი შეიკრიბა და ათაბაგ აბუბეკრის სარდლობით საქართველოს წინააღმდეგ დაიძრა. მათ წინ ხალიფას მიერ გამარჯვების საწინდრად გამოგზავნილი დროშა მიუძღოდა.

აბუბეკრმა ჯერ საქართველოს ყმადნაფიც შარვან შაჰ ალსართანს შეუტია, რომელმაც ვერ გაუწია წინააღმდეგობა და დახმარებისათვის პატრონს, საქართველოს მეფეს მიმართა. თამარმა სასწრაფოდ შეკრიბა ლაშქარი და დავით სოსლანის წინამძღოლობით მტერს შეაგება. ბრძოლა შამქორის მიდამოებში მოხდა 1195 წელს. ბრძოლაში დიდად გამოიჩინეს თავი სარდლებმა შალვა და ივანე ახალციხელებმა. შალვამ ხალიფას მიერ გამარჯვების საწინდრად გამოგზავნილი დროშა ჩაიგდო ხელთ. შამქორიდან ქართველებმა განძას ილაშქრეს, ქალაქი აიღეს და გამარჯვების აღსანიშნავად სულთნის სასახლეში დიდი ნაღიმი მოაწყვეს.

შამქორის გამარჯვებამ შარვანი დაიცვა აგრესორებისაგან და დაადასტურა ქართველთა სამხედრო უპირატესობა ახლო აღმოსავლეთში.

4. ბასიანის ბრძოლა და მისი შედეგები. ბიზანტიის იმპერიის დასუსტების ვითარებაში საქართველოს საგარეო პოლიტიკის დღის წესრიგში შავი ზღვის სამხრეთ სანაპიროების საკითხი დადგა. ეს ტერიტორია უძველესი დროიდან ქართველური ტომებით — ლაზებით იყო დასახლებული და კოლხეთის სამეფოში შედიოდა, შემდეგ კი დიდი ხნით ბიზანტიის იმპერიის შემადგენლობაში იმყოფებოდა. საქართველოს მისწრაფებას ამ მიმართულებით წინ ეღობებოდა როგორც ბიზანტია, ისე რუმის სასულთნო, დღევანდელი თურქეთის ტერიტორიაზე არსებული თურქულ-სელჩუკური სახელმწიფო, რომლის სათავეში ამ დროს მდგომმა სულთანმა რუქნად-დინმა საქართველოს წინააღმდეგ დიდძალი ლაშქარი შეყარა და თმარ მეფეს საგანგებო ელჩით შეურაცხყოფილი და თავხედური მუქარით სავსე წერილი გამოუგზავნა.

სასწრაფოდ შეკრებილი ლაშქარი ვარძიანდეთით თამარმა გააცილა და დალოცა დიდ ბრძოლაში მიმავალი ქართველო-



კლდეში ნაკვეთი ქალაქი—მონასტერი ვარძია.

ბა. მოწინავე რაზმი ზ ა ქ ა რ ი ა მ ხ ა რ გ რ ძ ე ლ ი ს სარდლობით პირდაპირ შეტევაზე გადავიდა ბ ა ს ი ა ნ ს დაბანაკებულ თურქებზე. მართალია, თურქთა სიმრავლემ შეარყია შემტევთა რიგები, მაგრამ ძირითადად ნაწილმა დ ა ვ ი თ ს ო ს ლ ა ნ ი ს წინამძღოლობით გვერდიდან დაარტყა თურქებს და მტერი გააქცია. 1202 წელს ბასიანს ქართველებმა ბრწყინვალე გამარჯვება მოიპოვეს თურქთა მრავალრიცხოვან ლაშქარზე. ბრძოლის ველზე დარჩა მტრის ძვირფასი კარები, იარაღ-საჭურველი, საბრძოლო დროშები. ტყვეთა შორის სულტნები, სარდლები და სხვა წარჩინებულინი იყვნენ და მათგან ერთი, „სახელოვანი კაცი და დიდებული განყიდა ნალად ცხენთა“ და ეს, დასძენს თამარის ისტორიკოსი, „ყო თამარ პატივად სახლისა თვისისა დიდებად.“

შამქორისა და ბასიანის გამარჯვებებს დიდი მნიშვნელობა ჰქონდა საქართველოსათვის. საქართველომ წარმატება მოიპოვა აღმოსავლეთისა და დასავლეთის თურქთა ორ კოალიციურ ლაშქარზე, რომელთა სათავეში დიდი სასულტნოები იდგა. ამაზე დიდი ძალა თურქებს არ გააჩნდათ. საქართველო მახლობელი აღმოსავლეთის უძლიერესი სახელმწიფო იყო.

ბასიანის ბრძოლაში გამარჯვებამ და ბიზანტიის იმპერიის დასუსტებამ საქართველოს გზა გაუხსნა შავი ზღვის სამხრეთ სანაპიროსაკენ. თამარის ბრძანებით დასავლეთ საქართველოდან საგანგებო ჯარი გაიგზავნა, რომელმაც დაიკავა ლ ა ზ ე თ ი, ზღვისპირა ქალაქები — ტ რ ა პ ი ზ ო ნ ი , ს ა მ ს უ ნ ი , ს ი ნ ო პ ი ,



კერასუნტი, კოტიორა, ჰერაკლეა. ამ ტერიტორიაზე საქართველოს სამეფო კარმა საქართველოზე დამოკიდებული სახელმწიფო შექმნა, რომელსაც ხმამაღალი სახელი „ტრაპიზონის იმპერია“ ეწოდა. ამ სახელმწიფოს სათავეში თამარმა თავისი ნათესავი, საქართველოში გაზრდილი ბიზანტიის საიმპერატორო ტახტიდან გადაგდებული კომნენოსთა სახლის წარმომადგენელი, ალექსი კომნენი დასვა.

ტრაპიზონის სამეფოს დაარსება ჯვაროსანთა წინააღმდეგ მიმართული ღონისძიებაც იყო და სელჩუკთაგან საზღვრის უზრუნველყოფასაც ისახავდა მიზნად.

შამქორისა და ბასიანის გამარჯვებას, ტრაპიზონის სამეფოს დაარსებას დიდი გამოძახილი ჰქონდა. პალესტინაში თურქთა მიერ შევიწროებული ქრისტიანები დახმარებას საქართველოდან ელოდნენ. ასეთ დიდ ასპარეზზე გასვლამ სამეფოს წინაშე ახალი მიზნები დასახა.

თურქ დამპყრობთა ერთ-ერთი მნიშვნელოვანი საყრდენი ამიერკავკასიაში ციხე-ქალაქი კარი (ყარსი) იყო. კარი ამასთანავე მნიშვნელოვან სავაჭრო გზაზე მდებარეობდა და მისი დაუფლება ხელს შეუწყობდა საქართველოს შემდგომ სამეურნეო დაწინაურებას. კარი დიდი ბრძოლების შემდეგ იქნა აღებული 1204 წ. კარელ მოქალაქეთა მოთხოვნით თამარმა ის სამეფო ქალაქად ჩარიცხა. შევიწროებული თურქი მბრძანებლები საქართველოს სამეფოს ქვეშევრდომები და ყმადნაფიცები ხდებოდნენ. ქართველთა ლაშქარი სამხრეთისაკენ მიიწევედა. 1210 წელს ქართველებმა ზაქარია და ივანე მხარგრძელების სარდლობით ჩრდილო ირანი დალაშქრეს, აიღეს ქალაქები: შარანდი, თავრიზი, ზენჯარი, ყაზვინი და დიდი ნადავლით დატვირთულნი დაბრუნდნენ.

ამასთანავე, საქართველოს პოლიტიკური და კულტურული გავლენა ვრცელდებოდა ჩრდილო კავკასიელ მონათესავე და მე-

ვეგუთის სასახლის ნანგრევები ქუთაისთან.



**ზობელ ხალხებზე.** XII საუკუნის დასასრულისათვის საქართველოს მოსაზღვრე იმიერკავკასიელი მთიელები საქართველოს ყმადნაფიცნი იყვნენ და პოლიტიკურ გავლენასთან ერთად ფეოდალური საქართველოს დიდ კულტურულ გავლენასაც განიცდიდნენ.

დამპყრობელ თურქებთან მძიმე ბრძოლა საქართველოს გამარჯვებით დამთავრდა. საქართველო, მის გარშემო შემოკრებილი კავკასიის ქრისტიანი ხალხებითურთ, მშვიდობიანი განვითარების პირობებში სამეურნეო-კულტურული აღმავლობის გზით მიდიოდა.

### კითხვები და დავალებები

1. რა ცვლილებები მოხდა საქართველოს საგარეო პოლიტიკურ კურსში XII ს. მეორე მეოთხედში? 2. დაახასიათეთ გიორგი III სამონაო და საგარეო პოლიტიკა. ვეიამზეთ დიდგვარიანთა აჯანყების შესახებ გიორგი III დროს. რა სურდათ აჯანყებულებს? 3. როგორი იყო „ქარაიხელთა“ პოლიტიკური პროგრამა? 4. რა მნიშვნელობა ჰქონდა. შამქორისა და ბასიანის ბრძოლებს, „ტრაპიზონის იმპერიის“ დაარსებას?

### დ ო კ უ მ ე ნ ტ ე ბ ი

1. თამარის პირველი ისტორიკოსი („ისტორიანი და აზმანი შარავანდედთანის“ ავტორი) ყუთლუ-არსლანის დასის მოთხოვნის შესახებ

„ყუთლუ არსლან (საქართველოს მეკუთრქლეთუხუცესმა) ითხოვა კარავი დადგმად ველსა ისანისასა<sup>1</sup> და სანახებსა სალოდებლისასა<sup>2</sup> და თქუა: „დასხდომილი მუნ შიგა, განმგებელნი მიემისა და მიტებისა,<sup>3</sup> წყალობისა და შერისხვისანი, ვჰკადრებდეთ და ვაცნობებდეთ თამარს, მეფესა და დედოფალსა; მაშინლა სრულ იქმნებოდეს განგებული ჩუენი.“

ესე ვიეთ საწყენებ იყო — დასასრულისა ხელმწიფობისა პატრონისასა მიმცემელი — ესრეთ იწყინა და გაიკვირვა და გაიგონა<sup>4</sup> უკლებელმან გონებითა და საუნჯემან სიბრძნისამან. და მოილონა ხელთ გდება თავისა<sup>5</sup> მის მოქმედთასა და თანამზრახველ მყოფელმან ერთგულთა და საკუთართა მისთამან, შეიპყრა ყუთლუ-არსლან, მეკუთრქლეთუხუცესი.“

### კითხვები და დავალებები

1. რას მოითხოვდნენ ყუთლუ-არსლანი და მისი დასის წევრები? 2. როგორ შეაფასა თამარმა მათი მოთხოვნა? 3. რა ზომა მიიღო თამარ მეფემ? შუა საუკუნეების ისტორიიდან გაიხსენეთ ინგლისის პარლამენტის შექმნის ისტორია და შეადარეთ ყუთლუ-არსლანის მიერ „ქარავის“ დაარსების მოთხოვნას.

<sup>1</sup> ისანი — დღევანდელი ავღანბარი.

<sup>2</sup> სალოდებელი — ისნის ერთ-ერთი უბანი. დღევანდელი მეტეხის მიდამოებში.

<sup>3</sup> მიცემე და მიღება — იგულისხმება წყალობის და სასჯელის, აგრეთვე მაღალი თანამდებობის გაცემა და ჩამორთმევა.

<sup>4</sup> გაიგონა — განსაჯა. <sup>5</sup> თავისა — ე. ი. მეთაურისა.

2. ბასილი ევოსმოდლვარი („ცხოვრება მეფეთ მეფისა თამარისი“),  
შაშქორისაჲს სამზადისის შესახებ

„შეიწრდეს ყოვლით-კერძონი სპარსნი და უღონობამან მოიციუნა და მხოლოდ ერთიდა სასობა<sup>1</sup> ცხოვრებისა მოიპოვეს, ესე იგი არს სიკუდილითა ხსნა თავისა, ამისათვისცა შეკრბეს ყოვლით კერძო შეთქმულებითა, შეიღებნეს სამოსელნი და პირნი, და მივიდეს წინაშე ხალიფასსა, აუწყეს თავისი ჭირი და აწუეედეს, რათა უბრძანოს ყოველსა სპარსეთსა შეწენათ მათდა. რომელი ესე იყო ხალიფა: განახუნა ძველნი საგანძურნი და იღუმალ წარავლინა კაცი ყოველსა შინა სპარსეთსა, მისცა ოქრო აურაცხელი, რათა შეკრბონ ყოვლით კერძო ლაშქარი ურიცხვი და მისცა ბრძანება, რათა რომლისაცა სამთავროსაგან სპარსთასა არა წამოვიდენ, ვით მათ ზედა მისვლითა იავარ ყენენ<sup>2</sup>... შეკრბა ესეოდენი, ვიდრემდის არცა რიცხვი და ვერცა ერთსა თემსა დაეტეოდეს...“

ესმა ესე ყოველი თამარს და მოუწოდა ყოველთა ვაზირთა თავისთა და შეიქმნა გამორჩევა, უბრძანა ჭყონდიდელსა: „ისწრაფედ დაწერად და მიმოდადევით<sup>3</sup> ბრძანება, რათა მსწრაფლ შემოკრბეს მხედრობა...“

ესე უბრძანა და ბრძანება საქმე იყო. და ათსა შინა დღესა, ვითარცა გროი შავარდენთა, მოფრინდა ყოველი მხედარი, ყოვლით-კერძო...“

**დავალება და კითხვა**

1. აღწერეთ მაჰმადიანთა და ქართველთა სომარი სამზადისი. 2. რამდენ დღეში შეიკრბა ქართველთა ლაშქარი?

**§ 18. საპართველოს მკონომიკური და საზოგადოებრივი განვითარება XII საუკუნისა და XIII საუკუნის დასაწყისში**

21

1. სოფლის მეურნეობა. XII—XIII სს. საქართველოს პოლიტიკური სიძლიერე და კულტურული აღმავლობა ქვეყნის სამეურნეო-ეკონომიკურ აღმავლობასა და სიძლიერეს ემყარებოდა.

საქართველოს გაერთიანებამ ხელსაყრელი პირობები შექმნა სხვადასხვა კუთხეთა სამეურნეო დაკავშირებისა და შემდგომი ეკონომიკური განვითარებისათვის. სოფლის მეურნეობის შემდგომი განვითარებისა და განსაკუთრებით მეურნეობის ინტენსიური დარგების ფართოდ გავრცელებისათვის გადამწყვეტი მნიშვნელობა

<sup>1</sup>სასობა — იმედი. <sup>2</sup>იავარ ყენენ — დაარბიონ. <sup>3</sup>მიმოდადევით — დაგზავნეთ.

ჰქონდა მიწისმფლობელობის კერძომესაკუთრულ-ინდივიდუალური (სამამულო) სისტემის საბოლოო გაბატონებას.

სახნავ-სათესი ფართობის გაფართოების ერთ-ერთი საშუალება რთული სარწყავი სისტემის აგება იყო, რაზეც ზრუნავდა სამეფო ხელისუფლება. თამარის დროს გაყვანილი სამგორის სარწყავი არხი 20 კმ სიგრძისა იყო, ალაზნის 119 კმ სიგრძის სარწყავი სისტემა 53 000 ჰექტარ ფართობს რწყავდა. დიდი არხები და სარწყავი სისტემები სახელმწიფო ხელისუფლების, მსხვილი ფეოდალების; ეკლესია-მონასტრების ინიციატივით იქმნებოდა, მაგრამ საქართველოს დიდი და მცირე მდინარეებით უხვი ბუნება, ქვეყნის მშვიდობიანი განვითარების პირობები, მხოლოდ თოხითა და ბარით შეიარაღებულ გლეხსაც აძლევდა რუებისა და რუსხმულების გაყვანის და მოსავლის გაზრდის საშუალებას.


მორწყვასთან ერთად მიწას ანოყიერებდნენ, საჭიროების შემთხვევაში (ჭაობიან, დატბორილ დაბლობებზე) საგანგებო არხებით წყალს წრეტდნენ, ასვენებდნენ მიწის ნაკვეთებს.

მემინდვრობასთან ერთად ფართოდ იყო გავრცელებული მევენახეობა-მებაღეობა, ამას გარდა მოჰყავდათ ბრინჯი, სელი, ბამბა, განვითარებული იყო მეაბრეშუმეობაც.

სოფლის მეურნეობის მეორე მნიშვნელოვანი დარგი იყო მესაქონლეობა. საოჯახო მეურნეობაში ჰყავდათ ცხენი, ძროხა, ხარკამეჩი, ცხვარი, თხა, ღორი და სხვ. მნიშვნელოვანი ადგილი ეკავა მეურნეობაში მეთევზეობას, მეფუტკრეობას. სამეურნეო დანიშნულება ჰქონდა ნადირობასაც.




სასოფლო-სამეურნეო სა-  
მუშაოების სცენები ქარ-  
თული ხელნაწერის მი-  
ნიატურიდან (XII—XIII  
სს.).



ქართული დიდი გუთანი  
და სასოფლო-სამეურნეო  
იარაღები (საქართველოს  
სახელმწიფო მუზეუმი).

ქართული სახენელი (ერ-  
ქვანი) და სხვა სასოფლო-  
სამეურნეო იარაღები (სა-  
ქართველოს სახელმწიფო  
მუზეუმი).



როგორც ცნობილია, ფეოდალიზმის ერთ-ერთი ძირითადი და-  
მხასიათებელი ნიშანია სასოფლო-სამეურნეო ტექნიკის ჩამორ-  
ჩენილობა, დაბალი დონე, განვითარების უაღრესად ნელი ტემპი.  
ამ პერიოდში სასოფლო-სამეურნეო იარაღი დიდ ცვლილებებს  
არ განიცდის, მაგრამ მიუხედავად ამისა, განვითარებული ფეო-  
დალიზმის საწყისი საფეხურისათვის ძირითადი ქართული სახენე-  
ლი იარაღის „ერქვანის“ მნიშვნელოვანი გაუმჯობესება ხდება და  
იქმნება „დიდი ქართული გუთანა“. ერქვანთან შედარე-  
ბით დიდი გუთანა მიწის უფრო ღრმა მოხვნისა და ძნელად დასამუ-  
შავებელი ფართობის ათვისების საშუალებას იძლევა, რაც ზრდის  
შრომის ნაყოფიერებას. ქართული დიდი გუთანის მაღალი თვისე-  
ბების შედეგია ის, რომ დიდი გუთანა ჩვენში XIX საუკუნეშიც  
იყო ხმარებაში და აგრეთვე ისიც, რომ ქართული „გუთანა“ ფარ-  
თოდ გავრცელდა ჩვენს მეზობლებში (ოსეთში, სომხეთში, ჩეხ-  
ნეთ-ინგუშეთში). დიდი გუთანა უმთავრესად ქართლის ბარში იხ-  
მარებოდა, მაღალმთიან ზოლში სახენელის სხვა სახეები იყო გავრ-  
ცელებული (აჩაჩა გუთანა).

2. ქალაქები, ხელოსნობა, ვაჭრობა, ფინანსები. XI — XII საუ-  
კუნეები საქალაქო ცხოვრების აღმავლობა-განვითარების ხანაა.  
სოფლის მეურნეობისა და ხელოსნობის განვითარება ხელს უწყობ-  
და ახალი ქალაქების დაარსებას, ქალაქებში მოსახლეობის გამრავ-  
ლებას, ქალაქთა მნიშვნელობის ზრდას. ამ დროს მნიშვნელოვანი  
ქალაქები იყო თბილისი, ქუთაისი, რუსთავი, გორი,

დმანისი, თელავი, ცხუმი, უინვალი, არტანუჯი, ახალქალაქი, ახალციხე, სამშვილდე, ხუნანი და სხვ.

სამეფო ხელისუფლება დიდად ზრუნავდა ქალაქებზე, მათ კეთილდღეობაზე, ზრუნავდა ვაჭრობის განვითარებისათვის, რაც სახელმწიფოს დიდ შემოსავალს აძლევდა. საქართველოს მეფეები, განსაკუთრებით დავით აღმაშენებელი და თამარი, ზრუნავდნენ გზების შეკეთებაზე, ახალი გზების გაყვანაზე; გზებზე ხიდებსა და სასტუმრო-ფუნდუკებს, ქარვასლებს აგებდნენ.


სამეფო ხელისუფლება აგრეთვე საგანგებო ღონისძიებას ატარებდა მძარცველთაგან ვაჭრების დასაცავად.

ქალაქი შედგებოდა დედაციხისა და საკუთრივ ქალაქისაგან. ციხე ქალაქის მთავარი დამცველი იყო, სადაც მფლობელის (ძეფის, დიდებულის) სასახლე, კარის ეკლესია, თავდაცვითი ნაგებობანი, მეციხოვნეთა და მოსამსახურეთა საცხოვრებელი სახლები იყო აგებული. ქალაქის შიდა ციხეს თავისი თავდასაცავი კედელი ჰქონდა. მოსახლეობის ძირითადი ნაწილი (ვაჭრები, ხელოსნები...) შიდა ციხის კედლებს გარეთ ცხოვრობდა. საკუთრივ ქალაქს, რომელსაც თავისი კედელი ჰქონდა, ქალაქის სიდიდის, სავაჭრო მნიშვნელობის, მასზე გამავალი გზების შესაბამისი რაოდენობის კარები ჰქონდა. მაგ., თბილისი გარე სამყაროს ხუთი კარით უკავშირდებოდა.

დიდ ქალაქებში იყო საეპისკოპოსო საყდრები, ფეოდალთა და



ჩუქურთმები ქვაზე დმანისის ეკლესიიდან.



დმანისის ნაქალაქარი. ქალაქის ციხის ნაშთი და ეკლესია.

დახდალოს ხიდი (XI—XII სს.) მდ. აჰარისწყალზე. ქედის რაიონი, აჰარის ასსრ.



ეპისკოპოსთა სასახლეები, დედაქალაქში ამასთანავე იყო საგანგებო დანიშნულების დაწესებულებები: სასამართლო, საკურტლე (სიმდიდრის შესანახი), ხაზინა, ზარაფხანა (ფულის მოსაპრელი). ქალაქის ტერიტორიის დიდი ნაწილი ეკავა მოედნებს, ბაზრებს, სახელოსნო რიგებს ღუქნებითურთ, სასტუმროებსა და ქარვასლებს.

ქალაქებში მდინარეებზე (მაგ., თბილისში მტკვარზე) იყო წიხტილები, წყლის საქაჩავები, საზოგადო დანიშნულების აბანოები. თბილისში რამდენიმე ათეული გოგირდოვანი თბილი წყლები აბანო იყო (იხ. დოკ. 1).

ქალაქის მოსახლეობის ზედაფენას ფეოდალური არისტოკრატია შეადგენდა, რომელსაც ქალაქებში სასახლეები, ხოლო ქალაქის შემოგარენში საზაფხულო სახლები ჰქონდათ.

მოსახლეობის ძირითად ნაწილს ვაჭრები და ხელოსნები შეადგენდნენ, რომელთა შორის იყვნენ თავისუფალნიც და ყმებიც. ვაჭართა ზედაფენა დიდვაჭრებისაგან შედგებოდა, რომელთაც თავისი მეთაური, ვაჭართუხუცესი ჰყავდათ. საქართველოდან დიდი რაოდენობით გაჰქონდათ როგორც სოფლის მეურნეობის პროდუქტები, ასევე ხელოსნობის ნაწარმი: ღვინო, კაკალი, ცვილი, თაფლი, თიხის ნაწარმი, ადგილობრივი აბრეშუმის, ბამბის, შალის ქსოვილი, ხალიჩები, ცხენები, იარაღ-საკურველი და სხვ.

საქართველოს სავაჭრო ურთიერთობა ჰქონდა ბიზანტიასთან, ირანთან, ეგვიპტესა და რუსეთთან. XI — XIII საუკუნეების საქართველოში მიმოქცევაში იყო ქართულ მონეტასთან ერთად უცხოურიც. ამ დროს ქართული ფული იჭრებოდა თბილისში, ქუთაისში, დმანისსა და ახალციხეში.

სახელმწიფოს შემოსავლის უმთავრესი წყარო მოსახლეობა-

თმარ მეფის სპილენძის მონეტა.



ზე დაკისრებული გადასახადები იყო, რომელიც იკრიფებოდა სურსათით და ფულად. დიდი შემოსავალი ჰქონდა სახელმწიფოს ჭალაქებიდან, ადგილობრივი ვაჭრებისაგან, ხელოსნებისა და უცხოელი ვაჭრებისაგან, რომლებიც გასაჩან და შემოსაჩან საქონელზე ბაჟს იხდიდნენ.

დიდი შემოსავალი შემოდინდა დაპყრობილი ქვეყნებიდან, რომელნიც სახელმწიფოს ხარკს უხდიდნენ. შემოსავლის ეს წყარო განსაკუთრებით გაიზარდა დავით აღმაშენებლის მიერ დაწყებული დაპყრობითი ომების შედეგად. მნიშვნელოვანი სიმდიდრის წყარო დაპყრობითი ომები და სამხედრო ნადავლი იყო.

სახელმწიფო ხაზინა, როგორც წესი, დედაქალაქში — თბილისში იყო. ყოველწლიურად წარმოებდა შემოსავალ-გასავლის ანგარიში.

XII — XIII საუკუნეების საქართველოს მოსახლეობა დაახლოებით 5 000 000 შეადგენდა, თბილისში 100 000-მდე, ხოლო რუსთავეში 20 000-მდე მცხოვრები ცხოვრობდა. მკვიდროდ დასახლებული ქალაქები იყო: ქუთაისი, გორი, სამშვილდე, და სხვა. თუ გავითვალისწინებთ, რომ შუასაუკუნეებში საერთოდ მკვიდრო მოსახლეობა არ არსებობდა, საქართველო და მისი დიდი ქალაქები მკვიდროდ დასახლებულად უნდა მივიჩნიოთ.



მოკიჭული კურკლის მხატვრული გაფორმების ნიმუშები.

**8. სოციალური ურთიერთობა და კლასობრივი ბრძოლა.** აღნიშნული დროისათვის მიწა, მასზე მცხოვრები მიწის მუშებით (გლეხებით), მებატონეთა (მეფე, ეკლესია, აზნაურები) საკუთრებას შეადგენდა. მართალია, გლეხთა მცირე ნაწილს ჯერ კიდევ შერჩენოდა ბატონისაგან წასვლის უფლება. მაგრამ მებატონეები თანდათან ყველას ართმევდნენ ამ უფლებას, ამ საქმეში მათ ეხმარებოდა ძლიერი სამეფო ხელისუფლება. ასეთ მიწაზე მიმაგრებულ მიწის მუშას ყმაგლეხი ეწოდებოდა. გლეხთა ნაწილი მეფეს ეკუთვნოდა, ესენი სამეფო ან სახელმწიფო გლეხები იყვნენ. იყვნენ აგრეთვე კერძო ფეოდალების, აზნაურების საკუთრებაში მყოფი და საეკლესიო გლეხები. გლეხები იხდიდნენ სამეფო, საეკლესიო და საბატონო გადასახადებს.

ძირითადი სამეურნეო ერთეული, რომელზედაც გლეხი ცხოვრობდა და მეურნეობას მისდევდა, იყო „ს ა გ ლ ე ხ ო ფ უ ძ ე“. მართალია, მიწა ბატონს ეკუთვნოდა და გლეხს მისი გაყიდვა არ შეეძლო, მაგრამ „ფუძეს“ მემკვიდრეობით ფლობდა და ამუშავებდა, რის საფასურადაც ის ბატონს გადასახადს უხდიდა და შრომით ემსახურებოდა. საცხოვრებელი სახლი, სამეურნეო ნაგებობანი, პირუტყვი, მუშა საქონელი, ფრინველი, სამუშაო იარაღები გლეხის ოჯახის საკუთრება იყო. გლეხი ბატონს გადასა-



ზადს უხდიდა სურსათით (ხორბლეული, ღვინო, ხორცი, ფრინველი, ხილი, რძე, რძის პროდუქტები და სხვ.) და კვირის გარკვეულ დღეებში საკუთარი გამწევი ძალით და სამუშაო იარაღით ბატონის მამულში მუშაობდა ან ოჯახში ემსახურებოდა, აგრეთვე უნდა ემუშავათ გლეხებს სასახლეების, ხიდების მშენებლობაზე, გზების გაყვანასა და მოვლაზე და სხვ. გადასახადის ნაწილს ამ დროს ფულადაც იხდიდნენ. საგლეხო ვალდებულებათა ოდენობა (როგორც სასურსათო გადასახადი, ასევე მომსახურება) კანონით განსაზღვრული და დადგენილი იყო, მაგრამ მებატონეები, როგორც წესი, ამას ანგარიშს არ უწევდნენ და გლეხებისაგან ყველაფერს საკუთარი სურვილით მოითხოვდნენ.

ჩვეულებრივ საგლეხო ფუძე შედგებოდა სახნავ-სათესის, ვენახის, ბალ-ბოსტნისა და ეზო-კარმიდამოსაგან. ფუძის მფლობელ გლეხს უფლება ჰქონდა ესარგებლა საერთო-სასოფლო მფლობელობაში არსებული საძოვრებით, ტყით, ჩყლით. ერთი საგლეხო ფუძე ერთი ოჯახის უხდა ყოფილიყო, მაგრამ ამ დროისათვის, მოსახლეობის გამრავლების შესაბამისად, ფუძე ნაწილდებოდა ოჯახებს შორის და ერთ ფუძეზე ორი, სამი და ზოგჯერ რამდენიმე ოჯახიც ცხოვრობდა. ფუძის ოჯახებს შორის დანაწილება დიდად აუიარეებდა გლეხების მდგომარეობას.

იმდროინდელი გლეხის საცხოვრებელი სახლი (აღმოსავლეთ საქართველოში) უმთავრესად ერთსართულიანი ქვის ნაგებობა იყო, ბანიანი გადახურვით. სახლი რამდენიმე ოთახისაგან შედგებოდა. დიდი ოთახი, დარბაზი დაკავშირებული იყო სამზარეულოსა და საკუქნაოსთან, დარბაზი დედაბოძით მთელი ოჯახის შესაკრებელი ადგილი იყო. საქონლისათვის საგანგებო შენობა ჰქონდათ ან საცხოვრებელ სახლში სათაესი იყო გამოყოფილი. საცხოვრებელი სახლის კომპლექსში შედიოდა თონე, მარანი, სახლს. როგორც წესი, წინ ღია აივანი, ხოლო გასათბობად ზოგიერთ კუთხეში საგანგებო თიხის ღუმელი ჰქონდა.

საკმელ-სასმელს გლეხის ოჯახი თვითონ იმარაგებდა. მარტივ სამუშაო იარაღს, საოჯახო ნივთებს, ტანისამოსს, ფეხსაცმელს, ავეჯს, კუთრქელსაც უმთავრესად შინ ამზადებდნენ, თუმცა ზოგ რამეს ბაზარზეც ყიდულობდნენ.

იკვებებოდნენ გლეხები ძირითადად ბოსტნეულით, რძის ნაწარმით, ხორციით, საღილად და ვახშმად; როგორც წესი, ოჯახის უფროსი წევრები თითო-ოროლა ჰქვამდნენ ღვინოს სვამდნენ. გლეხის ოჯახის საკმელ-სასმელის რაოდენობა და ხარისხი მათ შეძლებაზე იყო დამოკიდებული.

გლეხთა კლასის ჩამოყალიბების პარალელურად მიმდინარეობ-

და ფეოდალთა ერთიანი კლასის შექმნის პროცესიც, რომლის საერთო სახელი აზნაური იყო. X საუკუნისათვის საქართველოში ქრება გაბატონებულ საზოგადოებაში მრავალგვარობა და ყველა ფეოდალი უკვე აზნაურთა კლასში ერთიანდება. მართალია, არიან მდიდარი და შედარებით ღარიბი აზნაურები, მათ შორის არიან დიდებული, ე.ი. დიდების, მეფის კარზე მაღალი თანამდებობის მქონე აზნაურები, მაგრამ ესენი ერთად ყველანი მანც აზნაურები არიან. მათი საერთო ნიშანია სოციალური თავისუფლება, მამულის მესაკუთრეობა.

აზნაურს აუცილებლად უნდა ჰქონოდა სასახლე. დიდებულ ფეოდალებს, როგორც წესი, რამდენიმე სასახლე ჰქონდათ: საზამთრო სამყოფელი, საზაფხულო სასახლე, სასახლე და სახლი ქალაქში, საგანგებო სანადირო სახლები. ფეოდალები შეძლებისდამიხედვით იყვნენ „ციხიანი“, რომელთაც მამულში ციხესიმაგრე ჰქონდათ და „უციხონი“. მათ საკუთარი ეკლესიები ჰქონდათ, სადაც სვეალდებულო წირვა-ლოცვა წარმოებდა. თუ აზნაურს ეკლესიის აგება არ შეეძლო, სასახლეში გამოყოფდა საგანგებო ოთახს, შეამკობდა ხატებითა და ჭვრებით და ამ ოთახში საეკლესიო სამსახური სრულდებოდა. ფეოდალებს საგვარეულო სასაფლაოები და აკლდამები ჰქონდათ.

თავისებური, ბარისგან განსხვავებული მდგომარეობა იყო საქართველოს მაღალმთიან ზოლში, სადაც ფეოდალური ურთიერთობა ნელა აღწევდა. ამიტომ მთიელებმა საქართველოში შედარებით დიდი ხნით შეინარჩუნეს თავისი სოციალური უპირატესობანი. მაგრამ XI — XII საუკუნეებში მთიანი საქართველოს მოსახლეობა სოციალურად დამოკიდებული გახდა. საქართველოს მთიანეთის დიდი ნაწილი მეფის საკუთრებად იქცა.

გლეხობა სხვადასხვა საშუალებით იბრძოდა მებატონეთა წინააღმდეგ. ზოგი გარბოდა და „უკეთეს“ მებატონეს ეკედლებოდა, ან თავს იხსნიდა, ნაწილი ჭანყდებოდა. თამარის მეფობის ბოლო წლებში აღმოსავლეთ საქართველოს მთიანეთის მოსახლეობის ნაწილი აჯანყდა ფეოდალთა შევიწროებისაგან თავდაცვის მიზნით. სამეფო ხელისუფლება დიდი სისასტიკით გაუსწორდა აჯანყებულებს და აიძულა ისინი ეხადათ გადასახადი და შეესრულებინათ მათზე დაკისრებული მოვალეობანი (იხ. დოკ. 4).

## დავალებები

1. დაახასიათეთ საქართველოს სამეურნეო მდგომარეობა XI — XII საუკუნეებში. 2. დაახასიათეთ ყმა გლეხთა მდგომარეობა. 3. ჩამოთვალეთ გლეხთა კლასობრივი ბრძოლის ფორმები.

# დოკუმენტები

## 1. XIII საუკუნის დამდეგის თბილისი სპარსული გეოგრაფიული თხზულების მიხედვით

„თბილისი — ეს დიდი, გამაგრებული ქალაქია, რომელიც ძნელად მისადგომ ხევეთა გაშენებული. მდინარეზე, რომელიც ქალაქს შუაზე ჰყოფს, გადებულია ერთმალისანი დიდი ხიდი (ამ ხიდის ქვეშ გემები გადიან). ხიდის მახლობლად მოწყობილია მრავალი საბაზრო ადგილი. ქალაქის პირდაპირ არის კარგად ნაგები ციხე. ციხეში აუშენებულია მეფეთა სასახლეები, მრავალი საყარაულო კოშკი. მდინარე ისე ახლოს ჩაუდის ციხეს, რომ რასაც კი მცირე კარიდან გადაყრიან და გადააგდებენ, პირდაპირ მდინარეში ცვივა.

აუშენებულია მრავალი წისქვილი, რომელთაც ჯაჭვით ამაგრებენ და ასე იჭერენ მდინარეში. ბევრია დოლაბები (წყალამწვეი ბორბლები) და დოვლათით სავსე ბაღები. მასში (თბილისში) 65 აბანოა. წყალი ყველა აბანოში უცეცხლოდ ცხელია... აქ აბანოზე ქირას არ იხდიან. თბილისში ქალები ატარებენ ქუდეებს, სხედან დუქნების წინ და მუსლიმანების გარდა პირისახეს არ იფარავენ.

იქაური (თბილისური) საქონელია: სპილოს ძვლით ინკრუსტირებული უნაგირები, აღვირები, კაპარუები — საისრე ყუთები, თაფლი, მრავალგვარი ტკბილეული, ცვილი, უამრავი ბროწეული, თახვი, წავი, მონები, მონა-მხეცვლები, შუშა, ფიალები, ბროლის კარგი ნაწარმი“.

## კითხვა და დავალები

1. სხვა რომელი უცხოელი ასახელებს თბილისის „მცირე კარს?“ 2. დაახსიათ თეთ თბილისის ეკონომიკური მდგომარეობა და გარეგანი სახე ამ დოკუმენტის მიხედვით.

## 2. XIII — XIV სს. ქართული სამართალი (ბეჭა აღბუღას კანონები) მებატონისაგან გაქცეული ყმების ძებნისა და უკან დაბრუნების ვადების შესახებ

თუ ბატონისაგან გაქცეული და სხვასთან შეკედლებული ყმა გლეხი „მისითა გულითა წავიდეს მისსა პატრონისა (ე. ი. საქუთარი სურვილით დაბრუნდეს ძველ ბატონთან), რითაც მოსულიყოს (ახალ ბატონთან) მითვე საქონლით გაუშვას (ახალმა ბატონმა). და თუ ცოლნი და შვილნი ესხნეს, გაიტანნეს (წაიყვანოს) იგინიცა, დაქირვას არავინ ემართლებს.

და თუ კაცსა არა სწადდეს, აოაძედ პატრონი სთხოვდეს, თუ მიცემა ძებნილ იყოს და არა ეთხოვნოს, არცა ესარჩოოს, თხოვნას აღარას ემართლებს, და არცა ბჭობასა, შვიდსა წელიწადსა უკანით (ე. ი. თუ ბატონმა შვიდი წლის განმავლობაში არ მოიკითხა გაქცეული ყმა, მერე უფლება აღარა აქვს მასზე).

და თუ შორს მათგან გარეთ ყოფილიყოს და მიწოდმით ძნელი ყოფილიყოს ან არა სცოდნოდეს (ე. ი. ეძება მაგრამ ვერ მიაკვლია), პირველადვე (ე. ი. ადრევე) დაწესებული ოცდაათი წელი არის შეკვეთილი“.

## კითხვები

1. რა იწვევდა გლეხის გაქცევას და სხვა მებატონესთან შეკედლებას? 2. ჰქონდა თუ არა ახალ ბატონს უფლება ძალით დაეკავებინა მასთან შეკედლებული ყმა, თუ კი ის თვითონ ისურვებდა ძველ ბატონთან დაბრუნებას? 3. რამდენი წლის შემდეგ კარგავდა მებატონე ყმის უკან დაბრუნების უფლებას? 4. რა ღირილიან ჩანს დაწესებული 30 წლიანი ვადა გაქცეული ყმის საქმებულად?

### 8. ნაწყვეტი თამარ მეფის სიგელიდან შიო-მღვიმის მონასტრისათვის ყმა-გლეხების ბოძების შესახებ

„თამარისაგან ბაგრატიონისა, ნებითა ღმრთისათა აფხაზთა, ქართველთა, რანთა (ე.ი. ჰერთა), კახთა და სომეხთა მეფისა, დედოფალთ-დედოფლისა, შარვანშა და შაჰანშა და ყოვლისა აღმოსავლეთისა და დასავლეთისა ფლობით მპყრობელისა.

მოვიდა ჩუენ წინაშე ვაზირი ჩუენი ანტონ ჰყონდიდელი მთავარეპისკოპოსი, მწიგნობართუხუცესი... დაგუეაჟა<sup>1</sup> და მოგუახსენა, რათამცა... რომელი მლუიმეს მონასტერსა სამლოცველისა ჩუენსა წყალი მოიყვანეს სხალტბისაით და წყლისა მის სათავესა ზედა გლეხი ჯდა სასეფო ქოსაის ძენი მის წყლისა მკაზმაველ<sup>2</sup>, იგი გლეხი სამკვიდროდ შესაწირავად მლუიმისად... მას მიუბოძეთ.

ვისმინეთ ჰაჟაი<sup>3</sup> და მოხსენებამისი, ვაზირისა ჩუენისა ანტონ ჰყონდიდელ მთავარეპისკოპოსისა, მწიგნობართუხუცესისა... და რომელ სხალტბას მის წყლისა მისგან მოღებულისა სათავესა ზედა გლეხი ზის, მიწად (ე.ი. ფუძედ) ერთი და კუამლად ორი, ქოსაისძენი საუცუნოდ მის წყლისა მკაზმაველ, მლუიმისა მონასტრისა შესაწირავად მისდა მიგუითავისუფლებია.

ჰქონდეს იგი წყალი და გლეხნი ქოსაისძენი, მიწად ერთი და კუამლად ორი, სვიმონ და გიორგი და იაბერი და შვილნი და შვილისშვილნი მათნი სასოსა და მფარველსა ჩუენსა წმიდასა მამასა შიოს და სამლოცველოსა ჩუენსა მონასტერსა მლუიმესა.

არას ჟამსა შეეცვალოს; და არცა რაი მას წყალსა და გლეხსა ზედა ხელისუფალთა ჩუენთა ხელი შეუვიდოდეს; ყოვლითურთ შეუვალი და თავისუფალი არს; რაიცა ანტონ ჰყონდიდელმან განუჩინოს სამსახური მის წყლისაი, მას ჰმსახურობდეს.

და არავინ გუიბრძანებია მშლელი და მაქცეველი ბრძანებულისა ამის ჩუენისა“.

## კითხვები

1. ვის ეკუთვნოდნენ აქ დასახლებული გლეხები, სახამ მათ შიო-მღვიმის მონასტერს შესწირავდნენ? 2. რა მოვალეობა დაეკისრათ შეწირულ გლეხებს? 3. ვინ გაათავისუფლა ისინი სხვა ვალდებულებათაგან? 4. რას ნიშნავს მიწად (ფუძედ) ერთი და კუამლად ორი?

<sup>1</sup> და გ უ ე ა ჯ ა — გუთხოვა. <sup>2</sup> მ კ ა ზ მ ა ვ ე ლ — მომვლელად. <sup>3</sup> ჰ ა ჯ ა ი — თხოვნა.

4. თამარ მეფის ისტორიკოსი („ისტორიანი და აზმანი შარავანდედ-  
თანი“) საქართველოს შთის მოსახლეობის ფეოდალური ურთიერთობის

#### წინააღმდეგ ბრძოლის შესახებ

„...იწყეს მთელთა განდგომად, კაცთა ფხოველთა და დიდოთა. ამათ  
იწყეს რბევად და ხოცვად და ტყუეობად, ცხადად და ღამით.

მოუწოდა მეფემან ათაბაგსა და ყოველთა მთელთა: დვალთა, ცხრაზ-  
მელთა, მოხვევთა, ხადელთა, ცხავატელთა, ქართალებლთა, ერწოთიანელ-  
თა, მისცა ივანე ათაბაგსა და წარავლინა მათ ზედა. წარდგა მთასა ფხო-  
ველთასა და დიდოთასა... ერთ-კერძო დაურჩა ღურძუკეთი და ერთ-კერ-  
ძო დიდოეთი და ფხოეთი.

ცნეს რა მისვლა ათაბაგისა, მოვიდეს ძლეუხითა მეფენი ღურძუკ-  
თანი, მოსცეს ლაშქარნი და დაუდგეს გუერდსა. და იწყეს ზეიდალმან  
ბრძოლად, და რბევად, და კვლად, და ტყუეობად და დაწუად; მოსწყვი-  
დეს ურისციეი კაცი დიდოელი და ფხოეი, და დაყვნეს სამნი თენი: ივნი-  
სი, ივლისი და აგვისტოსი. მაშინ შეიწრებულთა ათაბაგისათა მოსცეს  
მძევლები, ქმნეს ზაენი. და ესრეთ გამარჯვებითა მოვიდა ივანე მეფის წი-  
ნაშე და რქუა: „ძლიერო მეფეო! იქმნა ბრძანება შენი, მოვაოხრენ ურჩ-  
ნი შენნი დიდოეთი და ფხოეთი“ ხოლო მეფემან დიდად დაიმადლა და  
უაღრესსა პატივსა აღიყვანა.“

#### კითხვები და დავალები

1. აღმოსავლეთ საქართველოს მთიანეთის რომელი ტომები აჯანყდნენ? რა-  
ტომ აჯანყდნენ? 2. როგორ დაიმორჩილა ისინი საქართველოს სამეფო ხელისუფ-  
ლებამ? 3. რა ვალდებულებები დაეკისრათ დამორჩილებულ დიდოელებსა და ფხო-  
ელებს? 4. ნახეთ რუკაზე დიდოეთი და ფხოეთი.

#### § 10. საქართველოს სახელმწიფო წარმოიშობა და კულტურა XII საუკუნისა და XIII საუკუნის დასაწყისში

1. სახელმწიფო მმართველობა. საქართველოს ფეოდალური  
მონარქიის სათავეში ბაგრატიონთა სამეფო დინასტია იდგა. მე-  
ფის ხელისუფლება მეტკვიდრობით გადადიოდა მამიდან უფროს  
შვილზე და თვითმპყრობელურ ხასიათს ატარებდა. ერთიანი სა-  
ქართველოს მეფეები ავიწროეიდხენ დიდ ფეოდალებს, მთავ-  
რებს და შეუვალობას (იმუნიტეტს) ართმევდნენ მათ. მეფის გაძ-  
ლიერებული ხელისუფლება, რომელიც უსიტყვო ძორჩილებას  
აიძულებდა ქვეშევრდომებს, იდეოლოგიურ დასაბუთებას მოითხოვ-  
და. ამ მიზნით საგანგებო საისტორიო თხზულება დაიწერა XI  
საუკუნეში — სუმბატ დავითის ძის „ცხოვრება ბაგრატიონთა“.   
რომელიც ბაგრატიონებს ღმერთის ჩამომავლებად და მათ ხელი-

სუფლებას ღვთის მიერ დადგენილად აცხადებდა. ეს თეორია ბაგრატიონთა გვარის კლასობრივი ბატონობის დასაბუთებასთან ერთად საერთაშორისო ავტორიტეტის გაზრდასაც ისახავდა მიზნად.

პოლიტიკურად გაძლიერებული და დაწინაურებული საქართველო ტოლს არ უდებდა ბიზანტიის იმპერიას და მას პირველობაში ეცილებოდა. ადრე საქართველოს მეფეები ატარებდნენ ბიზანტიის საიმპერატორო კარის სხვადასხვა უმაღლეს ტიტულებს (მაგ., კურაპალატი, სევესტოსი, ნოველისიმოსი და სხვ.). ეს მათ ერთგვარად, ფორმალურად მაინც, ბიზანტიისადმი დაქვემდებარებულ მდგომარეობაში აყენებდა, მაგრამ დავით აღმაშენებელმა უარი თქვა ყველა ბიზანტიურ ტიტულზე. იგი იწოდებოდა „მეფე აფხაზთა (ე.ი. დას. საქართველოს). ქართველთა (ქართლისა და მესხეთის), ჰერთა და კახთა და სომეხთა (ლორე-ტაშირის სამეფო), შაჰან-შა (ანისის მეფეების ტიტული) და შარვან-შად“ (შარვანის მფლობელთა ტიტული). ეს ტიტულატურა ასახავდა საქართველოს გაერთიანებისა და სამეფოს ტერიტორიის თანდათანობითი ზრდის ისტორიულ პროცესს.

ამდროინდელ საქართველოში მეფის გვერდით არსებობდა უმაღლესი საერო და სასულიერო ფეოდალთა წარმომადგენლობითი ორგანო — დ ა რ ბ ა ზ ი, რომელიც პერიოდულად იკრიბებოდა ზოლმე განსაკუთრებით მნიშვნელოვანი სახელმწიფოებრივი საქითხების გადასაწყვეტად. დარბაზის უფლებები საგრძნობლად გაფართოვდა ყუთლუ-არსლანის დასის გამოსვლის შემდეგ.

• სახელმწიფოს მეფე მართავდა „ხ ე ლ მ წ ი ფ ი ს კ ა რ ი ს“ (ცენტრალური დაწესებულების) უმაღლეს მოხელეთა, უზუცესვაზირთა და „ს ა ქ ვ ე ყ ნ ო დ გ ა მ რ ი გ ე“ (პროვინციების მმართველი) მოხელეების (ერისთავების) მეშვეობით.

მთავრობის მეთაური მ წ ი გ ნ ო ბ ა რ თ უ ხ უ ც ე ს - ქ ყ ო ნ - დ ი დ ე ლ ი ხ ე ლ მ წ ი ფ ი ს კ ა რ ი ს პ ი რ ვ ე ლ ი ვ ა ზ ი რ ი ი ყ ო. ვ ა ზ ი რ ი ა რ ა ბ უ ლ ა დ მ ე ფ ი ს მ რ ჩ ე ვ ე ლ ს ნ ი შ ნ ა ვ ს. ვ ა ზ ი რ ი ს თ ა ნ ა მ დ ე ბ ო ბ ა ა რ ა ბ თ ა სა ხ ა ლ ი ფ ო შ ი და შემდეგ თურქ-სელჩუკთა სახელმწიფოში არსებობდა. ჩვენში ვაზირობა პირველად რაფთა აღმაშენებელმა მიაღიშა მწიგნობართუხუცესს, რომელიც მეფის შემდეგ პირველი პირი გახდა სამეფოში. მას ექვემდებარებოდა სახელმწიფოს ყველა დაწესებულება და უმაღლესი სასამართლოს მეთაურიც ის იყო. შემდეგ თანდათან ვაზირებად (მინისტრებად) ხდებიან მ ა ნ დ ა - ტ უ რ თ უ ხ უ ც ე ს ი — შინაგახ საქმეთა უფროსი, ა მ ი რ ს პ ა - ს ა ლ ა რ ი — სამხედრო საქმის გამგებელი, მ ე ქ უ რ ქ ლ ე თ უ - ხ უ ც ე ს ი — საფინანსო საქმეთა გამგებელი, მ ს ა ხ უ რ თ უ ხ უ - ც ე ს ი — მეფისა და მისი ოჯახის მეურნეობის გამგებელი. თამარის

დროიდან სამეფო კარის მოხელე იყო ათაბაგი, რომელიც ტახტის მემკვიდრის აღმზრდელად ითვლებოდა. ათაბაგობა ჩვენში თურქ-სელჩუთა სახელმწიფოდან შემოვიდა, სადაც ის უფლისწულის აღმზრდელი იყო, შემდეგ დიდი მთავარიც. ჟაზირები ქმნიდნენ ვაზირთა საბჭოს—„სავაზიროს“, რომლის უფროსი, „ვაზირთა ყოველთა უპირველესი“ მწიგნობართუხუცესი იყო.

მთელი საქართველო, მეფის და სამეფო ოჯახის წევრთა მამულებს გარდა, დიდ ადმინისტრაციულ ერთეულებად—ათაბაგობად იყო დაყოფილი და მეფისაგან სამმართველოდ ჰქონდათ გადაცემული ერისთავებსა და ერისთავთერისთავებს. ჩვეულებრივ საერისთავოთა გვერდით, საქართველოს სამხრეთ საზღვარზე, არსებობდა საგანგებო სანაპირო საერისთავობები. „მონაპირებს“ სამეფოს საზღვრების დაცვა ევალებოდათ.

• საქართველოს სახელმწიფოს შემადგენლობაში მოექცა და მისგან დამოკიდებული გახდა არაქართული მიწა-წყალიც და სამეფო კარმა მათი სახელმწიფოებრივი მოწყობის ორგვარი წესი შეიმუშავა: უშუალოდ სამეფოს შემადგენლობაში შემოყვანა და მეფის კარისადმი დამორჩილება ყმადნაფიცობის (ვასალობის) პირობით. უშუალო შემადგენლობაში შემოვიდა ბაგრატიუნების სომხეთის ყოფილი მიწა-წყალი (ანისის სამეფო), შირვანის ჩრდილო-დასავლეთი ნაწილი, ხოლო ჩრდილოეთ კავკასიის სამთავროები, მაგ., ოსეთი, აზერბაიჯანის და საქართველოს სამხრეთით მდებარე მაჰმადიანური სახელმწიფოები, ყმადნაფიცები იყვნენ.

სომხეთი (ანისის ბაგრატიუნთა სამეფო) საქართველომ მაჰმადიან დამპყრობთაგან გაათავისუფლა. იმდროინდელი სომხეთის მებატონენი, მაჰმადიანი შედადიანები, არ იყვნენ ანისის სამეფოს კანონიერი მფლობელები, ისინი დამპყრობელნი იყვნენ. ამიტომ სომხეთის უშუალოდ სამეფო კარისადმი დამორჩილება, ისევე როგორც შირვანის დასავლეთ ნაწილის, რომლის მოსახლეობის უმრავლესობას ქართველები შეადგენდა, გამართლებული იყო. უშუალოდ შემოერთებული ქვეყნების გამგებლად ადგილობრივ მოსახლეობასთან ახლოს მდგომ ფეოდალებს ნიშნავდნენ.

**სამეფო ხიოისხოთობა.** თაიისი რთოთი სამოხელეო აპარატით, ლაშქრით და იძულების ყველა ორგანოთი, გაბატონებული ფეოდალური კლასის ინტერესების სადარაჯოზე იდგა.

2. კულტურა. XII საუკუნესა და XIII საუკუნის დასაწყისში ქართულმა ფეოდალურმა კულტურამ განვითარების უმაღლეს საფეხურს მიაღწია. იმდროინდელი ქართული კულტურის დონე ქვეყნის ეკონომიკურ, სოციალურ და პოლიტიკურ მდგომარეობას შეესაბამებოდა და წინამორბედი ხანის კულტურული განვითარების კანონზომიერი შედეგი იყო.

ა). სწავლა-განათლებისა და კულტურის ცენტრები. ისევე როგორც წინამორბედ ხანაში, ამ პერიოდშიც სასწავლო-საგანმანათლებლო და მწიგნობრული მოღვაწეობა უმთავრესად ეკლესია-მონასტრებში მიმდინარეობდა.

დავით აღმაშენებლის დროს კულტურის ახალი ცენტრები შეიქმნა, რომელთა შორის განსაკუთრებული მნიშვნელობა ენიჭება გელათს (ქუთაისთან). გელათის მონასტრთან მეფის ბრძანებით დაარსდა უმაღლესი სასწავლებელი, აკადემია, სადაც სასწავლო-სამეცნიერო მუშაობას ცნობილი მეცნიერი იოანე პეტრიწი ხელმძღვანელობდა. გელათის აკადემიამ უდიდესი როლი შეასრულა ქართული შუახაუკუნოვანი კულტურის ისტორიაში.



გელათის აკადემიის შესასვლელი.

გელათს გარდა აკადემია იყო იყალთოში (თელავთან), რომელიც დააარსა და რომელსაც ხელმძღვანელობდა არსენ იყალთოელი. კულტურის მნიშვნელოვანი ცენტრი იყო შიომღვიმის მონასტერი, რომელსაც მფარველობდა მეფე დავით აღმაშენებელი. ცხოვრების ბოლო წლებში აქ მოღვაწეობდა არსენ იყალთოელი. წინანდებურად ახლაც დიდ როლს ასრულებდნენ კულტურულ ცხოვრებაში ქართული კულტურის საზღვარგარეთული ცენტრები, რომელთა შორის ყველაზე მნიშვნელოვანი იყო ათონის ქართველთა მონასტერი, პეტრიწონის შონასტერი, სინას მთის რა სხვა.

უმაღლესი ტიპის სასწავლებლებთან ერთად მონასტრებთან იყო იაწყებიანი სკოლებიც.

მეფე და მსხვილი ფეოდალები თავიანთ შვილებს სასახლეებში, საკუთარ, კერძო სკოლებში ზრდიდნენ. ასწავლიდნენ მშობლიურ ეხას, ქართულ მწიგნობრობას, გრამატიკას, ოიტორიკას, ფილოსოფიას, არითმეტიკას, გეომეტრიას, მუსიკას, ასტრონომიას (ვარსკვლავთმრიცხველობას), მედიცინას, საქართველოსა და მეზობელი ქვეყნების ისტორიას, ჯიხო (უმთავრესად ბერძნულ) ენას.

ნიჭიერ ახალგაზრდებს განათლების მისაღებად საზღვარგარეთაც, უმთავრესად ბიზანტიაში აგზავნიდნენ.

სწავლა-განათლების, სამეცნიერო მოღვაწეობის საერთო ხელმძღვანელს მოძღვართ-მოძღვარი ეწოდებოდა, რომელიც ამავე დროს გელათის აკადემიის რექტორი იყო. მასწავლებელს მოძღვარი ეწოდებოდა. მოძღვრები და მოძღვართმოდვრები დიდი პატივით სარგებლობდნენ იმდროინდელ საქართველოში.

ბ). ლიტერატურა. ორიგინალურ სამწერლობო მოღვაწეობასთან ერთად ადგილობრივ და საზღვარგარეთული კულტურის ქართულ ცენტრებში მიმდინარეობდა გვეგზომიერი მთარგმნელო-



შოთა რუსთაველის პორტრეტები პალესტინის ჯერის მონასტიდან და ვეფხისტყაოსნის თეკლესელი ხელნაწერიდან (XVII ს.).



ბითი საქმიანობა. თარგმნიდნენ საღეთისმეტყველო, ფილოსოფიურ, მეცნიერული და მხატვრული ლიტერატურის საუკეთესო ნიმუშებს, რათა იმდროინდელი კულტურული სამყაროს მიღწევები ხელმისაწვდომი ყოფილიყო ქართველი მკითხველი საზოგადოებისათვის. ეს საქმიანობა მიზნად ისახავდა კულტურულად ბიზანტიასთან გათანაბრებას. დიდად განვითარდა საერო მხატვრული ლიტერატურა. საერო მწერლობის მნიშვნელოვანი ძეგლია მოსე ხონელის საგმირო-სარაინლო რომანი „ამირან-დარეჯანიანი“, რომელიც ხოტბას ასხამს ვაჟკაცობას, მამაცობას. შეიქმნა მაღალმხატვრული პოემები. თუ აღრინდელი ხანიდან ჩვენამდე მხოლოდ ნათარგმნი და ორიგინალური პოეტური თხზულებების ფრაგმენტებმა მოაღწია, ამ დროს დაიწერა დიდი ლირების შქონე მხატვრული ნაწარმოებები: „თამარიანი“, „ბდულმესია“. თაჩარ მეფისა და მისი მეუღლის დავით სოსლანისადმი მიძღვნილი ის თხზულებები ქებას ასხამენ მეფეს და ძლიერი ფეოდალური მონარქიის განდიდების იდეას განასახიერებენ. პირველის ავტორია ჩახრუხაძე, მეორისა — იოანე შავთელი.

ჩახრუხაძე. მოქანდაკე ი. ნიკოლაძე.



ეპოქის კულტურული ძემოქმედების გვირგვინია გენიალური შოთა რუსთაველის „ვეფხისტყაოსანი“. რუსთაველის ქმნილებას სამართლიანად უყავია საპატიო ადგილი მსოფლიო ლიტერატურის გენიალურ ქმნილებათა შორის. რუსთაველი უმღერის სამშობლოს, სიყვარულს, რაინდობას, მეგობრობას, ხალხთა შორის ძმობას, ქალის თაყვანისცემას. რუსთაველის პოემამ როგორც ფორმით, ასევე შინაარსით და იდეურად დიდი გავლენა მოახდინა მომდევნო ხანის ქართული კულტურის,

განსაკუთრებით ლიტერატურის განვითარებაზე.

ეს პოემა საქართველოში ბევრმა ზეპირად იცოდა, მას როგორც ერის ძვირფას საგანძურს, ქალებს შხითვად ატანდნენ.

**ა). მეცნიერება.** განვითარების მაღალ დონეზე იღვა მეცნიერების მრავალი დარგი: ფილოსოფია, ისტორიოგრაფია, სამართალმცოდნეობა, მედიცინა... ამ დროს მოღვაწეობდნენ განთქმული ფილოსოფოსები: ე ფ რ ე მ მ ც ი რ ე , ი ო ა ნ ე პ ე ტ რ ი წ ი , ა რ ს ე ნ ი ყ ა ლ თ ო ე ლ ი , რომელნიც აზროვნების და მეცნიერული კვლევა-ძიების თავისუფლებისათვის იბრძოდნენ. განსაკუთრებით განვითარდა საისტორიო მწერლობა. ამ პერიოდშია შექმნილი დავით აღმაშენებლის ისტორია, თამარის ორი ისტორიკოსის ისტორია, ლაშა გიორგის ეპოქის უცნობი ისტორიკოსის თხზულება და სხვა საისტორიო ნაწარმოებები. ამ თხზულებებში მეფეთა, დიდ მხედართმთავართა ბიოგრაფიებსა და სახელმწიფოებრივ მოღვაწეობასთან ერთად წარმოჩენილია ქვეყნის საზოგადოებრივი და კულტურული ცხოვრება.

იმდროინდელი ისტორიული აზროვნების მაღალი დონის მანიშნებელია „ქ ა რ თ ლ ი ს ც ხ ო ვ რ ე ბ ი ს “ კრებულის შედგენა. თავდაპირველად კრებულში შეიტანეს საქართველოს ისტორიის უძველესი პერიოდის ამსახველი თხზულებები: „მეფეთა ცხოვრება“, ვახტანგ გორგასლის ისტორია, კრებული თანდათან ივსებოდა, მას დაემატა VIII — XI საუკუნეების ისტორია, შემდეგ დავით აღმაშენებლის, თამარ მეფის ისტორია და ა. შ.

„ქართლის ცხოვრების“ კრებულში შესული თხზულებები საკუთრივ საქართველოს ისტორიასთან ერთად ფრიად მნიშვნელოვან ცნობებს შეიცავს ჩვენი მეზობელი ხალხების ისტორიიდან, რამაც გახაპირობა უკვე XII საუკუნეში მისი სომხურად თარგმნა.

„ქართლის ცხოვრება“ მეფის უმაღლესი ხელისუფლების განკარგულებითა და თვალყურის დევნებით შეიქმნა, რამაც განსაზღვრა მისი აშკარად გამოხატული კლასობრივი ხასიათი.

XI — XII საუკუნეების საქართველოს პოლიტიკურ ცხოვრებაში უმთავრესი მნიშვნელობა ენიჭებოდა უცხო დამპყრობთაგან ქვეყნის განთავისუფლებას, ქართული მიწების გაერთიანებას, ძლიერი ცენტრალური ხელისუფლების შექმნას. ეპოქის ისტორიკოსთა ყურადღებაც ძირითადად ამ საკითხებისადმი მიმართული. ისტორიკოსები აშკარად გამოხატავენ თავის უარყოფით დამოკიდებულებას მეფის ძლიერი ერთპიროვნული ხელისუფლების მოწინააღმდეგე დიოგვაროვანთადმი. მათი თხზულებები ღრმა პატრიოტული სულისკვეთებითაა გამსჭვალული. ამასთანავე ისტორიკოსები ცდილობენ მიჩქმალონ კლასობრივი ბრძოლის ფაქტები. ეპოქის ისტორიოგრაფია მეფისა და გაბატონებული ფეოდა-



შოთა რუსთაველის ქანდაკება თბილისში. მოქანდაკე ე. მერაბიშვილი.

ბეთანიის ტაძარი (XII—XIII სს.).



ლური კლასის ინტერესების სადარაჯოზე დგას.

**დ). ხელოვნება.** განვითარების მაღალ დონეს მიაღწია ხელოვნების სხვადასხვა დარგმა.

XII საუკუნეშია აგებული გელათი, იკორთა (შიდა ქართლში), ბეთანია, ყინწვისი და სხვა. კლდეში ნაკვეთი ვარძიის სამონასტრო კომპლექსი (აგებული გიორგი III-ისა და თამარის მეფობაში), შესანიშნავად მოხატული ეკლესიით, მრავალრიცხოვანი სიხაკითა და სათაქსოებით, ქართული სამშენებლო ხელოვნების მაღალი დონის უდავო მოწმეა.

ეკლესია-მონასტრებმა შემოგვინახა მოხატულობის (ფრესკები, მოზაიკა) ბრწყინვალე ნიმუშები (გელათი, ბეთანია, ყინწვისი, ბერთუბანი და სხვ.).

განვითარების მაღალ დონეზე იდგა ხელოვნების მრავალი სხვა დარგი: წიგნების მოხატვა, ოქრომკედლობა, მინანქარი და სხვა. ამდროინდელ საქართველოში სამი სხვადასხვა ოქრომკედლუ-



იკორთის ტაძარი, აგებული 1172 წ.


რი სკოლა არსებობდა. სახელოვანი ქართველი ოქრომკედლების ბეჟა და ბეშქენ ოპიზართა შემოქმედება მსოფლიო ხელოვნების საგანძურშია შესული.

XII საუკუნის ქართული ხელოვნების ისტორიული ძნიშვნელობა მხოლოდ საქართველოთი არ შემოიფარგლება. მან საპატიო წვლილი შეიტანა მსოფლიო კულტურის განვითარებაში. ამ მხრივ განსაკუთრებული მნიშვნელობა ენიჭება ოქრომკედლობასა და მინაქრის ხელოვნებას. ხახულის ხატი მსოფლიოში უნიკალურ ქმნილებად ითვლება.

ამ დროს ქართულმა ფეოდალურმა კულტურამ განვითარების უმაღლეს საფეხურს მიაღწია. მას ახასიათებს მრავალი ისეთი თვისება, რაც შემდეგ ევროპულ რენესანსს დაედო საფუძვლად.



ქართული ოქრომკედლობის ნიმუში. ბეჟა ოპიზართის ნამუშევარი (XII ს.).



წყაროსთავის ოთხთავის  
ყდა, მოკედლი ბეჭა  
ოპიზარის შიერ (XII ს.).  
მინანქრის ხატი (XII ს.).



ხახულის ღვთისშობლის ხატი (X – XII სს.).



## კითხვები და დავალებები

1. ჩამოვალეთ ვაზირები და დაახასიათეთ მათი ფუნქციები; რას ეწოდება სავაზირო? 2. როგორია ერთიანი საქართველოს მეფეთა ტიტულატურა? 3. დაახასიათეთ XI — XII საუკუნეების სწავლა-განათლებისა და კულტურის ცენტრები და მხატვრული ლიტერატურა. 4. „ვეფხისტყაოსნის“ რა და რა აფორიზმები იციან? 5. ჩამოვალეთ და დაახასიათეთ იმდროინდელი ისტორიული ნაშრომები. 6. რას ეწოდება „ქართლის ცხოვრება“? 7. აღნიშნეთ კონტურულ რუკაზე XI — XII საუკუნეების ხუროთმოძღვრების ძირითადი ძეგლები. 8. მოაწვეეთ ექსკურსია თქვენი რაიონის ხელოვნების ძეგლების დასათვალიერებლად.

## დოკუმენტები

### 1. დავით აღმაშენებლის ისტორიკოსი გელათის მონასტრის დაარსებისა და იქ სწავლულთა მოწვევის შესახებ

დავითმა „მოიგონა<sup>1</sup> აღშენება მონასტრისა და დაამტკიცა... ადგილსა ყოვლად შუენიერსა და ყოვლითურთ უნაკლულსა, რომელსა შინა ვითარცა მეორე ცაი გარდაართხა<sup>2</sup> ტაძარი... აღმატებული ყოველთა წინანდელთა ქმნულთა, რომელი ზეშთა კმატს შუენიერებასა ყოველთასა, სიერციითა და ნივთთა სიკეთითა და სიმრავლითა...

და მუნვე შემოკრიბნა კაცნი პატრიოსანნი ცხოვრებითა და შემკულნი ყოვლითა სათნოებითა, არა თვისთა ოდენ სამეფოთა შინა პოვნილნი, არამედ ქვეყანასა კიდეთად სადათცა ესმა ვიეთმე<sup>3</sup> სიწმიდე, სიკეთე, სისრულე, სულიერითა და ზორციელითა სათნოებითა აღსასევობა, იძინა<sup>4</sup> და კეთილად გამოიძინა<sup>5</sup>, მოიყვანა და დაამკვიდრნა მას შინა.

...არს ყოვლისა აღმოსავალისა<sup>6</sup> მეორედ იერუსალიმად, სასწავლოდ ყოვლისა კეთილისად, მოძღურად სწავლულებისად, სხუად ათინად“.

### 2. დავითის ისტორიკოსი გელათში ქსენონის (საავადმყოფოს) დაარსების შესახებ

„კუალად სხუა მოიგონა საქმე, შემსგავსებული მოწყალისა და ტკბილისა ღმრთისა სახისა, კაცთმოყვარებისა თვისისა: აღაშენა ქსენონი ადგილსა შემსგავსებულსა და შუენიერსა, რომელსა შინა შეკრიბნა ძმანი (მონასტრის ბერები) თვითო სახითა სენითა განცდილნი და მოუმზადა ყოველი სახმარი მათი, უნაკლულოდ და უხუებით, და განუზინნა შესავალი<sup>7</sup> და სალუაწნი<sup>8</sup> მათნი ყოვლადვე. თვით მივიდის და მოიხილის, მოიკითხნის და ამბორს უყვის თვითოვეულსა, აფუფუნებდის მამებრ, წყალობდის და ნატრიდის, განამზნობდის მოთმინებისა მიმართ, მონახის თვისთა ხელითა ცხედრები<sup>9</sup>, სამოსლები და საგებელი მათი, პინაკი<sup>10</sup> და ყოველი სახმარი მათი, მისცის თითოეულსა ოქრო საყოფნი, და განაკრძალნის<sup>11</sup> ზედამდგომელნი მათნი, და განავის ყოველი საქმე მათი დიდად შუენიერად“.

<sup>1</sup> მოიგონა — განიზრახა. <sup>2</sup> გარდაართხა — ააგო. <sup>3</sup> ვიეთმე — ვინმეს. <sup>4</sup> იძინა — მოიძია. <sup>5</sup> გამოიძინა — გამოიძია. <sup>6</sup> აღმოსავალი — აღმოსავლეთი. <sup>7</sup> შესავალი — შემოსავალი თანხა. <sup>8</sup> სალუაწნი — სანოვანე. <sup>9</sup> ცხედარი — საწოლი. <sup>10</sup> პინაკი — ჭამი. <sup>11</sup> განაკრძალნის — აფრთხილებდა.

## 8. XII საუკუნის ქართველი პოეტი იოანე შავთელი გელათის შესახებ

„ახალო რომო, შენტვის თქვეს, რომო  
უფროს იქმნესო მყოფთა ყოველთა.  
ენატრი ელადასა, თვით მას გელათსა“...

### კითხვები და დავალება

1. ვინ მოიწვია დავით მეფემ გელათში? 2. რატომ უწოდებს ისტორიკოსი გელათს მეორე იერუსალიმს, ახალ ათინას? 3. რატომ ადარებს შავთელი გელათს რომს, ელადას? 4. აღწერეთ საავადმყოფო ამ დოკუმენტის მიხედვით.

### 4. წყაროსთვის XII საუკუნის მოქრული ვერცხლით მოჭედილი წიგნის — სახარების მინაწერები

„დაიწერა და გასრულდა ხელითა ორთა მწერალთაითა იოვანეს ფუკარალისძისა მნათისაითა და გიორგი სეთაისძისაითა. აწ ვინცა იმსახურებდეთ (გამოიყენებდეთ ამ წიგნს) ნუ დაგუწყევთ ღმრთისთვის (ნუ დაგეწყევლით, ღვთის გულისათვის), არამედ თქვით-უფალო შეუენდევნ ცოდვანი მათნი, ამინ. ქორონიკონსა 415“.

„ამას ოთხთავესა (სახარებასა) ზედა არს (დაიხარჯა) ორასი დრამისა ვერცხლი და ოცისა დრამისა ოქროი თვლები და მარგალიტი და ოქრომჭედლისა ხელფასი კგ (23 დრამა) და ვინც ცუარი ან ღილოკილო დააკლოს და შეუცვალოს რაი ამან ნაჭედსა კრულმცა არს მკედარი და ცოცხალი გაუხსნელად (ერთად)“.

„ქრისტე, შეიწყალე ოქრომჭედელი ბეჟა ოპიზარი“.

### კითხვები და დავალება

1. როგორ ამრავლებდნენ წიგნებს XII საუკუნის საქართველოში? 2. რამდენ გადამწერს გადაუწერია დასახლებული სახარება? 3. ვის მოუჭედია მისი ყდა? 4. რამდენი დრამა დახარჯულა ამ ერთი წიგნის ყდის მოსაჭედად? 5. გამოიანგარიშეთ, რომელ წელს გადაუწერიათ წყაროსთვის სახარება.



## საქართველო XIII — XV საუკუნეებში

§ 20. ფეოდალური საქართველოს აღმავალი განვითარების ფეხიანება XIII საუკუნეში. მონღოლთა აბტონობის დამყარება.

1. ლაშა-გიორგის მეფობა. თამარის გარდაცვალების შემდეგ საქართველოს სამეფო ტახტი დაიკავა მისმა ქაბუკმა ვაჟიშვილმა ლაშა-გიორგიმ (გიორგი IV, 1213 — 1222 წწ.), რომელიც ჯერ კიდევ 1206 წლიდან თავისი დედის თანამოსაყდრედ იყო გამოცხადებული. ლაშას მეფობისას თავი იჩინა მთელმა რიგმა საშინაო და საგარეო გართულებამ.

როგორც ვახსოვთ, დავით აღმაშენებლისა და გიორგი III-ის მეფობის დროს გატარდა მთელი რიგი ლონისძიებანი, რომელიც მიზნად ისახავდა უძლიერეს ფეოდალთა თვითნებობის შეზღუდვასა და მეფის ცენტრალური (თვითმპყრობელური) ხელისუფლების განმტკიცებას. უმაღლეს სახელმწიფოებრივ თანამდებობებზე დაწინაურებული იყვნენ მეფის ერთგული, უმთავრესად დაბალი წარმოშობის პირები. ქვეყნის პროგრესული განვითარების ინტერესები მოითხოვდა სწორედ ამ რიგის ცვლილებებს სახელმწიფოებრივ მმართველობაში, მაგრამ თამარის მეფობის დასაწყისში საქართველოს სამეფო კარი იძულებული იყო დაეთმო დიდგვაროვანი აზნაურებისათვის და უმაღლეს სამოხელეო თანამდებობებზე დაბალი წარმოშობის პირების მაგივრად ისევ უძლიერესი ფეოდალები დაებრუნებინა. ამრიგად, სამეფო კარზე შესამჩნევად გაძლიერდა დიდგვაროვანი აზნაურთა გავლენა, რასაც ისინი თავიანთი პირადი ინტერესებისათვის იყენებდნენ.

ლაშამ სცადა კვლავ აღედგინა დავით აღმაშენებლისა და გიორგი მესამის მტკიცე კურსი, მაგრამ მარცხი განიცადა. დიდგვაროვნები თავიანთ პოზიციებს სახელმწიფოს მმართველობასა თუ ქვეყნის საშინაო ცხოვრებაში ადვილად არ თმობდნენ და ყველა საშუალებით ებრძოდნენ ახალგაზრდა მეფეს. ისინი მეფეს დამოუკიდებელი მოქმედების საშუალებას არ აძლევდნენ და თვით



მის პირად ცხოვრებაშიც კი ერეოდნენ. მაგალითად, მათ ნება არ ღებოდათ ლაშა-გიორგის დაქორწინებულად დაბალი წარმოშობის ქალზე, რომელიც მას თავდავიწყებით უყვარდა. მასთან ლაშა-გიორგის ვაჟიშვილიც კი შეეძინა, რომელსაც და ა ვ ი თ ი დაარქვეს, მაგრამ დიდგვაროვანებმა იგი მეფის კანონიერ მემკვიდრედ არ სცნეს. ლაშა ერთგული დარჩა თავისი სიყვარულისა და სხვა ქალი აღარ შეუერთავს.

ლაშა-გიორგის ასეთი სწრაფვა პიროვნული, ადამიანური თავისუფლებისაკენ, მისი ბრძოლა ამქვეყნიური ბედნიერებისათვის შემთხვევითი არ იყო. საქართველოში ამ დროს ასეთი შეხედულებები საყოველთაოდ ვრცელდებოდა და რეაქციული კლერიკალური<sup>1</sup> წრეების შეხედულებებს უპირისპირდებოდა. ლაშას თანამოაზრეებიც ბევრი ჰყავდა, მაგრამ ამ იდეების საბოლოო გამარჯვებისათვის მაშინდელ საქართველოში ჯერ კიდევ ნიადაგი სათანადოდ მომზადებული არ იყო<sup>2</sup>.

ასეთ დაძაბულ საშინაო ვითარებას საგარეო გართულებაც დაერთო. ლაშა-გიორგის მეფობის დასაწყისში განდგომა იწყეს საქართველოს ყმადნაფიცმა ქვეყნებმა, მაგრამ ახალგაზრდა მეფემ გადაამწყვეტი მოქმედებით ისინი კვლავ დაიმორჩილა. საქართველოს სიძლიერის სახელი ჯერ კიდევ შორს იყო გავარდნილი მაშინდელს მსოფლიოში (იხ. დოკ. 1). მას იმედის თვალთ უყურებდნენ და დახმარებას თხოვდნენ თურქ-მამადიანთა წინააღმდეგ მებრძოლი ევროპელი ჯვაროსნები და თვით რომის პაპიც. ლაშა-გიორგი, მართლაც, აპირებდა შორეული ლაშქრობის მოწყობას ქრისტიანთა წმინდა ქალაქის იერუსალიმის თურქთაგან გასათავისუფლებლად, მაგრამ საქართველოს საზღვრებთან გამოჩენილმა მონღოლებმა მისი გეგმები ჩაშალეს (იხ. დოკ. 2).

**2. მონღოლთა პირველი გამოჩენა.** 1220 წელს საქართველოში შემოიჭრა მონღოლთა მოთარეშე რაზმი, რომელიც გამოგზავნილი იყო ჩინის მიერ წინა აზიისა და აღმოსავლეთ ევროპის ქვეყნების დასაზვერავად. ქართველთა სამხედრო ძალამ მათთან ბრძოლაში რამდენიმე მარცხი განიცადა, მაგრამ მონღოლებს მაშინ საქართველოს დაპყრობა არ უცდიათ. მათ მოითარეშეს საქართველოს აღმოსავლეთი საზღვრისპირა მხარეები, შარვანი, დარუბანდი, გადავიდნენ იმიერ-კავკასიაში. იქ მათ დაამარცხეს რუსთა და ყივჩაყთა გაერთიანებული ლაშქარი

<sup>1</sup> კლერიკალური — საეკლესიო (ლათინური სიტყვიდან clericalis).

<sup>2</sup> უფრო გვიან, დაახლოებით XV საუკუნიდან, ასეთი მოძრაობა ფართოდ გავრცელდა დასავლეთ ევროპაში ჰუმანიზმის სახელწოდებით (humanus ლათინურად ადამიანური).

ლაშა-გიორგის პორტრეტი. ბეთანიის ტაძრის ფრესკიდან.

(1223 წ. ბრძოლა მდ. კალკაზე) და კასპიის ზღვის ჩრდილოეთიდან შემოვლით დაბრუნდნენ შუა აზიაში თავიანთ მბრძანებელთან.

თათარ-მონღოლებს ამ დროისათვის უკვე დიდი სამხედრო წარმატებები ჰქონდათ მოპოვებული. მათ მტკიცედ დისციპლინიზებული დიდი ლაშქარი ჰყავდათ. თავიანთი ველური სიმკაცრით ისინი მთელ ხალხებს შიშის ზარს სცემდნენ. მომთაბარეთა ცხოვრების მკაცრ პირობებს შეჩვეული მონღოლი მოლაშქრეები ადვილად იტანდნენ ყოველგვარ გაკირვებასა და სიძნელეს. ისინი შესანიშნავი მხედრები და მოისარნი იყვნენ და ბრძოლის ველზეც უმაგალითო თავდადებით იბრძოდნენ. ამიტომ იყო, რომ უფრო განვითარებული და მაღალკულტურული ქვეყნებიც კი ვერაფერს ახერხებდნენ მათ წინააღმდეგ: ფუფუნებას შეჩვეული, განებივრებული და ურთიერთმოქიშპე ფეოდალები ბრძოლის ველზე სისტემატურად მარცხდებოდნენ მონღოლებთან. თათარ-მონღოლებმა გაანადგურეს მაშინდელი მსოფლიოს ერთ-ერთი უძლიერესი სახელმწიფო ჩინეთის იმპერია, დაიპყრეს ხორეზმი და სამეფო შუა აზიაში და დაგეგმეს უფრო დასავლეთით მდებარე ქვეყნების, მათ შორის საქართველოს დაპყრობაც.

3. **ჩალალ ედ-დინის ლაშქრობანი საქართველოში.** ხორეზმ-შაჰის მემკვიდრე ჩალალ ედ-დინი მონღოლებს გამოექცა ირანში და აქ შეუდგა მონღოლთა წინააღმდეგ ძალების შეგროვებას. მაგრამ მან წინდაუხედავი ნაბიჯი გადადგა, როდესაც მიზნად დაისახა პირველ რიგში საქართველოს დაპყრობა და მის წინააღმდეგ მაჰმადიანი მბრძანებლების დარაზმვას შეუდგა.

1222 წლიდან საქართველოში უკვე ლაშა-გიორგის და რუსუდანი მეფობდა (1222-1245 წწ.). მის დროს კიდევ უფრო გაიზარდა დიდგვაროვანთა გავლენა საქართველოს სამეფო კარზე და მეტისმეტად შესუსტდა მეფის ცენტრალიზებული ხელისუფლება. ამ ამბის უარყოფითმა შედეგებმა აშკარად იჩინა თავი როგორც ჩალალ ედ-დინთან, ისე მონღოლების წინააღმდეგ ბრძოლაში. ჩალალ ედ-დინმა ისარგებლა საქართველოს დიდგვაროვანთა შორის არსებული წინააღმდეგობებით, რაც სარდლობის შეუთანხმებელ მოქმედებაშიც თვალნათლივ გამოჩნდა და 1225 წლის ნოემბერში ქართველთა ჯარი დაამარცხა გარნისთან (სომხეთშია), ხოლო შემდეგ წელს ღალატით თბილისიც აიღო.

ჩალალ ედ-დინის ბრბობებმა წარმოუდგენელი სისასტიკე გამოიჩინეს საქართველოს ქრისტიანი მოსახლეობის მიმართ, ათიათასობით ადამიანი ამოხოცეს, გაძარცვეს, გაანადგურეს ქააქები და სოფლები, დაანგრიეს კულტურის შესანიშნავი




ლაშა-გიორგის სილენ-დის მონეტა (XIII ს.).

ძეგლები (იხ. დოკ. 3). დამპყრობელთა თარეში საქართველოში 5 წელზე მეტხანს გაგრძელდა. მართალია, ჯალალ ედ-დინმა საქართველო საბოლოოდ ვერ დაიმორჩილა, მაგრამ ჩვენი ქვეყანა სასტიკად დააზიანა და ფაქტობრივად მონღოლებს საქართველოსა და მთელი წინა აზიის დაპყრობა გაუადვილა.

4. საქართველოს დაპყრობა მონღოლთა მიერ. ჩვენს ქვეყანას ჯერ კიდევ ვერ მოეშუშებინა ჯალალ ედ-დინის მიერ მიყენებული ჭრილობები, რომ 1235 წ. მის საზღვრებთან უკვე ქვეყნის დასაპყრობად დაძრული მონღოლთა მრავალრიცხოვანი ლაშქარი გამოჩნდა. საქართველოს ხელმძღვანელობაში კვლავ დაბნეულობა და შეუთანხმებლობა იგრძნობოდა. მეფე რუსუდანი დასავლეთ საქართველოში გადავიდა, ხოლო აღმოსავლეთ საქართველოს დიდგვაროვანი ფეოდალები მონღოლებთან შეთანხმებისა და უბრძოლველად დამორჩილების გზას დაადგნენ. მტერს მხოლოდ სამცხის მთავარი ივანე ყვარყვარე ჯაყელ-ციხის-ჯვარელი არ დაემორჩილა და ბოლომდე იბრძოდა.

15. ჯალალ ედ-დინის შემოსევები და საქართველოს დაპყრობა მონღოლთა მიერ





ჩინგიზ-ყაენი. ჩინური გრაფიურა ხეზე.


მონღოლებს მაინც გაუქირდათ საქართველოს დაპყრობა, რადგან ქართველი ხალხი, მშრომელი მოსახლეობა თავგანწირულ წინააღმდეგობას უწევდა და უბრძოლველად არ ანებებდა მშობლიურ მიწა-წყალს. დიდგვაროვანთა გამცემლობის მიუხედავად მონღოლებს 7 წელიწადი დასკირდათ მხოლოდ აღმოსავლეთ საქართველოს დასაპყრობად. მათ დასავლეთ საქართველოში ფეხი ვერ შედგეს და ბოლოს იძულებულნი გახდნენ საქართველოს სამეფო კართან მშვიდობიან მორიგებაზე დათანხმებულებიყვნენ. დაზავების პირობის მიხედვით მონღოლები საქართველოში მეფობასა და ადგილობრივ მმართველობას არ გააუქმებდნენ. ისინი საქართველოს მხოლოდ ხარკს (50 000 პერპერა<sup>1</sup>) და ჯარის გამოყვანას ავალებდნენ. ამავე დროს სამეფო ტახტზე ყოველი ახლადსული მეფეც მათ უნდა დაემტკიცებინათ.

**ნ. მონღოლთა ბატონობის I პერიოდი საქართველოში. ცოტნე დადიანის გამირობა.** რუსუდანის გარდაცვალების შემდეგ

მონღოლთა მიერ ციხე-ქლაქის აღება. ძველი სპარსული მინიატურა.



<sup>1</sup> პერპერა ოქროს ფულია.



კობტასთავის ციხე. რეკონსტრუქცია.

(1245 წ.), ვიდრე ახალ მეფეს დაამტკიცებდნენ, მონღოლებმა საქართველო თავიანთი წესის მიხედვით საგამგებლო ერთეულებად — დუმენებად<sup>1</sup> დაყვეს. მართალია, ამ დუმენების სათავეში ქართველი ფეოდალები ჩააყენეს, მაგრამ მაინც აშკარა იყო, რომ ამით ქართულ სახელმწიფოებრიობას და ქართულ ფეოდალურ წყობილებას გადაშენების საფრთხე ემუქრებოდა. ამას თვით მონღოლთა სამსახურში ჩამდგარი ქართველი დიდგვაროვნებიც მალე მიხედნენ და აჯანყებისათვის სამზადისს შეუდგნენ.

ქართველი დიდგვაროვანი თავკაცები ჯავახეთში შეიკრიბნენ, კოტასთავის (ასპინძასთან) და დაიწყეს ბეკობა მონღოლთა წინააღმდეგ ერთიანი გამოსვლის მოსაწყობად. შეთქმულება მოღალატემ გასცა. მონღოლები შეთქმულებს მოულოდნელად თავს დაესხნენ და დააპატიმრეს. გადარჩა მხოლოდ დასავლეთ საქართველოს ორი დიდებული — კოტნე და დიანი და კახაბერი კახაბერის ძე, რომლებიც ადრევე წასულიყვნენ თავიანთ საგამგებლო ქვეყნებში ჯარის შესაგროვებლად.

შეპყრობილი ქართველი თავკაცები ანისში მიჰგვარეს მონღოლთა სარდლებს და იქ დაკითხვა და წამება დაუწყეს. ქართველი დიდებულები ერთპირად იდგნენ და თავიანთი შეკრების ნამდვილ მიზეზს არ აცხადებდნენ. მონღოლთა სარდლის ბრძანებით შეთქმულები გამოტეხის მიზნით გააშიშვლეს და მხრებშეკრულები უპატიოდ დაყარეს მცხუნვარე მზის ქვეშ. ასე გრძელდებოდა მრავალი დღის განმავლობაში. მათ არაადამიანური წამებით სიკვდილი მოელოდათ. როდესაც ეს ამბავი კოტნე და დიანმა გაიგო, მან თავისი თანამემამულეების გადარჩენა გადაწყვიტა. იგი 2 მსახურის ამარა გამოცხადდა მონღოლთა სარდლებთან, უბრძანა მხლებლებს მისთვისაც მხრები შეეკრათ და წამებული ამხანაგების გვერდით დაჯდა. გაკვირვებულმა მონღოლებმა როდესაც ჰკითხეს ამ საქციელის მიზეზი, კოტნემ უპასუხა, რომ რადგან თქვენ „უბრალოდ“ შეურაცხყოფთ და სჯით ჩემს ამხანაგებს, რომლებსაც „თვინიერ ჩემსა არა რა უქმნიეს, მეცა მათ თანა მოვკვდე. უკეთუ ცხოვნდნენ, მეც მათ თანა ვიყოო“. მონღოლები გაოცებულან კოტნეს თავდადებით, მათ დაიჩერეს ქართველი თავკაცების უდანაშაულობა და ყველანი გაანთავისუფლეს.

კოტნეს თავდადებამ დიდი შთაბეჭდილება მოახდინა მის თანამედროვეებზე. იმდროინდელი ქართველთა სიტყვით,

<sup>1</sup> დუმენი მონღოლური სიტყვაა და 10 000-ს ნიშნავს.

დადიანის მოქმედება იყო „სათნოება მაღალი და განსათქმელი, საქმე საკვირველი და ყოელისა ქებისა ღირსი“. ქართველ საზოგადოებას ჯერ კიდევ თვალწინ ჰქონდა არაერთი მგალითი საქართველოს დიდებულთა მიერ ქვეყნის ლალატისა და თავის გადარჩენის მიზნით დამპყრობელთა მხარეზე გადასვლისა. ეს თითქოს ფეოდალისათვის არც თუ ისე საძრახისი ვახდა, მაგრამ ცოტნეს თავდადებით და ამ ფაქტის წარმოჩენით ქართველი პატრიოტები მოუწოდებდნენ ყველას მონღოლთა წინააღმდეგ და სამშობლოს განთავისუფლებისათვის თავდადებული ბრძოლისაკენ.

### კითხვები

1. როგორი იყო ლაშა-გიორგის სამინაო პოლიტიკის ძირითადი მიმართულება? მისი დამოკიდებულება დიდგვაროვან ფეოდალებთან? 2. შუა საუკუნეების ისტორიიდან გაიხსენეთ როდის წარმოიშვა დასავლეთ ევროპაში ჰუმანისტური მოძრაობა და რა მნიშვნელობა ჰქონდა მას კაცობრიობის განვითარებაში? 3. რა შედეგები მოჰყვა ჯალალ ედ-დინის ლაშქრობებს? 4. რა იყო მონღოლთა გამარჯვებების ძირითადი მიზეზები? 5. შეადარეთ შრომელი მოსახლეობის მოქმედება დიდგვაროვანთა დიდი ნაწილის მოქმედებასთან მონღოლთა მიერ საქართველოს დაპყრობის დროს. 6. რა პირობებით დაექვემდებარა საქართველო მონღოლებს? 7. რა მნიშვნელობა ჰქონდა ცოტნე დადიანის თავდადებას?

## დ მ კ უ მ ე ნ ტ ე ბ ი

1. ნაწყვეტი ფრანგი ჯვაროსანი რაინდის ღე-ბუას მიერ აღმოხვედითიდან საფრანგეთში, ბეზანსონის არქიეპისკოპოსისათვის გაგზავნილი წერილიდან

„ეხლა მოისმინეთ გასაოცარი და მნიშვნელოვანი ახალი ცნობები... იბერიელი ქრისტიანების, რომელნიც გეორგენებად<sup>1</sup> იწოდებიან, დიდძალმა ცხენოსანმა და ქვეითმა ჯარმა, ღვთის შემწეობით აღფრთოვანებულმა და ძალზე კარგად შეიარაღებულმა, გამოილაშქრა ურწმუნო წარმართების წინააღმდეგ, სწრაფად დაჰკრა მათ და უკვე აიღო 300 ციხე და 9 დიდი ქალაქი, რომელთაგან ძლიერნი დაიპყრო, ხოლო სუსტნი ნა-ცარტულად აქცია... ზემოაღნიშნული ჯარი მოეშურება, რათა ვაათაგისულთოს იერუსალიმის წმინდა მიწა-წყალი და დაიპყროს წარმართთა მთელი სამყარო. მათი წარჩინებული მეფე 16 წლის ქაბუკია. იგი ალექსანდრე მაკედონელს ჰგავს ვაჟკაცობითა და სათნოებით, მაგრამ არა სარწმუნოებით. ამ ქაბუკს თან მოაქვს ძელები თავისი დედისა, უძლიერესი მეფის თამარისა, რომელსაც თავის დროზე იერუსალიმს წამოსვლის აღთქმა დაუდგია და უთხოვნია შვილისათვის, თუ აღთქმის

<sup>1</sup> ამ დროიდან ევროპელები ქართველებს „გეორგენებს“ უწოდებენ (ახალი ფრანგულით გამოითქმის „გორგიენ“, ინგლისურით „გორჯინ“, გერმანულთა „გეორგიენ“), რაც „გეორგე“ ძირიდან მომდინარეობს. ეს ძირი ქართველების სპარსულ-არაბული სახელწოდებიდან (გურგ. გურჯ) არის მიღებული.

ასრულება არ დამცალდეს, ჩემი ძელები ქრისტეს საფლავზე წაიღეო. შეილს არ დავიწყებია დედის თხოვნა და... გადაუწყვეტია წმინდა ქალაქში გადმოიტანოს დედის ნეშტი, მიუხედავად იმისა, მოისურვებენ ამას წარმართები თუ არა“.

### კითხვა

როგორი წარმოდგენა ჰქონიათ დასავლეთ ევროპაში ლაშა-გიორგის დროინდელ საქართველოზე და რამდენად შეესაბამებოდა იგი სინამდვილეს?

### 2. ნაწევრტი რუსუდან მეფის წერილიდან, რომელიც მან გაუგზავნა რომის პაპს ჰონორიუს მესამეს 1223 წელს

„ეაუწყებთ თქვენს სიწმინდეს, რომ ძმა ჩემი ქართველთა მეფე (ლაშა-გიორგი) მიიცვალა და მისი სამეფო მე მერგო... დამიეტში მყოფის თქვენის ელჩისაგან მივიღეთ თქვენი დიდებული რჩევა და ბრძანება, რომ ჩემი ძმა წასულიყო ქრისტიანების შესაწვენელად. ისიც ამ ზრახვასა და წასვლის მზადებაში იყო, როდესაც ბოროტნი თათარნი შემოვიდეს ჩვენს ქვეყანაში. ეს იქნება თქვენც შეიტყუეთ, დიდი უბედურება მიაკუნეს ჩვენს ვრსა და დავგიხოცეს ექვსი ათასი კაცი. ჩვენ მათ არ ვუფრთხოოდით, რადგან ქრისტიანები გვეგონა, მაგრამ როდესაც ვსცანით, რომ კარგი ქრისტიანები არ იყვნენ, მაშინ შევკრიბეთ ყოველი ჩვენი ძალა და წინ აღვუდგით...“

### კითხვები და დავალება

1. შუა საუკუნეების ისტორიიდან გაიხსენეთ ჯვაროსნების ლაშქრობათა ისტორია. 2. ვის დასაბამებლად აპირებდა ლაშა-გიორგი გალაშქრებას? 3. როგორ ხსნის მეფე რუსუდანი მონღოლებთან ქართველთა დამარცხების მიზეზს?

8. ქართველი მემკვიდრე ჩალალ ელ-დინის ბრბოების მიერ თბილისში დატრიალებული უბედურების შესახებ

„ესეოდენ მძვინვარედ იწყეს მოსრვად, ვითარ ჩჩვილნიცა ძუძუთაგან დედისათა აღიტაცნიან და წინაშე დედისა ქვაზედა დაანარცხიან, და რომელსამე თუალნი წარსცვივიდიან და რომელსამე ტვინი დაეთხიის და უკანის დედანი მოიკვლოდიან, ბერნი<sup>1</sup> უწყალოდ ფოლოცთა<sup>2</sup> შინა ცხენთა მიერ დაითრგუნვოდეს<sup>3</sup>, კაბუენი დაეკუეუთებოდეს, სისხლისა მდინარენი დიოდეს... (ჩალალ ელ-დინმა) იწყო რღუევეად<sup>4</sup> ეკლესიათა, ვიდრე საფუძველადმდე აღფხურა<sup>5</sup>, რომლისათვის იკადრა და ხელ-ყო სიონისა გუმბადასა შემუსრვად<sup>6</sup> და ზედა ბილწისა საჭდომისა მისისა აღშენებდა... და ესეცა შესძინა, რამეთუ ხატი უფლისა ჩვენისა იესო ქრისტესი და ყოვლად წმინდისა ღმრთისმშობლისა, რომელი სიონს მკვიდრ იყო, ბრძანა მოყვანებად და ხილისა შესავალსა დადებად პირალმართ და ბრძანა ყოველთა მათ პურობილთა<sup>7</sup> ქრისტიანეთა იძულებით დათრგუნვა<sup>8</sup> პატროსანთა ხატთა და დატევება სჯულისა, უკეთუ არა ჰყონ, წარკუ-

<sup>1</sup> მოხუცი. <sup>2</sup> ფოლოცი — ქვაფენილი. <sup>3</sup> გაითელებოდნენ. <sup>4</sup> დაშლა-დანგრევა. <sup>5</sup> მოსპობა. <sup>6</sup> აქ — მონგრევა. <sup>7</sup> დატყვევებულთა. <sup>8</sup> გათელვა.

ეთა თავთა. და ვითარ აღასრულებდეს ბრძანებულსა ამას, მოჰყვანდეს მამაკაცი დედათა თანა და აიძულებდეს ესრეთ ყოფად. მრავალთა უკუე ბრწყინვალე ძლევა აჩვენეს არა თავს-დებად შეურაცხებად წმიდათა ხატთა და დატყვებად სჯულისა. ხოლო მრავალი სიმრავლე მამათა და დედათა იპოვა ახოვნად<sup>1</sup>, რომელთა მიიღეს გვირგვინი წამებისა, რომლისა აღრაცხვა შეუძლებელ არს სიმრავლისათვის, რამეთუ ვპვონებ, ვითარმედ ათ ბეგრ<sup>2</sup> აღიწია რიცხვი მოკლულთა“.

### კითხვები და დავალება

1. რამდენი მცხოვრები ამოხოცა ჭალალ ედ-დინმა თბილისში? 2. როგორი ქალაქი ყოფილა თბილისი? 3. აღწერეთ ჭალალ ედ-დინის მიერ თბილისში ჩადენილი სისასტიკე.

### § 21. შართველი ხალხის ბრძოლა თათარ-მონღოლთა ბატონობის წინააღმდეგ.

1. **ორმეფობა საქართველოში.** თათარ-მონღოლთა ბატონობა ყოველწლიურად სულ უფრო მძიმე და აუტანელი ხდებოდა. თავიანთი ბატონობის უზრუნველსაყოფად მონღოლები ცდილობდნენ გამოეყენებინათ ქვეყნის შიგნით ფეოდალური გათიშულობა და ქართველ დიდგვაროვანთა შორის არსებული წინააღმდეგობა.

რუსუდანის გარდაცვალების შემდეგ საქართველოს სამეფო ტახტზე ორი მემკვიდრე აცხადებდა პრეტენზიას. ესენი იყვნენ — დ ა ვ ი თ რ უ ს უ დ ა ნ ი ს ძ ე და ლაშა გიორგის უკანონო შვილი, რომელსაც ასევე დ ა ვ ი თ ი ე რ ქ ვ ა. ამათ ირგვლივ დაჭგუფდნენ ქართველი დიდგვაროვანები. მონღოლებმა ორივე პრეტენდენტი დამატკიცეს საქართველოს მეფედ. დ ა ვ ი თ გ ი ო რ გ ი ს ძ ე ს უფროსი, ანუ უ ლ უ უწოდეს, ხოლო დ ა ვ ი თ რ უ ს უ დ ა ნ ი ს ძ ე ს — უმცროსი, ანუ ნ ა რ ი ნ ი (იხ. დოკ. 1.). ამით დამპყრობლებმა იმის პირობა შექმნეს, რომ ყოველთვის ყოფილიყო ქართველთა შორის შინაგანი უთანხმოების საფუძველი. ამავე დროს წამოტივტივდნენ მონღოლთა სამსახურში ჩამდგარი სხვადასხვა მებრძოვენი, რომლებიც კარგად შეეგუენ უცხო ძალას და გამდიდრება და პოლიტიკურ ასპარეზზე დაწინაურება იწყეს. მონღოლები დაპყრობილი ქვეყნების მართვა-გამგეობის საქმეში ძირითადად ასეთ მებრძოვეებს ეყრდნობოდნენ, რადგან თვითონ სათანადო გამოცდილება და ცოდნა არ ჰქონდათ.



მონეტა დავით ულუსა და დავით ნარინის გამო-სახულებით.


<sup>1</sup> ა ხ ო ე ნ ა დ — მამაკურალ, მტკიცედ. <sup>2</sup> ბ ე გ რ ი — 10 000.



2. ხაქართველოს აღწერა მონღოლთა მიერ და მონღოლური ხაგადახანადო სიხტემა. 1254 — 1256 წლებში მონღოლებმა მთელი საყაენო აღწერეს. ამ აღწერის მიზანი იყო გაერკვიათ, თუ რა რაოდენობით ჯარის გამოყვანა შეეძლოთ ამა თუ იმ ქვეყნიდან და განესაზღვრათ გადასახადების რაოდენობა. აღწერილ იქნა საქართველოც. ჩვენს ქვეყანას დაეკისრა 90 000 მოლაშქრის გამოყვანა, 9 სრულფუძიან გლეხზე ერთი მეომრის გამოყვანის ანგარიშით. ამავე დროს დაბეგრეს მეურნეობის ყველა დარგი, რაც კი რაიმე შემოსავალს იძლეოდა. სასოფლო-სამეურნეო გადასახადის (მ ა - ლ ი ს) რაოდენობა მოსავლის მიხედვით განისაზღვრებოდა: გლეხი იხდიდა პირუტყვის ყოლისათვის საბალახე გადასახადს (ყ ა ფ - ჩ ე რ ი). მასვე ევალებოდა სალაშქროდ მიმავალი მეომრის მომარაგება (ყ ა ლ ა ნ ი), გზების გაყვანა, მოვლა და სპეციალური სადგურების, იამების, ცხენებით მომარაგება (ს ა ი ა მ ე ბ ე გ ა - რ ა), აგრეთვე ადგილებზე ჩაყენებული მონღოლი მოლაშქრეებისა და მოხელეების ულუფით უზრუნველყოფა და მრავალი სხვა. მონღოლებმა დააწესეს სავაჭრო გადასახადიც (დ ა მ ლ ა). ისედაც მძიმე გადასახადები გლეხებისათვის კიდევ უფრო აუტანელი ხდებოდა მათი აკრეფის. სრული მოუწესრიგებლობის გამო. წერა-კითხვის და ანგარიშის უცოდინარი მონღოლები გადასახადების აკრეფას მედროვეებს ანდობდნენ, რომლებიც ამით. სარგებლობდნენ და განუკითხავად ძარცვავდნენ შშრომელ მოსახლეობას. რა თქმა უნდა, ხელუხლებელი რჩებოდა ადგილობრივი ფეოდალური გადასახადები, ზოგი უფრო დამძიმდა კიდევ. მებატონები თავიანთი შემციირებული შემოსავლის ანაზღაურებას გადასახადების გაზრდით ცდილობდნენ (იხ., დოკ. 2).

ამრიგად, ორმაგი ექსპლოატაცია გლეხის მდგომარეობას აუტანელს ხდიდა. მისთვის მეურნეობის წარმოება აზრს კარგავდა, ამიტომ იგი გარბოდა, ტოვებდა მამა-პაპეულ საცხოვრებელს და შედარებით მიუვალ ადგილებში აფარებდა თავს. ამით მწარმოებელი გლეხი ინტენსიურ მეურნეობას წყდებოდა, რაც ქვეყნის ეკონომიკას სრული განადგურებით ემუქრებოდა. გლეხებისაგან დაცლილი მამულები ფეოდალებსაც მძიმე ტვირთად აწევებოდა, რადგან მათ სამფლობელოზე დაწესებული გადასახადისათვის პასუხისმგებელი მონღოლების წინაშე ისინი იყვნენ. ქართველმა აზნაურებმა მასობრივად იწყეს თავიანთი მამულების გაყიდვა, რომელიც ხელში უვარდებოდათ მედროვეებს: ფეოდალები იმითაც იყვნენ უკმაყოფილონი, რომ მათ გამუდმებით უხდებოდათ მონღოლთა შორეულ ლაშქრობებში მონაწილეობა, რაც აგრეთვე დიდ ხარჯსა და მსხვერპლს მოითხოვდა.

მ. დავით ნარინისა და დავით ულუს აჯანყებანი მონღოლთა წინააღმდეგ. მონღოლთა ერთიანი იმპერია ჩინგიზ-ყაენის გარდაცვალების შემდეგ თანდათან დაიშალა მთელ რიგ საყაენოებად. საქართველოს სამხრეთით, ირანის ტერიტორიაზე ჩამოყალიბდა ილხანთა<sup>1</sup> მონღოლური სახელმწიფო, რომლის პირველი ყაენი იყო ჩინგიზის შვილიშვილი ჰულაგუ. საქართველო უშუალოდ ამ საყაენოს ემორჩილებოდა. ჰულაგუ ყაენი განაგრძობდა დაპყრობით ბრძოლებს და ქართველებიც ძალაუვნებურად ამ ბრძოლებში იღებდნენ მონაწილეობას. რა თქმა უნდა, ეს დიდ მსხვერპლს და მატერიალურ ზარალს იწვევდა. ჰულაგუმ ახალი გადასახადებით დაბეგრა დაპყრობილი ქვეყნები. ამით მის წინააღმდეგ უკმაყოფილება კიდევ უფრო გაიზარდა.



დავით ნარინის პორტრეტი. გელათის ტაძრის ფრესკიდან.

1259 წ. საქართველოში იფეთქა აჯანყებამ, რომელსაც დავით ნარინი ხელმძღვანელობდა. ჰულაგუ ყაენმა დიდი ჯარი გამოგზავნა, მაგრამ აჯანყებულმა ქართველებმა ისინი დაამარცხეს. ამის შემდეგ ყაენმა საქართველოს წინააღმდეგ უფრო დიდი ჯარი დასძარა. დავით ნარინი მათთან შებრძოლებას მოერიდა და დასავლეთ საქართველოში გადავიდა. მონღოლებმა იმერეთში გადასვლა ვერ გაბედეს.

ამასობაში საქართველოში ახალი აჯანყება დაიწყო. ამ გამოსვლას საქართველოს მეორე მეფე დავით ულუ მეთაურობდა. დავით ულუს ქართველ დიდებულთა დიდმა ნაწილმა არ დაუჭირა მხარი. მის ბანაკში მხოლოდ სამცხის მთავარი სარგისჯაყელი დარჩა. პირველი ბრძოლა მონღოლებსა და დავით ულუს შორის გორის მიდამოებში მოხდა 1260 წლის დეკემბერში. მონღოლების მხარეზე ზოგიერთი ქართველი დიდგვაროვანიც კი იბრძოდა. როგორც ვხედავთ, მონღოლების მიერ ქართველი ფეოდალების დაქსაქსვის პოლიტიკამ თავისი შედეგი გამოიღო და ქართველი ხალხის ერთიანი გამოსვლა ამჯერად ვერ მოხერხდა. ამან განაპირობა ქართველების მარცხი. მონღოლებმა გაიმარჯვეს. დავით ულუმ და სარგის ჯაყელმა სამცხეში დაიხიეს. მონღოლებმა შემდეგ წელს ახალი ჯარი გამოგზავნეს, რომელიც სამცხეში შეიჭრა და საქართველოს ამ თემის უმოწყალო აოხრება იწყო. დავით ულუ იძულებული გახდა იმერეთში გადასულიყო.

ქართველთა აჯანყების დამარცხების მიუხედავად მონღოლები მაინც შეეცადნენ დავით ულუს შემორიგებას. ეს მოწმობს იმას, რომ ასეთი განადგურების მიუხედავად საქართველოს მაინც დიდი ძალა გააჩნდა და დიდი მნიშვნელობა ჰქონდა მონღოლებისათვის.

<sup>1</sup> ილხანთა — ასე ეწოდებოდათ ამ მონღოლური სახელმწიფოს სათავეში მდგომ ყაენებს. ილ-ე-ლი — მომთაბარე, მეჭოფე ტომი. ხანთა — ყაენი.

მისი მნიშვნელობა განსაკუთრებით გაიზარდა მას შემდეგ, რაც გაჩაღდა ბრძოლები ჩრდილოეთის მონღოლური სახელმწიფოს — ოქროს ურდოსა და ილხანების საყაენოს შორის.

1264 წლიდან ოქროს ურდოს ყაენებმა დაიწყეს შემოტევა ილხანების წინააღმდეგ, ძირითადად დარუბანდის გზით. საქართველო ამ გზის ახლოს მდებარეობდა, ამიტომ იმას, თუ ვის მხარეს დადგებოდა იგი, დიდი მნიშვნელობა ჰქონდა. საქართველო ამ ბრძოლების ასპარეზად იქცა. მაგალითად, 1265 წელს ოქროს ურდოს მონღოლთა ჯარებმა საშინლად გაანადგურეს იორსა და მტკვარს შორის მდებარე ტერიტორია. ეს ადგილები ამის შემდეგ უდაბნოდ იქცა. არაერთი ქართველი შეეწირა მონღოლებს შორის ატეხილ ბრძოლებს. ქართველებს ევალეზობად სპეციალური გამაგრებული სანგრების (ს ი ბ ა) დაცვა. ბანაკად მდგარ მონღოლებში ხშირად იფეთქებდა ხოლმე ეპიდემიები, რაც ქართველებსაც არანაკლებად ანადგურებდა. ასეთი მოარული სენით გარდაიცვალა დავით ულუქ 1270 წელს.

**4. დემეტრე მეორე თავდადებული.** მონღოლებმა საქართველოს მეფედ დავით ულუს 11 წლის ვაჟიშვილი დემეტრე მეორე (1270 — 1289 წწ.) დაამტკიცეს და მას მეურვედ ყაენის ნდობით აღჭურვილი პირი სადუნე მანკაბერდელი დაუნიშნეს.

სადუნი ტიპური მედროვე იყო. მან გაიძევრობითა და მონღოლთა წინაშე მლიქვნელობით მხარგრძელთა ყმა-აზნაურობიდან საქართველოს ათაბაგობამდე მიაღწია. დემეტრეს მცირეწლოვნობის დროს ეს მედროვე ფაქტობრივად განაგებდა მთელ ქვეყანას და პირად სიმდიდრესაც განუზომლად ზრდიდა. მისი ასეთი აღზევება და უმსგავსო მოქმედება ქართველთა მოწინავე წრეებში დიდ აღშფოთებას იწვევდა, ამიტომ იყო, რომ მისი გარდაცვალების შემდეგ დემეტრემ ათაბაგობა მის შვილს ყუთლუ-ბულას აღარ მისცა და ამით სადუნის მემკვიდრე საბოლოოდ გადაიმტერა.

დემეტრე II სამფლობელო მხოლოდ საქართველოს აღმოსავლეთ ნაწილს მოიცავდა, დასავლეთ საქართველოში დავით ნარინი მეფობდა და მონღოლებს აღარ ემორჩილებოდა. სამცხეკი მონღოლებმა 1266 წლიდან ცალკე გამოყვეს და უშუალოდ ყაენს დაუქვემდებარეს. ამრიგად, დემეტრეს მხოლოდ ქართლ-კახეთი და სომხეთის ნაწილი ექვემდებარებოდა.

ახალგაზრდა მეფე ცდილობდა როგორმე გამოესწორებინა ქვეყნის მძიმე ეკონომიკური მდგომარეობა და შეემსუბუქებინა მონღოლთა მიერ ქართველი ხალხის ჩაგვრა. ამ საერთო გაჭირვების დროს მან მაინც შეძლო აქემენებინა მეტეხის შესანიშნავი ტაძარი, რომელიც დღესაც ამაყად გადმორჩყურებს ძველი თბილისის უბნებს მტკვრის მარცხენა მალალი სანაპიროდან.


მეტეხის ტაძარი თბილისში. აგებულია დემეტრე II დროს.



ქვეყნისათვის მდგომარეობის შემსუბუქების მიზნით დემეტრე ყაენის კართან კარგი ურთიერთობის შენარჩუნებას ცდილობდა. მეფე ქართველთა ლაშქრით მონაწილეობდა მონღოლთა გაუთავებელ ლაშქრობებში, რომლებიც სულ უფრო ხშირად მარცხით მთავრდებოდა და ათასობით ქართველთა სიცოცხლეს იწირავდა.

XIII საუკუნის 80-იანი წლებიდან ილხანთა სახელმწიფო მუდმივმა შინაომებმა მოიცვა და საქართველოც ძალაუნებურად ამ ომებში იქნა ჩათრეული. ყაენების წინააღმდეგ არაერთი შეთქმულება მოეწყო, რასაც რებრესიები და ურთიერთ ხოცვა-ჟლეტა მოსდევდა. დემეტრეს კარგი ურთიერთობა ჰქონდა არღუნ ყაენის პირველ ვაზირთან — ბულასთან, მაგრამ 1288 წ. ბულას ყაენის წინააღმდეგ შეთქმულების მოწყობა დაბრალდა და სიკვდილით იქნა დასჯილი. დემეტრე მეფეც ყაენის კარზე დაიბარეს. იქ მის წინააღმდეგ ინტრიგის ქსელს ხლართავდა მასზე განაწყყენებული გულბოროტი სადუნის ნამიერი ყულთუ-ბულა. ამდენად, ყაენის კარზე დემეტრეს სიკვდილით დასჯა მოელოდა. თუ არ გამოცხადდებოდა, მონღოლები საქართველოს ერთიანად ააოხ-

16. საპარტიკლო მონღოლთა მფლობელობის პერიოდში



რებდნენ და აი, დემეტრემ გადაწყვიტა თავი გაეწირა და სამშობ-  
ლოსთვის აეცილებინა მოსალოდნელი უბედურება. როგორც  
უამთაღმწერელი გადმოგვცემს, დემეტრესთვის დარბაზს ერთხმად  
ურჩევია მთიულეთისათვის შეეფარებინა თავი, მაგრამ საქართ-  
ველოს მეფე ამაზე არ დათანხმდა და თავისი ნებით გამოცხად-  
და მონღოლთა ყაენთან. მონღოლებმა დემეტრე II 1289 წლის  
12 მარტს სიკვდილით დასაჯეს, მადლიერმა შთამომავლობამ კი  
ქვეყნისათვის თავგანწირულ მეფეს თავდადებული უწოდა  
და მისი სახელი დიდი სიყვარულით შემოსა (იხ. დოკ. 3).

5. სახალხო აჯანყება მონღოლთა წინააღმდეგ XIII საუკუნის  
ბოლოს. XIII საუკუნის ბოლოსათვის სამხედრო ძალადობაზე დამ-  
ყარებული მონღოლთა სახელმწიფო დაცემას იწყებს. მონღოლებ-  
მა რეფორმების გატარებით და გადასახადების მოწესრიგებით  
სცადეს მდგომარეობის გამოსწორება. მათ სარწმუნოებად კი შეი-  
ცვალეს და სახელმწიფო რელიგიად ისლამი გამოაცხადეს. მაგ-  
რამ ამან საქმეს ვერ უშველა, მათი სახელმწიფო დაშლა-დაქვეი-  
თების გზით მიექანებოდა. ასეთ ვითარებაში მონღოლებს აღარ  
დაემორჩილა და აჯანყდა საქართველოს მეფე დავით VIII დემეტ-  
რეს ძე. აჯანყება მრავალ წელს გრძელდებოდა. დავით VIII-ის  
დასამორჩილებლად ყაენი სხვადასხვა გზას მიმართავდა. ხან მოლა-  
პარაკებას აწარმოებდა მეფესთან და მშვიდობას ჰპირდებოდა,  
ხან აჯანყებულის საპირისპიროდ საქართველოს მეფეებად მის  
ძმებს სვამდა და ძლიერი ფეოდალების გადაბირებას ცდილობ-  
და. მაგრამ მონღოლებმა მიზანს მაინც ვერ მიაღწიეს, რადგან  
მეფეს ერთგულად უჭერდა მხარს უბრალო ხალხი. მართალია, ამჟე-  
რად მონღოლთა ბატონობისაგან ქვეყნის საბოლოო განთავისუფ-  
ლება ვერ მოხერხდა, მაგრამ აჯანყებულთა თავდადებულმა ბრძო-  
ლებმა მნიშვნელოვნად შეარყია უცხო ძალის ბატონობა საქართ-  
ველოში.

## კითხვები და დავალები

1. როგორ წარმოიქმნა ორმეფობა საქართველოში? რატომ იყვნენ მონღოლე-  
ბი დანტერესებულნი, რომ საქართველოს შიგნით განხეთქილება ყოფილიყო?
2. რა მიზანს ისახავდა მონღოლთა მიერ ჩატარებული აღწერა? 3. გამოიანგა-  
რიშეთ რამდენი მცხოვრები ყოფილა მონღოლთა გაბატონების პერიოდისათვის  
საქართველოში, თუ თითო კომლზე დაახლოებით 5 სულს ვიგულისხმებთ? 4. რა  
გადასახადები შემოიღეს მონღოლებმა საქართველოს აღწერის შემდეგ და რო-  
გორი იყო ამ გადასახადების აკრფის წესი? 5. რატომ დამარცხდა საქართვე-  
ლოს მეფეთა აჯანყებანი მონღოლთა წინააღმდეგ და რა შედეგები მოჰყვა ამ  
აჯანყებებს? 6. როგორ აფასებდნენ მეფე დემეტრე II თავდადებას მისი თანა-

მედროვენი და როგორ აფასებს მას შთამომავლობა? 7. რა მნიშვნელობა ჰქონდა მონღოლთა ბატონობის წინააღმდეგ ქართველი ხალხის ბრძოლის გაძლიერებას XIII საუკუნის ბოლოს?

## დ ო კ უ მ ე ნ ტ ე ბ ი

### 1. რომის პაპის ელჩი პლანო კარპინი, რომელიც 1246 წ. ჩაიდა მონღოლთა საყაენოში, გადმოგვცემს

„ჩვენ ყაენის კარზე ვნახეთ ოუსეთის დიდი მთავარი, კეთილნიშობილი იაროსლავი<sup>1</sup>, აგრეთვე გეორგიის (ე.ი. საქართველოს) მეფის და დედოფლის ვაჟები... ერთი მათგანი (დავით მეფე ანუ) მელიქი<sup>2</sup> (რუსულად დედოფლის) კანონიერი (ძე) იყო. ხოლო მეორე (ლაშა გიორგის ძე) დავითი გაჩნდა როგორც მრუშობის ნაყოფი. ამ უკანონო ვაჟს მამამისმა თავისი სამფლობელოს დიდი ნაწილი დაუტოვა. მეორე (ე.ი. დავით რუსუდანის ძე), რომელიც უფრო ახალგაზრდა იყო, ითხოვდა, რომ მისთვის დაებრუნებინათ მამის მიერ დავითისათვის (ლაშა გიორგის ძისთვის) დატოვებული მამული, ვინაიდან, მისი სიტყვით, ის უკანონო შვილი იყო და არ შეეძლო მისი ფლობა. დავითი კი უპასუხებდა: თუმცა მე ხასის შვილი ვარ, მაგრამ სამართალს ვთხოვლობ თათრების კანონის მიხედვით, რომელიც არავითარ განსხვავებას არ ხედავს კანონიერი ცოლისა და მხველის მიერ დაბადებულ ვაჟებს შორისო. ამიტომ ეს საქმე კანონიერი ვაჟის (დავით რუსუდანის ძის) წინააღმდეგ გადაწყდა: ის დავითს (ლაშა გიორგის ძეს) დაუმორჩილეს, როგორც უფროსს“.

### კითხვა და დავალება

1. რას მოგვითხრობს პლანო კარპინი რუსი მთავრის და ქართველი უფლისწულების ყაენის კარზე ყოფნის შესახებ? 2. შეადარეთ საქართველოს მდგომარეობა მონღოლთა ბატონობის ვითარებაში რუსეთის სამთავროების მდგომარეობას.

### 2. XIII საუკუნის სომეხი ისტორიკოსი კირაკოს განძაკელი მონღოლების მიერ ჩატარებული აღწერისა და გადასახადების გაწერის შესახებ

„ისინი (ე.ი. მოსახლეობის აღმწერი მოხელეები), მიიღეს რა ეს ბრძანება (აღწერის ჩატარების შესახებ), გავიდნენ მთელს ქვეყანაში ამის აღსასრულებლად. მიღწეის აგრეთვე სომეხთა, ქართველთა და ალვანთა ქვეყნებში და აგრეთვე მათ ირგვლივ მდებარე მხარეებს და, ათი წლის ასაკიდან დაწყებული ყველა შეიტანეს აღრიცხვის წიგნებში, გარდა ქალებისა. ყველასაგან მოითხოვდნენ უმძიმეს ხარკს, რაც აღემატებოდა ადამიანთა ძალას, იწყეს გალატაკება. ავიწროებდნენ წარმოუდგენელი წამებით, ტანჯვითა და მარწუხებით. ვინც იმალებოდა, იჭერდნენ და ჰკლავდ-

<sup>1</sup> იაროსლავ ესეველოდის ძე (მამა ალექსანდრე ნეველისა), ვლადიმირის დიდი მთავარი იყო 1238 წლიდან. 1246 წ. იგი მონღოლებმა ყაენის კარზე მიიწვიეს და იქ მოწამლეს.

<sup>2</sup> მელიქი არაბულად მეფეს ნიშნავს.

ნენ, ვინც ვერ გადაიხდიდა თავის ხარკს, მას ბავშვებს ართმევდნენ ვალში...

მთავრებიც, მხარეთა მფლობელები, მათი თანამონაწილე შეიქმნენ შევიწროებასა და (ხარკის) მოთხოვნაში, თავიანთი ინტერესებისათვის. ეს არ იკმარეს, არამედ ყველა ხელოსანს, ქალაქად და სოფლად, ხარკი დაადევს. ასევე მეთევზეებს ზღვებსა და ტბებზე, მალარობებს, მკედლებსა და, რა საჭიროა დაწვრილებით ოქმა, ყველა კარი შემოსავლისა დახშეს ადამიანთათვის და მხოლოდ თვითონ სარგებლობდნენ. მარილის ყველა საბადოს შემოსავალი წაიღეს. ვაჭრებისაგანაც მრავალი ქონება წაიღეს, დააგროვიან დიდძალი ვანძი ოქროსი. ვერცხლისა და პატიოსან თიალთა. ყველა შიკაიწროეს, ვითა რა ტყვეებით აავსეს ქვეყანა. დაუტოვეს ბოროტი ოსტიანები<sup>1</sup> ქვეყნებს, რათა მოეთხოვათ ყოველწლიურად ხარკი იმავე ოდენობითა და წიგნით.

ხოლო ეკლესიის მსახურთაგან არ იღებდნენ არაერთარ ხარკს, რადგან არ ჰქონდათ ბრძანება ყაენისა“.

## დავალებები

1. აღწერეთ საქართველოს მოსახლეობის მდგომარეობა მონღოლთა მიერ ქვეყნის აღწერისა და ახალი გადასახადების შემოღების შემდეგ. 2. დაახასიათეთ რა შედეგები მოუტანა საქართველოს მონღოლთა ასეთმა საგადასახადო სისტემამ?

### 8. XIV ს. ქართველი ისტორიკოსი უამთააღმწერელი დემეტრე თავდადებულის ყაენის კარზე ხმობის შესახებ

„წარმოავლინა<sup>2</sup> ელჩი მეფისად მხმობელმან<sup>3</sup> ყაენმან, და აწვია<sup>4</sup> ურდოსა<sup>5</sup> მეფე. ხოლო ვითარ ცნა<sup>6</sup> სიკუდილი ბუღასი მეფემან, დაუძმობა<sup>7</sup> დიდად. და მოუწოდა<sup>8</sup> მეფემან კათალიკოსსა აბრაჰამს და ეპისკოპოსთა... და ყოველთა მთავართა სამეფოსა მისისათა. შემოკრბეს<sup>9</sup> მის წინაშე, დაჟდა ტახტსა ზედა დასხდეს ყოველნი დიდებულნი თვისთვისად, და ალალო მეფემან პირი თვისი და ბრძანა: „...აწ განრისხებულ არს ყაენი, და ყოველი მთავარი მისი მოუწყუდიან<sup>10</sup>, და აწ მე მიწოდს<sup>11</sup> წინაშე მისსა. ვგონებ ბოროტისა ყოფასა ჩემთვის, თუ არ წავიდე ურდოსა და წარვიდე მთიულეთს, სიმაგრეთა შინა, და დავიცვა თავი ჩემი, და ამა ყოველი სამეფო ჩემი წინაშე მათსა ძეს, იხილეთ რავედნი სული ქრისტიანე სიკუდილისა მიეცემის და ტყუე იქმნების, და ეკლესიანი შეიგინებინან და მოოხრდებიან, ხატნი და ჭუარნი დაიმუხვრიან. და უკეთუ წარვიდე ყაენის წინაშე, დასტურობით<sup>12</sup> უწყი<sup>13</sup> მომკლავს... მე დავსდებ სულსა ჩემსა ერისათვის ჩემისა, და არ დავიშლი ურდოს წასვლას“.

<sup>1</sup> ოსტიაკი ებები — ხარკის ამკრეფი მოხელეები. <sup>2</sup> გამოგზავნა. <sup>3</sup> დამძაბებულმა, მიხმობმა. <sup>4</sup> მიიწვია. <sup>5</sup> ყაენის კარზე. <sup>6</sup> გაიგო. <sup>7</sup> ეწყინა. <sup>8</sup> მიიხმო. <sup>9</sup> შემოიკრიბნინ. <sup>10</sup> ამოუწყუეტია. <sup>11</sup> მიხმობს, <sup>12</sup> დანამდვილებით. <sup>13</sup> ვიცი.

## კითხვა და დავალება

1. რა მნიშვნელობა აქონდა დემეტრე მეფის თავდადების მაგალითს ქართველი საზოგადოებისათვის? 2. ძველი ქართველი ისტორიკოსის ეამთაღმწერელის მონათხრობის მიხედვით უფრო სრულად აღწერეთ (გაღმოეცით) დემეტრე თავდადებულის ქვეყნისთვის თავგანწირვის ამბავი.

### § 22. საქართველოს განთავისუფლება მონღოლთა ბატონობისაგან. გიორგი ბრწყინვალე

1. მონღოლთა ბატონობის შედეგები. მონღოლთა მრავალწლიანმა ბატონობამ მეტად მძიმე შედეგები მოუტანა ჩვენს ქვეყანას. როგორც დავინახეთ, მონღოლთა ბატონობის პერიოდში თითქმის არ შეწყვეტილა ქართველი ხალხის ბრძოლა დამპყრობლების წინააღმდეგ, რასაც რეპრესიები, ქვეყნის რბევა-აოხრება და მოსახლეობის მასობრივი ხოცვა-ჟლეტა მოსდევდა. დიდი მსხვერპლი გაიღო ქართველმა მოსახლეობამ მონღოლთა გამუდმებულ ლაშქრობებში ძალდატანებითი მონაწილეობისას, ქვეყანა ნადგურდებოდა ოქროს ურდოსა და ილხანებს შორის ბრძოლის დროსაც, ათასობით საქართველოს მკვიდრი შეეწირა მონღოლთა მიერ შემოტახილ სხვადასხვა ეპიდემიას. ისე რომ, მონღოლთა ბატონობის ბოლოსათვის საქართველოს მოსახლეობა მკვეთრად შემცირდა. გავერანდა სოფლები და ქალაქები, მოიშალა რთული სარწყავი ნაგებობანი, განადგურდა კულტურულ-სამეურნეო ცენტრები. მონღოლთა საგადასახადო სისტემამ ძირს დასცა ფეოდალური ქვეყნის ეკონომიკა, უზომო გადასახადებით წელგაწყვეტილი გლეხობა მასობრივად გარბოდა თავისი მამა-პაპეული ადგილებიდან და ინტენსიურ მეურნეობას წყდებოდა. ფეოდალთა დიდმა ნაწილმა დაკარგა თავისი ძლიერების ეკონომიკური საფუძველი—მიწა-ძამული, რიყეულიც ძედროვეებს და გადაძთიელებს უვადობდათ ხელთ.

\*უკიდურესად შესუსტდა საქართველოს მეფის პოლიტიკური ხელისუფლება. მონღოლები ნებას არ აძლევდნენ მეფეს, რომ დაე-საჩა ან გადაეყენებინა ურჩი ერისთავები თუ სხვა დიდმოხელენი. ამით დიდგვაროვნულმა რეაქციამ ფართოდ გაშალა ფრთები. მოიძალა ქართული სახელმწიფოებრივი წყობილება. ბზარი გაუჩნდა საქართველოს სახელმწიფოებრივ ერთიანობას. დასავლეთ საქართველო დავით ნარინის აჯანყების შემდეგ დამოუკიდებელ სამეფოდ გამოეყო. ცალკე ერთეულად გამოეყო სამცხეც, რომელიც უშუალოდ ყაენმა დაიქვემდებარა, ხოლო XIII საუკუნის ბოლოს აჯანყებული დავით VIII-ის საპირისპიროდ მონღოლებმა საქართვე-



ველოს ტახტზე მისი უმცროსი ძმები — ვახტანგი და გიორგი დასაყენებულნი. ამგვარად, ერთსა და იმავე დროს მარტო აღმოსავლეთ საქართველოში სამი მეფე აღმოჩნდა სამეფო ტახტზე. ცალკე მეფე იყო დასავლეთ საქართველოში და ცალკე მმართველი სამცხეში.

გამწვავდა მთისა და ბარის ურთიერთობა. ამიერ და იმიერ კავკასიის მთის მოსახლეობამ, რომელიც ადრე საქართველოს ძლიერი მეფის ხელისუფლების მორჩილების ქვეშ იყო მოქცეული, მონღოლთა წაქეზებით ურჩობა იწყო. მთიელებმა ამოზოცეს ან აამოძიეს მთის მოხელეები და ეკლესიის მსახურნი. ბოლოს შეტევაზეც გადმოვიდნენ. ქვეყნის მძიმე ძლავით ისარგებლეს იმიერკავკასიაში მცხოვრებმა ალან-ოსებმა და დაიწყეს გამუდმებული თავდასხმები შიდა ქართლზე. ისინი გამუდმებით არბევდნენ ქართლის მშვიდობიან სოფლებს. მათ თვით ქალაქი გორიც კი დაიკავეს.

[დიდად დაქვეითდა ქართული კულტურაც. ფაქტობრივად შეწყდა ქართული მეცნიერებისა და მწიგნობრობის განვითარება. ქართველებშიც უკულტურო მონღოლების წესებმა გაიდგა ფესვები. ამგვარად, მონღოლთა ბატონობის შედეგად მკვეთრად შეფერხდა ფეოდალური საქართველოს ნორმალური განვითარება საზოგადოებრივი ცხოვრების თითქმის ყველა სფეროში.]


2. გიორგი V-ის ურთიერთობა მონღოლებთან და ქვეყნის გაერთიანება. XIV საუკუნის დასაწყისში მონღოლთა საყაენოს დაქვეითება-დასუსტების მიუხედავად ჯერ კიდევ შესწევდა საკმაო ძალა, რომ საქართველო იძულებით მორჩილებაში ჰყოლოდა.

ქართველმა პოლიტიკოსებმა შეცვალეს მონღოლთა წინააღმდეგ ბრძოლის მეთოდები და ქვეყნის განთავისუფლების ახალი გეგმა შეიმუშავეს. ამ მხრივ აღსანიშნავია მეფე გიორგი V დიმიტრის ძის (1314 — 1346 წწ.) მოღვაწეობა. პირველ რიგში, საჭირო იყო ქვეყნის პოლიტიკური მთლიანობის აღდგენა. საამისოდ გიორგი მეფემ თვით მონღოლების გამოყენება სცადა და თავისი მოღვაწეობა მათდამი ერთგული სამსახურით დაიწყო. ქართლის აჯანყებებით თავმოებზრებული თათრები გიორგის ერთგულებას დიდად აფასებდნენ. საილხანოს შიგნით გაშლილი ბრძოლების დროს საქართველოს სამხედრო ძალას დიდი მნიშვნელობა ჰქონდა ყაენის კარისათვის, ამიტომ ისინი ძალაუფლებურად საქართველოს გაერთიანებისა და გაძლიერების წინააღმდეგნი აღარ იყვნენ. გიორგი V-ემ ურდოში დაიმეგობრა თათარი დიდკაცები, განსაკუთრებით პირველი ემირი ჩობან ნოინი, რომელიც ყაენის მკირეწლოვანების დროს საყაენოს ფაქტობრივი გან-

მგებელი იყო. ამის მეოხებით საქართველოს მეფემ მნიშვნელოვანი შეღავათები მოუპოვა თავის ქვეყანას. საქართველოში ხარკის აკრეფის საქმეს ამიერიდან თვითონ მეფე განაგებდა, და არა ურდოს ბასაკაი ან მოიჯარადრე მოხელე. ამავე დროს ყაენის კარისგან გიორგი მეფემ საქართველოს სხვადასხვა ნაწილის ერთ სამეფოდ გაერთიანების თანხმობა მიიღო. ხერხიანი მოქმედებით ადვილად შემოიერთა დასავლეთ საქართველო, კვლავ დაიქვემდებარა სამცხეც, სადაც დედის ხაზით მისი პაპა-ბიძები მთავრობდნენ, მტკიცე ხელით დაიმორჩილა სხვა გამდგარი მთავრები თუ ერისთავები და მკაცრი ზომებით აღკვეთა მათი თვითნებობა. ყოველივე ამის გამო მეფე გიორგის „ბრწყინვალე“ ეწოდა.

გიორგი ბრწყინვალემ სცადა საქართველოს მთიანეთში ფეოდალური წესრიგის გახდტიცეა და ძოთარეძე გადაძთიელების გახდევნა. მან დიდი ბრძოლების შემდეგ აიღო ქ. გორი და მტკიცე ხელით აღკვეთა ოს მეკობრეთა თვაშუებულობა. ამავე დროს გიორგი V-ემ საქართველოს მთის მოსახლეობისათვის სპეციალური სამართლის წიგნი — „ძე გ ლ ი ს დ ე ბ ა“ შიადგინა (იხ. დოკ. 1).

17. საუბარმცკლოს ერთიანობის აღდგენა და მონღოლთა ბატონობისაგან განთავისუფლება





ქვეყნის გაერთიანებისა და განმტკიცების შემდეგ გიორგი ბრწყინვალე ფეოდალური საქართველოს პოლიტიკური წყობილების რესტავრაციას შეუდგა. აღადგინა მონღოლთა ბატონობამდელი მმართველობის სისტემა. ჩვენამდე მოღწეულია მის დროს შედგენილი „ხელმწიფის კარის გარიგება“, რომელშიც განსაზღვრულია მეფის კარის მოხელეების უფლება-მოვალეობანი და სხვადასხვა ცერემონიალის ჩატარების წესები. ამავე პერიოდში შეიქმნა და, როგორც ჩანს, მთელს საქართველოში მოქმედებდა სამართლის წიგნი: „წიგნი სამართლისა კათალიკოსთა შეცოღებისა ყოველთავე“, რომელიც შედგენილი იყო სამცხის მთავრის ბექას მიერ. უფრო გვიან ეს სამართლის წიგნი შეავსო ბექას შვილიშვილმა აღბულამ, ამიტომ იგი ცნობილია ბექა-აღბულას სამართლის სახელწოდებით.

მეფის ხელისუფლება ენერგიულ ღონისძიებებს ახორციელებს ქვეყნის ეკონომიკური გაძლიერებისათვის, ხელს უწყობს სოფლის მეურნეობის, ვაჭრობა-ხელოსნობის განვითარებას, აწესრიგებს საქალაქო ცხოვრებას.

**8. საქართველოს საერთაშორისო მდგომარეობა XIV საუკუნეში.** გიორგი ბრწყინვალის მეფობის პერიოდში საქართველოში მონღოლთა ბატონობა თანდათანობით შესუსტდა, XIV საუკუნე-

ნის 30-იანი წლებიდან კი ფაქტობრივად გადავარდა კიდეც. როდესაც ყაენმა ჩობან ნოინი მოაკვლევინა, საილხანოში შიდაფეოდალური ომები ატყდა. ამით ისარგებლა გიორგი მეფემ და გააძევა საქართველოში მდგარი მონღოლთა 10 000-იანი ლაშქარი.

დიდი წარმატებები მოიპოვა გიორგი ბრწყინვალემ საგარეო-პოლიტიკურ ასპარეზზე. მან ურთიერთობა დაამყარა ილხანების მოწინააღმდეგე სახელმწიფოებთან — ოქროს ურდოსა და ეგვიპტის სასულთნოსთან. ეს სახელმწიფოებიც თავის მხრივ დაინტერესებულნი იყვნენ საქართველოსთან კარგი ურთიერთობის შენარჩუნებით (იხ. დოკ. 2). ამიტომ იყო, რომ ეგვიპტის სულთანმა მთელი რიგი შეღავათები მიანიჭა იქ ჩასულ ქართველ ვაჭრებს თუ მლოცველ-მოგზაურებს, საქართველოს დაუბრუნა მამადიანების მიერ მიტაცებული ეკლესია-მონასტრები. გიორგი ბრწყინვალემ კვლავ აღადგინა საქართველოს გავლენა ტრაპიზონის იმპერიაზე და ბიზანტიის მიმართაც აქტიური პოზიცია დაიკავა. საქართველოს ინტენსიური სავაჭრო ურთიერთობა აქვს დამყარებული იტალიის ქალაქ-სახელმწიფოებთან: ვენეციასა და გენუასთან. ჩვენი ქვეყნის საერთაშორისო ავტორიტეტის ზრდას მოწმობს ის ფაქტიც, რომ კათოლიკური ეკლესიის საეპისკოპოსო ცენტრი ქალაქ სმირნადან თბილისში იქნა გადმოტანილი.

**4. საქართველოს სოციალურ-პოლიტიკური და კულტურული მდგომარეობა.** მონღოლთა ბატონობის შესუსტება-გადავარდნამ ცხოველმყოფელი გავლენა მოახდინა საქართველოს სოციალურ-ეკონომიკურ და კულტურულ განვითარებაზე. მოსახლეობა განთავისუფლდა მონღოლთა ძალმომრეობის, მძიმე ხარკ-გადასახადებისა და სხვადასხვა იძულებითი შრომითი თუ სამხედრო ბეგარა-ვალდებულებისგან. ამან ხელი შეუწყო განადგურებული მეურნეობის აღდგენას, ინტენსიური დარგების (მებაღეობა-მევენახეობის, სარწყავი მიწათმოქმედების და სხვ.) განვითარებას, გამოცოცხლდა ვაჭრობა-ხელოსნობა. არაერთი ქალაქი კვლავ აღდგა. განსაკუთრებით აყვავდა თბილისი, რომელიც ამ დროის ევროპულ წყაროებში დასახელებულია „მეტად შესანიშნავ, ხალხმრავალ, მარჯვე და მდიდარ ქალაქად“. ამ დროის საქართველოში რამდენიმე ზარაფხანაა<sup>1</sup> დადასტურებული. თვითონ გიორგი მეხუთემ მონღოლური ფული თავისი საკუთარი მოჭრილი ვერცხლის ფულით შეცვალა, რომელსაც წყაროებში „გიორგაული აეთარი“ ეწოდება. ქვეყნის ეკონომიკური მოღონიერება მეფის კარის გარეგნულ ბრწყინვალეობასა და კომფორტშიც გამოჩნდა.


სოციალურ განვითარებაში ამ დროს მნიშვნელოვან ძვრებს აქვს



საფარისა და ზარზმის ტაძრები (სამცხე. XIII ს.).

ადგილი. გიორგი მეფემ დიდგვაროვან ფეოდალთა თვითნებობას შეაკვეცა ფრთები, მაგრამ ქვეყნის გადაყვანა განვითარების ძველ გზაზე, რომელსაც ქართული ფეოდალური საზოგადოება წინაბურჟუაზიული გარდაქმნებისკენ მიჰყავდა, უკვე შეუძლებელი იყო. დიდად დაკნინებული იყო ის პროგრესული ძალები (მოქალაქენი, მსახურეული აზნაურობა, თავისუფალი მიწისმოქმედი მოსახლეობა). რომლებსაც ამ მსვლელობაში წამყვანი როლი უნდა შეესრულებინათ. აზნაურთა ფეოდალური კლასი უკვე წოდებრივ ფენებად არის მკვეთრად გამოიჯნული. მათ შორის უძლიერესნი — დ ი დ ე ბ უ ლ ე ბ ი თავიანთი საგამგებლო-სამფლობელოების ნახევრად დამოუკიდებელ საფეოდალოებად (სამთავროებად, სათავადოებად) გარდაქმნისკენ მიისწრაფვიან და სამეფო აზნაურების და გლეხების კვლავ დაუფლება-დაყმევებას ეშურებიან. გლეხობაც ერთიანად ბაჟონყმობის მძიმე უღელქვეშაა მოქცეული. ისინი, მართალია, განთავისუფლდნენ მონოპოლია სასარგებლოდ განწყობილი გადასახადებისა და ვალდებულებებისაგან, მაგრამ ფეოდალები ამ გადასახადების ნაწილს, ამჯერად უკვე თავის სასარგებლოდ, მაინც ახდევინებინენ. ქვიანა თავის ძვილ კეთილდღეობას, რომ დაბრუნებოდა, საჭირო იყო ხანგრძლივი ძვიდობიანი გახვითარება. მაგრამ, სამწუხაროდ, მშვიდობა მაინც არ იყო მტკიცე. მონღოლთა ცალკეული ძობანებლები ჩვენს ქვეყანას კვლავ თავს ესხმოდნენ, ხოლო XIV საუკუნის ბოლოს საქართველოს ახალი საშინელი მტერი შემოესია, რომელმაც მისი განვითარების ჩარხი უკუღმა დაატრიალა.

ამ მცირე ხნით შესვენებისას გამოცოცხლდა საქართველოს კულტურული ცხოვრებაც. ქართული კულტურის მნიშვნელოვანი ცენტრი კვლავ თბილისი გახდა, სადაც თავს იყრიდნენ როგორც



სამცხის მოხერხები: სარგის I (საბა), ბეკა I მანდატურთუხუცესი და სარგის II სამცხის სპასალარი. საფარის წმ. საბას ეკლესიის ფრესკა (XIV ს.).


ქართველი, ისე მოძმე-მეზობელი ხალხების კულტურის მოღვაწენი, მწერლები და მეცნიერები, რომლებიც ერთმანეთს აცნობდნენ და უზიარებდნენ თავიანთ მიღწევებსა და შემოქმედებას. მეცნიერების დარგებიდან უნდა დავასახელოთ საისტორიო მწერლობა. გიორგი ბრწყინვალის დროს მოღვაწეობდა ისტორიკოსი, რომელსაც პირობითად უამთააღმწერელს უწოდებენ და რომელმაც აღწერა ლაშა-გიორგის მეფობა და მონღოლთა ბატონობის ხანა. ამ საუკუნის ბოლოს შეიქმნა ქსნის ერისთავთა საგვარეულო მატთანე „ძეგლი ერისთავთა“, რომლის ავტორი იყო ნიჭიერი მწიგნობარი, კალიგრაფი და მხატვარი ავგაროზ ბანდაისძე. იგი მოღვაწეობდა ლარგვისის მონასტერში (ქსნის ხეობა).

ქართული სამეცნიერო-საგანმანათლებლო მოწიპობის ცენტრებად კვლავ მონასტრები რჩებოდა როგორც საქართველოში. ისე მის საზღვრებს გარეთ. შართალია, მონღოლთა ბატონობამ

„საიდუმლო სერობა“.  
უბისის ტაძრის მოხატუ-  
ლობა (XIV ს.).



ანჩისხატის კარდის ში-  
და მოქედლობა. „ქრის-  
ტეს ჭვარტმა“. „აღღო-  
მა“ (XIV ს.).



მნიშვნელოვნად დააქვეითა სწავლა-განათლების საქმე, მაგრამ იგი სავსებით მაინც არ ჩამკვდარა. ჩვენ ვიცით, მაგალითად, რომ XIV საუკუნის დასაწყისში მარტო აღმოსავლეთ საქართველოს მთიან ნაწილში 7 სკოლა იყო, სადაც ღვთისმეტყველებას, ფილოსოფიას, საქართველოს ისტორიას და სხვა საგნებს ასწავლიდნენ.

აღსანიშნავია, რომ ქართული განათლება და კულტურა, ქრისტიანობასთან ერთად, ჯერ კიდევ მძლავრ ნაკადად იჭრებოდა იმიერკავკასიის მთიელთა ცხოვრებაში. დაღისტნის ტერიტორიაზე მიკვლეულია ამ პერიოდის ქართულწარწერიანი ეკლესიები.

ქართული საზღვარგარეთული სამეცნიერო ცენტრებიდან XIV საუკუნეში კვლავ მოქმედებდა პალესტინაში იერუსალიმის ჭვარის მონასტერი, სადაც შეიქმნა ქართული ორიგინალური თხზულებანი: ლუკა იერუსალიმელის და ნიკოლოზ დვალის მარტვილობანი; ასევე, მოქმედებდა პეტრიწონის ქართული მონასტერი, სადაც მოღვაწეობდნენ ტაოელი ძმები ათანასი და ოქროპირ ეგნატის შვილები და სხვ.

შექმნილი მძიმე პირობების მიუხედავად ქართული ხელოვნება მაინც არ ჩამკვდარა. ამ პერიოდის ხუროთმოძღვრული ძეგლების დიდი ნაწილი სამცხეშია აგებული (საფარა, ზარზ-მა, ქულე), რომლებიც ცნობილი ფრესკებითაა მოხატული. ამ დროსვეა აგებული მეტეხის ტაძარი თბილისში და გერ-



გ ე ტ ი ს ს ა მ ე ბ ა დაბა ყაზიგთან. ფრესკული ძეგლებიდან აღსანიშნავია უ ბ ი ს ა ს მხატვრობა, ხოლო ოქრომჭედლობის ხელოვნებიდან ა ნ ჩ ი ს ხ ა ტ ი ს სარედის შიდა პირის მოჭედულობა. მაგრამ ეს შედარებით მცირერიცხოვანი ძეგლები. წინა პერიოდის ბრწყინვალე ქართულ ძეგლებს მხატვრული დონით შესამჩნევად ჩამორჩება.

### კითხვები და დავალებები

1. როგორი იყო საქართველოს მდგომარეობა მონღოლთა ბატონობის უკანასკნელი ხანისათვის? 2. დაახლოებით გიორგი ბრწყინვალის პოლიტიკა მონღოლების მიმართ. 3. დაახლოებით რამდენად წინდახედული მოღვაწე იყო გიორგი V. 4. რატომ უწოდეს მას თანამედროვეებმა „ბრწყინვალე“. 5. შეადარეთ იგი დავით VIII-ს. 6. გაიხსენეთ რუსეთის ისტორიიდან ამ პერიოდის მოსკოვის რომელი მთავრის მოღვაწეობა მოგაგონებთ გიორგი ბრწყინვალის მოღვაწეობას? 7. რა ცვლილებები მოხდა საქართველოს სოციალურ-ეკონომიკურ განვითარებაში XIII — XIV საუკუნეების განმავლობაში? 8. როგორი იყო საქართველოს კულტურული მდგომარეობა XIV საუკუნის ბოლოსათვის?

ანჩისხატის კარდის თილა მოჭედულობა. „ქრისტეს შობა“. „ნათლისღება“ (XIV ს.).

### დ ო კ უ მ ე ნ ტ ე ბ ი

1. ნაწყვეტი გიორგი ბრწყინვალის მიერ საქართველოს მთის მოსახლეობისათვის შედგენილი სამართლის წიგნიდან „ძეგლის დება“

„ჩუენ, მეფეთ-მეფემან გიორგიმ, ძემან ყოველთა შორის წარჩინებულს მეფეთ-მეფის დიმიტრისამან, დაედევით ძეგლი<sup>1</sup> — განაჩენი<sup>2</sup> ესე მას ეამსა, ოდეს<sup>3</sup> შევედით მთიულთა შიგან მოსავლელად ღმრთის მოწყალებითა ყოველგნით უცილებლად ქონებასა შინა სამეთოს ჩოენისასა და უცილებლად პყრობასა ტახტისა და სკიპტრისასა.<sup>4</sup>

წარვედით ტახტის ჩუენით ქალაქით<sup>5</sup> და შევედით სასახლესა ჩუენსს ეინვანსა<sup>6</sup> და მუენით<sup>7</sup> მივედით ხადა-ცხაოტს<sup>8</sup> და მოვასხენით<sup>9</sup> ყოველნი მუნებურნი<sup>10</sup> ხევისბერნი და პეროვანნი<sup>11</sup> და გავიგონეთ მათნი საქმენი. დავსხედით მათსა სასაქმოსა. და მივედით დარიელამდის... მოწყალებითა ღმრთისათა დარიელით მობრუნებულთა ვილოცეთ ლომისის<sup>12</sup>

<sup>1</sup> კანონთა კრებული. <sup>2</sup> დადგენილი, მიღებული. <sup>3</sup> მამის როდესაც. <sup>4</sup> სკიპტრა — სამეფო ნიშანი. <sup>5</sup> „ტახტით ჩუენით ქალაქით“ — ჩვენს სატახტო ქალაქიდან. <sup>6</sup> ეინვანი — ქალაქი არაგვის ხეობაში. <sup>7</sup> იქიდან. <sup>8</sup> ხადისა და ცხაოტის ხეობანი მდებარეობენ მდ. არაგვის აუზის ზემო ნაწილში. <sup>9</sup> შევეკრიბეთ. <sup>10</sup> იქაურნი. <sup>11</sup> პეროვანი — მთის თავისუფალი მოსახლეობის (ერის) წარმომადგენლები. <sup>12</sup> ლომისის მთა არაგვისა და ქსნის ხეობებს შორის მდებარეობს. აქ არის გადასავლელი ერთი ხეობიდან მეორეში. აქვეა ძველი ველესია, რომელსაც დიდ პატივს სცემდნენ ძველად არაგვისა და ქსნის ხეობების მთიელები.





მთავარმოწამის წინაშე და ჩამოვიარეთ ცხრაზმის ხევი<sup>1</sup> და მოვიკული-ვეთ<sup>2</sup> მუნებური სასაქმო.

მოვედით მუხრანს, საზამთროსა ჩუნენსა, დაედევით, და შემოვედით ქალაქსა და შემოვიტანეთ თემისა და თემის ერისთავნი და ხევისთავნი და ხევისბერნი და ჰეროვანნი.

დავსხედით და დავსვით წმინდა მეუფე და ქართლისა კათალიკოზი ევთიმიე, დავსხით ვეზირნი და ებისკოპოზნი და მოურავნი და გავიგონეთ, რომელ დიდი უსამართლო და მძლავრებული ქმნილიყო ერთმანეთსა ზე-და, და სისხლის<sup>3</sup> მსუბუქობისათვის ადვილ უჩნდა ერთმანეთის ლალატად დასხმა და დაქცევა<sup>4</sup> ციხეთა, სიკუდილი, ცოლის წაგურა<sup>5</sup> და უბრა-ლოდ<sup>6</sup> დაგდება<sup>7</sup> და მრავალფერნი ულუსობანი<sup>8</sup> და ყოლ სამართალი აღარ იყო ლა“.

## კითხვები და დავალება

1. როგორ შეადგინა გიორგი V-მ საქართველოს სამართლის წიგნი? 2. რით იყო გამოწვეული სამართლის წიგნის შექმნის აუცილებლობა? 3. „ძველის დე-ბის“ მოტიანილი ადგილის მიხედვით ჩამოთვალეთ საქართველოს მეფის მიერ გან-წესებული მთის განმგებელი მოხელენი და ადგილობრივი ხელისუფალნი.

### 2. მაჰმადიანი მბრძანებლები შემდეგნაირად მიმართავენ საქარ-თველოს მეფე გიორგი ბრწყინვალეს (თარგმნილი არაბულიდან)

„დიდებულმა ალაჰმა დღეგრძელ ჰყოს ბრწყინვალეობა მისი უდიდებუ-ლესობისა, სახელოვნისა, რაინდისა, მამაცისა, ლომისა, კეთილშობი-ლისა, დაუცხრომელი მებრძოლისა, ლომგულისა, ტახტის მპყრობელისა, გვირგვინონისა, თავის სარწმუნოებაში განსწავლულისა, თავის სამწყსოს მიმართ სამართლიანისა საბერძნეთის მეფეთა შორის რჩეულისა, ქართველ-თა სულტნისა, ზღვათა და სრუტეების სამფლობელოთა განძისა, რაინდ-თა სამწყსოს დამცველისა, წინაპართ ტახტ-გვირგვინის მემკვიდრისა, რუ-მისა და ირანის ქვეყნების ზღუდისა, ქრისტიანობის განმტკიცებლისა, იესოს სარწმუნოების შემწისა, საქრისტიანოს გმირთა მკურთხეველისა; თავისი განზრახვით იერუსალიმის განმადიდებლისა, ნათლისღებულთა ბო-ძისა, რომის პაპის შემწისა, მუსლიმთა ერთგული მეგობრისა, ახლობელ მეგობართაგან ყველაზე გულწრფელისა, მეფეთა და სულტანთა მეგობ-რისა...“

## კითხვა

რით იყო გამოწვეული მაჰმადიან მბრძანებულთა ასეთი მაღალფარდოვანი მიმართვა გიორგი ბრწყინვალისადმი?

<sup>1</sup> მდებარეობს ქსნის ხეობის ზემო წელზე. <sup>2</sup> გამოვიკელით. <sup>3</sup> სახლადი და ნაშაულისათვის. <sup>4</sup> დანგრევა, შემუსვრა. <sup>5</sup> წართმევა, მოტაცება. <sup>6</sup> უმიზეზოდ. <sup>7</sup> მიტოვება, გაშორება. <sup>8</sup> თათართა მიერ შემოტანილი უწესობანი.

1. თემურ-ლენგის პირველი ლაშქრობა საქართველოში. XIV საუკუნის ბოლოს ჩვენს ქვეყანას თავს დაატყდა უდიდესი უბედურება. დაიწყო მსოფლიოს ერთ-ერთი უძლიერესი და უსასტიკესი დამპყრობლის თ ე მ უ რ - ლ ე ნ გ ი ს შემოსევები. შუააზიელ მონღოლთა შთამომავალმა თემურმა კვლავ გააერთიანა მონღოლთა მომთაბარე ურდოები, შექმნა უძლიერესი არმია და მიზნად დაისახა აღედგინა ჩინგიზ-ყაენის გადაშენებული იმპერია. იგი მკაცრად უსწორდებოდა თავის მოწინააღმდეგეებს. მას არაფრად მიაჩნდა მთელი ხალხების ფიზიკური განადგურება, აყვავებული ქალაქებისა და სოფლების მიწასთან გასწორება. ხშირად მისი ბრძანებით ადამიანთა მოკვებითი თავებისაგან ათეულობით კოშკს აგებდნენ, ათასობით ადამიანს მიწაში ცოცხლად მარხავდნენ ანდა კედლებში ატანდნენ დულაბთან ერთად. ასეთი სისასტიკით აპირებდა იგი მორჩილებში და შიშში ჰყოლოდა დაპყრობილი ხალხები. როგორც მაშინ ამბობდნენ, სადაც კი თემურის ჯარი გაივლის, იქ მხოლოდ უკაცური უდაბნო და აკვამლებული ნასახლარები რჩება, აღარ გაისმის არც ძაღლის ყეფა, არც მამლის ყვილი და ჩვილ ბავშვთა ტირილი.

აი, ასეთი მტარვალი დამპყრობელი საქართველოს რვაჯერ შემოესია და ველურის ენერგიით ცდილობდა ჩვენი ქვეყნის საბოლოო დამორჩილებას ან მოსპობას.

პირველად თემურ-ლენგი<sup>1</sup> საქართველოში 1386 წ. შემოიჭრა. იგი ოქროს ურდოს მბრძანებელს თ ო ხ თ ა მ ი შ - ხ ა ნ ს ე ბ რ ძ ო დ ა, რომელიც მას აზერბაიჯანს ეცილებოდა. საქართველოს მეფე ბ ა გ რ ა ტ V (1360 — 1393 წწ.) თავდაპირველად თოხთამიშს უჭერდა მხარს. ამიტომ იყო, რომ თემური აზერბაიჯანის დალაშქვრის შემდეგ მთელი თავისი ძალით საქართველოს წინააღმდეგ წამოვიდა და თბილისს შემოადგა. თბილისის კარგად გამაგრებული ქალაქი იყო. თემური თვითონ ჩაუდგა სათავეში მოიერიშე ჯარს და სასტიკი ბრძოლების შემდეგ საქართველოს დედაქალაქი აიღო. აქ მან ტყვედ ჩაიგდო თვითონ ბაგრატ მეფე და მისი ოჯახი. გამარჯვებული თემური ქალაქის გაძარცვის შემდეგ (იხ. დოკ. 1) საქართველოს გაეცალა და თან მეფე ბაგრატიც წაიყვანა



თემურ-ლენგის პორტრეტი. აღდგენილი თავის ქალის მიხედვით აკად. ვერასიმოვის მიერ.

<sup>1</sup> „ლ ე ნ გ ი“ სპარსულად კოქლს ნიშნავს, თემური თავდაპირველად ყაჩაღთა ბრბოს მეთაური იყო. ერთ-ერთი თავდასხმის დროს იგი ფეხში დაიჭრა და სამუდამოდ დაკოქლდა, ამიტომ შეარქვეს მას „ლენგი“ (კოქლი). მაგრამ აქ მართო მისი ფიზიკური ნაკლი კი არ იგულისხმებოდა. არამედ. პირველ რიგში, სულიერი სიმახინჯე.

ყარაბაღში<sup>1</sup> დაბანაკებულმა თემურ-ლენგმა აიძულა ბაგრატი მაჰმადიანობა მიეღო და საქართველოს გამაჰმადიანებასაც შეჰპირებოდა. საამისოდ უკან გამობრუნებულ საქართველოს მეფეს დამპყრობელმა თან 12 000-იანი მონღოლთა ლაშქარი გამოატანა. მაგრამ მეფე ბაგრატი ასე იოლად არ აპირებდა თავისი ეროვნული სარწმუნოებისა და დამოუკიდებლობის დათმობას. იგი ფარულად შეუთანხმდა თავის შვილებს და საქართველოში შემოსულმა მონღოლთა ლაშქარი მთლიანად გაანადგურებინა. ეს თემურის წინააღმდეგ აჯანყებას ნიშნავდა. განრისხებული თემური, მიუხედავად იმისა, რომ უკვე სხვა მიმართულებით აპირებდა გალაშქრებას, კვლავ საქართველოს წინააღმდეგ წამოვიდა. ქართველები მომზადებულნი დახვდნენ: მოსახლეობა მთებში დახიზნეს, გაამაგრეს ციხეები და ჭარიც გაამზადეს. ქართველებმა სასტიკი წინააღმდეგობა გაუწიეს 1387 წლის გაზაფხულზე ხელმეორედ შემოჭრილ მტერს და დიდი ვნებაც მიაყენეს მას. მართალია, ბრძოლის ველზე ქართველები დამარცხდნენ, მაგრამ მტერმა ამჯერად საქართველოს დაპყრობა ვერ შეძლო, თანაც თემურს აცნობეს, რომ აზერბაიჯანში თოხთამიშ-ხანი შემოჭრილიყო. დიდად დაზარალებული თემურ-ლენგი იძულებული გახდა საქართველოს გასცლოდა.

2. **თემურ-ლენგის შემდგომი ლაშქრობანი.** 1394 წლამდე თემურ-ლენგი დაკავებული იყო ირანსა და აზერბაიჯანში ბრძოლებით, გართულებული ჰქონდა საქმე შუა აზიაშიც, კვლავ გრძელდებოდა ბრძოლები თოხთამიშ-ხანის წინააღმდეგ. თემურმა ყველა თავისი მოწინააღმდეგე დაამარცხა და კვლავ საქართველოს წინააღმდეგ დაიძრა. იგი ამჯერად საქართველოში სამცხის მხრიდან შემოიჭრა, აქედან არაგვის ხეობაში გადავიდა და სასტიკი ბრძოლები გააჩაღა დარიალის გზის ხელში ჩასაგდებად. მედგარ წინააღმდეგობას უწევდა საქართველოს მეფე გიორგი VII (1393 — 1407 წწ.). მტერს ძალიან უჭირდა არაგვის ვიწრო ხეობაში მოქმედება, ამას გარდა მოსახლეობა მიუვალ ციხეებსა და მალალ მთებში გამაგრებულიყო. ცალკეული წარმატებების მიუხედავად თემურმა დარიალის გათასასვლელის ხელში ჩაგდება ვერ შეძლო.


ამასობაში თოხთამიშ-ხანი დარუბანდის გადმოსასვლელით გადმოვიდა ამიერკავკასიაში. თემურმაც არაგვის ხეობას თავი მიაწება და მის წინააღმდეგ გაემართა. 1395 წელს თემური დაედევნა უკან გაბრუნებულ მტერს და თერგის პირას სასტიკად დაამარცხა. გამარჯვებული თემურ-ლენგი შუა აზიაში დაბრუნდა და მოემზადა ინდოეთში სალაშქროდ. გიორგი მეფე კი შეიტე-

<sup>1</sup> ქვეყანა მდ. მტკვარსა და არაქსს შორის.

ვაზე გადავიდა და თემურის მიერ ჩაყენებული ჯარები საქართველოსა თუ აზერბაიჯანში დაამარცხა და გააძევა.

ინდოეთიდან მობრუნებული თემური მთელი თავისი ძალით საქართველოს წინააღმდეგ წამოვიდა. 1399 — 1403 წლებში მან ხუთჯერ დალაშქრა საქართველო და ბრძოლის ველური ხერხებით ცდილობდა ქვეყნის საბოლოო დამორჩილებას ან ერთიანად განადგურებას. მისმა ბრძოებმა სასტიკად ააოხრეს საქართველოს თითქმის ყველა კუთხე: ჰერეთ-კახეთი, თრიალეთი, ქვემო და შიდა ქართლი, იმერეთი. ისინი ყველგან უმოწყალოდ ზოცავდნენ ან ამაჰმადიანებდნენ და ტყვედ მიერეკებოდნენ საქართველოს მოსახლეობას. ქვათახევის მონასტერში მათ შეამწყვდიეს „მუნ მყოფნი კაცი, მამანი და დედანი, მღვდელნი და დიაკონნი და მონაზონნი“ და ცეცხლში დაწვეს. ისინი ანგრევდნენ ეკლესია-მონასტრებს, სასახლეებს, მთელ სოფლებსა და ქალაქებს, ანადგურებდნენ სარწყავ არხებს, ჩეხავდნენ ბალ-ვენახებს, იტაცებდნენ დოვლათს, რაკ კი საქართველოში გადარჩენილიყო (იხ. დოკ. 1 და 2). გადამთიელმა ხეიბარმა თავის მიზანს მაინც ვერ მიაღწია, მან ვერც ქართველი

18. თემურ-ლენგის შემოსევები საქართველოში





ქვათახევის მონასტრის ხედი. სადაც თემურ-ლენგმა გამოსწვა ბერმონაზვნები.

ხალხის წინააღმდეგობა გატეხა და ვერც გიორგი მეფე დაიმორჩილა, თომაი ჩიყანა სასიკრიკოდ დააზიანა. 1403 წილს თიმოთ-ლონგმა ზაირ დადო გიორგი VII-სთან და დიოი ზიომით აღნიშნა საქართველოში ბრძოლების დამთავრება. მაგრამ ეს იყო მისი უკანასკნელი წარმატება. 1405 წლის დასაწყისში იგი გარდაიცვალა და ამდენი სისხლითა და მსხვერპლით შეკოწიწებული მისი იმპერია მაშინვე დაიშალა.

ამიერკავკასიის ხალხებმა დაუყოვნებლივ გადაიგდეს ქედიდან დამპყრობთა მორჩილების უღელი და განმათავისუფლებელი ბრძოლების ცეცხლი გააჩაღეს. ამ ბრძოლების მედროშე საქართველოს მეფე გიორგი VII იყო.

**3. თემურ-ლენგის ლაშქრობათა შედეგები.** მონღოლთა ამ უკანასკნელი ნაშეირის მრავალწლიან სისხლიან თარეშს უაღრესად მძიმე შედეგები მოჰყვა. კატასტროფულად შემცირდა მოსახლეობა. დანგრეული და გავერანებული იყო ქალაქები და სოფლები, ციხე-სასახლეები და იკონისია-მონასტრები, ძოძლილი იყო საოწყავი არხები და სხვა საძეურზეო ნაგებობახი, მიწასთან იყო გასწორებული ერთ დროს აყვავებული ზეარ-ხოდამუნები. საქართველოს გაუმეზობლდნენ სხვადასხვა მომთაბარე თურქმანი ტომები, რომლებიც დაცემულ-დასუსტებულ ქვეყანას განუწყვეტლივ თავს ესხმოდნენ. მათთან ბრძოლაში დაიღუპა საქართველოს ორი მეფე — გიორგი VII (1407 წ.) და კონსტანტინე I (1411 წ.).

მეფე ალექსანდრე I-მა კონსტანტინეს ძემ (1412 — 1442 წწ.) სცადა მდგომარეობის გამოსწორება (იხ. დოკ. 3). შეთხლებული მოსახლეობის მომრავლება მეზობელი ქვეყნებიდან მოსახლეობის გადმოსახლების გზით, თურქქახათა შემოსევების აღკვეთა და მათ მიერ დაკავებული ტერიტორიების (ლორე, სივნიეთი) კვლავ შემოერთება, დანგრეული ეკლესია-მონასტრების აღდგენა. ასეთი ენეგრიული მოღვაწეობისათვის მას შთამომავლობამ „დიდი“ უწოდა, მაგრამ მდგომარეობის გამოსწორება მაინც შეუძლებელი შეიქნა. საჭირო იყო ხანგრძლივი მშვიდობა და განვითარების ნორმალური პირობები. ასეთი პირობების შექმნა კი ხანგრძლივად ვერ ხერხდებოდა ვერც ქვეყნის შიგნით და ვერც გარეთ.

ქვეყნის ეკონომიკურმა განადგურებამ მოშალა ის საფუძველი, რასაც ძირითადად ემყარებოდა საქართველოს ფეოდალური სახელმწიფოს ერთიანობა. გავერანებული ქალაქებისა და სოფლების მთლიანად აღდგენა ვეღარ ხერხდებოდა. შესუსტდა მეფის ხელისუფლება და გაძლიერდა ცალკეული ფეოდალების თვითნე-

ბობა. ისედაც შეთხელებული ყმა-გლეხობა კიდევ უფრო სასტიკი ექსპლოატაციის ქვეშა მოქცეული. მათ დასამორჩილებლად ფეოდალები აძლიერებენ თავიანთ საფეოდალოებს და ნაკლებად ემორჩილებიან ერთიანი საქართველოს მეფეს. ასეთი საფეოდალოები ნახევრად დამოუკიდებელ ერთეულებად იქცა (იხ. დოკ. 4) კვლავ აღორძინდა უკვე დრომოქმული საფეოდალო-სენიორიების სისტემა. ჩამოყალიბდნენ ნახევრად დამოუკიდებელი სამთავროები და სათავადოები. მათ სათავეში მდგომი უძლიერესი ფეოდალები — მთავრები და თავადები თანდათანობით იმორჩილებენ და თავის ყმობაში აქცევენ ყოფილ სახელმწიფო და სამეფო აზნაურებსა და ყმა-გლეხებს. ეს მთავრები და თავადები მეფის ძლიერი ხელისუფლების წინააღმდეგნი არიან, ამიტომ ხალხით უკერენ მხარს ერთიანი საქართველოს მეფის წინააღმდეგ მებრძოლი ქვეყნის ცალკეულ კუთხეებში დამკვიდრებულ „მცირე მეფეებს“ თუ „დიდ მთავრებს“. ყოველივე ეს ხელს უწყობდა ერთიანი საქართველოს დაშლას სამეფო-სამთავროებად.

**4. საქართველოს დაშლა სამეფო-სამთავროებად.** ერთიანი საქართველოს უკანასკნელი მეფე იყო ალექსანდრე დიდის ვაჟიშვილი გიორგი VIII (1446 — 1466 წწ.). გიორგი VIII-ს თავდაპირველად აუჯანყდა სამცხის მთავარი ყვარყვარე, შემდეგ განუდგა იმერეთის ერისთავი ბაგრატ II, რომელმაც იგი დაამარცხა ჩიხორთან ბრძოლაში (1463 წ.). მეფეს ყველაზე დიდი მარცხი მოუვიდა ფარავნის ტბასთან, 1465 წელს. სადაც გამარჯვებულმა სამცხის მთავარმა ყვარყვარემ თვითონ მეფეც კი დაატყვევა. ამის შემდეგ სამცხე საბოლოოდ გამოეყო ერთიან საქართველოს და დამოუკიდებელ სამთავროდ იქცა. საქართველოს დანარჩენ ნაწილში კი თანდათან ჩამოყალიბდა ქართლის, კახეთისა და იმერეთის სამეფოები. ასევე დას. საქართველოს ტერიტორიაზე გაძლიერდნენ სამეგრელო-ფხოვეთისა და გურიის სამთავროები, რომლებიც იმერეთის მეფეს ნაკლებადლა ემორჩილებოდნენ.


ფარავნის ბრძოლის შემდეგ მოვლენები ასე განვითარდა: გიორგი VIII-ის დატყვევებით ისარგებლა იმერეთის ერისთავთ-ერისთავმა ბაგრატ გიორგის ძემ (იგი ალექსანდრე დიდის ძმის შვილი იყო), ქართლი დაიკავა და თავი საქართველოს მეფედ გამოაცხადა. ამის შემდეგ ყვარყვარემ გაანთავისუფლა გიორგი მეფე, მაგრამ ქართლის თავადებმა მას მხარი არ დაუჭირეს და ისიც იძულებული გახდა კახეთში გადასულიყო. კახეთი კი ამასობაში ცალკე სამთავროდ გამოყოფილიყო და იქ ადგილობრივი წარჩინებულები და ერისთავები თვითნებობდნენ. გიორგი მეფემ კახეთის წვრილ ფეოდალებზე დაყრდნობით ხანგრძლივი ბრძოლის შემდეგ შეძლო აქაური ძლიერი ფეოდალების დამარცხება და იქ გამეფება. ამრიგად, საბო-

ლოდ ერთიანი საქართველოს ყოფილ მეფეს მხოლოდ კახეთია შერჩა სამეფოდ.

ქართლსა და იმერეთში ჭერ ბაგრატი მეფობდა, ხოლო 1478 წლიდან, როდესაც იგი გარდაიცვალა, ქართლში გამეფდა კონსტანტინე დიმიტრის ძე, ალექსანდრე დიდის შვილიშვილი. რომელმაც სათავე დაუდო ქართლის ცალკე სამეფო დინასტიას. ცოტა უფრო გვიან ამერეთის სამეფო ტახტი დაიკავა ალექსანდრე ბაგრატის ძემ, ასევე იმერეთის სამეფო დინასტიის ფუძემდებელმა. სამცხის სამთავროს სათავეში ჩაყვლითა საგვარეულო იდგა.

ამრიგად, მე-15 საუკუნის ბოლოსათვის ერთიანი საქართველოს მაგივრად სამი სამეფო — ქართლის, იმერეთისა და კახეთის და სამცხის დამოუკიდებელი სამთავრო წარმოიქმნა. საქართველოს ერთიანი ფეოდალური სახელმწიფოს დაშლა სამეფო-სამთავროებად გამოწვეული იყო ქვეყნის ეკონომიკური საფუძვლების მოშლით, სათავადოთა სისტემის აღმოცენებით, მეფის ხელისუფლების პოლიტიკური ძალაუფლების შესუსტებით. შექმნილი ის-

19. საქართველოს დამლა სამეფო-სამთავროებად



ტორიული პირობების გამო საქართველოში ვერ ჩამოყალიბდა ის სოციალური ძალა, რომელსაც ერთიანი ქვეყნის მეფის ხელისუფლება მყარად დაეყრდნობოდა და რომელიც ქვეყანას პროგრესული განვითარების გზით წაიყვანდა.

### კითხვები და დავალებები

1. როგორი მეთოდებით ცდილობდა თემურ-ლენგი დაპყრობილი ხალხების დამორჩილებას? 2. რუსეთის ისტორიიდან გაიხსენეთ რუსი ხალხის გამარჯვება კულეკოვის ველზე და შემდეგ თოხთამიშ-ხანის თავდასხმა მოსკოვზე. 3. ქრონოლოგიურად დაუკავშირეთ ერთმანეთს რუსეთში და საქართველოში განვითარებული მოვლენები. 4. დაახასიათეთ საქართველოს წინააღმდეგ თემურ-ლენგის ბრძოლების მეთოდები და მისი შედეგები. 5. რა იყო სამეფო-სამთავრობად საქართველოს დამსლის მიზეზები?

### დ მ კ უ მ ე ნ ტ ე ბ ი

1. „ქართლის ცხოვრება“ თემურ-ლენგის მიერ შიდა ქართლის განადგურების შესახებ

„ხოლო უსჯულოთა მათ მოვლეს გარემონი მათ ადგილთანი, და წარტყუნნეს<sup>1</sup> ყოველნივე. და ამისსა შემდგომად წარვიდეს და მიიწვივნნეს<sup>2</sup> რუისს<sup>3</sup> და დაიბანაკეს მუნ. მოიცივეს სრულიად შიდა ქართლი, დაწვეს და ააოხრეს, და მოვლნეს ყოველნი არენი და სანახებნი შიდა ქართლისანი, და აღილეს ციხენი, გოდოლნი<sup>4</sup> და სიმაგრენი ყოველნივე თეინიერ<sup>5</sup> მთისა კაკასიისა. მაშინ ძირითურთ აღმოფხვრეს<sup>6</sup> დიდი ეკლესია იგი რუისისა, რომელ არს საყდარი ღვთაებისა, ვიდრე საფუძვლითურთ დაარღვიეს და არა-სადა დაშთა<sup>7</sup> დაბანი და შენობანი მათ მიერ წარტყუნველად“.

წარწერა რუისის ტაძრის კარიბჭის თავზე მეფე ალექსანდრე I-ის მიერ ამ ტაძრის აღდგენის შესახებ

„ზე აღიღენ ღმერთმან მეფეთა-მეფობა დიდისა ალექსანდრესი, რომლისა მიერ კვალად<sup>8</sup> აღეშენა საყდარი ესე. აღიღე ღმერთმან და სული მათი კურთხეულ ყავნ“.

2. 1400 წელს სომეხი მწერლის, გრიგოლის მიერ გადაწერილი წიგნის მინაწერი თემურ-ლენგის საქართველოში ამ წლის ლაშქრობის შესახებ:

„და მოვიდა (თემურ-ლენგი) ქართველთა ქვეყანაში და იმყოფებოდა იქ შემოდგომიდან ვიდრე ზაფხულამდე, 7 თვე, მეტი და არა ნაკლები. დაიპყრა მრავალი ციხე-სიმაგრე; ბევრი მათგანი (ქართველთაგან) ამოწყვიტა, თითქმის ყველა მამაკაცი ამოყლიტა, ხოლო მათი ცოლები და ვაჟები ურიცხვი და უთვალავი რაოდენობით ტყვედ წაასხა... არც ქალებს იბრალეზდნენ და არც ყრმებს ინდობდნენ. არც სწულთ ეპყრობოდნენ

1 გაანადგურეს. 2 მივიდნენ. 3 სოფ. რუისი მდებარეობს ქ. გორის დასავლეთით. აქ არის X — XI სს. აგებული ტაძარი, რომელიც საეპისკოპოსო კათედრალს წარმოადგენდა. იგი დაანგრია თემურ-ლენგმა და შემდეგ აღადგინა მეფე ალექსანდრე დიდმა. 4 კოშკი. 5 გარდა. 6 დაანგრიეს. 7 დარჩა. 8 კვლავ, ხელახლა.



გულმოწყალედ. არც გაქირვებას უყურებდნენ. არც კალარას სცემდნენ პატივს. ჩვილ ბავშვებსაც კი არ იბრალებდნენ. არამედ უმოწყალოდ ქვეითად მიერაყებოდნენ შიშველ-ტიტვლებს, ფესშიშველებს და თავშიშველებს. ხოლო რომელთაც არ შეეძლოთ სვლა. ქეებით ხოცავდნენ. თვით კი მიდიოდნენ. ამ გულსაკლავი ამბების მომსწრენი მთებს ეუბნებოდნენ - დაგვეცენით თავს, ბორცვებს კი -- დაგვეფარეთ ჩვენო“.

### 3. ნაწყვეტი მეფე ალექსანდრე დიდის სიგელიდან

„ქორონიკონსა: რა: მეფედ დავჯედ, იყო მაშინ ყოველი საქართველო უსჯულოსა თემურისაგან აოხრებულ და ქართლი უნუგეშისისცემოდ განსრული დაგვიხუდა, ესრეთ რომელ უსჯულო იგი შემოვიდა საქართველოს... ტფილისით ციხითა მეფე ბაგრატ და დედოფალი ანნა გამოასხნეს<sup>1</sup>; დაატყუევეს და მრავალი სული მოესრა<sup>2</sup>, და თავად დედაქალაქი მცხეთა და რაოდენნი საქართველოსა საყდარნი და ეკლესიანი და ციხენი იყუნეს. ყოველნი დაექცივნეს და სრულიად საქართველო ტყუე ექმნეს და ჩუენის მეფობისა დაქირვადმდე მუდამი ტყევეა და რბევა იყო საქართველოსა. და მოოხრდა და იავარ იქმნა და ყოვლადე ძალი და ნუგეშისისცემა არსით ჰქონდა... (მე. მეფემან ალექსანდრე) ვიწყე ბრძოლად უსჯულოთა და განეასხნე<sup>3</sup> მზღუართაგან ჩუენთა და ქრისტიანენი ფრიადსა მშვიდობასა და მყუდროებასა მიეცნეს. და ვითარ ჩუენგან სათანადო იყო. ეგრეთ ვინებე და ვიგულისმოდგინე ყოველთავე საქართველოსა ციხეთა და საყდართა აღშენებად... რაოდენნი საქართველოსა ციხენი, საყდარნი და მონასტერნი არიან ყოველნივე სრულიად ახლად აღვაშენენ და შევაძკუნენ“.

### დავალება

პირველწყაროებში მოტანილი ცნობების მიხედვით უფრო სრულად გადმოეცით თემურ-ლენგის მიერ საქართველოს განადგურების სურათი.

4. „ქართლის ცხოვრების“ გაგრძელება XV ს. საქართველოს საშინაო ვითარების შესახებ

„აქა არღარა იცვალებოდა<sup>4</sup> ერისთავნი და არცა თავადნი. ყოველნივე ხეცა და სანახებესა და თემთა და ადგილთა მკვიდრ ქმნილიყუნენ<sup>5</sup>, და, ვისცა მამულს მისცემდა, მკვიდრად მიეცემოდა. და ყოველნივე ძლიერ იყუნეს: მთავარნი, ერისთავნი და თავადნი“.

### კითხვა და დავალება

1. „ქართლის ცხოვრებისა“ და კვინკლოსური მინაწერის ცნობა, როგორ ასახავს დიდებულ ფეოდალთა გაძლიერებას და საქართველოს მიწის ხელისუფლების შესუსტებას? 2. გამოიხატარიმეთ, ჩუენი წელთაღრიცხვის რომელ წელს უდრის სიგელში მოტანილი ქორონიკონული დათარიღება? (ქართული ქორონიკონის განმარტება იხ. § 14-ში).

<sup>1</sup> გამოიყვანეს. <sup>2</sup> დაეხოცა. <sup>3</sup> გავდევნე. <sup>4</sup> შეიცვალებოდა. <sup>5</sup> მემკვიდრეობითი მფლობელნი გამსდარიყუნენ. <sup>6</sup> მემკვიდრეობით სამფლობელოდ, საშვილიშვილოდ.



VII ტ ა ვ ი

## საქართველო XVI — XVIII საუკუნის I ნახევარში

§ 24. კართველი ხალხის გრძელად უცხოელ დამპყრობთა წინააღმდეგ XV საუკუნის ბოლოს და XVI საუკუნის პირველ ნახევარში

1. ცვლილებები საქართველოს საგარეო-პოლიტიკურ მდგომარეობაში. XV საუკუნის ბოლოს სამეფო-სამთავროებად დაშლილი საქართველო მეტად მძიმე საგარეო-პოლიტიკურ პირობებში მოექცა. დასავლეთიდან მას გაუემეზობლდა თურქ-ოსმალთა უძლიერესი აგრესიული სახელმწიფო. ოსმალებმა ხანგრძლივი ბრძოლების შემდეგ დაიპყრეს საქართველოს უძველესი მეზობელი ქრისტიანული ქვეყანა — ბიზანტიის იმპერია. 1453 წ. მათ აიღეს მისი დედაქალაქი კონსტანტინოპოლი და გადაკეტეს დასავლეთის ქვეყნებთან დამაკავშირებელი საზღვაო გზა. მათ თანდათან დაიკავეს სამხრეთი და ჩრდილოეთი შავიზღვისპირეთი და საქართველოს საზღვრებს ორივე მხრიდან მიუახლოვდნენ. საქართველო საბოლოოდ მოწყდა დასავლეთ ევროპას და ოსმალთა ბარბაროსული სახელმწიფოს მარწუხებში მოექცა.

არც სამხრეთ-აღმოსავლეთით იყო უკეთესი ვითარება. თემურლენგის იმპერიის გადაშენების შემდეგ ირანის ტერიტორიაზე ჩამოყალიბდა რამდენიმე თურქმანული სახელმწიფო (შ ა ვ ბ ა ტ კ ნ ი ა ნ თ ა, თ ე თ რ ბ ა ტ კ ნ ი ა ნ თ ა<sup>1</sup>, უფრო გვიან — ყ ი ზ ი ლ ბ ა შ თ ა<sup>2</sup>). ესენი საქართველოს დასარბევად და დასაპყრობად უყურებდნენ. XV საუკუნის ბოლოს გაძლიერდა თეთრბატკნიანთა თურქმანული სახელმწიფო, რომელმაც თითქმის მთელი ირანი მოიკვა და საქართველოს წინააღმდეგაც დაიწყო აგრესიული შემოტევა. მისი მბრძანებლები: უ ზ უ ნ - ჰ ა ს ა ნ ი, ი ა ყ უ ბ - ყ ა ე ნ ი არაერთხელ შემოიჭრნენ საქართველოში და სასტიკად დაარბიეს მშვიდობიანი სოფლები და ქალაქები. სამეფო-სამთავ-

<sup>1</sup> თურქულად „ყარაყონღლუ“, „აღყოინღლუ“ — ასე უწოდებდნენ თურქმანი მომთაბარე-მესაქონლე ტომები თავიანთ თავს.

<sup>2</sup> განმარტება იხილეთ ქვემოთ.

როებად დაშლილ საქართველოს, რა თქმა უნდა, უფრო მეტად უჭირდა ამ უძლიერესი აგრესორების წინააღმდეგ ბრძოლა.

2. კახეთის სამეფო XV საუკუნის ბოლოს და ურთიერთობა რუსეთთან. კახეთის პირველი მეფე იყო ერთიანი საქართველოს უკანასკნელი მეფე გიორგი VIII. კახეთის დასაკავებლად მას დიდი ბრძოლების გადატანა მოუხდა ადგილობრივ დიდებულ აზნაურებთან. მათი წინააღმდეგობის დაძლევის შემდეგ იგი აქ თავისი ხელისუფლების განმტკიცებას შეუდგა და მთელი რიგი სახელმწიფოებრივი ღონისძიებანი გაატარა: გააუქმა საერისთავოები და მათ მაგივრად ქვეყანა (სამმართველოდ) უფრო წვრილ ერთეულებად — სამოურაოებად დაყო. სამხედრო თვალსაზრისით კახეთი ოთხ სადროზოდ დანაწილდა, თითოეული სადროზოს სათავეშიც გიორგი მეფემ საერო ფეოდალები კი არ ჩააყენა, როგორც ქართლსა და იმერეთში იყო, არამედ საეკლესიო ხელისუფალნი — ეპისკოპოსები. ეპისკოპოსები მეფეს უფრო მორჩილებდნენ, ვიდრე ძლიერი საერო ფეოდალები — თავადები; ამავდროს ეპისკოპოსობა, როგორც წესი, მემკვიდრეობით არ გადადიოდა და მეფეს შეეძლო თავისი შეხედულებისამებრ დაენიშნა ან გადაეყენებინა ესა თუ ის პირი. ამ ღონისძიებებმა კახეთში მეფის ხელისუფლება შესამჩნევად გააძლიერა და ხელი შეუშალა აქ ნახევრად დამოუკიდებელი, ძლიერი საფეოდალოების — სათავადოების ჩამოყალიბებას (იხ. დოკ. 1).

საგარეო პოლიტიკაშიც გიორგი მეფე და მისი მემკვიდრეები ქართლისაგან განსხვავებულ გზას დაადგნენ. ისინი ცდილობდნენ მოხერხებული დიპლომატიით, ფორმალური ყმობით, ხარკ-მისართმეველებით და სხვა საშუალებებით თავიდან აეცილებინათ დამპყრობლების შემოსევა. ამავდროს, კახეთი პირველი ქართული ქვეყანა იყო, რომელმაც დიპლომატიური ურთიერთობა დაამყარა რუსეთის სახელმწიფოსთან.

XV საუკუნის ბოლოს რუსეთი საბოლოოდ განთავისუფლდა თათარ-მონღოლთა ბატონობისაგან და განუხრელად დაადგა აღმავალი განვითარების გზას. მისი დიპლომატები თუ ვაჭრები უკვე საქართველოს მეზობელ შარვანშიც გამოჩნდნენ. 1483 წელს კახეთის მეფე ალექსანდრე გიორგის ძემ (1476 — 1511 წწ.) რუსეთში თავისი პირველი ელჩობა მიავიღა, რომელმაც მოსკოვის დიდ მთავარ ივანე მესამეს საგანგებო წერილი გადასცა (იხ. დოკ. 2). მალე მოსკოვში კახეთის მეორე ელჩობაც ჩავიდა (1491 წ.). ამით საფუძველი ჩაეყარა რუსეთ-საქართველოს პოლიტიკურ ურთიერთობას, რომელიც განსაკუთრებით ნაყოფიერად განვითარდა შემდგომ საუკუნეებში.

მოსკოვის დიდ მთავარი ივანე III.



8. ქართლის სამეფო XV საუკუნის ბოლოს და XVI საუკუნის დასაწყისში. ქართლის სამეფო კარი ერთხანს კიდევ ცდილობდა საქართველოს გაერთიანებას, მაგრამ მეფე კონსტანტინე დიმიტრის ძე (1479 — 1505 წწ.) საბოლოოდ დარწმუნდა ამ საქმის შეუძლებლობაში. მის მემკვიდრეს დავით X-ეს (1505 — 1525 წწ.) ერთგვარი ხელსაყრელი პირობებიც კი შეექმნა კახეთის შემოსაერთებლად, როდესაც მან დაატყვევა კახეთის მეფე ავ-გიორგი, მაგრამ ვერც მის დროს განხორციელდა ქართლ-კახეთის კვლავ ერთ სამეფოდ გაერთიანება. ამის მიზეზი იყო, ერთი მხრით, ქართლის თავადების წინააღმდეგობა-ლაღატი დაამეორე მხრით, საგარეო გართულებანი. თავადები, როგორც ვიცით, არ იყვნენ დაინტერესებულნი, რომ კვლავ გაძლიერებულიყო საქართველოს მეფის ხელისუფლება, ამიტომ პირდაპირ თუ არაპირდაპირ ყოველთვის ეწინააღმდეგებოდნენ სამეფო კარის პროგრესულ ღონისძიებებს, პირველ რიგში, საქართველოს კვლავ გაერთიანების საქმეს. საქართველოს მეზობელი მაკმადიანური ქვეყნებიც სარგებლობდნენ ქვეყნის ასეთი შინაგანი გათიშულობით და აძლიერებდნენ აგრესიას განცალკევებული ქართული სამეფო-სამთავროების საბოლოოდ დასაპყრობად.

XVI საუკუნის დასაწყისში ირანის ტერიტორიაზე, თეთრბატანიან თურქმანთა სახელმწიფოს ნანგრევებზე ახალი, კიდევ უფრო ძლიერი და აგრესიული — ყიზილბაშთა<sup>1</sup> სახელმწიფო ჩამოყალიბდა. ამ სახელმწიფოს სათავეში სეფიანთა დინასტია იდგა, რომელიც ყიზილბაშთა თურქმანული ტომების სამხედრო ძალას ემყარებოდა. პირველი სეფიანი შაჰი ისმაილი იყო, რომელმაც არაერთხელ ილაშქრა ქართლის წინააღმდეგ. განსაკუთრებით გააძლიერეს სეფიანებმა შემოტევა შაჰ-თამაზ I-ის დროს, როდესაც ქართლში დავითის მემკვიდრე ლუარსაბი (1527 — 1556 წწ.) მეფობდა.

4. ქართველი ხალხის ბრძოლა დამოუკიდებლობისათვის ლუარსაბ I-ის მეთაურობით. ლუარსაბ I დიდი პატრიოტი იყო. იგი თითქმის 30 წლის განმავლობაში სათავეში ედგა ქართველი ხალხის თავდადებულ ბრძოლას დამოუკიდებლობისათვის უძლიერესი დამპყრობლების წინააღმდეგ. მის დროს შაჰ-თამაზმა პირადად ოთხჯერ ილაშქრა, მაგრამ ვერ იქნა და ვერ მოახრევეს ქედი და ვერც სულიერად გატეხა ეს გმირი მეფე. ლუარსაბ I მეზობელ სამეფო-სამთავროებსაც ეხმარებოდა და თავისი შეურიგებელი ბრძო-

<sup>1</sup> ყიზილბაშთა თურქულად წითელთავს ნიშნავს. ამ ტომების წარმომადგენლები ატარებდნენ წითელსარკველიან თავსაბურავს, რის გამოც მათ ასეთი სახელი შეარქვეს. ყიზილბაშები მომთაბარე მესაქონლეობას მისდევდნენ და ძლიერი მემორები იყვნენ.



...იდევეს დაიბრდებინა ალგუს ლეკები მგლისანი. ქართული ხალხური ლექსის ეს შესანიშნავი სტრიქონები უწოდა თავის სეულტურულ კომპოზიციას მოქანდაკე მეობ ბერძენიშვილმა, რომელიც აღმართულია ალგეთის ხეობაში დღევანდელ დაბა მარნეულთან. აქ წარმოებდა ქართული ხალხის თავდადებული ბრძოლები თურქმენი მოძალადეების წინააღმდეგ თავისუფლებისა და დამოუკიდებლობისათვის.


ლით მტერს არ აძლევდა საშუალებას საქართველოს ამა თუ იმ ნაწილში ფეხი მოეცილებინა. აი, როგორ ათვისებდა მის დამსახურებას ძველი ქართველი ისტორიკოსი: „უკეთუმცა (ე.ი. თუკი) მეფესა ლუარსაბს ესოდენი ბრძოლა არ ექმნა, ახლამცა საქართველო ქმნილიყო სრულ სარკინოზ<sup>1</sup> და რაოდენიცა დღეს სახელნი არიან საქართველოსანი, ყოველნივე ხმლისაგან მისისაგან არიან“. ქართლის ასეთ თავდადებულ და შეუტირებელ ბრძოლას უდიდესი მნიშვნელობა ჰქონდა არა მარტო ქართლის დამოუკიდებლობის შენარჩუნებისათვის, არამედ მთელი საქართველოსათვის. ამიტომ იყო, რომ ქართველმა ხალხმა დიდი სიყვარულით შეინახა ქვეყნისათვის თავდადებული მეფის სახელი (იხ. დოკ. 3).

ლუარსაბ მეფე მოხერხებულად სარგებლობდა ირანსა და ოსმალეთს შორის ატეხილი ომით და არც ერთ მათგანს თავის ქვეყანაში ფეხის მოკიდების საშუალებას არ აძლევდა. 1555 წ. დაიდო ზავი ირანსა და ოსმალეთს შორის. ირანმა აღმოსავლეთ საქართველო თავისთვის ირგუნა და უფრო მეტის დაეინებით დაიწყო ბრძოლა ქართლის საბოლოოდ დასამორჩილებლად. 1556 წ. მან ყარაბაღის ბეგლარბეგი დიდი ჯარით გამოგზავნა საქართველოში. ქართველთა ჯარი მას ქვემო ქართლში სოფ. გ ა რ ი ს თ ა ნ დახვდა. ლუარსაბ მეფე ამ დროს უკვე ხანდაზმული იყო და ამიტომ სარდლობა თავის ვაჟიშვილს ს ი მ ო ნ ს ჩააბარა, თვითონ კი სხვა მოხუც დარბაისლებთან და მღვდელმთაგრებთან ერთად ერთ-ერთ გორაკზე დაბანაკდა და ბრძოლის მსვლელობას ადევნებდა თვალყურს. სიმონის მეთაურობით ქართველმა მხედრებმა თავდადებით შეუტიეს მტერს და სასტიკად დაამარცხეს. უკუქცეული ყიზილბაშების ერთ-ერთი ცხენოსანი რაზმი ტყეს შეეფარა და აქედან გაქცევას აპირებდა, რომ შემთხვევით გადააწყდა გორაკზე დაბანაკებულ მეფე. ლუარსაბს და მის ამაღას. მოხუცები არ შედრკნენ და მტრის ამ რაზმთან ბრძოლაში გულადად ჩაებნენ. გმირობის მაგალითს თვითონ მეფე ლუარსაბი იძლეოდა. მას იარაღი სულ მთლად შემოემტვრა, მაგრამ ბრძოლის ველი მაინც არ დატოვა და თავისი ცხენი ყიზილბაშთა რაზმის მეთაურის ცხენს დაატაკა და გადათელა. მოულოდნელად მის ცხენსაც ფეხი ორმოში ჩაუვარდა და წაიქცა. ცხენწაქცეული მეფე ყიზილბაშებმა სასიკვდილოდ დაჭრეს. ამასობაში სიმონ ბატონიშვილიც გამოჩნდა ქართველთა ჯარით და ყიზილბაშთა ეს რაზმი მთლიანად გაანადგურა, მაგრამ გამარჯვების სიხარულს გმირი მეფის ტრაგიკული დაღუპვა ანელებდა. როგორც ვაღმომოგვემენ, ლუარსაბ

<sup>1</sup>ს ა რ კ ი ნ ო ზ ი — მაჰმადიანი.

მეფეს სიკედილის წინ უთქვამს: ჩემს გლოვას დაეხსენით და ქვეყნის შენახვას გაუფრთხილდითო. მეფე ლუარსაბი დიდი პატივით მცხეთაში დაკრძალეს.

5. იმერეთის სამეფო და სამცხე-საათაბაგო XVI საუკუნის პირველ ნახევარში. თურქ-ოსმალთაგან დაპყრობის საფრთხე პირველ რიგში სამცხესა და დასავლეთ საქართველოს დაემუქრა. სამცხის მთავრების წინდაუხედავი მოქმედების გამო ისინი საქართველოს წინააღმდეგ მტრის აგრესიის იარაღად იქცნენ. უკვე ყვარყვარე ათაბაგის მემკვიდრე მ ხ ე ქ ა ბ უ კ ი ს დროს, 1510 წ. ოსმალები სამცხის გზით იმერეთს თავს დაესხნენ. სამცხის მთავარმა მათ დაუბრკოლებლად მისცა გზა თავის სამთავროზე. რა თქმა უნდა, ასეთი პოლიტიკა არა მარტო იმერეთს, არამედ თვით სამცხესაც საფრთხეს უქმნიდა. ოსმალები იმერეთს ჩრდილოეთ შავიზღვისპირეთიდანაც უახლოვდებოდნენ. აქ მათი გავლენის ქვეშ მოექცა ჩ ი ქ თ ა აფხაზური ტომი. ყოველივე ამას კარგად ითვისებდა იმერეთის ახალგაზრდა მეფე ბ ა გ რ ა ტ ა ლ ე ქ ს ა ნ დ რ ე ს ძ ე (1510 — 1565 წწ.) და ოსმალთათვის ორივე მხრიდან გზის გადაკეტვას შეეცადა. მისი თაოსნობით ჩიქეთზე ილაშქრეს სამეგრელოს და გურიის მთავრებმა, მაგრამ ეს ლაშქრობა მარცხით დამთავრდა. ამის შემდეგ იმერეთის მეფემ სამცხეს მიიპყრო ყურადღება. 1535 წელს მან სამცხე დალაშქრა, სამცხის მთავარი ყ ვ ა რ ყ ვ ა რ ე II დაატყვევა და სამთავრო თავის სამფლობელოს უშუალოდ შემოუერთა.



გელათის ტაძრის ფრესკაზე. რომელიც შესრულებულია XVI საუკუნეში. წარმოდგენილი არიან (მარჯვიდან მარცხნივ) იმერეთის მეფე ბაგრატ ალექსანდრეს ძე, დედოფალი ელენე, მეფე გიორგი, დედოფალი რუსუდანი და მათი ძე ბაგრატო.

სამცხის მოღალატე თავადებმა, ოთარ შალიკაშვილის მეთაურობით, ოსმალეთს მიმართეს დახმარების თხოვნით. ოსმალთა სულთანმა, როგორც კი მოიცალა, გამოგზავნა ჯარი იმერეთის წინააღმდეგ, მაგრამ ბაგრატ მეფემ ეს ჯარი მთლიანად გაანადგურა.

1545 წ. ოსმალეთის სულთნის ბრძანებით არზრუმისა და დიარბექირის ფაშები დიდი ჯარით დაიძრნენ საქართველოს წინააღმდეგ. ბაგრატის დასახმარებლად გამოემართა ლუარსაბ მეფეც. სამეგრელოს მთავარმა ლევან დადიანმა ამ საერთო საქმეს უღალატა და იმერეთის მეფეს დახმარებაზე უარი შემოუთვალა. ამას დაემატა მესხი აზნაურების ლალატიც. ასე რომ, შინაურმა ლალატმა და მტრის რიცხოვრებმა უპირატესობამ ბრძოლის ბედი გადაწყვიტა. სოხოისტას<sup>1</sup> ველზე გამართულ ბრძოლაში საქართველოს თავდადებული მეფეები — ბაგრატი და ლუარსაბი დამარცხდნენ. სამცხის დიდი ნაწილი ოსმალებმა დაიკავეს.

სამცხეში განცილები მარცხის შემდეგ მეფე ბაგრატმა გადაწყვიტა მტკიცე ხელით დაემორჩილებინა დასავლეთ საქართველოს მთავრები, რომლებიც მის უზენაესობას მხოლოდ ფორმალურად ცნობდნენ. განსაკუთრებით ურჩობდა ოდიშის, ანუ სამეგრელოს მთავარი ლევან I დადიანი.

ოდიშის სამთავრო ამ დროს საკმაოდ ვრცელ ტერიტორიას მოიცავდა. საკუთრივ სამეგრელოს გარდა მასში აფხაზეთიც შედიოდა. ბაგრატ მეფემ დარბაზობაზე მოიწვია ლევან დადიანი და დააპატიმრებინა. ასევე სცადა გურიის მთავრის შეპყრობაც, მაგრამ გურიელი მიუხვდა და თავი მთავრად. მალე იმერეთის თავადებმა შეპყრობილი ლევან დადიანიც გააპარეს და სამცხეში გადაიყვანეს. ამის შემდეგ გურიისა და ოდიშის მთავრები ფაქტობრივად გამოვიდნენ იმერეთის მეფის მორჩილებიდან.

დასავლეთ საქართველოს ფეოდალურმა დაქუცმაცებამ ოსმალეთს კიდევ უფრო გაუადვილა საქართველოზე შემოტევა. ოსმალების გავლენა განსაკუთრებით საქართველოს სამხრეთ და ჩრდილო-დასავლეთ ნაწილზე გავრცელდა. მათ თანდათანობით მიიტაცეს ჭანეთი, აჭარისა და სამცხის დასავლეთი ნაწილები, ასევე იწყეს შემოღწევა აფხაზეთში. აქ ძლიერდება, ერთი მხრით, მთის მოსახლეობის ჩამოწოლა და, მეორე მხრით, მაჰმადიანური სარწმუნოების გავრცელება. ამიტომ იყო, რომ ბაგრატ მეფემ დასავლეთ საქართველოს საეკლესიო ცენტრი,

<sup>1</sup> სოხოისტა ადგილია ბასიანში, ისტორიული საქართველოს უკიდურეს სამხრეთ-დასავლეთ ნაწილში.

კათალიკოსთა რეზიდენცია ბიჭვინთიდან გელათში გადაიტანა.

ოსმალთა წაქეზებით დასავლეთ საქართველოში ძლიერდება ტყვეის ყიდვა — ადგილობრივი მცხოვრებლების უცხოეთის ბაზარზე, უმთავრესად ოსმალეთში, მონებად გაყიდვა. ტყვეებს იტაცებდნენ და ოსმალთა ვაჭრებზე ჰყიდდნენ როგორც იმიერკავკასიელი მთიელები, ისე ადგილობრივი ფეოდალებიც. მთავრებისა და თავადების ურთიერთ მიხტომა და მოსახლეობის ტყვედ წაყვანა მთავრებობდა ათასობით ქართველის უცხოეთში გაყიდვით. ამ საშინელ სენს მეფე ბაგრატ I შეებრძოლა. მან მოიწვია საეკლესიო კრება, რომელმაც სასტიკად აკრძალა ტყვის ყიდვა. ყველა შენიშნული პირი მკაცრად უნდა დასჯილიყო. მაგრამ ეს დადგენილება მხოლოდ მის სიცოცხლეში თუ სრულდებოდა. მისი სიკვდილის შემდეგ იმერეთი ანარქიამ მოიცვა და იქ წესრიგის დაცვის არავითარი საშუალება აღარ იყო.

### კითხვები

1. როგორი იყო საქართველოს საგარეო-პოლიტიკური მდგომარეობა XV ს. მეორე ნახევარში? რომელი აგრესიული სახელმწიფოები წარმოიქმნა საქართველოს საზღვრების ახლოს? 2. რა ხასიათის სახელმწიფოებრივი ღონისძიებანი განხორციელდა კახეთში XV საუკუნის ბოლოს? რა მნიშვნელობა ჰქონდა მათ? 3. როდის გაგზავნეს კახეთიდან პირველი ელჩობა მოსკოვში და რა ვიცი თუ მის შესახებ? 4. რატომ ვუწოდებთ ამ პერიოდს ირანის სახელმწიფოს ყიზილბაშურს? 5. რა მნიშვნელობა ჰქონდა ლუარსაბ I-ის ბრძოლას ყიზილბაშური აგრესიის წინააღმდეგ. 6. რა იცით ამ პერიოდის დასავლეთ საქართველოსა და სამცხის სამთავროს შესახებ?

## დოკუმენტები

### 1. ისტორიკოსი ვახუშტი ბაგრატიონი XV საუკუნის ბოლოს კახეთში გატარებული სახელმწიფოებრივი ღონისძიების შესახებ

გიორგი მეფემ „მაშინ მოსპო ერისთავნი ჰერ-კახთა შინა და დასხნა მოურავნი დიდთა და მცირეთა ადგილთა, ვითარცა არიან დღემდე. მოურავნი ქისიყისა, წუქეთისა, დიდოეთისა, თიანეთისა, ჭიაურისა, შილდაყვარელისა, მარტყოფისა, გრემისა, პანკისისა და სხუანიცა. და განჰყო ოთხ სადროშოდ, და მისცა დროშანი ეპისკოპოსთა, რათა არა განიმკვიდრონ მთავართა და დაიპყრან შეუცვალებლად, და ამით ერთგულ ყვნა მრავალნი.

კვალად ჰყო ალავერდელი ეპისკოპოსად, რამეთუ იყო აქამომდე ამბა<sup>1</sup> და მონასტერი და მისცა სამწყსო და ხარისხი თავ კახთა ეპისკოპოს-

<sup>1</sup> მონასტრის წინამძღვარი.



თა. კუალად ჰყო გრემი ქალაქი და ტახტი ჰერ-კახთა და შენობა დიდი... არა მისცა მთავართა ძალი, არამედ თვით დაიპყრა“.

## დავალებები და კითხვა

სსრ კავშირის ისტორიიდან გაიხსენეთ რუსეთის მდგომარეობა XV საუკუნის უკანასკნელი მეოთხედისათვის. ძველი ისტორიკოსის თხზულებიდან შოტანილი ადგილის მიხედვით უფრო სრულად გადმოეცით გიორგი მეფის მიერ კახეთში გატარებული რეფორმები და შეუდარეთ კახეთის საშინაო მდგომარეობა საქართველოს სხვა ნაწილების საშინაო ვითარებას რა მნიშვნელოვანი მოვლენები უსწრებდა წინ კახეთიდან რუსეთში ელჩობის გაგზავნას?

2. კახეთის მეფის ალექსანდრე გიორგის ძის წერილი მოსკოვის დიდი მთავრის ივანე III-სადმი გაგზავნილი 1483 წ. თარგმანი ძველი რუსულიდან

„დიდ მეფეს და ბატონს, დიდ მთავარს მდაბალი თაყვანისცემა. უწყებულ იყავ, რომ შორეული ქვეყნიდან, მაგრამ აზრით ახლო მყოფი მდაბალი ყმა შენი ალექსანდრე სალამს მოგიძღვნი, ბრმათათვის სინათლევ, ლაქეარდოვან ცის ვარსკვლავო, ქრისტიანების იმედო, ჩვენი სარწმუნოების ბურჯო, ყოვლად ბრწყინვალე ხელმწიფევე, ყველა ხელმწიფეთა თემესაფარო, ყველა ხელმწიფეთათვის კანონო, ლატაკთა დასაყრდენო და მუსლიმანთათვისაც კი იმედო, კუთვნილ ქვეყნის მრისხანე ხელმწიფევე, ყოველ მთავართა მართლმსაჯულო, ყველა მთავართა უზუნაესო მთავარო, ქვეყნის მყუდროებავ, წმ. ნიკოლოზისთვის აღთქმის მიმცემო, კეთილმოხილ ხელმწიფეთა ლოცვითა და ბედნიერებით ჩვენ აქ ივერთა ქვეყანაში ჩანსალად ვართ, თქვენს ჩანსალად ყოფნასაც რომ გავიგონებდეთ ღვთის მადლით. და კიდევ გეუწყოს — მრავალი თაყვანისცემით თქვენს კარზე წარმომივლენია ნარიმანი, დამიანე და მათთან ერთად ხოზე მარუმი შაქელი, თქვენი ჩანმრთელობის გასაგებად. ღმერთმა ბედნიერი ჰყოს ჩვენი ელჩობა. ღმერთმა ქნას მუდამ ბედნიერად ყოფილიყო, თქვენი ყმობის უღირსი ალექსანდრე, ხოლო დაიწერა ოთხმოცდათერთმეტსა წელსა<sup>1</sup>. იანვარში“.

<sup>1</sup> 91 წელი არის შემოკლებით გადმოცემული 6991 წელი. ძველ რუსეთში (პეტრე I-ის რეფორმებამდე) მიღებული იყო წელთაღრიცხვა ე. წ. ქვეყნიერების გაჩენიდან, რაც მათი წარმოდგენით ქრისტეს დაბადებამდე (ე. ი. ჩვენს წელთაღრიცხვამდე) 5508 წლიდან იწყებოდა. ამიტომ ჩვენს წელთაღრიცხვაზე გადმოსაყვანად რუსული წყაროების დათარიღებას უნდა გამოაყლდეს 5508 წ. ჩვენს შემთხვევაში 6991—5508=1483 წ.

### 3. ნაწევრები XVII საუკუნის ქართველი ისტორიკოსის ფარსადან გორგიჯანიძის თხზულებიდან

„საქართველო თავად ცოტა<sup>1</sup> იყო და მერმე მრავლად გაყოფილი და ერთმანეთის ურჩინი და ქიშპნი მტერნი, ერთმანეთის მარბევნი და მაწყინარნი... ამისთვის იქით ურუმნი<sup>2</sup> არბევდნენ და აქეთ ყიზილბაშნი და ამისათვის ორს დიდ ხელმწიფებს შუაში ბევრს ეცადნეს. აქეთ იქნიეს ხმალი და იქით და მრავალი ნაენები<sup>3</sup> ქნეს. მაგრამ არ იქნა და ვერცა თავს გაუვიდნენ. ხონთქარმა<sup>4</sup> და ყაენმა<sup>5</sup> საქართველო შუა გაიყვეს. სამცხე და ქართლი და კახეთი -- ყაენსა, იმერეთი, ოდიში და აფხაზეთი გურია და ლაზის ქვეყანა — ხონთქარსა. ამ გაყოფას სრულ საქართველოს ბატონები დასჯერდეს, მაგრამ მეფე ლუარსაბ არ სჯერიყო და კიდევ თავილობდა...

ლუარსაბ მეფე მამაცობაზედ ნაქებია ყოველს საქართველოს მეფეთა და თავადთ ზედან, ძველით ასლ. იამდისინ. თავად კარგი სარდალი იყო და მერე გულოვანი, უხვი და უშურველი, მსმეველ-მჭმვეელი, სამართლიანი ყმა მორჩილი, ცხენოსან-ცეროსანი, ოში კობტა და უშიშარი, მაგარი ქრისტიანი. ურუმთა და ყიზილბაშთა ნამეტნავად მისგან ეშინოდათ. მეზობელნი ვითაც ყმანი ემსახურებოდნენ და თვითონ სხვათა ყმობის თქმა არ იკადრა“.

### დავლება და კითხვები

1. დაახასიათეთ ლუარსაბ პირველის პიროვნება. 2. რა ვითარებაში უხდებოდა მოღვაწეობა? 3. რით დამსახურა ესოდენ დიდი პატივისცემა და სიყვარული მის თანამედროვე და მომდევნო ხანის ქართულ საზოგადოებაში.

### § 26. საპარტველო XVI საუკუნის მეორე ნახევარსა და XVII საუკუნის დასაწყისში

1. **სიმონ პირველი.** XVI საუკუნის მეორე ნახევრიდან ქართველი ხალხის ბრძოლებს ყიზილბაშური აგრესიის წინააღმდეგ სათავეში უდგას ქართლის მეფე სიმონ პირველი (1556 — 1600 წწ.). სიმონი ცდილობდა დაკავშირებოდა ქართველ მეფეთათვრებს და ერთობლივი ძალით დაპირისპირებოდა მოძალადე ყიზილბაშებს.


1569 წ. ერთ-ერთი ბრძოლის დროს მოლაღატე ყორღანასოვილის დახმარებით ყიზილბაშებმა დაატყვევეს მეფე სიმონი და ირანში წაიყვანეს. იქ ბევრს ეცადა შაჰ-თამაზი სიმონის გამაჰმადიანებას და თავის მხარეზე გადაყვანას, მაგრამ ვერაფერს გახდა. ამით განრისხებულმა ირანის შაჰმა ქედმოუხრე-

<sup>1</sup> მცირე. <sup>2</sup> ოსმალები. <sup>3</sup> ზიანი მიაყენეს. <sup>4</sup> თურქეთის სულთანმა. <sup>5</sup> ირანის შაჰმა.

ლი მეფე ალამუტის ციხეში გამოჰკეტა. ქართლი სამმართველოდ მის გამაჰმადიანებულ ძმას, დაუღ-ხანს მისცა. ქართლი არ ემორჩილებოდა ამ გადაგვარებულ მოღალატე ბატონიშვილს და ახალი ბრძოლებისათვის ხმალს ლესავდა. ხალხი წმინდად ინახავდა საშობლოსთვის თავდადებულ გმირთა ხსოვნას და მძულვარების ცეცხლს მიაგებდა იმ მოღალატეებს, რომლებიც მტრის სამსახურში ჩამდგარიყვნენ. მოწინავე ღროშის სარდალმა საჩინო ბარათაშვილმა შეიპყრო გამცემი ყორღანაშვილი და გელიყარის ცივაბო კლდიდან გადმოაგდო. ხალხმა ამის შესახებ ლექსიც კი გამოთქვა: „ყორღანას ძე ქარაფინდა, ხელი ჰკრეს და გადაფრინდა“. შეიქმნა გადმოცემა, რომ თითქოს მოღალატის ლეშს თვით მშვიერმა მგლებმაც კი პირი არ დააკარესო.

1578 წ. ოსმალეთმა დაარღვია ზავი ირანთან და უზარმაზარი ჯარი დაძრა ამიერკავკასიის დასაკავებლად. შაჰ-თამაზის სიკვდი-

20.საქართველო XVI ს-ში



ლის შემდეგ ირანში არეულობა დაიწყო. ამის გამო ოსმალეთის შემოტევის შეჩერება ყიზილბაშებმა ვერ შეძლეს. ასეთ ვითარებაში შაჰის კარმა გადაწყვიტა ტყვეობიდან გაეთავისუფლებინა მეფე სიმონი და გამოეგზავნა საქართველოში ოსმალების წინააღმდეგ საბრძოლველად.


ქართლის მოსახლეობა სიმონ მეფეს აღტაცებით შეხვდა. ოსმალებს სამცხისა და ქართლის ციხე-ქალაქებში თავისი გარნიზონები ჩაეყენებინათ და ქართველ მოსახლეობას სასტიკად აეიწროებდნენ. სიმონ მეფემ დამპყრობლების წინააღმდეგ საბრძოლველად დარაზმა ხალხი. მან ბრძოლით გაათავისუფლა გორის და ლორეს ციხეები და თბილისსაც ასაღებად შემოადგა. თბილისის გარნიზონის დასახმარებლად ოსმალთა დიდი ჯარი გამოიგზავნა. მეგზურობა დავალებული ჰქონდა სამცხის გამაჰმადიანებულ მთავარს მანუჩარს. იძულებითი გამაჰმადიანების მიუხედავად მანუჩარი მაინც თავისი ქვეყნის პატრიოტად დარჩენილიყო. იგი ფარულად დაუკავშირდა სიმონ მეფეს და მოხერხებული მოქმედებით ქართველებმა გაანადგურეს მანუჩარს და დაბანაკებული მტრის ლაშქარი. ოსმალთა სარდლებმა მანუჩარზე ეჭვი აიღეს და მისი შეპყრობა სცადეს, მაგრამ მანუჩარმა ხმლით გაიკაფა გზა და სიმონ მეფეს შეუერთდა. სამცხეშიაც აჯანყება დაიწყო. სულთნის კარი იძულებული გახდა დათმობაზე წასულიყო და სიმონი ქართლის მეფედ ქრისტიანობით ეცნო. მას მხოლოდ ყოველწლიურად ხარკის გადახდა დაევალა. ეს იმას ნიშნავდა, რომ ოსმალეთი ამჟერად ხელს იღებდა ქვეყნის სრულ დაპყრობაზე და ქართლის ვასალური დამოკიდებულებით კმაყოფილდებოდა. ეს „ქართველობისათვის“ მეგრძოლთა დიდი გამარჯვება იყო.

**2. კახეთის სამეფო XVI საუკუნეში.** კახეთის სამეფო განსხვავებით ქართლისაგან მთელი XVI საუკუნის განმავლობაში მშვიდობიანად ვითარდებოდა. კახეთის მმართველი წრეები მოხერხებული დიპლომატიით, მკვირე ხარკის გაღებით, ფორმალური ყმობის აღიარებით იმას ახერხებდნენ, რომ დამპყრობლებს ქვეყნის შიგნით არ უშვებდნენ. ასეთი პოლიტიკით მათ თავიდან აცილეს როგორც ყიზილბაშური ირანის, ისე თურქ-ოსმალეთის მხრივ უშუალო დაპყრობა. დამპყრობთა მხრიდან კახეთისადმი ასეთი დათმობა იმიტაც იყო გამოწვეული, რომ ირანელი და ოსმალო აგრესორების წინააღმდეგ შეურიგებლად იბრძოდა ქართლი. იმის შიშით, რომ მეგრძოლ ქართლს კახეთიც არ შეეერთებოდა დამპყრობლები თანხმდებოდნენ მის ფორმალურ მორჩილებას. ამდენად, ქართლის გმირული ბრძოლა კახეთის ინტერესებსაც ემსახურებოდა.

მაგრამ კახეთის ასეთი მდგომარეობა არ იყო მყარი. ირანელი და ოსმალთა დამპყრობლების წაქეზებით კახეთზე გააზშირეს თავდასხმები დაესტრელმა მთიელებმა. ყველაფრიდან ჩანდა, რომ როგორც კი დამპყრობლები მებრძოლ ქართლს დაიმორჩილებდნენ. ისინი კახეთსაც მოუბრუნდებოდნენ და მის ასეთ ფორმალურ ყმობას აღარ დასჯერდებოდნენ. კახეთის მეფე ლევან II (1518 - 1574 წწ.) შექმნილი მდგომარეობიდან გამოსავალს ეძებდა.

ამ დროს იმიერკავკასიაში გააქტიურდა რუსეთის სახელმწიფო. ივანე მეოთხემ მდ. თერგზე და სუნჯაზე ციხეები ჩაღა და თავისი მოკავშირე ჩერქეზთა მთავრის დასახმარებლად

21. კახეთის სამეფო XVI - XVII ს-ის I ნახევარი



ჯარიც გამოგზავნა. ამ ჯარის ნაწილები მეფე ლევანმა თავის სანაპირო ციხეებში ჩააყენა დაღესტნელი მთიელების თავდასხმებისაგან ქვეყნის დასაცავად. მოსკოვში ჩადიან კახეთის მეფის ელჩები. 1564 წელს მეფე ივანე IV-ემ მეფე ლევანთან წერილი გამოაბრუნა კახეთის ელჩს ი ა კ ო ბ ს. რუსეთის ასეთმა ენერგიულმა ამოქმედებამ კავკასიაში მეტისმეტად შეაშფოთა როგორც ოსმალეთი, ისე ირანი. მათი მოთხოვნით რუსეთმა მოშალა ციხეები და ჯარიც გაიყვანა კავკასიიდან.



კახეთის მეფე ლევანი ფრესკა გრემის მთაყარან-გელოზის ეკლესიიდან.

ლევანის მემკვიდრე ალექსანდრე მეორის (1574 — 1605 წწ.) დროს, როდესაც კავკასიის დიდი ნაწილი თურქ-ოსმალებს ჰქონდათ დაპყრობილი, რუსეთმა ისევე აღადგინა ურთიერთობა კახეთთან. 1587 წ. 28 სექტემბერს რუსეთსა და კახეთს შორის გაფორმდა პირველი ხელშეკრულება („ფიცის წიგნი“), რომლის ძალითაც კახეთი რუსეთის მფარველობის ქვეშ შევიდა (იხ. დოკ. 1). კახეთის მეფემ საზეიმოდ დადო ფიცი, რომ რუსეთის მტრები მისი მტრებიც იქნებოდნენ, ხოლო რუსეთი დაიცავდა კახეთს ყველა მტრისაგან. რუსეთს უნდა ჩაედგა ციხეები თერგზე და კახეთისკენ გზა გაეხსნა. ამით კახელი პოლიტიკოსები ვარაუდობდნენ, რომ საბოლოოდ ალაგმავდნენ დაღესტნელი მთიელების თავდასხმებს და საჭირო შემთხვევაში დახმარებასაც მიიღებდნენ რუსეთისაგან. 1589 წ. რუსეთის მეფემ კახეთის მეფეს გამოუგზავნა „წყალობის სიგელი“, რომელშიც დადასტურებული იყო „ფიცის წიგნი“ გათვალისწინებული პირობები. ამით ეს ხელშეკრულება ორივე მხრიდან იქნა დამტკიცებული.




კახეთის მეფე ალექსანდრე II და ოსმალთა სარდალ მუსტაფა ლალაფაშას შეხვედრა საროიქალასთან. 1578 წ. ძველი სპარსული მინიატურა.

3. ქართველი ხალხის ბრძოლა ოსმალთა დამპყრობლების წინააღმდეგ XVI საუკუნის ბოლოს. 1590 წ. დაიღო ზავი ირანსა და ოსმალეთს შორის. ირანის ახალი შაჰი აბას I (1587 — 1629 წწ.) იძულებული იყო ოსმალეთისათვის დაეთმო მთელი აღმოსავლეთ ამიერკავკასია და ირანის აზერბაიჯანი. ოსმალეთი დაპყრობილ ქვეყნებში თავისი ბატონობის განმტკიცებას შეუდგა. განსაკუთრებით მძიმე მდგომარეობაში ჩაყარდა სამცხე და საქართველოს სამხრეთ-დასავლეთი ნაწილი — აკარა და კანეთი. აქ შემოღებულ იქნა ოსმალური ძარტვა-გამგებლობა და ძიწისმფლობელობა. აღწერილ იქნა 1160 ქართული სოფელი, რომელიც გურჯისტანის ვილაიეთში, ანუ ახალციხის საფაშოში გააერთიანეს. ქართველ მოსახლეობას მძიმე გადასახადები დააკისრეს. ამას ემატებოდა რელიგიური და ეროვნული ჩაგვრა და განუკითხაობა. მასობრივად დაიწყეს ქართველი ფე-

ოდალებსათვის მიწების ჩამორთმევა. მიწას მხოლოდ მას უტო-  
 ვებდნენ. ისიც დროებით სამფლობელოდ. ვინც მაჰმადიანობას  
 მიიღებდა და დამპყრობლების სამსახურში შევიდოდა. ამრიგად,  
 საქართველოს მოსწყდა მისი უძველესი სისხლხორცეული ნა-  
 წილები — სამცხე, აჰარა, ჭანეთი, რომლებიც ამის შემდეგ თითქ-  
 მის 800 წლის განმავლობაში ოსმალთა დამპყრობლების უღელქ-  
 ვემ გმინავდნენ.

მეფე სიმონი სწორად ითვალისწინებდა, რომ იგივე ბედი მოელო-  
 და მის სამეფოსაც. ამიტომ ოსმალთა წინააღმდეგ აჯანყებისათვის  
 იწყო მზადება. ოსმალებს ძლიერი გარნიზონები ჰყავდათ ჩაყენე-  
 ბული გორის, ლორეს, თბილისის და სხვა ციხეებში.

## 22. ქართლი და იმერეთი XVII ს-ში





ქართლის მეფემ ბრძოლა გორის ციხიდან დაიწყო. 9 თვის ალყის შემდეგ 1599 წლის გაზაფხულზე გორის ციხე ალებულ იქნა, ქართველებმა ახლა თბილისის ასაღებად იწყეს მზადება. სიმონ მეფის ამ წარმატებამ იმედის ნაპერწკალი გაუღვია ოსმალთა მონობაში ჩაყარდნილ აჭარა-სამცხის მცხოვრებლებს. მათაც იარაღს მოჰკიდეს ხელი. აჯანყებულთა წარმატებით შეშინებულმა სულთანმა დიდძალი ჯარი გამოგზავნა საქართველოში. ალგეთზე მისული მტერი სოფ. ნახიდურთან დაბანაკდა და თბილისისაკენ წამოსასვლელად ემზადებოდა. სიმონმა ლაშქრის თავმოყრა ვერ მოასწრო და გადაწყვიტა მის ხელთ მყოფი მცირე ძალებით შეებოდა მტერს..

მემატთანე გადმოგვცემს, რომ ბრძოლის წინ ქართველები ერთმანეთს გამოეთხოვნენ, ზიარება მიიღეს და სასიკვდილოდ განწირულებმა თავდადებით შეუტოეს მტერს. უთანასწორო ბრძოლა 5 საათს გაგრძელდა. ქართველებმა უკან დახევა იწყეს. სოფ. ფარცხისის ახლოს, ვიწრო გზაზე მოულოდნელად მეფე სიმონის ცხენი ტალახის ღრმა საფლობში ჩავარდა და მისი ამოყვანა გაძნელდა. ამასობაში ოსმალებიც წამოეწივნენ. მეფე ბოლომდე მხნედ იბრძოდა და მტერს არ ნებდებოდა. ოსმალთა სარდალმა ჭაფარ-ფაშამ მეფის ცოცხლად შეპყრობა ბრძანა. დატყვევებული სიმონი სტამბოლს გაგზავნეს.

სულთანმა მეფე სიმონის დატყვევება დიდი ზეიმით აღნიშნა. ქართლის გმირი მეფე სტამბოლში 1600 წლის 21 ივნისს ჩაიყვანეს და იედიყულეს ციხეში გამოკეტეს, სადაც ხანგრძლივი ტყვეობის შემდეგ იგი გარდაიცვალა. ქართველებმა დიდი სა-





მთავარანგელოზის ეკლესიის ხედი გრემის ნაქალაქარიდან (XVI ს.).

ფასურით დაიხსნეს სამშობლოსათვის თავდადებული მეფის ნეშტი, დიდი პატივით ჩამოასვენეს ქართლში და მისი გმირი მამის, მეფე ლუარსაბის გვერდით დაკრძალეს მცხეთაში.

4. კახეთი XVII საუკუნის დასაწყისში. ქართლის ამ გმირული ბრძოლების დროს კახეთი ისევ განზე იდგა. მეფე ალექსანდრე მეორე არ უხვევდა წინაპრების ნაცად გზას და ხან ოსმალებისადმი ფორმალური მორჩილებით და ხან ირანისადმი თავის დაკერით, ქვეყნისათვის მშვიდობის შენარჩუნებას ცდილობდა. მისი უფროსი ვაჟიშვილი ოსმალეთის სამსახურში იყო ჩამდგარი, უმცროსი — კონსტანტინე კი შაჰს ჰყავდა მძევლად წაყვანილი. კახელი პოლიტიკოსების იმედი ამ რთულ ვითარებაში რუსეთი იყო, რომლისგანაც ხელშეკრულებით აღთქმული დახმარების მიღებას ვარაუდობდნენ.

რუსეთის ახალმა მეფემ ბორისგოდუნოვმა თავისი ხელდებული მოკავშირისადმი ენერგიული დახმარება სცადა. კახეთის მთავარი შემაწუხებელი დაღესტნელი მთიელები იყვნენ, რომლებიც ოსმალთა წაქეზებით გამუდმებით ესხმოდნენ კახეთის მშვიდობიან სოფლებს და იტაცებდნენ ყველას და ყველაფერს. რის წაყვანაც და წაღებაც შეიძლებოდა. კახეთიდან გაჰყავდათ ათასობით ტყვე, რომლებსაც ოსმალეთის ბაზარზე ყიდდნენ. კახეთის სამეფო კარი მარტო თავისი ძალებით ამ უბედურების წინააღმდეგ ვერაფერს ახერხებდა, ამიტომ ალექსანდრე მეფე თავის მოკავშირე-მთარველი რუსეთისგან პირველ რიგში საშამხლოს დაკავებას და კახეთ-თერგის გზის გახსნას მოითხოვდა. ამ მიზნით ბო-



ქულბაქების (საეპროადგილების) ნაშთები გრემიდან (XVI ს.).

რის გოდუნოვმა ჯარი გამოგზავნა საშამხლოში, მაგრამ მარცხი განიცადა.

ამასობაში აქტიურად ამოქმედდა შაჰ-აბას I. მან კარგად ისარგებლა ოსმალეთთან მშვიდობის ჩამოვლებით და ირანში დიდი გარდაქმნები განახორციელა. მან ახლებურად შეეცალა თავისი სამხედრო ძალა და ოსმალთა წინააღმდეგ ომისათვის მოემზადა. ირანის შაჰი ამ ომში რუსეთის ჩაბმასაც ვარაუდობდა, ამიტომ თავდაპირველად ალექსანდრეს რუსეთთან დაკავშირებას წინააღმდეგობა არ გაუწია.

1603 წელს შაჰ-აბასმა ოსმალეთის წინააღმდეგ ომი დაიწყო და თავისთან დაიბარა ქართლის და კახეთის მეფეები. ალექსანდრე შაჰთან მხოლოდ კარგა ხნის ყოყმანის შემდეგ გამოცხადდა, რამაც ირანის მბრძანებელი მეტად განარისხა. იგი კარგად ხედავდა, რომ კახეთის მეფე რუსეთს კავკასიისკენ მოუწოდებდა, ეს კი ირანის აქედან საბოლოო გაძევებას გამოიწვევდა. ირანმა ოსმალეთი რუსეთის დახმარების გარეშე დაამარცხა, ამიტომ მან მკვეთრად შეიცვალა რუსეთის ერთგული ალექსანდრე მეფისადმი დამოკიდებულება. უკან დაბრუნებულ ალექსანდრეს თან მის კარზე გაზრდილი, გასპარსელებულ-გამაჰმადიანებული კონსტანტინე ბატონიშვილი გამოატანა ყიზილბაშთა ჯარით. ამ ჯარს თითქოს შარვანში მდგომი ოსმალები უნდა განედევნა, სინამდვილეში კი დავალებული ჰქონდა კახეთის დაკავება და აქ კონსტანტინე ხანის გამეფება.

1605 წლის 12 მარტს ძეგამში თათბირის დროს კონსტანტინე ხანის ბრძანებით ყიზილბაშებმა მისი მამა მეფე ალექსანდრე, ძმა გიორგი და სხვა კახელი ღიდებულები ამოხოცეს, მაგრამ ხალხმა მამის მკვლეელი კონსტანტინე მეფედ არ ისურვა და მის წინააღმდეგ აჯანყება დაიწყო. აჯანყებას სათავეში ალექსანდრეს რძალი ქეთევან დედოფალი ჩაუდგა. აჯანყებულებმა ერთ-ერთ ბრძოლაში კონსტანტინე ხანი მოკლეს და ყიზილბაშების ჯარი კახეთიდან გააძევეს. მოვლენების ასეთმა განვითარებამ შაჰ-აბასი მეტისმეტად შეაშფოთა, მაგრამ იძულებული გახდა ხალხის ნებას დაჰყოლოდა და კახელთა მეფედ ქეთევანის ვაჟი, ახალგაზრდა თეიმურაზი დაემტკიცებინა. კახეთისათვის ანგარიშის გასწორება მან მომავლისთვის გადადო.

1613 წელს, როდესაც ოსმალეთთან დროებით ზავი ჰქონდა დადებული, შაჰ-აბასი მთელი თავისი ძალით კახეთის წინააღმდეგ წამოვიდა. 1614 — 1617 წლებში მან კახეთზე პირადად ოთხჯერ ილაშქრა (იხ. დოკ. 2). ამ ლაშქრობების შედეგად საქართველოს ეს აყვავებული მხარე მიწასთან იქნა გასწორებული, დაინგრა სოფლები და ქალაქები. მოსახლეობის დიდი ნაწილი მტერს შეაკვ-

და უთანასწორო ბრძოლებში, 200 ათასამდე კახელი ტყვედ გარიყეს და ირანში გადაასახლეს. ამათი შთამომავლები არიან დღესაც ირანის პროვინცია ფერეიდანში მცხოვრები ქართველები.

### კითხვები

1. რატომ დააბრუნეს საქართველოში ირანში ტყვედ მყოფი სიმონ I? 2. რა იყო XVI საუკუნის მანძილზე კახეთის სამეფოს მშვიდობიანად გადარჩენის მიზეზები? როგორ განვითარდა კახეთის ეკონომიკა მშვიდობიანობის პირობებში? 3. როგორი იყო სამცხე-საათაბაგოს მდგომარეობა XVI საუკუნის ბოლოს? რა ღონისძიებები განახორციელეს ოსმალებმა ამ ქართული ქვეყნის საბოლოოდ დასაპყრობად? 4. გადმოეცა XVI საუკუნის მანძილზე რუსეთთან კახეთის სამეფოს ურთიერთობის ძირითადი ფაქტები. 5. რატომ აღუდგა წინ კახეთის რუსეთთან დაკავშირებას ირანის ძლევამოსილი შაჰი აბას I? როგორ ჩაშალა მან ეს ურთიერთობა და რა ღონისძიებები განახორციელა კახეთის წინააღმდეგ?

### დოკუმენტები

1. 1587 წ. ალექსანდრე კახთა მეფის მიერ რუსეთის მეფე თევდორე ივანეს ძისათვის მიცემული „ფიცის წიგნის“ შინაარსი

ალექსანდრე კახთა მეფე ძვილებით და უახლოესი დარბაისლებით ფიცით აცხადებდა, რომ:

მან რუსეთის ხელმწიფე თევდორე ივანეს ძესთან თავისი ელჩები იოაკიმე მღვდელი, კირილე ბერი და ხურშიტა ჩერქეზი გაგზავნა თხოვნით, რათა რუსეთის ხელმწიფეს შეეწყალებინა ის და კახეთი თავის ხელქვეშ დაეკირა, კახეთისთვის თავისი ხელი დაედგა და ალექსანდრე მეფის და მისი ქვეყნის ყველა მტრისაგან დაცვა ებრძანებინა;

რუსეთის ხელმწიფემ შეიწყალა ის და მფარველობის ხელი დასდო მას და მის ქვეყანას და მტრებისაგან დაცვა უბრძანა თავის სარდლებს;

ამიერიდან ის (ალექსანდრე მეფე) თავისი შვილებით და მთელი ქვეყნით მკვიდრად და წაუვალად იქნება თევდორე მეფისა და მისი შვილების ხელქვეშ;

ალექსანდრე მეფე თავისი შვილებით და მთელი ქვეყნით რუსეთის ხელმწიფისა და მისი შვილების ავსა და საზიანოს არაფერს ისურვებს და არც იმოქმედებს, არავის ხელმწიფის მტერს არ მიუდგება;

რუსეთის ხელმწიფის მეგობარს ისიც თავის მეგობრად მიიჩნევს, ხოლო მტერს თავის მტრად დაიგულებს და მტრადვე აღუდგება მას.

### კითხვები და დავალება

1. რა პირობებს ითვალისწინებდა 1587 წლის ხელშეკრულება (ფიცის წიგნი) როგორც რუსეთის, ისე კახეთის მხრიდან? 2. ვინ გააგზავნა ელჩებად ალექ-

სანდრე მეფემ მოსკოვში? 3. ფიცის წიგნის შინაარსის მიხედვით უფრო ფართოდ მოგვითხრეთ კახეთისა და რუსეთის ურთიერთობა XVI საუკუნის 80-იან წლებში

## 2. XVII საუკუნის სპარსელი ისტორიკოსი ისკანდერ მუნში შაჰ-აბასის მიერ 1616 წ. კახეთის აოხრების შესახებ

„(შაჰ-აბასის მიერ) გადაწყვეტილი იყო კახეთის დანგრევა, იქაურ ურწმუნოთა (ე. ი. ქრისტიან ქართველთა) გაწყვეტა... იმ ურჯულოთა (ქართველთა) ასი ათასზე მეტი ქალისა და ბავშვის გამოყვანა, ბედრულმა თეიმურაზმა... გაბედა ყიზილბაშთა ბედნიერ ლაშქართან შებრძოლება. როცა ამ ამბავმა მიიღწია მახანდარანში<sup>1</sup> შაჰის უწმინდეს გონებას, ხელმწიფის კეთილშობილური აღტიენების ალი და მისი მძვინვარების ცეცხლი ისეთი ავარდა, რომ ყოველი მისი ნაპერწკალი ქვეყნიერების დამწველი მეხი იყო. ამიტომ (შაჰმა) მტკიცედ გადასწყვიტა საქართველოზე გალაშქრება და იქაურ ურჯულოთა დაქცევა, რომელთაც გაბედეს მუსულმანების დახოცვა...

მისმა უდიდებულესობამ ძლევაშობილი ლაშქარი რამდენიმე ჯგუფად გაჰყო. ყოველი ჯგუფი ცალკე მხარეს გაგზავნეს თითო სახელოვანი ამირას მეთაურობით... (ებრძანათ) ქართველების სამყოფელს ოთხივ მხრიდან შემორტყმოდნენ, ნადირივით შუაში მოექციათ და ვისაც კი მისწვდებოდნენ, ისლამის ხალხთან მეომარი მათი ურჯულო მამაკაცები საღვთო ომის ელვარე მახვილით დაეხოცათ. იმ ურჯულოთაგან არც ერთი ცოცხალი არ გაეშვათ, ქალები და ბავშვები ტყვედ წამოეყვანათ, ხოლო საქონელი და ქონება, რაც ხელში ჩაუვარდებოდათ, მუსლიმანთა და ლაზიების<sup>2</sup> დავლა იქნებოდა.

(კახეთის მოსახლეობა გააფთრებულ წინააღმდეგობას უწევდა)

...იუსუფ-ხანი და შირვანელი ამირები საქართველოს აღმოსავლეთით ძეგამის მხრიდან მოდიოდნენ, რომ ძეგამელი ქრისტიანები, რომლებიც ღირსეულ ხალხად არიან ცნობილი, მრავალრიცხოვან ლაშქრად შეგროვილი შირვანის ჯართან საბრძოლველად დამრულიყვნენ. დიდი ბრძოლა გაიმართა. ისლამის ხალხს ღვთის დახმარება მოეწონა, ის ხალხი (ძეგამის მცხოვრებთა ლაშქარი) დამარცხდა... ლაზიებმა მათი საცხოვრებლები დააქციეს და ქალაქ ძეგამში კვალიც არ დატოვეს მოსახლეობისა. ასე მოხდა მთელ კახეთში. რაც ხოცვა და რბევა, ძარცვა, ტყვევნა და ნგრევა ქვეყნისა და გავრანება სახლებისა და საცხოვრებლებისა კახეთის ქრისტიანებს თავს დაატყდათ, არ გაგონილა ისლამის გაჩენის დროიდან აქამომდე, რომ ასეთი რამ ისლამის ქვეყნების რომელიმე ხელმწიფისაგან მოსვლოდეთ მათ და მათი მამული ასე აოხრებულიყო. მოკლულთა რიცხვი სამოც-სამოცდაათ ათასს სჭარბობდა, ლამაზი ქალწულები, უწვერული მშვენიერი ვაჟები და სხვანი და ბავშვები, რომლებიც გატარებულ იქნენ მისი უავგუსტოესობის<sup>3</sup> წინაშე, ასი ათასზე მეტი იქნა აღწერილი. მაგრამ ამ სტრიქონების დამწერის აზრით, ოცდა-

<sup>1</sup> მ ა ხ ა ნ დ ა რ ა ნ ი — პროვინცია ირანში. <sup>2</sup> ლ ა ზ ი — მუსლიმანი მებრძოლი. <sup>3</sup> ე. ი. შაჰ-აბასის.

თიათასი კიდეე სხვა კუთხესა და კიდეში იქნა ტყვედ დაქერილი, რომლებიც არ ყოფილან აღრიცხული“.

## დავალება და კითხვა

წარმოდგენილი ნაწყვეტის მიხედვით ვადმოვცით შაჰ-აბასის მიერ კახეთის განადგურების სურათი. რამდენი ტყვე გაუყვანიათ კახეთიდან სპარსელი ისტორიკოსის ისკანდერ მუნშის ამ მონაცემების მიხედვით?

### § 26. მართველი ხალხის გრძოლა შიზილგაშური აბრეხისის წინააღმდეგ XVII საუკუნეში

1. **თევდორეს გმირობა.** ირან-ოსმალეთის ომის მსვლელობაში ოსმალები კვლავ ცდილობდნენ ქართლის დაპყრობას. 1609 წ. მათ დიდი ჯარი გამოგზავნეს მეფე ლუარსაბ II-ის (1606 — 1614 წწ.) შესაპყრობად და ქართლის დასაკავებლად. ეს ჯარი თრიალეთთან მოვიდა და აქედან მოულოდნელად შიდა ქართლში გადასვლა სცადა. მათ იცოდნენ, რომ ლუარსაბ მეფე ცხირეთის<sup>1</sup> ციხეში იდგა მცირე ამალით. სოფელ კველთასთან (მანგლისის მახლობლად) მათ ერთი ადგილობრივი გლეხი, თევდორე ხუცესი შეიპყრეს და მეგზურობა უბრძანეს. მაგრამ თევდორემ სულ სხვა გზით წაიყვანა მომხდურები და ცხირეთის ციხეს ძალიან დააშორა. როცა ოსმალები მიუხვდნენ, უკვე დაგვიანებული იყო: ქართველებს მტრის შემოსვლა და მოძრაობა შეეტყვოთ და სათანადოდაც მომზადებულიყვნენ. ოსმალებმა სასტიკად აწამეს თევდორე. იგი ხმლებით აკუწეს. მაგრამ გმირმა გლეხმა ასეთი თავგანწირვით ქვეყანა დიდ უბედურებას გადაარჩინა. ოსმალთა ჯარი ქართველებმა მთლიანად გაანადგურეს ქვიშხეთის ბოლოს, ტაშისკართან. ამ ბრძოლაში ქართველთა ლაშქარს სარდლობდა გიორგი სააკაძე.

2. **გიორგი სააკაძე.** გიორგი სააკაძე წარმოშობით აზნაური იყო. მან თავისი ნიჭითა და უნარით დიდი ავტორიტეტი მოიპოვა ლუარსაბ მეფის თვალში და საკმაოდ დაწინაურდა. სააკაძეს თბილისისა და დედალეთის მოურაობა მისცეს, ხალხმა კი დიდი დამსახურების გამო მას „დიდი მოურავი“ უწოდა. გიორგი სააკაძე ცდილობდა თავისი მდგომარეობა გამოეყენებინა და ქართ-

<sup>1</sup> ცხირეთის ციხე მდებარეობდა თრიალეთის ჩრდილოეთ ფერდობზე, სოფ. ნოსტეს მახლობლად.

ლში პროგრესული ღონისძიებები განხორციელებინა. კერძოდ, აელაგმა დიდგვაროვან თავადთა თვითნებობა, განმეტყიცებინა მეფის ხელისუფლება, დაქუცმაცებული საქართველო კვლავ გაეერთიანებინა. ყოველივე ეს მიუღებელი იყო ქართლის რეაქციონერი თავადებისათვის, ამიტომ მათ ყველაფერი გააკეთეს სააკაძის მოსაშორებლად. ათასი ხრიკებითა და კორებით ქართლის თავადებმა დაარწმუნეს ლუარსაბ მეფე გიორგი სააკაძის ღალატში და მისი დასჯის გადაწყვეტილება მიადებინეს. გიორგი სააკაძე იძულებული გახდა ირანში გადახვეწილიყო. შაჰ-აბასმა დიდი პატივით მიიღო საქართველოდან გამოდევნილი მოურავი და მისი გამოყენება სცადა საქართველოს მიმართ თავისი გეგმების განსახორციელებლად.




გიორგი სააკაძის პორტრეტი; შესრულებული XVII საუკუნეში საქართველოში ნამყოფი იტალიელი მისიონერის ღონ ქრისტეფორო დე კასტელის მიერ.

კახეთის განადგურების შემდეგ შაჰ-აბასმა ქართლის ამოგდებაც მიზნად დაისახა. მან ცბიერებით დაატყვევა ლუარსაბ მეფე და მის მაგივრად, ქართლი სამშართკელოდ მის გამაჰმადიანებულ ნათესავს ბ ა გ რ ა ტ - ხ ა ნ ს ჩააბარა, რომელსაც მრჩეველად გიორგი სააკაძე დაუნიშნა. შაჰი სასტიკად შეცდა, როდესაც გიორგი სააკაძე საქართველოს ჯალათად დაიგულა. დიდი მოურავის მიზნები ამ შემთხვევაში ეწინააღმდეგებოდა შაჰის გეგმებს. გიორგი სააკაძეს ირანის ძალის გამოყენება სურდა თავისი მოწინააღმდეგე თავადების დასათრგუნავად, მაგრამ ირანის მბრძანებელს ქართლის შინაგანი წინააღმდეგობანი და თავადური რეაქცია უფრო აწყობდა, ვიდრე გიორგის გეგმით აღდგენილი და გაძლიერებული საქართველო. გიორგი სააკაძემ სათანადოდ შეათვალა ვითარება, მან დაივიწყა პირადი წყენა და ქართლის თავადებთან შერიგება სცადა, რაც აუცილებელი იყო ირანის აგრესიის წინააღმდეგ ქართველი ხალხის ძალების გასაერთიანებლად.

შაჰ-აბასი შევარდნით. XVII ს. სპარსული მინიატურა.

**3. ქეთევან დედოფლის წამება.** ირანის ძღვევამოსილი შაჰი აბას I გულდაგულ ემზადებოდა ჩვენი ქვეყნის საბოლოოდ ამოსაგდებად და ყიზილბაშურ სახანოდ გადასაქცევად. შაჰმა ჯერ ქართველების სულიერი გატეხვა გადაწყვიტა და მასთან ტყვედ მყოფ ქეთევან დედოფალს გამაჰმადიანება მოსთხოვა. კახეთის აჯანყების მეთაურს ქეთევან დედოფალს ქართველთა შორის დიდი სახელი ჰქონდა, ამიტომ მის მაგალითზე ბევრი რამ იყო დამოკიდებული. ქეთევანმა დიდი სიმტკიცე გამოიჩინა და სასტიკი მუქარის მიუხედავად განუხრებლად დაიცვა თავისი ეროვნული სარწმუნოება. **შაჰ-აბასის ბრძანებით ქეთევან დედოფალი საშინლად აწამეს 1624 წლის 12 სექტემბერს.** მას რკინის მანუბით ხორცი დაგლიჯეს და გახურებული შანთებით დადალული ცეცხლში დაწვეს. დედოფლის გაუტეხელობამ და თავდადება ქართველობაზე



ქეთევან დედოფლის წამების სცენა, შესრულებული პორტუგალიის დედაქალაქ ლისაბონის „გრასას“ მონასტრის მთავარი დარბაზის კედელზე.



დიდი შთაბეჭდილება მოახდინა. ქეთევანის სახელი მთელს მაშინდელ მსოფლიოს მოედო.

**4. მარტყოფისა და მარაბდის ბრძოლები.** 1625 წლის ადრიატის გაზაფხულზე შაჰ-აბასმა საქართველოში გამოგზავნა 60000-იანი არმია თავისი ცნობილი სარდლის ყ ა რ ჩ ი ხ ა - ხ ა ნ ი ს მეთაურობით. ეს ჯარი თითქოს ოსმალეთში სალაშქროდ იგზავნებოდა. სინამდვილეში კი ქართლ-კახეთის ერთიანად ამოგდება ევალებოდა. შაჰმა მრჩეველად ყარჩიხა-ხანს გიორგი სააკაძე დაუნიშნა. ცბიერი შაჰი დიდ მოუზრავს ბოლომდე მაინც არ ენდობოდა და მძევლად სააკაძის უმცროსი ვაჟი პ ა ა ტ ა დაიტოვა. გიორგი სააკაძე კარგად ხედავდა, რომ საქართველოს ყოფნა-არყოფნის დღე იდგა. საჭირო იყო წინდახედული და გადამწყვეტი მოქმედება. დიდმა მოუზრავმა თავდადება, დიდი ნიჭი და მოსაზრებულობა გამოიჩინა. იგი დაუკავშირდა ქართლის თავადებს და შაჰის ნამდვილი განზრახვა შეატყობინა, თან აჯანყებისკენ მოუწოდა.

ყოზილბაშთა ჯარის ძირითადი ნაწილი მარტყოფის ველზე დაბანაკდა. გიორგი სააკაძე ჯერ კიდევ ყოზილბაშთა ბანაკში იმყოფებოდა და მათ სამსახურში თითქოს თავს არ იზოგავდა. 25 მ ა რ - ტ ი თენდებოდა, როდესაც შეთანხმებისამებრ მარტყოფის ველს ქართველთა მხედრობა მოუახლოვდა. გიორგი სააკაძე ოთხი მხლებლითურთ, რომელთა შორის მისი უფროსი ვაჟი ა ვ თ ა ნ დ ი ლ ი ც იყო, ყარჩიხა-ხანის კარავთან გამოცხადდა. ის იყო მთავარსარდალი ცხენზე შეჯდომას აპირებდა, რომ სააკაძემ ყოზილბაშთა ჯარის თვალწინ იგი შუბით განგმირული ძირს დასცა. ვიდრე მტერი გონს მოვიდოდა მან და მისმა თანამებრძოლებმა ერთიანად

ამოხოცეს ყველა სარდალი. უმეთაუროდ დარჩენილი მტრის ლაშქარი ცხვრის ფარასავით აირია. ამასობაში ქართველთა ჯარბაც შემოუტია და მომხდურნი სასტიკად დაამარცხეს. მტრის 30000 მოლაშქრიდან მხოლოდ მეთედმა უშველა თავს გაქცევით (იხ. დოკ. 1). ქართველებმა მტერს ყველა მიმართულებით შეუტოეს. აიღეს თბილისი, მტრისაგან გაწმინდეს კახეთი, დალაშქრეს განჯა-ყარაბაღი და ახალციხე. გამარჯვებულმა ქართველებმა ქართლ-კახეთის მეფედ იმერეთში გადახვეწილი თეიმურაზი მოიწვიეს.

თავზარდაცემული შაჰ-აბასი სიბრაზით ცოფებს ყრიდა. მას ასეთი მარცხი ჯერ არსად განეცადა. მისი ბრძანებით თავი მოჰკვეთეს პაატას და მის მამას გამოუგზავნეს. სასწრაფოდ გაამზადეს ახალი რჩეული ლაშქარი და მისი სიძის ის ა - ხ ა ნ ყ ო რ - ჩ ი ბ ა შ ი ს სარდლობით საქართველოსკენ დაძრეს. ქართველები მტერს სათანადოდ მომზადებული დახვდნენ.

ბრძოლა მოხდა მ ა რ ა ბ დ ი ს ვ ე ლ ზ ე, იმავე 1625 წლის 1 ივლისს. შეიარაღებით ყიზილბაშები ბევრად სჯობნიდნენ ქართველებს. მათ ძლიერი არტილერია და დიდძალი ცეცხლმსროლელი იარაღი ჰქონდათ. რიცხობრივადაც ქართველებს სჯარბობდნენ. ამის მიუხედავად ქართველმა მხედრებმა მხნედ შეუტოეს მტერს, არტილერია და სანგრებში გამაგრებული მეთოფეები გადაქელეს, ყიზილბაშთა რამდენიმე რაზმი ბრძოლის ველიდან გააქციეს კიდეც, მაგრამ საბოლოოდ მტრის უპირატესობამ მაინც თავისი გაიტანა. გამოჩნდა თავადური ჯარის არაორგანიზებულობაც, ასევე, არაერთსულოვნება სარდლობაში. მაშინ, როდესაც დიდ სიცხეში ბრძოლით დამაშვრალი ქართველთა ლაშქარი უკვე გამარჯვებას ზეიმობდა, მტერს ახალი დამხმარე ძალა მოუვიდა. ყველაფერმა აიან საბოლოოდ ქართველთა დამარცხება გამოიწვია. მაგრამ მტერმაც დიდი ზარალი ნახა. **მარაბდის ველზე 14 000 ყიზილბაში და 9 000 ქართველი დაიღუპა.**

გმირულად დაღუპულთა შორის იყო ც ხ რ ა ძ მ ა ხ ე რ ხ ე უ - ლ ი ძ ე, რომელთაც ბრძოლის ველზე თავიანთი დედაც გამოჰყოლოდა შეილების გასამხნეველად. გმირის სიკვდილით დაეცნენ დ ა ვ ი თ ჯ ა ნ დ ი ე რ ი, ა ლ ა თ ა ნ გ ხ ე რ ხ ე უ ლ ი ძ ე, ბ ა ა დ უ რ ც ი ც ი შ ვ ი ლ ი და მრავალი სხვა თავდადებული ქართველი, რომელთა სახელებიც, სამწუხაროდ, მატიანეებმა ვერ შემოგვიწინეს.

უკანდახეული ქართველთა ლაშქარი კოჯორ-ტაბახმელას ვიწრობებში გამაგრდა და აქ 10 დღის განმავლობაში აკაეებდა მოზღვევებულ მტერს. ამასობაში მოსახლეობამ გახიზვნა მოასწრო. ქართ-



გიორგი სააკაძის სკულპტურა. მოქანდაკე მ. ბერძენიშვილი.

ძეგლი-მემორიალი მარაბდის ბრძოლის გმირთა უკვდავსაყოფად.





ველებმა პარტიზანული ბრძოლა გააჩაღეს. მტრის არაერთი რაზ-  
 მი გაანადგურეს. მაგალითად, ქსნის ხეობაში ერთიანად მოსპეს  
 12 000 ყიზილბაში. ისე რომ, საქართველოში მტრის ზარალმა სულ  
 60 000 კაცს მიაღწია, რაც ირანის მთელი შეიარაღებული ძა-  
 ლის თითქმის ნახევარი იყო. ეს ფაქტობრივად შაჰ-აბასის დამარ-  
 ცხებას ნიშნავდა. მან თავის მიზანს ვერ მიაღწია, ამიტომ დათმო-  
 ბაზე წავიდა და თეიმურაზ მეფესთან მოლაპარაკება გამართა. ცბი-  
 ერმა შაჰმა ის მაინც შეძლო, რომ მტრობა ჩამოეგდო მეფესა და  
 გიორგი სააკაძეს შორის. ამ მტრობას, რა თქმა უნდა, ქართლის თა-  
 ვადები კიდევ უფრო გააღვივებდნენ და მართლაც, ბოლოს ბ ა -  
 ზ ა ლ ე თ ი ს ტ ბ ა ს თ ა ნ, 1626 წლის გვიან შემოდგომაზე ბრძო-  
 ლა მოხდა თეიმურაზსა და გიორგი სააკაძის მომხრეებს შორის. დი-  
 დი მოურავი დამარცხდა და საბოლოოდ ოსმალეთში გადაიხვე-  
 წა, სადაც 1629 წელს დაიღუპა სულტნის დიდვეზირის ვერაგო-  
 ბის გამო. იმავე წელს გარდაიცვალა შაჰ-აბასიც.


5. თეიმურაზ I და როსტომ ხანი. შაჰ-აბასის გარდაცვალების  
 შემდეგ თეიმურაზ I ნაკლებად ემორჩილება ირანის ახალ შაჰს  
 სეფი პირველს. უფრო მეტიც, იგი შეტევაზე გადავიდა მის წინააღმ-  
 დევ და მეზობელი მაჰმადიანური პროვინციები მოარბია. ამ დროს  
 ირანში არაერთი გამაჰმადიანებული ქართველი მოღვაწეობდა, რომ-  
 ლებსაც საკმაოდ მაღალი თანამდებობანი ეკავათ. ერთ-ერთი მათ-  
 განი სიმონ I-ის ძმის შვილი ხ ო ს რ ო - მ ი რ ზ ა , შაჰის გვარ-  
 დიის მეთაური (ყულარალასი) იყო. შაჰ-სეფიმ თეიმურაზის მაგივ-  
 რად ხოსრო-მირზა დანიშნა ქართლ-კახეთის განმგებლად, რ ო ს -  
 ტ ო მ<sup>1</sup> ხ ა ნ ი უწოდა და 1632 წ. საქართველოსკენ დიდი ჭარით გა-  
 მოგზავნა. ქართლის თავადებმა ამჯერად თეიმურაზ პირველს მხა-  
 რი არ დაუჭირეს და ისიც იძულებული გახდა იმერეთში გადასუ-  
 ლიყო. ქართლი კი როსტომ ხანმა დაიკავა.

როსტომ ხანმა ქართლში ზედაპირული ხასიათის ადმინისტრა-  
 ციული ცვლილებები მოახდინა. მან რამდენიმე სამოხელეო თანამ-  
 დებობა სპარსულ ყაიდაზე გარდაქმნა, ზოგიერთს მხოლოდ სა-  
 ხელი შეუცვალა, სხვა მხრივ უცვლელად დატოვა ქართული სო-  
 ციალურ-პოლიტიკური წყობა. ამიტომ ქართლის თავადები როს-  
 ტომს მალე შეეგუენ და მის სამსახურში ჩადგნენ. სამაგიეროდ  
 ქვეყანა ნანატრ მშვიდობას ეწია. შეწყდა ყიზილბაშთა თარეში,  
 შენეღდა თავადებს შორის ურთიერთ შუღლიც. ქვეყანაში წეს-  
 რიგის დამყარებამ გამოიწვია ის, რომ გახიზნული ხალხი დაუბ-  
 რუნდა თავის მამა-პაპეულ ადგილ-მამულს, დაცარიელებულმა



თეიმურაზ I და მისი მე-  
 ულლე ხორეშან დედო-  
 ფალი. კასტელის ნახატ.

<sup>1</sup> როსტომი — ირანული ეპოსის „შაჰნამეს“ ერთ-ერთი მთავარი პერსო-  
 ნაჟი, რომლის სახელიც სპარსეთში გმირობისა და მამაცობის სიმბოლო იყო.




ბილი მღ. ხრამზე (ე. წ. წითელი, ანუ გატეხილი ბილი), აგებული როსტომ ხანის მიერ (XVII ს.)

სოფლებმა მოშენება იწყო. აღდგენენ ქალაქებიც, გამოცოცხლდა ვაჭრობა-ხელოსნობა, რასაც როსტომ ხანი ენერგიულად უწყობდა ხელს. მაგალითად, მას გაჰყავდა გზები, აშენებდა ხიდებს და ქარვასლებს, აწესრიგებდა ბაჟებსა და გადასახადებს, ხელმძღვანელობდა ძველი ქალაქების აღდგენასა და ახალი ქალაქების მშენებლობას (იხ. დოკ. 2). მის დროს, მართალია, ქრისტიანობა არ იღვევებოდა. მაგრამ მაჰმადიანობა მაინც ძლიერდებოდა, რაც ქართველთა ეროვნული გადაგვარების საფრთხეს ჰქმნიდა. ირანის შაჰის ბრძანებით როსტომ ხანმა კახეთში კვლავ გამეფებული თეიმურაზ I დაამარცხა და კახეთიდან საბოლოოდ გააძევა (1648 წ.). ყველაფრიდან ჩანდა, რომ შაჰის კარი ქართლ-კახეთს თანდათანობით ყიზილბაშურ სახანოდ გადაქცევას უპირებდა.

თეიმურაზ I ამ მძიმე პირობებში იმედის თვალს რუსეთს მიაპყრობდა. მან ჯერ კიდევ კახეთში ყოფნისას, 1639 წ. განაახლა რუსეთის ერთგულების „ფიცის წიგნი“. იმერეთში გადახვეწის შემდეგ არაერთი ელჩობა მიავლინა რუსეთში. მისი ინიციატივით რუსეთის ერთგულებაზე დაიფიცა იმერეთის მეფე ალექსანდრე მე II, ხოლო 1653 წ. მოსკოვში თავისი შვილიშვილი ერეკლე ბატონიშვილი გაგზავნა

**8. ბახტარიონის გმირული ეპოპეა.** 1656 წ. კახეთი როსტომს ჩამოართვეს და სამმართველოდ განჯის ხანს გადასცეს. შაჰის ბრძანებით კახეთში მომთაბარე თურქმანი ტომების ჩამოსახლება იწყეს (იხ. დოკ. 3). ააგეს ციხეები, რომლებშიც ყიზილბაში მეციხოვნეები ჩააყენეს, განსაკუთრებით გულდაგულ გაამაგრეს ბახტარიონის ციხე. ასევე ციხედ აქციეს ალავერდის ცნობილი ტაძრის გალავანი. თანდათანობით იერისა და ალაზნის ნაყოფიერი ველები გადამთიელებმა დაიკავეს. ეს დიდი უბედურება იყო ქვეყნისთვის. აყვავებული ბაღ-ვენახების ადგილს მესაქონლე თურქმანთა საძოვრები იკავებდა. ეს სურათი კარგად არის ასახული ცნო-



**ბილ ხალხურ ლექსში:**

ბახტრიონს სხედან თათრები,  
 სიტყვას ამბობენ ძნელსაო:  
 ახმეტას ჩაჲვრით ვენახსა,  
 შიგ ჩაეასახლებთ ელსაო<sup>1</sup>.

ქართველმა ხალხმა კარგად იგრძნო, ის დიდი საფრთხე, რაც მას ემუქრებოდა. განსაკუთრებით შფოთავდნენ კახეთის მთიელები თ უ შ - ფ შ ა ვ - ხ ე ვ ს უ რ ე ბ ი. მათ ელჩობაც კი გაგზავნეს რუსეთში და რუსეთის მეფეს დახმარება სთხოვეს. 1658 წ. იმერეთიდან რუსეთს გაემგზავრა თეიმურაზ I-იც და მოსკოვს შექმნილი ვითარება აცნობა, მაგრამ რუსეთი მაშინ ჩაბმული იყო პო-

<sup>1</sup> ელი — მეჯოგე-მომთაბარე ხალხი.

ლონეთთან და შვედებთან ომში და საქართველოს დახმარებას ვერ გაუწევდა.

კახეთში აჯანყებამ 1660 წ. იფეთქა. ქართლიდან კახეთის დასახმარებლად მოვიდნენ შალვა და ელიზბარქსნის ერისთავები. კახეთის მოსახლეობა მტრის წინააღმდეგ დარაზმა ბიძინა ჩოლოყაშვილმა. აჯანყების მომზადებას ხელმძღვანელობდა შალ არაგვის ერისთავი, ხოლო უშუალო ბრძოლებს—მისი ვაჟი ზურაბი. თუშ-ფშავეხელები ზეზვა გაფრინდაულის, ნადირა ხოშარაულისა და გოგოლაურის მეთაურობით ნაქერალას მთაზე შეგროვდნენ და იქიდან ზევეივით დაეშენნენ მტრის წასალეკავად. აჯანყებულებმა ერთდროულად შეუტეს ბახტრიონისა და ალავერდის ციხეებს. განსაკუთრებით გააფრთხილებული ბრძოლები ბახტრიონის ციხესთან გაიმართა. ეს ბრძოლები ასახულია არაერთ ხალხურ ლექსში, რომლებშიც შექმნილია სამშობლოსთვის თავდადებული სახალხო გმირები:

„ზეზვაი მაშინ გენახათ, ბახტრიონს ბრუნად ცხენითა,  
დიდი ალვანის შინდორი აავსო თათრის ძვლებითა...“

ფშაველ გოგოლაურს ხალხი შემდეგს ათქმევინებს:

„ბიჭი ვარ გოგოლაური, რას მყურობ ტალავარზედა.  
წინ-წინ მე გადაფრინდები ბახტრიონს გალავანზედა.  
ხმლითა ვსცემ თათრის ბელადსა ზედ მივალ ფალავანზედა.“

აჯანყებულთა გადამწყვეტი მოქმედებით მტერი სასტიკად დამარცხდა. თავზარდაცემული თურქმანები კახეთიდან გადაიხვეწნენ. ქვეყანა ერთიანად გაიწმინდა შემოსახლებული მომთაბარეებისაგან. ეს იყო ქართველი ხალხის კიდევ ერთი დიდი გამარჯვება. მართალია, სპარსეთის საბოლოო უკუგდება ჯერ კიდევ ვერ მოხერხდა, მაგრამ უძლიერესი დამპყრობელი იძულებული გახდა ამჭერადაც ხელი აეღო საქართველოს გაყიზილბაშების გეგმაზე. კახეთი სამმართველოდ კვლავ ქართლის ახალ მეფეს, ვახტანგ V-ეს, ანუ შაჰნავაზს (1658 — 1675 წწ.) გადაეცა. სპარსელთა გულისწყრომა ოდნავ მაინც რომ დაეცხროთ და ქვეყნისთვის თავიდან აეცილებინათ ირანის შაჰის მთელი ძალით შემოსევა, აჯანყების ხელმძღვანელები — ბიძინა ჩოლოყაშვილი, შალვა და ელიზბარქსნის ერისთავები, თავიანთი ნებით გამოცხადდნენ შაჰის კარზე და თავი გასწირეს სამშობლოს გადარჩენისა და მომავლისათვის. ყიზილბაშებმა აჯანყების გმირი მეთაურები სასტიკად აწამეს. ქართველმა ხალხმა თავდადებულების ხსოვნა ბოლომდე შემოინახა და უკვდავების შარაჟანდელით შემოსა მათი სახელები.

ბახტრიოხის ამ გმირულ ეპოპეას უძღვნა თავისი შესანიშნავი პოემა ვ ა ე ა - ფ შ ა ვ ე ლ ა მ, ხოლო ა კ ა კ ი წ ე რ ე თ ე ლ - მ ა ე ს ამბები აღწერა თავის მოთხრობაში „ბაში-აჩუკი“.

## კითხვები

1. რუსეთის ისტორიიდან გაიხსენეთ ამ პერიოდში ვინ ჩაიდინა თევდორეს თავდადების მსგავსი გმირობა? 2. რატომ ებრძოდნენ ქართლის თავადები გიორგი სააკაძეს? 3. რა მნიშვნელობა აქონდა ქეთევან დედოფლის თავდადებას? 4. რა იყო მარაბდის ბრძოლაში ქართველთა დამარცხების მიზეზები? 5. რატომ ვერ შეძლო შაჰ-აბასმა საქართველოს მიმართ თავისი მიზნის განხორციელება? 6. როგორი იყო როსტომ ხანის პოლიტიკა? 7. რაში მდგომარეობდა კახეთის სახალხო აჯანყების მნიშვნელობა?

## დოკუმენტები

### 1. „ქართლის ცხოვრება“ მარტყოფის ბრძოლის შესახებ

ციხილბაშთა ლაშქარი მარტყოფის ველზე იყო დაბანაკებული და ემზადებოდა ქართლის გასანადგურებლად. მათ ბანაკში ჯერ კიდევ იმყოფებოდა გიორგი სააკაძე, რომელიც ზურაბ არაგვის ერისთავთან ერთად ფარულად ხელმძღვანელობდა აჯანყების მომზადებას. „მაშინ შეიყარნენ ქართველნი და ზურაბ ერისთავი, აცნობეს დიდ მოურავსა და მოვიდნენ გათენების ხანსა, დაესხნენ ციხილბაშთა. ხოლო მოურავი დიდად სახელოვნად იყო მას ღამესა: მივიდა მოურავი და მოკლა თვით შუბითა ყარჩიხა-ხან, და შეიღმან მისმან ავთანდილ მოკლა ყორჩიბაშის შვილი. და დაუშინეს, ამოწყვიტეს ქართველთა სრულიად ციხილბაშნი. ესრეთ მისცა ძლევა ღმერთმან ქართველთა რა გაემარჯვათ: ამოსწყვიტეს, გააქციეს და იქმნა გამარჯვება დიდი“.

იგივე ბრძოლას აგვიწერს თურქი ისტორიკოსი (XVII ს.) მუსტაფა ნაიმა: ციხილბაშთა ბანაკში „ყველა თავის ნებაზე იყო: ზოგს ეძინა და ისვენებდა, ზოგი კიდევ პურსა სჭამდა. სწორედ ამ დროს მთებში გამოჩნდა ქართველთა ლაშქარი. ამ დროს მოურავი ყარჩილა-ხანთან მივიარდა და უთხრა: „რას განჩერებულხარ, ხანო, ჯარიც გაფრთხილდეს, ამხედრდეს და მზად იყოსო“. თვით ხანი ცხენზე რომ ჯდებოდა, მოურავმა უთხრა: „აბა, ნახე, თუ როგორ იქნება ქართველების გაწყვეტა, შე წყუშლო ციხილბაშო“. ეს უთხრა და თავისი შუბი ყარჩიხა-ხანს ილიისი ქვეშ დააძგერა ისე, რომ შუბი მეორე მხარეს გამოვიდა. „ჰე, ვიაურო, არამი იყოს შენზე შაჰის პური!“ — წამოიძახა ყარჩიხა-ხანმა და ცხენიდან ჩამოვიარდა. ყარჩიხა-ხანის შვილმა ეს რომ დაინახა, „ჰეი, ეს რა ჰქენი, შე შაჰის მტეროო“ — შესძახა და მოურავს ეძგერა. მოურავმა ხმალი მოუქნია და მასაც თავი და ცალი მკლავი გაავლებინა. ციხილბაშთა ლაშქარი აირია. სხვა ხანებმაც არ იცოდნენ, თუ რა დაემართათ და გავიგნებულნი რომ იყვნენ, ქართველთა ბეგები მისცვიდნენ და იმდენი დახოცეს; რომ ოქტაბერი ათასი ციხილბაშიდან სამი ათასმა ყიზილბაშმა ძლივს უშველა თავს:.. ბრძოლა განთიადიდან სიღამომდე განუწყვეტლივ გრძელდებოდა“.

## დავალება

ქართული და თურქული წყაროების მონაცემების მიხედვით უფრო სრულად აღწერეთ მარტყოფის ბრძოლა.

### 2. როსტომ მეფის წარწერა ქართლში მდ. თეძაშზე ქალაქის აშენების შესახებ

„მას ეამსა ოდეს იჯდა ერან-თურანსა ბედნიერი ყაენი ხელმწიფე შაჰ-სეფი... ქ. სახელითა ლეთისათა ჩუენ საქართველოს ხელმწიფის შვილმან მეფეთ-მეფემან პატრონმან როსტომ და თანამეცხედრემან ჩუენმან დედოფალთ-დედოფალმან პატრონმან მარიამ ხელეკყავით აღშენებად თეძამის პირსა ზედა ქალაქი და სახელი უწოდეთ მეფის ქალაქი და აღვაშენეთ საყდარნი და მონასტერი... ქალაქისა ამის მკვიდრობისათვის მეფისქალაქელთა სომეხთა ჩუენთა სახასითა<sup>1</sup> ვაქართა, ქორონიკონს: ტ...<sup>2</sup>, თთუესა აპრილის კდ“.

## დავალება

როსტომ მეფის მოტანილ წარწერას დამატარილებელი ნაწილი დაზიანებული აქვს. სცადეთ შიახლოებით დაათარილოთ, თუ ვიცით, რომ როსტომმა მარიამ დედოფალი ცოლად შეირთო 1633 წლის გვიან შემოდგომით, აგრეთვე ვიცით, რომ შაჰ-სეფი მეფობდა 1629 — 1642 წლებში.

### 8. „ქართლის ცხოვრება“ კახეთში თურქმან მომთაბარეთა ჩამოსახლების შესახებ

„ხოლო თათართა ეპყრათ მონასტერი ალავერდი ციხედ და იუუნენ შიგა და სხვაცა მრავალი ადგილი კახეთისა დაეპყრათ; ბახტრიონი ციხედ ჰქონდათ. და მრავალი ელი ცოლშვილით ჩამოსახლდნენ კახეთშია და მრავალსა ბოროტსა უყოფდნენ მკვიდრთა კახეთისათა, რამეთუ ენებათ სრულიად კახეთი გასათათრებლად და ელის დასახლება...“

ხოლო რა ესმა საქმე ესე ზაალ ერისთავსა, დიდად მწუხარე იქმნა. მაშინ შემოიფიცა ქსნის ერისთავი შალვა და ელიზბარ და კახი სუფრაჯი<sup>3</sup> ბიძინ ჩოლოყაშვილი და შემოიფიცეს მთის კაცნი თუშნი. ამათ გაატანა თანა ზურაბ, ძე თვისი, და წარვიდნენ ღამესა ერთსა დაესხნენ თავსა ბახტრიანს და ამოწყვიტეს და მოსრეს ბახტრიანის ციხეში მდგომნი ელნი... სადაცა კახეთს თათარი და ელი ესახლა, ყოველივე ამოსწყვიტეს და არა სადა დაშთა, რომ ყოველივე არ მოკლეს. და რომელნიმე იელტოდეს<sup>4</sup>, წარვიდეს და განაძეს: კახეთში თათარნი აღარსად იძუებოდნენ“.

## კითხვები

1. რატომ ვერ ეგუებოდნენ ქართველები მომთაბარე თურქმანების ჩამოსახლებას კახეთში? 2. ვინ და ვინ ხელმძღვანელობდა აჯანყების მომზადებას? 3. რატომ მოვიდნენ ქართლიდან ქსნის ერისთავები კახეთის დასახმარებლად?

<sup>1</sup> ს ა ხ ა ს ო — მეფის საკუთრება. <sup>2</sup> ქორონიკონის აღმნიშვნელი დანარჩენი ასოები დაზიანებულია. <sup>3</sup> ს უ ფ რ ა ჯ ი — მოხელე კახეთის სამეფოში, მეფის სუფრის მომარაგების გამგებელი. <sup>4</sup> გაიქცნენ.

1. ქართული სამეფო-სამთავროების სამეურნეო-ეკონომიკური მდგომარეობა XVI — XVII საუკუნეებში. XVI საუკუნის განმავლობაში კახეთის სამეფოში მშვიდობა სუფევდა. ამიტომ აქ სწრაფად განვითარდა სოფლის მეურნეობა, ვაჭრობა-ხელოსნობა. მოსახლეობაც შესამჩნევად მომრავლდა.

აღმოცენდა ახალი ქალაქები ( გ რ ე მ ი , ძ ე გ ა მ ი ), დაწინაურდა საგარეო ვაჭრობა: უცხოეთში გაჰქონდათ აბრეშუმი, კაკალი, ენდრო, ცხენები, ღვინო. ფართოდ გაიშალა საამშენებლო მუშაობა. შენდებოდა სასახლეები, ციხე-სიმაგრეები, ეკლესია-მონასტრები, აღადგენდნენ ძველ ნაგებობებს, გაჰყავდათ გზები, არხები და სხვა. მაგრამ XVII საუკუნის დასაწყისიდან, შაჰ-აბასის გამანადგურებელი შემოსევების შემდეგ კახეთში სოფლის მეურნეობა უკიდურესად დაეცა, ჩაკვდა ვაჭრობა-ხელოსნობა, გაქრა ერთ დროს აყვავებული ქალაქები, მოსახლეობა მკვეთრად შემცირდა (იხ. დოკ. 1, ა).

ქართლში კი პირიქით. მთელი XVI საუკუნის მანძილზე და XVII საუკუნის დასაწყისში განუწყვეტელი ბრძოლები იყო ყიზილბაში და ოსმალთა დამპყრობლების წინააღმდეგ. აღვირახსნილ შინაფეოდალურ ანარქიას ქვეყნის განადგურება, ეკონომიკის მოშლა, მოსახლეობის შემცირება მოჰყვა. ვაჭრობა-ხელოსნობისა და საქალაქო ცხოვრების ნორმალური განვითარების პირობები არ იყო, მაგრამ XVII საუკუნის 30 — 40-იანი წლებიდან შედარებით მშვიდობა ჩამოვარდა და შედეგმატ არ დააყოვნა. ქართლი შესამჩნევად მოშენდა, აღდგა გაპარტახებული რაიონები, სწრაფად წინ წავიდა ქვეყნის ეკონომიკური განვითარება, დაწინაურდა სოფლის მეურნეობა, ვაჭრობა-ხელოსნობა, გაცხოველდა საგარეო ვაჭრობა ირანთან და სხვა ქვეყნებთან. ქართლის სამეფო კარი საგანგებო ღონისძიებებს ახორციელებდა დაქვეითებული მეურნეობის აღსადგენად და გამოსაცოცხლებლად.

ყურძნის წურვა დას. საქართველოში. კასტელის ალბომიდან.



განსაკუთრებული აღმავლობა დაეტყო თბილისს. XVII საუკუნეში მისი მოსახლეობა უკვე 20 000 შეადგენდა. დაწინაურდნენ ქართლის სხვა ქალაქებიც: გორი, სურამი, ალი, ცხინვეალი და სხვა. გატარდა ღონისძიებანი ბაყეების ნიხრის, სავაქრო კანონმდებლობის მოსაწესრიგებლად.



- |                              |                              |
|------------------------------|------------------------------|
| 1. Le Royaume                | 6. Le Palais de la Capitale  |
| 2. Le Palais de la Cour      | 7. Les Monastères            |
| 3. Le Palais de la Justice   | 8. Les Églises               |
| 4. Le Palais de la Guerre    | 9. Le Palais de la Marine    |
| 5. Le Palais de la Religion  | 10. Le Palais de la Noblesse |
| 11. Le Palais de la Noblesse | 12. Le Palais de la Noblesse |
| 13. Le Palais de la Noblesse | 14. Le Palais de la Noblesse |
| 15. Le Palais de la Noblesse | 16. Le Palais de la Noblesse |
| 17. Le Palais de la Noblesse | 18. Le Palais de la Noblesse |
| 19. Le Palais de la Noblesse | 20. Le Palais de la Noblesse |



XVI — XVII საუკუნეებში განსაკუთრებით მძიმე პირობებში იმყოფებოდა სამცხე-საათაბაგო და დას. საქართველო. სამცხესა და აჭარაში ოსმალების გაბატონებამ საფუძვლებშივე შეარყია აქ ქართული ფეოდალური წყობილება და ეკონომიკა. მშრომელი მოსახლეობა დამპყრობლების სასტიკი ექსპლოატაციის ქვეშ მოექცა.


ფეოდალური მეურნეობის წარმოებისთვის დას. საქართველოში ბუნებრივი პირობები გაცილებით არახელსაყრელი იყო, ვიდრე აღმოსავლეთ საქართველოში, ამიტომ განვითარების ნორმალური პირობების შეფერხებამ განსაკუთრებით მძიმე შედეგები გამოიღო. მთელი XVI — XVII საუკუნეების განმავლობაში დას. საქართველოში ფეოდალური ეკონომიკა დაღმავალი გზით მიექანება. აქ ერთიანად გაქრა ერთ დროს აყვავებული ქალაქები, მეურნეობამ უკიდურესად კარჩაეცტილი, ნატურალური ხასიათი მიიღო (იხ. დოკ. 1, ბ).

2. ქართული ფეოდალური სამეფო-სამთავროების სოციალური აგებულება და კლასობრივი ბრძოლა XVI — XVII საუკუნეებში XV საუკუნიდან დიდ ცვლილებებს აქვს ადგილი ფეოდალური საქართველოს საზოგადოებრივი კლასების მდგომარეობაში. როგორც დავინახეთ, ფეოდალთა კლასს ამ დროიდან გამოეყო უმაღ-

XVII ს. 70-იანი წლების თბილისის ხედი. ფრანგი მოგზაურის ეან შარდენის წიგნიდან.



ბაზრობა ილორის წმ. გი-  
ორგის ეკლესიის ეზოში.  
კასტელის ალბომიდან.



ლესი და უძლიერესი ფენა მთავრებისა და თავადების სახით, რომ-  
ლებსაც გამრავლებულ მეფეთა საგვარეულოებთან ერთად ხელთ  
ეპყრათ პოლიტიკური ძალაუფლება. ფეოდალური კლასის უმალ-  
ლეს ფენას შეადგენდნენ მაღალი საეკლესიო ხელისუფალნიც:  
კათალიკოსები, ეპისკოპოსები, დიდი მონასტრების წინამძღვარ-  
ნი, რომელთაც ძირითადად მსხვილი ფეოდალური საგვარეულოე-  
ბიდან ნიშნავდნენ.

ამ პერიოდის საქართველოს დიდ ნაწილში კვლავ აღმოცენდ-  
ნენ და ნახევრად დამოუკიდებელ საფეოდალოებად გადაიქცნენ  
ს ა თ ა ვ ა დ ო ე ბ ი. სათავადოების სათავეში თავადები იდგნენ.  
ასეთი სათავადოები იყო ქართლში: არაგვის საერისთავო, ქსნის  
საერისთავო, საამილახვრო, სამუხრანბატონო, საციციანო, საბარა-

თიანო და სხვა; იმერეთში — რაჭის საერისთავო, აბაშიძეთა, ჩხე-  
იძეთა, ლორთქიფანიძეთა და სხვა სათავადოები. ასეთივე სათავა-  
დოები იყო ცალკეულ სამთავროებშიც. სათავადოები გარკვეუ-  
ლი იერარქიით ხასიათდებოდა. ამ საფეოდალოს მეთაურს — თ ა -  
ვ ა დ ს ე მ ო რ ჩ ი ლ ბ ო რ ნ ე ნ მ ი ს ი ს ა ხ ლ ი ა ე ბ ი, სათავადო საგვარეუ-  
ლოს უმცროსი, გვერდითი შტოს წარმომადგენლები, რომლებიც  
თ ა ვ ა დ ი შ ვ ი ლ ე ბ ა დ იწოდებოდნენ. სათავადოს ტერიტორია  
ძირითადად ერთიანი იყო, თავისი ციხესიმაგრეებით, ეკლესია-  
მონასტრებით. თავადიშვილთა ოჯახები სათავადოს ტერიტორიის  
სხვადასხვა ადგილებში ცხოვრობდნენ. მათ ყმებად ჰყავდათ უფრო  
წვრილი ფეოდალები — ა ზ ნ ა უ რ ე ბ ი, თვითონ თავადები კი  
მეფეების ან მთავრების ყმებად ითვლებოდნენ. მთელი ეს იერარ-  
ქიული შენობა ყმა-გლეხთა სასტიკ ექსპლოატაციას ემყარებოდა.

ყმა-გლეხობა ორ ძირითად ფენად იყოფოდა — მ ს ა ხ უ რ ე -  
ბ ა დ და მ ე ბ ე გ რ ე, ანუ მ ო ყ ა ლ ნ ე გლეხებად. მსახურებს  
ბატონის ხლება-მოლაშქრობა და სხვა შედარებით საპატიო სამ-  
სახური ევალებოდათ. მებეგრე გლეხებს ეკისრებოდათ ძირითა-  
დი საბატონო გამოსაღების — ბ ე გ ა რ ი ს გადახდა. ბეგარაში  
მრავალი გადასახადი იგულისხმებოდა. ცალკეულ საფეოდალო-  
ში და ხშირად სოფელშიც სხვადასხვა სახის ბეგარა იყო. მათ შო-  
რის მთავარი იყო: ღალა (მარცვლეულით გადასახადი), კულუ-  
ხი (გადასახადი ღვინით), საბალახე და პირისთავი (გადასახადი სა-  
ქონლის ყოლისათვის), ძღვენი, სამასპინძლო და მრავალი სხვა.  
მემატონეები გადასახადს სისტემატურად ზრდიდნენ. ამას გარ-  
და გლეხები იხდიდნენ საშეფო და საეკლესიო გადასახადებსაც,  
გადასახადებს უცხოელ დაზღვრობთა სასარგებლოდ.

ბატონყმური ექსპლოატაციის ზრდა მეტისმეტად ამწვავებდა  
გლეხთა კლასობრივ ბრძოლას. გლეხები მემატონეთა მიერ მათ  
ჩაგვრასა და ძარცვაზე მეფესთან ჩიოდნენ, მაგრამ საშეფო კარი



იმერეთის მეფისა და სა-  
მეგრელოს მთავრის მო-  
ლაპარაკება. კასტელის  
ალბომიდან.



ტყვე ბავეშების გაყიდვის  
სცენა. კასტელის ალბო-  
მიდან.

ქართველების ლხინი. კასტელის აღმომიდან.

## Chianulli Giorgianorù.

Edomus et bibamus nell'altra  
vita chi sa dove andremo



Sunt uerba monachorum  
dicunt Giorgiani.

ან ვერ ახერხებდა სათავადოების საშინაო საქმეებში ჩარევას, ან უფრო ხშირად ფეოდალთა მხარეს იჭერდა. აუტანელ გაჭირვებაში ჩაყარდნილი გლეხები იძულებულნი ხდებოდნენ აყრილიყვნენ, გაქციულიყვნენ და სხვაგან ეძებნათ ბედი. ხ ი ზ ნ ო ბ ა - ბ ო - გ ა ნ ო ბ ა ა მ დროს ჩვეულებრივ მოვლენად იქცა. გლეხები ხშირად გარბოდნენ ისეთ ადგილებში, სადაც ბატონყმობა შედარებით განუვითარებელი ფორმებით იყო წარმოდგენილი, სადაც ჭერ კიდევ ძლიერი იყო თემურ-გვაროვნული წყობილების ტრადიციები და გვაროვნული თავისუფლების გადმონაშთები. ასეთი ადგილები იყო, მაგალითად, აღმოსავლეთ კახეთი, სადაც, როგორც დაინახეთ, მასობრივად ჩამოსახლდნენ იმიერკავკასიელი მთიელები და თან ჩამოიტანეს თემურ-გვაროვნული წყობილების ტრადიციები, სამეგრელოდან გლეხობა მასობრივად გარბოდა აფხაზეთში.

ა ფ ხ ა ზ ე თ შ ი ადგილობრივი გლეხების დიდ ნაწილს ან ხ ა - ი უ ს კატეგორიის გლეხები შეადგენდნენ. ანხაიუ აფხაზურად თავი-


სუფალ მცხოვრებს, მიწათმოქმედს, თავისუფალ მეთემეს ნიშნავდა, შემდეგ საერთოდ გლეხს, გლეხკაცს. XVI — XVII საუკუნეებში გლეხების დიდი ნაწილი აფხაზეთში პირადი თავისუფლებით სარგებლობდა, მაგრამ მათ გვერდით იყვნენ ფეოდალურად დამოკიდებული ყმა-გლეხებიც (ამ ა ც უ რ ა ზ კ უ, ა ხ ო ი უ) და სრულიად უფუფლებონი (ა ხ ა შ ე ა ლ ა), რომლებიც თვით მონის მდგომარეობამდე იყვნენ დაყვანილნი. მკაცრ ბატონყმურ ექსპლოატაციას გამოქცეული გლეხები სამეგრელოდან და გურიიდან აქ თემურ თავისუფლებას ეძებდნენ.

კლასობრივი ბრძოლის აქტიური ფორმები იყო „ა ბ რ ა გ ო ბ ა“ — „ყ ა ზ ა ხ ო ბ ა“, როდესაც ცალკეული გლეხები იარაღს ჰკიდებდნენ ხელს და ებრძოდნენ თავიანთ კლასობრივ მხაგვრელებს. ადგილი ჰქონდა გლეხთა მასობრივ გამოსვლებსაც — „ჭ ა ნ ლ ს“. მაგალითად, XVII საუკუნის 60-იან წლებში აჭანყდნენ არაგვის ხეობის სოფ. ქ ა ი ს ხ ე ვ ი ს გლეხები, ამავე საუკუნის ბოლოს და XVIII საუკუნის დასაწყისში აჭანყდნენ სოფ. ბ ო რ ბ ი ს და ბ ო რ ბ ი ს ხ ე ვ ი ს გლეხები და თავიანთ მებატონეს, ბოდბელ ეპისკოპოსს მოსთხოვეს ისინი დამატებითი გადასახადებისაგან გაეთავისუფლებინა. ამათ წინააღმდეგ მეფის ხელისუფლებას განსაკუთრებული ღონისძიებების გატარება დასჭირდა (იხ. დოკ. 2).

მწვავე კლასობრივ ბრძოლას ჰქონდა ადგილი საქართველოს ქალაქებშიც, სადაც წერილი ვაჭარ-ხელოსნური მოსახლეობა და მოქალაქეთა სხვა დაბალი ფენები ებრძოდნენ როგორც მებატონე რონე ფეოდალებს, ისე მდიდარ ვაჭრებსა და დიდმოხელეებს.



გლეხკაცების სადილი სამუშაოს შემდეგ მისიონერების არგვეთის რეზიდენციაში. კასტელის ალბომიდან.



მამუკა თავაქარაშვილის მიერ შესრულებული ავტოპორტრეტი და „ვეფხისტყაოსნის“ ილუსტრაციის (XVII ს.) ნიმუში.

8. ქართული კულტურა XVI — XVII საუკუნეებში. მონღოლთა ბატონობის გადავარდნის შემდეგ გამოცოცხლებული ქართული კულტურა XV საუკუნიდან ისევ დაცემისა და დაქვეითების გზით მიექანება. დიდი გავლენა იქონია იმ ამბავმაც, რომ საქართველო მოსწყდა დასავლეთ ევროპის კულტურულ სამყაროს და უკულტურო ოსმალებისა და ყიზილბაშების გარემოცვაში მოექცა. ძაგრამ ამ მძიმე და არახელსაყრელი პირობების მიუხედავად ქართული ფეოდალური კულტურა მაინც იჩენდა მძლავრ სიცოცხლისუნარიანობას. ამის მიზეზი იყო ქართული კულტურის შტკიცე ეროვნულ-ხალხური საფუძველი.

XVI — XVII საუკუნეების საქართველოში უკვე აღარ არსებობდნენ უმაღლესი სასწავლო-სამეცნიერო ცენტრები. წერა-კითხვას ასწავლიდნენ უმთავრესად ოჯახებში და ეკლესია-მონასტრებში. XVII — XVIII საუკუნეებში დას. ევროპიდან საქართველოში ჩამოდიან კათოლიკე მისიონერები, რომლებიც საქართველოს სხვადასხვა ქალაქში აარსებენ სკოლებს, სადაც კათოლიკურ-ქრისტიანულ მოძღვრებასთან ერთად ასწავლიდნენ იტალიურსა და ლათინურ ენებს, ზოგიერთ პრაქტიკულ მეცნიერებასაც.

ქართველი საზოგადოება დიდ ინტერესს იჩენდა სამოქალაქო მეცნიერებებისადმი, როგორც იყო, მაგალითად, გეოგრაფია ასტრონომია, მედიცინა, ისტორია, ფილოლოგია. შესამჩნევი გამოცოცხლება დაეტყო ქართულ ლიტერატურას. შეიქმნა „ვე-

ფ ხ ი ს ტ ყ ა ო ს ნ ი ს“ გაგრძელებათა მთელი ციკლი. „ე ე ფ ხ ი ს - ტ ყ ა ო ს ა ნ ი“ ყოველთვის რჩებოდა ქართველი ხალხის უსაყვარლეს წიგნად. მისი იდეები და ზოგადსაკაცობრიო იდეალები, ასე ახლო მდგომი ქართველი კაცის ზნეობასა და ბუნებასთან, შესანიშნავი ლექსთწყობა და ქართული სიტყვის დიდებული მუსიკა, თვით უდიდესი გაპირვების დროსაც კი აღაფრთოვანებდა ჩვენს წინაპრებს ქართული ენისა და სამშობლოს დაცვისათვის ბრძოლაში. ამ პერიოდში „ე ე ფ ხ ი ს ტ ყ ა ო ს ნ ი ს“ დიდ პოპულარობას მოწმობს ის ფაქტი, რომ XVI — XVII საუკუნეების არაერთმა პოეტმა სცადა თავისი გემოვნებით შეეცნო ან გაეგრძელებინა რუსთაველის ეს გენიალური ნაწარმოები.


პოეზიას ქართულ მწერლობაში და საერთოდ ქართველი კაცის ცხოვრებაში ყოველთვის განსაკუთრებული ადგილი ეკავა. თ ე ი მ უ რ ა ზ I იყო შესანიშნავი პოეტი, რომელმაც შექმნა არაერთი მაღალმხატვრული ნაწარმოები. მართალია, იგი სპარსული პოეზიის დიდ გავლენას განიცდიდა, მაგრამ ამავე დროს პირველი იყო, ვინც ეროვნულ-ისტორიული მოტივი შემოიტანა ქართულ პოეზიაში. მის კალამს ეკუთვნის პოემა „წ ა მ ე ბ ა ქ ე - თ ე ე ა ნ დ ე დ ო ფ ლ ი ს ა“, რომელშიც აღწერილია მისი დედის, ქეთევან დედოფლის სამინელი წამება და გმირული თავდადება სამშობლოსა და ეროვნული სარწმუნოებისათვის. ეროვნულ-ისტორიული მოტივი განსაკუთრებით გაძლიერდა შემდგომი თაობის პოეტთა და საზოგადო მოღვაწეთა შემოქმედებაში. ი ო ს ე ბ თ ბ ი ლ ე ლ მ ა პოეტურად ისახა გიორგი სააკაძის მოღვაწეობა და ტრაგიკული ბედი, ა რ ჩ ი ლ მ ე ფ ე მ თავის პოემაში „გ ა ბ ა ა ს ე ბ ა თ ე ი მ უ რ ა ზ ი ს ა და რ უ ს თ ა ვ ე ლ ი ს ა“ გადმოგვცა თეიმურაზის თავგადასავალი XVII საუკუნის ისტორიული მოვლენების ფონზე. მანვე დააყენა ქართული საზოგადოებისათვის მნიშვნელოვანი არაერთი საჭირობოროტო საკითხი. მაგალითად, ზნეობრივი აღზრდის, ქართული ბატონყმობის რიგის დაცვის, მშრომელი გლეხებისადმი დამოკიდებულების საკითხი და სხვა. ამავე პერიოდში იქმნებოდა, მართალია პოეტურად მდარე, მაგრამ ისტორიული სინამდვილის ამსახველი პოემები. მაგალითად, ფ ე შ ა ნ გ ი ხ ი თ ა რ ი შ ვ ი ლ ი ს „შ ა მ ა ნ ა ვ ა ზ ი ა ნ ი“ და სხვ.



არჩილი.

ორიგინალურ პოეზიასთან ერთად ამ დროს იქმნებოდა გალექსილი და პროზაული თარგმანები, ძირითადად სპარსულიდან. დიდი პოპულარობით სარგებლობდა ქართველ ხალხში „შ ა მ ე ს“ გალექსილი თარგმანები, დიდაქტიკურ-აღმზრდელაობითი ხასიათის მოთხრობების ციკლები („ქ ი ლ ი ლ ა და დ ა მ ა ნ ა“ და სხვ.).

ანანური. არაგვის ერის-  
თავთა რეზიდენცია  
(XVII ს.)



ნინოწმინდის სამრეკლო  
(კახეთი, XVI ს.).



XV — XVII საუკუნეების ქართული ხუროთმოძღვრება მკვეთრად ჩამოუყარდებოდა კლასიკური ხანის (XI — XIII სს) ბრწყინვალე ქართულ საამშენებლო ხელოვნებას. იგი მისი კანონზომიერი გაგრძელება ვერ იყო, მაგრამ ამ ეპოქაში მაინც იქმნება დროის შესაფერისი ძეგლები: გ რ ე მ ის საქალაქო ანსამბლი ეკლესიებითა და სასახლეებით, შ უ ა მ თ ის ახალი მონასტერი და ნინოწმინდის სამრეკლო (კახეთში), როსტომის სასახლე და ანჩისხატის სამრეკლო (თბილისში), მკადიჯვრის ეკლესია, ანანურის ანსამბლი (ქართლში) და სხვ.


შედარებით დაბალი დონისაა ამ პერიოდის ქართული კედლის მხატვრობა. ბევრ ხელნაწერს ამკობდნენ მინიატურები. სამეგრელოს მთავრის ლევან მეორე დადიანის დაკვეთით გადაწერეს „ვეფხისტყაოსანი“, რომელიც მ ა მ უ კ ა თ ა ვ ა - ქ ა რ ა შ ვ ი ლ მ ა მოხატა. ლევან მეორე დადიანის კარზევე იყო შექმნილი საოქრომკედლო სახელოსნო, სადაც არაერთი ათეული პედური ხელოვნების ნიმუში შეიქმნა (იხ. დოკ. 3).

### კითხვები და დავალება

1. რა იყო XVI — XVII საუკუნეებში საქართველოს ცალკეული მხარის სამეურნეო აღმაშენებლის ან დაცემა-დაქვეითების მიზეზები? 2. რა ცვლილებები განიცადა ფეოდალურმა კლასმა? დაახასიათეთ ამ პერიოდის საქართველოში გავრცე-



ლებული (აღმოცენებული) მსხვილი საფეოდალოები — სათავადოები. 3. ჩამოთვალეთ გლხთა კატეგორიები და მათი საგადასახადო ვალდებულებანი. რა საშუალებებით ებრძოდნენ ყმა-გლეხები ბატონყმურ ექსპლოატაციას? 4. რამ გამოიწვია ქართული კულტურის დაცემა განხილულ პერიოდში? 5. რა იყო ქართული კულტურის სიკოცხლისუნარიანობის მიზეზები?



ახალი შუამთის ტაძარი (კახეთი, XVI ს.).

## დოკუმენტები

### 1. ა) ნაწევები რუსი ელჩების აღწერილობიდან XVII ს. 40-იან წლებში კახეთის სამეურნეო მდგომარეობის შესახებ

„ქალაქები ქართველების ქვეყანაში (კახეთში) აღარ არის. ის მცირე ქალაქები, რომლებიც წინათ იყო, შაჰმა საქართველოში ლაშქრობისას დაანგრია საფუძვლითურთ და გაანადგურა... ქვეყნის დიდი ნაწილი მოსახლეობის სიმცირის გამო ტყითაა დაფარული. მარცვლეულიდან თესვენ ხორბალს, ქერს, ოსპს, ცერცეს, მიწას ხნავენ ხარებშემებული გუთნით. პურეული მოლის საშუალოდ. რა ფასად რას ყიდულობენ, ეს არ ვიცით, რადგან ამ ქვეყანაში (კახეთში) ბაზრები და დროდადრო თავშესაყარი ბაზრობები არსად არ არის და არც არაფერს ყიდიან... აქ მოდის ხილეული: ვაშლი, მსხალი, ზეთისხილი, ყურძენი საქიმშიშე და საღვინე, კაკალი, ალუბალი, შინდი, ქლიავი, გარგარი, მყუვალი, თხილი, წაბლი... ბაღჩეული და ბოსტნეული — ნესეი, საზამთრო, კიტრი, სტაფილო, ჭარხალი, კომბოსტო, ხახვი, ნიორი. ქართველთა ქვეყანაში თვითონ ადამიანები კეთილნი არიან“.

### ბ) XVII საუკუნის 60-იან წლებში დასავლეთ საქართველოში მუოფი ანტიოქელი პატრიარქი მაკარიოსი ქვეყნის სამეურნეო მდგომარეობის შესახებ

„ქართველებმა ხელი აიღეს ისეთ საქმიანობაზე, როგორიც არის მე-აბრეშუმეობა, რომელიც შეიძლებოდა კარგად დაწინაურებულიყო მათში, რაკი მათი ქვეყანა ძალიან ნაყოფიერია და მდიდარია თუთის ხეებით. მართალია, ზოგიერთი მათგანი ეწევა ამ საქმიანობას და დიდ შემოსავალსაც იღებს, მაგრამ დიდ უმეტესობას არ სურს ხელი მოჰკიდოს მეაბრეშუმეობას...“

ისინი (ქართველები) ვაჭრობასაც კი არ მისდევენ და ამათთან მიღებულიც კი არ არის, რომ, მაგალითად, მეგრელი წავიდეს იმერეთში სავაჭროდ ან კიდევ გურული — თბილისში. საერთოდ თვითონ ქართველთა შორის არ არიან ვაჭრები და ქვეყნის მთელი ვაჭრობა მათი ქვეშევრდომების ხელშია.“

## კითხვები და დავალება.

1. რა იყო მიზეზი კახეთის მოსახლეობის შემცირებისა და ქვეყნის სამეურნეო დაცემისა? 2. მეურნეობის რა დარგებს მისდევდა მიწაღმოქმედი მოსახლეობა? რატომ დაცა ვაჭრობა საქართველოს ცალკეულ კუთხეებს შორის? მოტა-



ნილი დოკუმენტების მიხედვით დაახასიათეთ საქართველოს ცალკეული კუთხის სამეურნეო-ეკონომიკური მდგომარეობა და სცადეთ ახსნათ არსებული მდგომარეობის მიზეზები.

**2. ნაწყვეტი XVIII საუკუნის დასაწყისის გუჯარიდან, რომელიც თეიმურაზ ბატონიშვილს (შემდეგში თეიმურაზ II) მიუცია ბოდბელი ეპისკოპოსისათვის, რომელშიც აღწერილია საბოდბელის გლეხთა აჯანყება „ბოდბელის ყმამ იჯანლა<sup>1</sup>, მოხელეები დაარბია — რიგის ძროხა<sup>2</sup> არ გვაძევსო... უწინაც ექნათ რიგის ძროხაზე ჯანლი. წიგნებიც<sup>3</sup> მიეცა ბოდბელს, მაგრამ ბატონს მამაჩვენს (ე.ი. ერეკლე I)<sup>4</sup> არ ეპატიებინა, ჯანლის თავები<sup>5</sup> დაეპირა, ჯარიმაც ბარი წაერთმია...“**

## დავალემა

მოტანილი ფრაგმენტის მიხედვით მოგვითხრეთ ბოდბელი ეპისკოპოსის საყმოს აჯანყების შესახებ.

**მ. ნაწყვეტი XVII საუკუნის იტალიელი მისიონერის არქანჯელო ლამბერტის „სამეგრელოს აღწერილობიდან“, რომელშიც მოთხრობილია სამეგრელოს მთავრის ლევან II დადიანის (1610-1657 წწ.) საამშენებლო-კულტურულ ღონისძიებათა შესახებ**

„რომელიც დანგრეული ეკლესია იყო, (ლევან დადიანმა) ხელახლა ააშენა; რომელსაც სახურავი არ ჰქონდა, იმას სახურავი გაუკეთა; რომელსაც ორნამენტები შემოსცლოდა, ისევ გაამშენიერა და შეამკო. ამასთან ყველა ეკლესიას ფრიად შეუმატა შემოსავალი. უთვალავი ოქროვერცხლის ხატე გააკეთებინა თვალმარგალიტებით შემკობილი. ათი წლის განმავლობაში ოცზე მეტი ოქრომჭედელი ჰყავდა, რომელნიც განუწყვეტლივ აკეთებდნენ საეკლესიო ჭურჭელს“.


## დავალებები

1. დაახასიათეთ ლევან დადიანის კულტურული ღონისძიებანი. 2. შეადარეთ ამ პერიოდში შექმნილი კულტურის ძეგლები XI — XII საუკუნეების ქართული კულტურის ძეგლებს.

<sup>1</sup> აჯანყდა. <sup>2</sup> ბეგარის ზევით დამატებითი გადასახადი, საქონლით. <sup>3</sup> წერილობითი საბუთი. <sup>4</sup> ერეკლე I ქართლის მეფედ იყო 1688—1703 წწ., მასვე მშვემდებარებოდა კახეთის ნაწილი. <sup>5</sup> აჯანყების მეთაურები.

XVII საუკუნის მეორე ნახევარში ქართლისა და კახეთის სათავეში მამადიანი მმართველები იდგნენ, რომლებიც ხელისუფლებას ირანის შაჰებისაგან იღებდნენ. ამ პერიოდში აღმოსავლეთ საქართველოში შესამჩნევად გაძლიერდა სპარსულ-ყიზილბაშური გავლენა. შაჰის კარი ცდილობდა ასე თანდათანობით, ქართველი ფეოდალების თავის მხარეზე გადაბირებით და მათი გამამადიანებით, ქართლი და კახეთი საბოლოოდ გარდაექმნა მორჩილ ყიზილბაშურ სახანოებად. დამპყრობლები იყენებენ ქართველ ფეოდალებს შორის გაჩაღებულ შინა ბრძოლებს, ბრძოლას ქართლისა და კახეთის ტახტის ცალკეულ პრეტენდენტებს შორის და ამით აღმოსავლეთ საქართველოს კიდევ უფრო მეტად აქცევენ თავიანთი გავლენის ქვეშ. ქართველი მოსახლეობის მდგომარეობას განსაკუთრებით აუტანელს ხდიდა დალისტნელ ფეოდალთა მიერ მოწყობილი ყაჩაღური თავდასხმები, რომლის დროსაც მთიელი მეკობრეები იტაცებდნენ ადამიანებს, საქონელს, დოვლათს, საერთოდ ყველაფერს, რის წაყვანა და წაღება შეიძლებოდა.

უმაგალითო ფეოდალური ანარქია მძვინვარებდა დასავლეთ საქართველოში. სამეგრელოს, გურიისა და აფხაზეთის მთავრები დაუცხრომლად ებრძოდნენ ერთმანეთსაც და იმერეთის მეფესაც. ამით სარგებლობდა ოსმალეთი და კიდევ უფრო ზრდიდა თავის გავლენას დასავლეთ საქართველოზე. ამ შინაფეოდალური ბრძოლების ვითარებაში და ოსმალების ყოველმხრივ ხელშეწყო-



მეჯლისი ქართლის მეფის თბილისის სასახლეში 1672 წ. ფრანგი მოგზაურის ე. შარდენის წიგნიდან.



ვახტანგ VI-ის პორტრეტი. 1709 წ. თბილისში დაბეჭდილი სახარებიდან.

ბით სულ უფრო ფართოდ ვრცელდებოდა ტყვის სყიდვა. მოსახლეობა როგორც აღმოსავლეთ, ისე დასავლეთ საქართველოში კატასტროფულად მცირდებოდა. მოსახლეობისაგან დაკლილ და გავერანებულ ადგილებს საქართველოს მთელ რიგ რაიონებში, მაგალითად, ჩრდილოეთ შავიზღვისპირეთში, შიდა ქართლში და აღმოსავლეთ კახეთში, თანდათანობით იკავებენ იმიერკავკასიიდან ჩამოსახლებული მთიელები.

ამ საერთო ძნელებდობის დროს ქართველი საზოგადოების მოწინავე ნაწილი იმედს მაინც არ კარგავდა, ქვეყნის „აღდგომისა“ და „გამოსხნისათვის“ ირაზმებოდა და ძალებს იკრებდა. ამ ბრძოლის სათავეში ჩადგა ვახტანგ VI.

**ქართლი XVIII საუკუნის I მეოთხედში.** ვახტანგ VI ქართლის მმართველად (ჯანიშინად) დაინიშნა 1703 წელს. იგი პირველ რიგში ქვეყნის შიგნით წესრიგის აღდგენას შეუდგა და ენერგიული ზომებით ალაგმა თავადების თვითნებობა. ეკლესიას დაუბრუნა თავადების მიერ მიტაცებული მიწები. მისი ხელმძღვანელობით შედგენილ იქნა „სამართლის წიგნი“, რომელიც მალე მთელს საქართველოში მოქმედ კოდექსად იქცა.

ვახტანგმა დიდი ყურადღება მიაქცია ქვეყნის მეურნეობის აღდგენას. ხელახლა დაასახლა ქართლის გაუკაცრიელებული ადგილები. გაიყვანეს და განაახლეს დიდი ხნის წინათ მოშლილი სარწყავი არხები. მოაწესრიგეს გზები, ააგეს ხიდები და ქარვასლები, გააუმჯობესეს ფულის მოჭრის საქმე. აღნიშნული ღონისძიებანი ქართლს შესამჩნევად დაეტყო. გამოცოცხლდა ვაჭრობა-ხელოსნობა, საქალაქო ცხოვრება. კვლავ თავის კეთილდღეობას დაუბრუნდა თბილისი.



ვახტანგ VI და სულხან-საბა ორბელიანი. მინიატურა „ქილილა და დამანას“ ხელნაწერი წიგნიდან.


1709 წელს ვახტანგ VI-ემ თბილისში დააარსა პირველი ქართული სტამბა. ამ სტამბის მოწყობაში მას დაეხმარა ვლახეთში (რუმინეთში) მოღვაწე ქართველი ანთიმოზ ივერიელი. ანთიმოზ ივერიელი ბავშვობაში საქართველოდან ტყვედ წაუყვანიათ და შემდეგ იერუსალიმის პატრიარქის კარზე იზრდებოდა. დიდად განათლებულმა ანთიმოზმა შემდეგ ვლახეთში დაიწყო მოღვაწეობა. მან თავი გამოიჩინა, როგორც თავისი ახალი სამშობლოს დიდმა პატრიოტმა. მან ვლახეთში რამდენიმე სტამბა დააარსა. ვახტანგ VI-ის თხოვნით ანთიმოზმა საქართველოში სტამბის მოსაწყობად გამოგზავნა თავისი მოწაფე მიხეილ იშტვანოვიჩი. თბილისში დაარსებულ სტამბაში უკვე 1712 წელს დაიბეჭდა „ვეფხისტყაოსანი“ ვახტანგის რედაქციითა და კომენტარებით. ეს რუსთაველის უკვდავი თხზულების პირველი მეცნიერული გამოცემა იყო. ამ ფაქტს დიდი კულტურული და პოლიტიკური მნიშვნელობა ჰქონდა.

ამ პერიოდის ქართლში ვახტანგის თაოსნობით თანდათან ჩამოყალიბდა კულტურულ-პოლიტიკურ მოღვაწეთა ძლიერი დასი, რომელმაც დამპყრობელთა ბატონობის წინააღმდეგ ენერგიული იდეური ბრძოლა წამოიწყო. ამ დასში შედიოდნენ პოეტი-ლიტერატორები, მეცნიერ-ისტორიკოსები, მთელი რიგი სახელმწიფო და საზოგადო მოღვაწეები. მათ მიზნად დაისახეს ქართველ ხალხში ეროვნული თვითშეგნების განმტკიცება და ქვეყნის მომზადება ახალი გადამწყვეტი ბრძოლებისათვის. ამ საქმიანობაში ვახტანგს გვერდით ედგა მისი აღმზრდელი და თანამებრძოლი, დიდი ქართველი მწერალი და მეცნიერი სულხან-საბა ორბელიანი.

ს. ორბელიანი მრავალი მეცნიერული და ლიტერატურულ-ფილოსოფიური ნაშრომის ავტორი იყო. მან შექმნა ქართული ენის განმარტებითი ლექსიკონი — „სიტყვის კონა“, რომელსაც თავისი მნიშვნელობა დღესაც არ დაუკარგავს. მის კალამს ეკუთვნის აგრეთვე დიდაქტიკურ-ზნეობრივი ხასიათის თხზულებები, როგორც არის, მაგალითად, „სიბრძნე სიცრუისა“, „სწავლანი“ და სხვ.

ვახტანგის თაოსნობით შეიქმნა მეცნიერკაცთა კომისია, რომელსაც დაევალა „ქართლის ცხოვრების“ (საქართველოს ისტორიის) გადამუშავება და ბოლო საუკუნეების (XIV — XVII სს.) ისტორიის დაწერა. ამ კომისიამ დიდი მუშაობა გასწია. შეიქმნა ე.წ. „ახალი ქართლის ცხოვრება“.

ვახტანგის ისტორიულ-მეცნიერული სკოლის წარმომადგენელია მისი ვაჟიშვილი ვახუშტი ბაგრატიონი, რომელმაც საქართველოს ისტორიას ვრცელი და საფუძვლიანი გამოკვლევა უძღვნა. ვახუშტის ფუნდამენტური ნაშრომი მისი დროის მოწი-



ვეფხისტყაოსნის:

აწ ახალი ღებეჭდული ქართულის ენასა ზედა ქაშა ამა  
ღლებულისა საქართველოს მპყრობელისა  
უფლისა უფლისა ვახტანგისა:  
შრომითა წარსაგებლითა მისვე მპყრობელისათა.



ვაძარათა ზეითა ზელოწიფის კარის ღვეანოზის შვი  
ლის მიქელისათა. ქალაქსა ტფილისისასა  
ქრისტეს აქეთ  
ათს შვიდას ღ თორმეტსა ღსაბამითან ვიდრე  
აქამომდე შვილიათს ზორას ოცსა:

ნავე ვეროპული მეცნიერების დონეზე იდგა. მეცნიერმა ბატონიშვილმა მოგვცა საქართველოს ისტორიულ-გეოგრაფიული აღწერა, შეადგინა საქართველოს ყველა კუთხის რუკა და ისტორიულ მეცნიერებაში შემოიტანა კვლევის დარგობრივად და კომპლექსურად წარმოების მეთოდები.

ვახტანგ VI-ის დროს დიდი ყურადღება მიაქციეს სწავლა-განათლების საქმეს. შექმნეს და თარგმნეს არაერთი სასწავლო და სამეცნიერო ნაშრომი გეოგრაფიაში, ქიმიაში, მათემატიკაში, ასტრონომიასა და სხვა მეცნიერებაში. აღსანიშნავია, რომ ამ საქმიანობაში უშუალოდ მონაწილეობდა თვითონ ვახტანგ VI (იხ. დოკ. 1).


1712 წ. ვახტანგ VI შაჰის კარზე გამოიძახეს. ამ დროს აჯანყებულ ავღანელებთან ბრძოლაში დაიღუპა ქართლის მეფე, ვახ-

ტანგის უფროსი ძმა ქ ა ი ხ ო ს რ ო. ვახტანგს ქართლის მეფედ დასამტკიცებლად გამაჰმადიანება მოსთხოვეს. ქართველმა მოღვაწეებმა ბევრი იბრძოლეს, რომ ვახტანგი ქრისტიანობით დაებრუნებინათ ქართლში. მისი გამზრდელი სულხან-საბა ორბელიანი დასავლეთ ევროპაშიც კი გაემგზავრა და სცადა შემწეობა მიეღო რომის პაპისა და საფრანგეთის მეფე ლუი XIV-ისაგან, მაგრამ მისი ელჩობა უშედეგოდ დამთავრდა. ევროპას არ სურდა საქართველოს მიჭეზით გაეფუჭებინა ურთიერთობა ირანთან ან ოსმალეთთან. ამასობაში კი ქართლს განაგებდა ვახტანგის გამაჰმადიანებული ძმა ი ე ს ე, რომელიც სასტიკად ავიწროებდა ვახტანგის მომხრეებს. ვახტანგი იძულებული შეიქნა ფორმალურად მიეღო მაჰმადიანობა, რათა საშუალება მისცემოდა ქართლში დაბრუნებულიყო და გაეგრძელებინა მეტად მნიშვნელოვანი ეროვნული მოღვაწეობა. იგი ქართლში მხოლოდ 1719 წ. დააბრუნეს.


2. ვახტანგ VI-ის ურთიერთობა რუსეთთან. XVIII ს. 20-იან წლებში კავკასია კვლავ მოექცა რუსეთის ინტერესების არეში. ირანში ამ დროს სეფიანთა დინასტია დაცემის გზას ადგა, აჯანყებულიყენენ ავღანელი და ირანში მცხოვრები სხვა ტომები, ოსმალეთი ირანის დასალაშქრავად ემზადებოდა. რუსეთმა კარგად დაზვერა ირანში შექმნილი ვითარება. პეტრე I-ის ელჩმა კავშირი დაამყარა ჯერ კიდევ ირანში მყოფ ვახტანგ VI-თან. ქართლის მეფე კმაყოფილი შეხვდა კავკასიის ასპარეზზე რუსეთის კვლავ გამოჩენას. ისახებოდა იმედი, რომ რუსეთის გაძლიერებული სახელმწიფოს დახმარებით და მხარდაჭერით საქართველო განთავისუფლდებოდა ყიზილბაშთა და ოსმალთა ბატონობისაგან. 1720 წ. პეტრე I-მა და ვახტანგ VI-ემ სამხედრო-პოლიტიკური კავშირი დაამყარეს ურთიერთშორის. მათ გადაწყვიტეს ერთად გაელაშქრათ ირანის წინააღმდეგ. შეთანხმების მიხედვით რუსეთის არმია უნდა შესულიყო აზერბაიჯანში, სადაც მას შეუერთდებოდა ქართველთა და სომეხთა ლაშქარი ვახტანგ VI-ის მეთაურობით და შემდეგ ერთობლივად იმოქმედებდნენ ირანის წინააღმდეგ.

1722 წ. ივლისში პეტრე I-მა დაიწყო ლაშქრობა კავკასიის მიმართულებით და ხელთ იგდო კასპიის ზღვის დალისტნის სანაპირო, აიღო დ ა რ უ ბ ა ნ დ ი ც, მაგრამ ლაშქრობა ვედარ გააგრძელა. ჯარში გაჩნდა ავადმყოფობა, ვერ მარაგდებოდნენ სურსათითა და ფურაჯით, რის გამოც პეტრე I იძულებული გახდა ლაშქრობა შეეწყვიტა და ასტრახანში გაბრუნებულიყო. ამასობაში კი ვახტანგ VI შეთანხმებისამებრ ქართველთა და სომეხთა 40 000-იანი ჯარით გა ნ ჭ ა ს თ ა ნ იდგა და ელოდებოდა რუსეთის სამხედრო ძალის გამოჩენას. 3 თვის ამოო ლოდინის

რუსეთის იმპერატორი პეტრე I.



თბილისი 1700-იან წლებში. იმდროინდელი ფრანგი მხატვრის ნახატი (ტურნეფორის წიგნიდან).



შემდეგ აცნობეს მას რუსეთის ლაშქრობის გადადების ამბავი. ამან კი მეფე ვახტანგი მეტად მძიმე მდგომარეობაში ჩააყენა. ვახტანგის ხელმძღვანელმა შაჰმა ქართლი გამაჰმადიანებულ კონსტანტინე კახთა მეფეს გადასცა, რომელმაც 1723 წ. ლეკთა დაქირავებული ჯარით თბილისი აიღო. ამ ბრძოლებში საქართველოს დედაქალაქი საშინლად ააოხრეს. დასავლეთიდან თურქებმა დაიწყეს შემოტევა და მალე მთელი ქართლი დაიკავეს. ვახტანგ VI-ეს საქართველოში აღარ ედგომებოდა, ამიტომ იგი 1200 კაციანი ამალით, რაჭის გზით, რუსეთს გაემგზავრა. მეფე იმედოვნებდა, რომ მალე რუსეთის დამხმარე ჯარით დაბრუნდებოდა, მაგრამ მას საქართველოში დაბრუნება აღარ ეწერა.

ვახტანგს თან გაჰყვა მის თანამებრძოლთა და თანამოღვაწეთა დიდი დასი, მათ შორის იყო სულხან-საბა ორბელიანი, ვახუშტი ბატონიშვილი, მისი ვაჟი ბაქარი და მრავალი სხვა, რომლებიც ასე ნაყოფიერად მოღვაწეობდნენ საქართველოში. მათ თავიანთი შრომა გააგრძელეს რუსეთში. მოსკოვთან, სოფელ ვსესხვიატსკოეში, ასევე, მდ. პრესნაზე და დონის მონასტერთან შეიქმნა ქართველთა დასახლებანი<sup>1</sup>, სადაც გაჩაღდა დიდი კულ-

<sup>1</sup> ეს ადგილები დღეს მოსკოვის ფარგლებშია. ქუჩები აქ დღესაც ატარებენ იმდროინდელ სახელებს: ბოლშაია გრუზინსკაია, მალაია გრუზინსკაია, გრუზინსკი ვალ და ა. შ. ბაქარ ბატონიშვილის ყოფილ სახლში მოწყობილია მემორიალი — მუზეუმი.

ტურული მუშაობა: თარგმნიდნენ რუსულიდან სამეცნიერო და სასწავლო წიგნებს, აღადგინეს ქართული სტამბა და ბეჭდადნენ ქართულ წიგნებს, განაგრძობდნენ საქართველოში დაწყებულ სამეცნიერო მუშაობას. აქვე ჩამოვიდა ლეკების ტყვეობიდან გამოქცეული პოეტი დავით გურამიშვილი. მათ მუშაობას ქართული კულტურის განვითარებისათვის დიდი მნიშვნელობა ჰქონდა. მოსკოვის ქართული კოლონია იქცა ქართულ-რუსული კულტურული ურთიერთობის მძლავრ კერად.

8. „ოსმალთა“-„ყიზილბაშთა“ XVIII საუკუნის საქართველოში. საქართველოში კი ამ დროს მძიმე წლები იდგა. 1723 წ. დაიწყო და 12 წელს გაგრძელდა ოსმალთა ბატონობა („ოსმალობა“). მათ წინააღმდეგ ქართლ-კახეთში გამათავისუფლებელი ბრძოლების მძლავრი ცეცხლი გიზგიზებდა. ოსმალებთან ბრძოლას ბრეწვით კახეთის მეფე კონსტანტინე. ქართველი ხალხის ამ შეუჩივებელი ბრძოლებით ისარგებლა ირანის სარდალმა ნადირ-ხანმა და ოსმალები ქართლიდან გააძევა.

1735 წლიდან აღმოსავლეთ საქართველოში „ოსმალთა“-მაგივრად ყიზილბაშთა ბატონობა („ყიზილბაშობა“) დამყარდა. ქართლ-კახეთში ამჟერად უკვე ყიზილბაშების წინააღმდეგ გაიშალა სახალხო ბრძოლები. ამ ბრძოლებს ხელმძღვანელობდა კონსტანტინეს უმცროსი ძმა თეიმურაზ II. იგი მეტად წინდახედულად მოქმედებდა და ცდილობდა ნადირთან, რომელიც 1736 წლიდან ირანის შაჰი გახდა, საერთო ენა გამოენახა. ნადირ-შაჰი მას ექვის თვალით უყურებდა და რამდენჯერმე დააპატიმრებინა, კიდევ. 1737 წელს შაჰის მოთხოვნით თეიმურაზმა თავისი ვაჟი ერეკლე მასთან გაგზავნა. ნადირ-შაჰმა 17 წლის ერეკლე ინდოეთში სალაშქროდ წაიყვანა.

ერეკლე ბატონიშვილს, მიუხედავად თავისი ახალგაზრდობისა, უკვე ცხოვრების მკაცრი სკოლა ჰქონდა გავლილი. 15 წლის ასაკში მან პირველად უხელმძღვანელა გლეხების რაზმს მომხდური ლეკების წინააღმდეგ ბრძოლაში და აქ „პატარა კახმა“ (ეს სახელი მას სიყვარულით ხალხმა შეარქვა) გასაოცარი სიმამაცე და მოხერხებულობა გამოიჩინა. ამის შემდეგ მას ღრმა მოხუცებულობამდე ხმალი ხელიდან არ გაუგდია...

ნადირ-შაჰთან ყოფნის დროს ერეკლემ შესანიშნავი სამხედრო წრტობა გაიარა და შემდეგში იგი არაერთხელ წარმატებით გამოიყენა.

ერეკლე საქართველოში დაბრუნდა 1739 წელს. ქართლში ამ დროს გააფთრებულ ბრძოლებს ჰქონდა ადგილი. ქვეყანაში აჯანყებების ცეცხლი ენთო. ნადირ-შაჰი იძულებული გახდა მთელ





თეიმურაზ II.

რიგ დათმობებზე წასულიყო. მან კახეთი და ქართლი მძიმე გადასახადებისაგან გაათავისუფლა და ბოლოს ნება დართო თეიმურაზ II-ეს ქართლის მეფედ ქრისტიანული წესით კურთხეულიყო, ხოლო მის შვილს ერეკლეს კახეთის მეფობა მისცა.

1745 წლის 1 ოქტომბერს თეიმურაზ II დიდი ზეიმით, ძველი ქართული წესით, სვეტიცხოვლის ტაძარში მეფედ აკურთხეს. ეს დიდი მნიშვნელობის მოვლენა იყო. უკვე საუკუნეზე მეტი გასულიყო, რაც ქართლ-კახეთის ტახტზე ქართველი მეფე ქრისტიანობით აღარ დამკდარიყო. შაჰების მიერ ასე დაჟინებით და გულდაგულ გატარებულმა ქართლ-კახეთის გაყიზილბაშების პოლიტიკამ სრული მარცხი განიცადა და ირანის მხრივ ამ ფაქტის აღიარება „ქართველობის“ დიდი გამარჯვება იყო.

### კითხვები

1. როგორი იყო ქართული სამეფო-სამთავროების მდგომარეობა XVII საუკუნის ბოლოს? 2. რა მნიშვნელობა ჰქონდა ვახტანგ VI-ისა და მისი დასის კულტურულ მოღვაწეობას? 3. როგორი იყო ვახტანგ VI-ის საგარეო ორიენტაცია? 4. რითი დამთავრდა ქართველი ხალხის შეურიგებელი ბრძოლები ოსმალთა და ყიზილბაშთა დამპყრობლების წინააღმდეგ XVIII საუკუნის პირველ ნახევარში?

## დ ო კ უ მ ე ნ ტ ე ბ ი

1. 1715 — 1718 წწ. ირანში მყოფი რუსეთის ელჩი არტემი ვოლინსკი ქართველთა სამხედრო ძალის საბრძოლო თვისებების შესახებ (თარგმანი რუსულიდან)

„მთელ ირანში საუკეთესო სამხედრო ძალად ქართველთა ჯარი მიმანია. ქართველები ნამდვილი მეომრები არიან. მე გამოვიცა, რომ საქართველოში ლაშქრის შეკრება 15 — 20 ათასამდე შეიძლება. ირანში, როგორც წესი, სპასალარებად ქართველი ბატონიშვილები ინიშნებიან. ასევე მეტწილად ქართველებს ნიშნავენ ირანის ჯარში სხვადასხვა მაღალ თანამდებობებზე. ადრე, ჯერ კიდევ დიდი შაჰ-აბასის დროს და აგრეთვე ახლანდელი შაჰის სხვა წინაპრების დროსაც, ირანელებს თურქებთან, ინდოელებთან და სხვა ხალხებთან ომებში ყველა გამარჯვება ძირითადად ქართველთა მეშვეობით აქვთ მოპოვებულნი... თუ ქართველი ბატონიშვილები და მათი დიდებულები და აზნაურები ერთმანეთში შეთანხმებას მიაღწევენ, კემშარიტად შეძლებენ არა მარტო სპარსეთის უღლისაგან განთავისუფლებას, არამედ თვით სპარსეთის ტერიტორიის დაკავებასაც.

ირანელების კავალერია ქართველებს ვერასოდეს გაუმკლავდება, სამჯერაც რომ სპარბობდეს რიცხობრივად, ხოლო თუ ჩვენ ქართველთა ჯარს 20 რეგულარულ ესკადრონს მივუმატებთ, ქართველებთან ერთად მთელს სპარსეთსაც ადვილად დავლაშქრავთ“.

## კითხვები

1. რა იყო ქართველთა ჯარის ასეთი მაღალი საბრძოლო თვისებების მიზეზები? 2. რატომ ვერ ახერხებდნენ ქართველი ფეოდალები ურთიერთშორის შეთანხმებას? 3. გაიხსენეთ რომელ ბრძოლებში დამარცხეს ქართველებმა მათზე ძლიერი ირანელი და ოსმალი დამპყრობლები?

2. ვახტანგ VI-ის გარდაცვალებისას (1737 წ.) მისმა მდივან-მწიგნობარმა გივი თუმანიშვილმა დაწერა ეპიტაფია<sup>1</sup> ლექსად, რომელშიც იგი თვითონ მეფეს ალაპარაკებს მისი მოღვაწეობის შესახებ

„მე უმცირესმან ძმათაგან. ვახტანგ-ყე სახელდებული,  
ოთხ წელ ვქმენ მცხეთა, ურბნისი, სადგრის კამარა გებული,  
ტფილისს სიონი ხელახლად შევქერწე ქანდაკებული,  
ჩემთვისაც სახლი სააკისა<sup>2</sup>, შიგ ლხინი მოწონებული.  
სტამბა მოვიღე ვლახეთით, ვამრავლე წიგნთა მელანი,  
ქციის რუ ხუნანს წავიღე. გაღმითად მოურწყე ველანი,  
მაშავერის რუ ტბას შევერთე, შიგ ჩაესხი თევზნი ყველანი,  
ესე მთა მოვიწადირე. ვხოცე ირემნი ძველანი,  
სამართლის წიგნი დაწერე, მსაჯულს არ უნდა ცილობა,  
ვეფხისტყაოსნის თარგმნობა, სხვა წერილთ არ ესტევა ცილობა,  
ჩემთანა მყოფთა ჭაბუკთა უქმნია კარგი ზრდილობა,  
ბოლოდ მიმიღო სოფელმან სიმდიდრე, მეფედ შევილობა“.

## დავალება

გაკვეთილის ტექსტის და მოტანილი ეპიტაფიის მიხედვით უფრო სრულად გადმოეცით ვახტანგ VI-ის მოღვაწეობა.

3. XVIII ს. ისტორიკოსი პაპუნა ორბელიანი ნადირ-შაჰის მიერ ქართლ-კახეთის აღწერისა და შემოღებული გადასახადების შესახებ

„ესრეთ იყო აღწერა, რაც ძველი ნასოფლარი სადმე იყო, ყველგან ზომეს მიწები საბლით, ხრევი<sup>3</sup> დასდევს. აგრეთვე ამ სახით შენობა თუ სადმე იყო, დიდი ხრევი დასდევს. ვითაც ერანის ქვეყნებში მომცემი მიწა არის და ბევრი გამოსავალი აქვს, ისე ამ ქვეყანას განუწესეს... შემდგომი ამისი ათს წლამდის ხარჯი დასწერეს. ყმაწვილზე, პირუტყვზე ყოველს ზედა განაწესეს, ბოსტანსა, წისქვილსა, ყოველს ფერს შენობას ანუ ოხერს ადგილს ასეთი ხარჯი დასდევს. რომ ყოველის კაცისაგან დიდად შეუძლებელი იყო. ოდეს ურუმთა<sup>4</sup> მცირეთა ხანთა ეს ქვეყანა ეჭირათ, მაშინ იმათაც დაწერეს და დასდევს მირი, რომელ არს ხარჯი... ამა ამბავთა შინა მრავალი სული აიყარა, ბევრი ადგილი უმეტესად აოხრდა. მრავალი კაცი ვენახსა და ბაღებსა თვისის ხელით კაფიდის და აოხრებდის“...

## დავალება

მოტანილი ნაწყვეტის მიხედვით აღწერეთ საქართველოში ყიზილბაშთა და ოსმალთა ბატონობა, მისი შედეგები.

<sup>1</sup> წარწერა, რომელსაც ათავსებდნენ საფლავის ქვაზე. აქ ამ ლექსს ეპიტაფია პირობითად ეწოდება. <sup>2</sup> იგულისხმება თბილისში აგებული სასახლე, რომელიც სარკეებით იყო შემკობილი. <sup>3</sup> ხარჯი. <sup>4</sup> ოსმალთა.



## ბ. გვიანდელი ფეოდალიზმი

VIII ტაზი

### საქართველო XVIII საუკუნის მეორე ნახევარში

§ 29. უინაოლიტიკური და საბარო ვითარება XVIII საუკუნის  
50 — 70-იან წლებში

1. გვიანდელი ფეოდალიზმის დასაწყისი. როგორც ვნახეთ, ფეოდალურმა ურთიერთობამ ჩვენს ქვეყანაში განვითარების უმაღლეს დონეს XII — XIII საუკუნეებში მიაღწია. ამის შემდეგ საზოგადოებრივი ურთიერთობა ფეოდალიზმის რღვევისა და ახალი, ბურჟუაზიული ურთიერთობის განვითარების გზით უნდა წარმართულიყო, მაგრამ ასე არ მოხდა — ფეოდალური ურთიერთობის არსებობა რამდენიმე საუკუნით განანგრძლივდა.

ამის მთავარი მიზეზი საქართველოს წინააღმდეგ დამპყრობელთა განუწყვეტელი ომები იყო. მრავალრიცხოვანი დამპყრობლების შემოსევებმა, რაც არ წყდებოდა საუკუნეების განმავლობაში, გამოიწვია განვითარების შეჩერება და გარკვეული უკანდახევაც. ეკონომიკურ დაცემა-დაქვეითებას მოჰყვა ნატურალური მეურნეობის ზრდა, ქვეყნის ცალკეულ ნაწილებს შორის სამეურნეო კავშირ-ურთიერთობის მოშლა, მეფის ცენტრალური ხელისუფლების დასუსტება და მსხვილი ფეოდალების განკერძოებისაკენ მისწრაფება. ამის შედეგად ერთიანი ფეოდალური მონარქია დამოუკიდებელ პოლიტიკურ ერთეულებად დაიშალა. ქვეყნის დაშლა-განცალკევების გაღრმავებას ხელს უწყობდნენ დამპყრობლებიც — მათთვის ერთიანი ქვეყანა უფრო საშიში იყო, დაშლილ-დაქუცმაცებული კი — ადვილად დასაპყრობი. მოიშალა ქალაქები, დაეცა საქალაქო ცხოვრება და ვაჭრობა-ხელოსნობა. ქალაქები უკვე აღარ წარმოადგენდნენ ისეთ ძალას, რომელსაც შეეძლო გამოეწვია ფეოდალური ურთიერთობის რღვევა.

აი, ის მიზეზები, რომლებმაც შეაფერხა საზოგადოებრივი ურთიერთობის შემდგომი აუცილებელი განვითარება და რამდენიმე საუკუნით გაახანგრძლივა განვითარებული ფეოდალიზმის პერიოდი საქართველოში.

XVIII საუკუნის მეორე ნახევრიდან მდგომარეობა შეიცვალა. ქართლ-კახეთი ერთ სამეფოდ გაერთიანდა და ფაქტობრივად დამოუკიდებელი გახდა. ქვეყანა ეკონომიკური აღმავლობის გზას დაადგა, გამოცოცხლდა საქალაქო ცხოვრება ვაჭრობა-ხელოსნობა, გაჩნდა ახალი საწარმოები, სადაც დაქირავებულ შრომასაც იყენებდნენ. გახშირდა ყმობიდან გლეხობის თავდახსნა. გლეხთა ერთი ნაწილი ლატაკდებოდა და საშოვარზე მიდიოდა, მეორე ნაწილი მდიდრდებოდა, ყიდულობდა მიწას და, ზოგჯერ, გლეხებსაც კი, და ექსპლოატაციას უწყევდა თავის ყოფილ კლასობრივ თანამომემს. ვითარდებოდა ფულადი სასაქონლო მეურნეობა, რომელიც ძირს უთხრიდა ნატურალური მეურნეობის ბატონობას და ხელს უწყობდა ქვეყნის ნაწილებს შორის ეკონომიკური კავშირის გაფართოება-განმტკიცებას. სამეფო კარზე ბატონყმობის გაუქმების პროექტებიც კი მზადდებოდა. ყველაფერი ეს იმას ნიშნავდა, რომ ფეოდალიზმი განვითარების ახალ გვიანდელ პერიოდში შედიოდა, ე.ი. იწყებოდა ფეოდალურ ურთიერთობათა რღვევის პროცესი. მაგრამ XVIII საუკუნის 80-იანი წლებიდან დამპყრობელთა შემოსევებმა კვლავ შეაფერხეს განვითარება ამიტომ მხოლოდ XIX საუკუნის 30 — 40-იანი წლებიდან გახდა კვლავ საგარეო ფეოდალური ურთიერთობის რღვევისა და მის წიაღში კაპიტალისტური ურთიერთობის ჩასახვა-განვითარების პროცესი.

**2. ბრძოლა ამიერკავკასიაში პირველობისათვის.** XVIII საუკუნის შუა წლებიდან ირანისა და აღმოსავლეთ საქართველოს ურთიერთობაში ახალი ხანა დაიწყო. ყიზილბაშების ორასწლიანი შეუწყვეტელი ბრძოლა, რაც საქართველოს სახანოებად გადაქცევისკენ იყო მიმართული, მარცხით დამთავრდა.

აღმოსავლეთ საქართველოს საგარეო მდგომარეობაც თანდათან გაუმჯობესდა. ნადირ-შაჰის სიკვდილის შემდეგ მთელი ირანი ცალკე სახანოებად დაიშალა. საქართველოს აღმოსავლეთით და სამხრეთით თანამედროვე აზერბაიჯანისა და სომხეთის ტერიტორიაზე ჩამოყალიბდა განჯის, ერევნის, ნახიჩევანის და სხვა სახანოები, რომლებიც განუწყვეტლივ ეომებოდნენ ერთმანეთს ამიერკავკასიაში პირველობის მოსაპოვებლად. ქართლ-კახეთის მეფეებმა თეიმურაზმა და ერეკლემ ამ ომებში ზედიზედ გაიმარჯვეს და XVIII საუკუნის 50-იან წლებში

ერევნის. განჯისა და ნახიჩევანის სახანოები ქართლ-კახეთის მოხარკედ აქციეს.

1751 — 1752 წლებში ქართველებმა დაამარცხეს თ ა ვ რ ი - ზ ი ს მფლობელი ა ზ ა ტ - ხ ა ნ ი, რომელიც მთელი ირანის დაპყრობასა და შაჰად დაქდომას ლამობდა. დამარცხდა შ ა ქ ი - შ ა რ ვ ა ნ ი ს ხ ა ნ ი ა ჭ ი - ჩ ა ლ ა ბ ი ცი, რომელმაც მაჰმადიანი ხანებისა და დაღესტნელი ფეოდალების შეერთებული ლაშქრობა მოაწყო ქართლ-კახეთის წინააღმდეგ.

ამრიგად, რამდენიმე წლის გმირული ბრძოლის შედეგად ალიყვეთა საგარეო ძალის მხრივ საქართველოს დაპყრობის ცდები და ქართლ-კახეთის სამეფომ მთელ აღმოსავლეთ ამიერკავკასიაში პოლიტიკური უპირატესობა მოიპოვა.

ქვეყნისათვის სერიოზულ საფრთხედ მანინც რჩებოდა ე.წ. ლ ე კ ი ა ნ ო ბ ა .

**3. ბრძოლა დაღესტნელ ფეოდალთა თავდასხმების წინააღმდეგ.** დაღესტნელ ფეოდალთა თავდასხმები, რომლებსაც საქართველოში ლეკიანობას უწოდებდნენ, განსაკუთრებით XVIII საუკუნის 50-იან წლებში გაძლიერდა.

ძარცვის მიზნით მოწყობილი ეს თავდასხმები, რომლებიც ხშირად თურქეთის შემწეობით და წაქეზებით ეწყობოდა, წვრილ-წვრილი თარეშის ხასიათს ატარებდა. დაღესტნელი ფეოდალების მიერ შედგენილი ყაზალური რაზმები ქურდულად თავს ესხმოდნენ ქართლ-კახეთის მშვიდობიან სოფლებს და იტაცებდნენ ადამიანებს, შინაურ საქონელს, საოჯახო ქონებას, სამუშაო იარაღებსა და სხვ. აქედან წამოყვანილ ტყვეებს ოსმალეთში ყიდდნენ.

წვრილი თარეშის გარდა, ზოგჯერ მსხვილი ლაშქრობებიც ეწყობოდა. მათ შორის ყველაზე დიდი იყო ხუნძახის (ავარიის) მფლობელის ნ უ რ ს ა ლ - ბ ე გ ი ს ორგზისი ლაშქრობა.

პირველად ნურსალ-ბეგი 1754 წელს შემოიჭრა ქართლ-კახეთში. კახეთის სოფლების გაძარცვისა და დარბევის შემდეგ იგი ქართლში გადავიდა და დიდძალი ჯარით ალყა შემოარტყა ქ. დუშეთის სამხრეთ-დასავლეთით მდებარე მჭ ა დ ი ჯ ვ რ ი ს ციხე-სიმაგრეს. სადაც დიდძალი ხალხი იყო შეხიზნული. ერეკლე II მცირერიცხოვანი ლაშქრით ეკვეთა მტერს. ქართველთა სიმხნევემ და ერეკლეს სამხედრო ნიჭმა გაიმარჯვა. დამარცხებული ხუნძახის ბატონი გაიქცა.

მეორეჯერ, 1755 წელს, ნურსალ-ბეგმა უფრო დიდი ლაშქარი შეჰყარა და ალყა შემოარტყა ყ ვ ა რ ლ ი ს ც ი ხ ე ს. ციხის მცველებს ტყვია-წამალი შემოაქლდათ. ერეკლემ გადაწყ-



ვიტა ციხეში დამხმარე რაზმი შეეგზავნა. ამისათვის კი საჭირო იყო მტრის ალყის გარედან გარღვევა. მეფემ მოხალისეებს, ვინც ალყის გარღვევაში მონაწილეობას მიიღებდა, თავადაც და აზნაურს ღიდი თანამდებობა, გლეხებს კი ბატონყმობისაგან განთავსუფლება აღუთქვა. მეფის მოწოდებაზე 206 კაცი გამოვიდა. მოხალისეთა შორის 9 თავად-აზნაური იყო, დანარჩენი — გლეხი. მამაცთა რაზმი ღამით წავიდა ქიზიყიდან, ალაზნანს გავიდა; უხმაუროდ მიეპარა მტრის გუშაგებს, ამოწყვეტა ისინი და დიდძალი ტყვია-წამლით ციხეში შევიდა. ამასთან ერეკლემ მოალყე მტრის ჯარში განხეთქილება შეიტანა; მან ნურსალ-ბეგის მოკავშირე — ქარელების სოფლებს ქართველთა რაზმები შეუსია, რის გამოც მათ ყვარლის ციხე მიატოვეს და თავიანთ სახლებს მიაშურეს. ამ ნიადაგზე ნურსალ-ბეგსა და მის მოკავშირეებს შორის მტრობა ჩამოვარდა და ხუნძახის ბატონი იძულებული გახდა უკან გაბრუნებულიყო.

მკადიჩვართან და ყვარელთან მოპოვებულმა გამარჯვებამ ქართლ-კახეთი სერიოზული საფრთხისაგან იხსნა. დაღესტნელ ფეოდალთა ცდა მარცხით დამთავრდა. მიუხედავად ამისა, კვლავ გრძელდებოდა წვრილ-წვრილი თარეში, რაც მოსახლეობას მშვილობიანი შრომის საშუალებას არ აძლევდა.

**4. ქართლ-კახეთის ერთ სამეფოდ გაერთიანება. ბრძოლა თავადებთან.** მეფეებს — თეიმურაზსა და ერეკლეს შეგნებული ჰქონდათ, რომ მარტო საკუთარი ძალებით შეუძლებელი იქნებოდა სრული და საბოლოო გამარჯვების მიღწევა. ამიტომ ისინი რუსეთის სახელმწიფოსთან დაკავშირებას და მისგან დახმარების მიღე-



ბას ცდილობდნენ. ამ მიზნით 1760 წელს თვითონ თეიმურაზ II გაემგზავრა პეტერბურგში. მაგრამ მამინ რუსეთი პრუსიის ძლიერ სახელმწიფოს ეომებოდა და საქართველოსათვის რეალური დახმარების აღმოჩენა არ შეეძლო. დახმარების მოლოდინში თეიმურაზ II 1762 წ. იქვე, პეტერბურგში, გარდაიცვალა. მისმა ამაღამ თეიმურაზის ცხედარი წამოასვენა და ასტრახანის მიძინების ტაძარში დაასაფლავა, სადაც განისვენებდა ეახტანგ VI.

თეიმურაზის გარდაცვალების ცნობის მიღებისთანავე ერეკლე II-ემ თავი ქართლ-კახეთის მეფედ გამოაცხადა. ამრიგად, აღმოსავლეთ საქართველო ერთ სამეფოდ გაერთიანდა. ეს დიდმნიშვნელოვანი მოვლენა იყო.

სამეფოს გაძლიერებისათვის არანაკლები მნიშვნელობა ჰქონდა ერეკლე II-ის მიერ წარმატებით გატარებულ ღონისძიებებს რეაქციონერი თავადების წინააღმდეგ. მეფემ ენერგიულად შეუ-

ტია გამდგარ თავადებს და განცალკევებულ სათავადოებს (თეიმურაზმა და ერეკლემ. ჯერ კიდევ თავიანთი მეფობის დასაწყისში, გააუქმეს დიდი სათავადო — არაგვის საერისთავო და დაიმორჩილეს ქსნის ერისთავიც).

1765 წელს რეაქციონერმა თავადებმა შეთქმულება მოაწყვეს მეფის წინააღმდეგ. შეთქმულთა მიზანი იყო მეფისა და მისი სახლობის ამოწყვეტა და სამეფო ტახტზე მათთვის სასურველი პირის დასმა, მაგრამ ერეკლემ დროზე შეიტყო შეთქმულების ამბავი და მკაცრად დასაჯა მასში მონაწილე მსხვილი ფეოდალები. შეთქმულების დამარცხებამ მნიშვნელოვნად შეუწყო ხელი ერეკლე მეფის ხელისუფლების განმტკიცებას.

**5. დასავლეთ საქართველო.** ამ დროს სამეფო ხელისუფლების გაძლიერებაში მნიშვნელოვან წარმატებებს მიაღწია იმერეთის სამეფომაც. 1752 წლიდან იმერეთის მეფე ნიჭიერი და ენერგიული სოლომონ I იყო. მან შემოირიგა გურჯისტანისა და სამეგრელოს ძლიერი მთავრები, დაამარცხა რეაქციონერი თავადები და ამოცანად დაისახა ქვეყნის განთავისუფლება ოსმალთა ბატონობისაგან. უპირველეს ყოვლისა, მეფემ ოსმალებთან ტყვეებით ვაჭრობა აკრძალა.

იმერეთის სამეფოს ასე გაძლიერება მოსვენებას არ აძლევდა ოსმალეთს. ახალციხის ფაშამ სოლომონს მოსთხოვა, ისევ დაერთო ტყვეებით ვაჭრობის ნება. მაგრამ რაკი სოლომონ I-მა ეს მოთხოვნა არ შეასრულა, ოსმალეთის ხონთქარმა 1757 წელს იმერეთს დიდი ჯარი შეუსია; ქართველთა ლაშქარმა სოლომონის მეთაურობით ხრესილთან (ახლანდელი ტყიბულის რაიონი) სასტიკად დაამარცხა შემოსეული მტერი.

1758 წელს ერეკლე II-მ და სოლომონ I-მა შეკრეს სამხედრო კავშირი, რომლითაც ორივე სამეფო ერთმანეთს უნდა დახმარებოდა მტრის შემოსევის შემთხვევაში

დასავლეთ საქართველოს მოსახლეობის თავგანწირულმა წინააღმდეგობამ ოსმალეთი აიძულა, ქვეყნის საბოლოო დამორჩილებისათვის ბრძოლაზე ხელი აეღო და საზავო მოლაპარაკება დაეწყო. სოლომონმა კარგად იცოდა, რომ საბოლოო გამარჯვებას ვერ მიაღწევდა, რომ მარტო საკუთარი ძალები საამისოდ საკმარისი არ იყო. იგი რუსეთთან კავშირს ეძებდა. ამ მიზნით 1768 წელს სოლომონმა ელჩი გაგზავნა რუსეთში და მფარველობა ითხოვა. ეს ის დრო იყო, როცა რუსეთსა და ოსმალეთს შორის ომი უნდა დაწყებულიყო.

**6. რუსეთ-ოსმალეთის ომი და საქართველო.** XVIII საუკუნის 60-იან წლებში რუსეთის სახელმწიფოს როლი საერთაშორისო ასპარეზზე კიდევ უფრო გაიზარდა. რუსეთის გაძლიერება



იმერეთის მეფე სოლომონ I.



შემფოთებას იწვევდა ოსმალეთსა და ევროპის ქვეყნებში. საფრანგეთისა და ავსტრიის წაქეზებით თურქეთმა 1768 წლის შემოდგომაზე ომი დაიწყო რუსეთის წინააღმდეგ. ამ დროს რუსეთის არმიის დიდი ნაწილი პოლონეთის ამბებით იყო დაკავებული და თურქეთი იმედოვნებდა, რომ ომში გაიმარჯვებდა. მას უნდოდა რუსეთისათვის წაერთმია უკრაინა და მტკიცედ გაბატონებულიყო კავკასიაშიც.

რუსეთის მთავრობამ მოწოდებით მიმართა თურქეთს მიერ დაჩაგრულ ქრისტიან ხალხებს. მონაწილეობა მიეღოთ თურქეთის წინააღმდეგ ომში.

ერეკლე და სოლომონი მზად იყვნენ დაეწყოთ ომი თურქეთის წინააღმდეგ იმ პირობით, თუ რუსეთი ჯარითა და ფულით დაეხმარებოდა. მათი მიზანი ქვეყნის განთავისუფლება და ოსმალთა მიერ მიტაცებული მიწა-წყლის უკან დაბრუნება იყო. რუსეთი კი მიზნად ისახავდა დაებანდებინა თურქეთის ძალა კავკასიის ფრონტზე, რომ ამით საშუალება მისცემოდა ადვილად გაემარჯვა ამ ომის მთავარ ფრონტზე — ბალკანეთში.

**7. ასპინძის ბრძოლა.** 1769 წლის ზაფხულის დასასრულს რუსთა მცირერიცხოვანი ჯარი, რომელსაც სათავეში გენერალი ტოტლებენი ედგა, საქართველოში შემოვიდა. მომდევნო წლის აპრილში ერეკლე და ტოტლებენი ქართველ-რუსთა ჯარით ახალციხისაკენ დაიძრნენ და ალყა შემოარტყეს აწყურის ციხეს, სადაც თურქთა გარნიზონი იდგა. ბრძოლის დაწყებისთანავე ტოტლებენმა მოულოდნელად მიატოვა ქართველები და უკან გაბრუნდა. ერეკლე იძულებული შეიქნა, ბრძოლით გაეკაფა გზა ასპინძის, წალკისა და მანგლისის მიმართულებით. თურქებმა გადაწყვიტეს ქართველებისათვის გზა გადაეჭრათ ა ს პ ი ნ ძ ა ს თ ა ნ. ამ მიზნით მათ სასწრაფოდ გამოიყვანეს ახალქალაქისა და ხერთვისის (ასპინძის რაიონი) ციხეებიდან 1500 ჯარისკაცი. ერეკლე




აწყურის ციხე.

II-მ მძლავრი შეტევით გაფანტა ისინი. ეს შეტაკება დამთავრებული არ იყო, რომ ასპინძის ხიდს მტრის 8 000-იანი ჯარი მოაღდა და მტკვრის მარჯვენა ნაპირზე გადასვლა იწყო. ერეკლემ მტერს ხიდზე გადასვლა ადროვა, დაღამებამდე თურქებმა ჯარის ნახევრის გადაყვანა მოასწორეს. ღამით ერეკლემ ასპინძის ხიდთან გაგზავნა მამაკთა რაზმი, რომლებმაც მკველები გაწყვიტა და ხიდის ფიკრები აყარა. 1770 წ. 20 აპრილს, გარიჟრაჟზე, ქართველებმა ერთსულოვნად შეუტიეს თურქებს, მტერი შედრკა. უკუიქცა და ხიდს მიადგა, მაგრამ ხიდი აყრილი დახვდა. მოლაშქრეებს ქართველები დაერივნენ და ერთიანად ამოხოცეს. ვინც ხმალს გადაურჩა. აღიდებულმა მტკვარმა შთანთქა. მხოლოდ რამდენიმე ათეული კაცი გადარჩა ცოცხალი. ქართველთა ზარალი კი უმნიშვნელო იყო.



ბეზლბისის ციხე

24. საქართველო XVIII ს-ის II ნახევარი



ასპინძის ბრძოლაში მოპოვებული ბრწყინვალე გამარჯვების გამოყენება. საბოლოო მიზნის განხორციელებისათვის ერეკლე II-მ ვერ შეძლო. ამის მიზეზი ტოტლებენის ლაღატი იყო. პატივმოყვარე და ავანტიურისტმა ტოტლებენმა კავშირი გააბა მეფის მოწინააღმდეგე თავადებთან და აწყურტიდან წამოსვლის შემდეგ ქართლის ციხე-სიმაგრეების დაქვეა განიზარა. ამავე დროს იგი ხალხს ძალით ადებინებდა ფიცს რუსეთის იმპერატორის ერთგულებაზე. ყოველივე ამით მას სურდა ერეკლეს ტახტიდან ჩამოგდება. მაგრამ ასპინძის ბრძოლიდან დაბრუნებული ერეკლეს ენერგიული მოქმედების შედეგად ავანტიურისტი გერმანელი გენერალი იძულებული გახდა თავის განზრახვაზე ხელი აეღო. მალე რუსეთის მთავრობამაც აღიარა, რომ ტოტლებენი თავისი მოქმედებით მას სახელს უტეხდა და იგი საქართველოდან გაიწვია.

1774 წლის ივლისში რუსეთსა და ოსმალეთს შორის ზავი დაიდო (გაიხსენეთ, რა სახელწოდებითაა ცნობილი ეს ზავი). ამ ზავის ერთ-ერთი მუხლით რუსეთი დასავლეთ საქართველოს ოსმალეთის მფლობელობაში ცნობდა იმ პირობით, თუ ეს უკანასკნელი იმერეთისაგან ხარკის აღებაზე უარს იტყოდა.

ტოტლებენის მოქმედებით გამოწვეული ერთგვარი მარცხის შემდეგ ერეკლე II მნიშვნელოვან წარმატებებს მიაღწია, 1774 წელს მეფის ინიციატივით შეიქმნა ე. წ. მორიგე ჯარი; ამ ახალი ჯარის დებულების მიხედვით ლაშქრობის შემძლე ყოველი მამაკაცი ვალდებული იყო თავისი ხარჯითა და იარაღით წელიწადში ერთი თვით მორიგე ჯარში გამოსულიყო. ამ წესით მუდმივ მზადყოფნაში იყო ჯარის გარკვეული რაოდენობა. თუმცა რეაქციონერმა თავადებმა მორიგე ჯარი თანდათანობით მოშალეს, შედეგი მაინც დიდი იყო; ერთხანს ლეკთა თარეში შეწყდა და მოსახლეობა მშვიდობიან შრომას დაუბრუნდა.

ამრიგად, XVIII საუკუნის 50 — 70-იან წლებში საქართველო გაძლიერების გზას დაადგა, მაგრამ მშვიდობიანი განვითარებისა და აღორძინებისათვის ხელსაყრელი პირობები ხანგრძლივი არ ყოფილა.

### კითხვები და დავალებები

1. როგორი ურთიერთობა დამყარდა აღმოსავლეთ საქართველოსა და ირანს შორის XVIII საუკუნის შუა წლებიდან? 2. როგორ მოიპოვა საქართველომ პიროვნობა ამიერკავკასიაში? 3. როგორ და როდის მოხდა ქართლ-კახეთის ერთ სახელმწიფო გაერთიანება? 4. გვიამბეთ, როგორ ებრძოდა მეფის ხელისუფლება რეაქციონერ თავადებსა და სათავადოებს. 5. რა იყო რუსეთ-ოსმალეთის 1768 — 1774 წლების ომისა და მასში საქართველოს მონაწილეობის შესახებ? გვიამბეთ ასპინძის ბრძოლაზე

# დოკუმენტები

## 1. ნაწივეტი ერეკლე II-ის ბრძანებიდან „მორიგე ლაშქრის“ შესახებ

„1774 წლის იანვრის 4. ღვთით ეს მორიგეობის ლაშქრობის განაჩენი დაიწერა ჩვენ მეორე ერეკლე მეფისაგან, თან დასწრებითა ძისა ჩვენისა უფლის წულის გიორგისათა და ყოვლად სამღვდელთა საქართველოსთა ეპისკოპოსთა და ბრწყინვალეთა თავადთა და ეგრეთვე ყოველთა კარისა ჩვენისა მოხელეთაგან და შემდგომთა დარბაზის ერთა და ყოველთა სამღვდელთა დასთაგან და ეგრეთვე ყოველთა ჩინებულთაგან.

რადგანაც საქართველოს ქვეყანა ლეკთაგან ამდენ ხანს ამისთანას მოუსვენებელს მტერობით შეიწრა და მოუთმენელს ჭირს მიეცა, ჩვენც მრავალგზის ბევრ რიგის გარჯილობით ვეცადენით, მაგრამ არ იქნა, რომ ასეთი წამალი და საქმე გვეპოვნა, რომ ჩვენი ქვეყნისათვის გვერგო რამე და ამხანად ღვთით ყველასაგან უმჯობესად და უკეთესად ეს გამოვარჩიეთ და საერთოდ ყველამ ვამჯობინეთ, რომელიც ამათს ქვემოთ დაგვიწერია.

პირველი ეს არის... ეს გაგვირიგებია, რომ რაც თავადნი ან მოხელე, ან არ მოხელე, ან აზნაური მოხელე ან არ მოხელე; გლეხი მოხელენი, თუ მსახურნი თუ მოყალენნი, თუ ხიზანნი რამდენიცა იყო იყვნენ ერთს სახლსა და ოჯახში თვითონ თვის მორიგეობაში ჩაგვიგდია... ყოველი კაცი თორმეტს თევზედ გაგვიყრია... რომელ თვესაცა კაციცა სახელდობრ ჰქერია იმ თვის პირველის დღის წინა დღეს მოვიდეს, სადაც ჩვენგან დაბარებული იქნება...“

## კითხვები

1. რამ გამოიწვია „მორიგე ჯარის“ შექმნის აუცილებლობა? 2. ვინ მიიღო მონაწილეობა ამ „განაჩენის“ შედგენაში? რაში მდგომარეობდა „მორიგე ჯარის“ ძირითადი ამოცანები და პრინციპები?

## 2. დასავლეთ საქართველოს მთავართა და თავადთა „პირობის წიგნი“ მიცემული 1759 წ. იმერეთის მეფე სოლომონ I-ისადმი, ტყვეთა სყიდვავზე ხელის აღების შესახებ.

„ესე მტკიცე, შეუცვალებელი... ხელით წერილი მოგართით თქვენ მეფეს სოლომონს მე დადიანმა კაციამ, მე გურიელმა მამიამ... ერისთავმან როსტომ, წულუკიძემ, ერთობით წერეთელმან, ერთობით მიქელაძემ, ერთობით აბაშიძემ, ერთობით ნიჟარაძემ, იასშვილმან. ლორთქიფანიძემ... და ერთობით იმერმან დიდმან და მცირემან ოდიშარ-ლუჩხუმა... ერთობით ოდიშარმან, დიდმან და მცირემან... გურულმან, დიდმან და მცირემან... ასე რომ ახალციხის ფაშამ ასეთი საშინელი და საზარელი სიტყვა შემოგავითვალა... ტყვეს თუ არ გაყიდით, არ იქნებაო... ახლა ამაზე ასე ერთ-პირობით დაგვიმტკიცებია... რომ სანამდის სული გვიდგას, ეს საქმე ჩუენგან არ იქნეს... და ამ საქმემოდ ჩვენს ხელმწიფეს მეფე სოლომონ არ გისუსტოთ და არც ამისთანა საშინელი ცოდვა ჩუენგან იქნეს: ასე პირობა და სიტყვა მოგვირთმეგია ღვთისა და კაცისათვის“...

## კითხვები

1. რას ასახელებდნენ იმერეთის თავადები ტყვეთა სყიდვის ვაკრცელების უმთავრეს მიზეზად? 2. რა მნიშვნელობა ჰქონდა „პირობის წიგნს“? 3. ვისი ინიციატივითაა იგი შედგენილი?

### § 30. საპართველოს სოციალურ-ეკონომიკური მდგომარეობა XVIII საუკუნის მეორე ნახევარში

1. ეკონომიკური მდგომარეობა. „ოსმალობისა“ და „ყიზილბაშობის“ გადაშენებისა და ქართლ-კახეთის ერთ სამეფოდ გაერთიანების შემდეგ როგორც აღმოსავლეთ, ისე დასავლეთ საქართველოში ხელსაყრელი პირობები შეიქმნა მეურნეობის შედარებით მშვიდობიანი წარმართვისა და ქვეყნის ეკონომიკური აღორძინებისათვის. დაღესტნელ ფეოდალთა თარეშის შეწყვეტამ, „ტყვეთა სყიდვის“ აკრძალვამ, გაუკაცრიელებული ადგილების ხელახლა დასახლებამ და სხვა ღონისძიებებმა, რომლებსაც ატარებდა მეფის ხელისუფლება, გააძლიერა ყმა გლეხების ინტერესი მეურნეობის აღდგენა-გაუმჯობესებისადმი. ყმა გლეხებს ახლა მეტი მოსავალი მოჰყავდათ. მთავარი ყურადღება ექცეოდა მევენახეობა-მებაღეობის განვითარებას და მებაძმეობა-მეაბრეშუმეობას. სოფლის მეურნეობის პროდუქტების მნიშვნელოვანი ნაწილი გამოჰქონდათ საქართველოს ქალაქთა ბაზრებზე. აქ იყიდებოდა: ფქვილი, ქერი, ფეტვი, ღვინო, ხილი, ბოსტნეული, ენდრო, ზეთი, ბამბა, ბრინჯი, თამბაქო და სხვ.

XVIII საუკუნის 50-იანი წლებიდან იწყება საქალაქო ცხოვრების აღორძინება. მთელ საქართველოში ამ დროს ყველაზე დიდი და მნიშვნელოვანი ქალაქი ისევ თ ბ ი ლ ი ს ი იყო. აღმოსავლეთ საქართველოს ქალაქებიდან აღსანიშნავია აგრეთვე გორი, თელავი, ცხინვალი, ახალგორი, სურამი და სხვ. ამავე დროს წარმოიშვა ახალი ქალაქები — ანანური, დუშეთი და სიღნაღი. დასავლეთ საქართველოში აღმოსავლეთთან შედარებით, საქალაქო ცხოვრება ჩამორჩა. აქ ერთადერთი მნიშვნელოვანი ქალაქი ქუთაისი იყო.

საქართველოს მაშინდელი ქალაქები უმთავრესად წვრილი სასაქონლო წარმოების, ხელოსნობის ცენტრები იყო. ხელოსნობა განსაკუთრებით დაწინაურდა თბილისში. აქ ხელოსნობის 60-მდე სხვადასხვა დარგი განვითარდა.

წვრილი ხელოსნური წარმოების გვერდით ქართლ-კახეთის სამეფოში XVIII საუკუნის მეორე ნახევრიდან შედარებით მსხვილი სარეწაოებიც გაჩნდა. განსაკუთრებული მნიშვნელობა ჰქონ-



ერეკლე II სპილენძის მონეტა, 1765 წ.




სიღნაღი. ქალაქის ძველი ნაწილის ხედი (XVIII ს.).

და სამთამადნო წარმოებას ახტალასა და ალავერდში, სადაც ვერცხლისა და სპილენძის ამოღება-გამოდნობა გაჩაღდა. სახელმწიფო ამ წარმოებიდან დიდ შემოსავალს იღებდა. თბილისის იმდროინდელ მსხვილ საწარმოებს შორის აღსანიშნავი იყო თოფ-ზარბაზნის ქარხანა, სამეფო ზარაფხანა, სტამბა, მინის სარეწაო, მარილსახდელი, საპნის ქარხანა, სამღებროები, თოფის წამლის ქარხანა და სხვ. ამ საწარმოებში დაქირავებულ შრომასაც იყენებდნენ. ეს საწარმოები მანუფაქტურული ტიპისა იყო. მანუფაქტურა კი, შრომის განაწილებით, ხელს უწყობდა წარმოების ნაყოფიერების ზრდას. მანუფაქტურების გაჩენა ფეოდალურ-ბატონყმური მეურნეობის რღვევასა და ახალი კაპიტალისტური ურთიერთობის ჩასახვას მოასწავებდა, მაგრამ მაშინ მანუფაქტურული წარმოება ჯერ კიდევ სუსტად იყო განვითარებული, ვიდრე წვრილი ხელოსნური წარმოება.

გაცხოველდა ვაჭრობაც. ვაჭრობა წარმოებდა როგორც ქვეყნის შიგნით, ისე მეზობელ და შორეულ ქვეყნებთანაც. XVIII საუკუნის 50-იან წლებში ხელახლა გაიხსნა დარიალის გზა, რომლითაც ქართველი ვაჭრები კიდევ უფრო მარჯვედ დაუკავშირდნენ ასტრახანს, მოზდოკს, ყიზლარს, ნიჟნი ნოვგოროდსა და მოსკოვს. ამ გზით რუსეთიდან დიდძალი ნაწარმი შემოდის თბილისში. მაგრამ საქართველო მაშინ ვაჭრობას უმთავრესად ისევ აღმოსავლეთის ქვეყნებთან ეწეოდა. თბილისში ყოველდღე მოდიოდნენ ვაჭართა ქარავნები განჯიდან, შემეახიდან, ერევნიდან, თავრიზიდან, არზრუმიდან და სხვა ქალაქებიდან. ამ ქალაქებში თბილისიდან ყოველთვიურად 150 — 200 სხვადასხვა სახის საქონლით დატვირთული ურემი მიდიოდა.

25. საქართველოს ეკონომიკური განვითარება  
XVIII ს. მეორე ნახევარში



ქუთაისი ძირითადად ოსმალეთის ქალაქებთან ვაჭრობდა, იქიდან უმთავრესად ზღვით შემოჰქონდათ დასავლეთ საქართველოში ევროპული საქონელი.


ვაჭრობის განვითარებასთან ერთად ვითარდებოდა მევახშეობაც. ვაჭრობა და მევახშეობა კი ხელს უწყობდა საქონლის მიმოქცევის გაფართოებას და სოფლისა და ქალაქის მოსახლეობის დიფერენციაციას, მისი ერთი ნაწილის გალატაკება-გაჩანაგებას და, მეორე მხრივ, მდიდარი ზედაფენის გამოყოფას. ყოველივე ეს ნიადაგს ამზადებდა ფეოდალური წყობილების რღვევისა და ახალი, კაპიტალისტური ურთიერთობის წარმოშობისათვის.

საქართველოსა და განსაკუთრებით ქართლ-კახეთის ეკონომიკური აღორძინება სამეფო ხელისუფლებას საქმარისად არ მიაჩნდა და ერეკლე II, თავისი ღრისათვის დიდი პროგრესული მოღვაწე, ახალ-ახალ ღონისძიებებს სახავდა ქვეყნის შემდგომი წინსვლისათვის. იგი ყოველნაირად ცდილობდა, საქართველო განვითარების „ევროპულ გზაზე“ გამოეყვანა. მას შეგნებული ჰქონდა, რომ ამისათვის საჭირო იყო მეცნიერებისა და ტექნიკის მიღწევათა დაუფლება. იგი ცდილობდა, რუსეთიდან და უცხოეთის სხვა ქვეყ-

ნებიდან მოეწვია განათლებული პირები, სხვადასხვა დარგის ოსტატები და ფაბრიკა-ქარხნების მომწყობი კაპიტალისტები. სანადო განათლების მისაღებად ერეკლე II რუსეთსა და დასავლეთ ევროპის ქალაქებში გზავნიდა ქართველ ახალგაზრდებს.

2. **სოციალური ურთიერთობა და კლასობრივი ბრძოლა.** ფეოდალიზმის რღვევის ერთ-ერთი ძირითადი ნიშანი იყო ყმა-გლეხთა ექსპლოატაციის გაძლიერება. გლეხი გადასახადს უხდიდა თავის ბატონს, სახელმწიფოს, მის მოხელეებსა და ეკლესიას. უმთავრესი საბატონო გამოსაღები, რომელსაც გლეხი იხდიდა, ღალა და კულუხი იყო. ღალა მარცვლეულზე დაწესებული გადასახადი, მოსავლის  $1/4$  —  $1/3$  უდრიდა, კულუხი კი ვენახზე დაწესებულ გამოსაღებს ეწოდებოდა და მოსავლს  $1/6$  —  $1/3$  შეადგენდა. გადასახადებს, რომელთაც გლეხი იხდიდა მსხვილფეხა და წვრილფეხა საქონელზე, საბალახე და პირისთავი ერქვა. გარდა ამისა, გლეხი ვალდებული იყო ბატონის მოთხოვნილების მიხედვით შეესრულებინა მრავალი სხვადასხვა სამსახური — ნადობა, ტვირთის ზიდვა, შრომითი ბეგარა. იგი მოვალე იყო, ბატონისათვის მიერთმია საშობაო, საახალწლო, სააღდგომო, საყველიერო და სხვა ძღვენი (ცხვარი, ქათამი, ძროხა, კვერცი, ერბო, ყველი და სხვ.). ქვრივის შერთვის ან გათხოვების შემთხვევაში გლეხი იხდიდა ე.წ. საქვრივოს, ქალიშვილის გათხოვებისას კი — საჩქმეს. ბატონს გლეხი ფულად გადასახადსაც უხდიდა. ყმა ვალდებული იყო, ბატონის მეურნეობაში მოეხნა, დაეთესა. მოემკა, გაეღწა და საერთოდ ყოველგვარი სახის სამუშაო შეესრულებინა.

ძირითად სახელმწიფო გადასახადს კოდისპური და კულუხი ეწოდებოდა. ყოველ კომლს 4 კოდი პური ჰქონდა შეწყე-



დიდი გუთნით ხენა.




რილი. სახელმწიფო გადასახადი იყო აგრეთვე წვრილფეხა და მსხვილფეხა საქონელზე. გლეხი იხდიდა აგრეთვე ფულად გადასახადს უცხოელ დამპყრობელთა სასარგებლოდ. გლეხები ვალდებული იყვნენ, შეესრულებინათ მთელი რიგი სამუშაოები სახელმწიფოს სასარგებლოდ. მნიშვნელოვანი სახელმწიფო ბეგარა იყო ლაშქარ-ნადირობა, ე.ი. მეფის ლაშქარსა და ნადირობაში სავალდებულო მონაწილეობა. საბატონო და სახელმწიფო გადასახადებს გარდა, გლეხი იხდიდა საეკლესიო და მოხელეთა (თანამდებობის პირთა) სასარგებლოდ დაწესებულ გადასახადებსაც.

გადასახადების გასტუმრების შემდეგ გლეხს თავისი მოსავლის მხოლოდ მცირე ნაწილი რჩებოდა და ხშირად შიმშილობდა. მიწა, რომლითაც გლეხი სარგებლობდა, მემამულეს ეკუთვნოდა, გლეხი ამ მიწის მხოლოდ მემკვიდრეობითი მფლობელი იყო. მემამულეს შეეძლო გლეხის გაყიდვა, გაჩუქება, ანდერძით გადაცემა. კანონი გლეხის უმიწოდ გასხვისებას კრძალავდა, მაგრამ მებატონენი ხშირად გლეხს უმიწოდაც ყიდდნენ. ზოგჯერ ბატონი გლეხის ოჯახის წევრებს ცალ-ცალკე ყიდდა და ამით ოჯახს ანგრევდა.

ბატონყმური სახელმწიფო მებატონეთა ინტერესებს იცავდა. ბატონს ყმის „სულს გარდა, ყველაფერზე ხელი მიუწვდებო“ და „ყმისა ყველა ბატონისა არისო“ — აცხადებდა ვახტანგ VI-ის მიერ გამოცემული კანონი.

გლეხობის ექსპლოატაცია განსაკუთრებით გაძლიერდა XVIII



გლეხური დარბაზი დედაბოძით.



საუკუნის მეორე ნახევარში. ვეროპასა და რუსეთთან კავშირის გაცხოველებისა და სასაქონლო მეურნეობის ზრდის შედეგად გაიზარდა ბატონის მოთხოვნილება ფულზე. გაზრდილი მოთხოვნილებების დაკმაყოფილებას ბატონი გლეხთა გადასახადების გადიდების ხარჯზე ახდენდა. გლეხთა მდგომარეობას კიდევ უფრო აუარესებდა შინაფეოდალური ომები.

გლეხობა ვერ ურიგდებოდა ჩაგვრას და სხვადასხვა საშუალებით იბრძოდა თავისი მდგომარეობის გაუმჯობესებისათვის. ბრძოლის ფორმები სხვადასხვა იყო: გლეხები მებატონეთა და მოხელეთა თვითნებობაზე სასამართლოში შეფესთან ჩიოდნენ, უარს ამბობდნენ ბატონყმურ მორჩილებაზე და გარბოდნენ სხვაგან; ზოგჯერ თავს ესხმოდნენ მემამულეებს, ცეცხლს უკიდებდნენ მათს სახლ-კარს. უარს ამბობდნენ გადასახადების გადახდაზე და საქმე აშკარა აჯანყებამდეც კი მიდიოდა.

კლასობრივი ბრძოლა გაბატონებულ და ჩაგრულ კლასებს შორის, ფეოდალებსა და ყმებს შორის, ფეოდალური საზოგადოების არსებობის მანძილზე განუწყვეტელი იყო და ფეოდალური წყობილების ძირითად არსს წარმოადგენდა.

### კითხვები და დავალებები

1. დაახასიათეთ საქართველოს ეკონომიკური მდგომარეობა XVIII საუკუნის მეორე ნახევარში. 2. რა სახის ახალი საწარმოები გაჩნდა XVIII საუკუნის მეორე ნახევარში ქართლ-კახეთში? რა ღონისძიებებს ატარებდა ერეკლე II ქვეყნის სამეურნეო და კულტურული აღორძინებისათვის? 3. რა შედეგები ჰქონ-

და ამ ღონისძიებებს? 4. როგორი იყო გლეხთა საბატონო და სახელმწიფო გადასახად-ვალდებულებანი? 5. გვიამბეთ გლეხთა კლასობრივი ბრძოლის ფორმები და ამ ბრძოლების შედეგების შესახებ.

## დ ო ტ უ მ ე ნ ტ ი ბ ი

**1. ნაწევრები მაქსიმე ქუთათელის აღწერილობიდან იმერეთის სამეფოს ეკონომიკური მდგომარეობის შესახებ XVIII საუკუნის 70-იან წლებში**

„ამ შვიდ ციხეს (ბათომი, ფოთი, სოხუმი, ქუთაისი, ბალდადი, შორაფანი, ცუცხვათი) გარდა, იმერეთში მომცრო ქალაქები და ციხეები მრავალია... აბრეშუმი, ბამბა და ღიახ წმინდა სელი არის იმდენი, რომ ვაჭრებს სხვა ქვეყანაშიც მიაქვთ, ღიახ იაფად ჰყიდიან.

ქუთაისის ქალაქიდან ვაჭრები დადიან ნავითა იმ სამს ციხეში — ბათომს, ფოთს და სოხუმს, გასასყიდად დააქვთ წმინდა სანთელი, აბრეშუმი, ბამბა, ბეწვი მელისა, კვერნისა და ვეფხვისა და საკმლის ხორავი. იქიდანაც წყლით მოაქვთ ოსმალოს საეაქრო: სხვადასხვა ფერის ფარჩა, მაუდი, შაქარი, ყავა და სხვაუცა (სტამბოლიდან რეას დღეზედ და ყირიმიდან ხუთ დღეზედ ხომალდები ამ ციხეში მოდიან). ოსმალონი იმერეთს მოდიან ხმელეთით ახალციხიდან, არზრუმიდან და ტრაპიზონიდან...

ზოგიერთს ალაგს იმერეთში ოქროსი და კერცხლის და სხვების ქანი არის, მაგრამ ესენი იმერეთს არასოდეს არ მოუხმარია, ერთი რკინის მეთი... (იმერლები) თოფსა, ხმალსა და ტყვიას შოულობენ ოსმალოს ქვეყნიდან, ყიზილბაშიდან და ტფილისის ქალაქიდან. თოფის წამალს თუმცა იმერეთშიც აკეთებენ, მაგრამ უფროს ერთი ამ ზემოწერილის ქალაქებიდან შოულობენ“.

### კითხვები

1. რომელ ქვეყნებთან ვაჭრობდა იმერეთი? 2. რა საქონელი გაქონდათ აქედან? რა შემოქონდათ? 3. როგორი იყო იმერეთის ბუნებრივი სიმდიდრენი და როგორ იყენებდნენ მას იმ დროს?

**2. რუსი მოხელე, კაპიტანი იაზიკოვი XVIII საუკუნის 70-იანი წლების თბილისის შესახებ**

„ქალაქი (თბილისი) მთლიანად გარშემორტყმულია ქვის, მაგრამ არცთუ ისე მაგარი კედლით. აქ, მათივე სიტყვით, ცხოვრობს ხუთი ათასი კომლი... ბევრია მდიდარი ვაჭარი... (თბილისი) საკმაოდ ხალხმრავალი ქალაქია... ჰყიდიან აზიურ საქონელს: ფარჩას, თავთას<sup>1</sup>, ჩითს და სხვას; აგრეთვე რუსეთიდან შემოზიდულ საქონელს: ჩაის, შაქარს, პატარა სარკეებს, მაკრატლებს და სხვას. ბევრია ყოველგვარი ხელოსანი და ყოველი სახის ხელოსნობას აქ აქვს თავისი ცალკე რიგი (უბანი). აბანოები ქვისგან არის ნაკეთები... აბაზანები თლილი ქვებისაგან... ქუჩები ისე ვიწროა, რომ ძლივს შეიძლება იქ ცხენით გავლაც კი“

<sup>1</sup> თავთა — აბრეშუმის თხელი ქსოვილი.

## კითხვები

1. რამდენი იყო თბილისის მოსახლეობა 1770 წლისათვის, თუკი თითო კომლში საშუალოდ ხუთ სულს ვივარაუდებთ? 2. რა საქონლით ვაჭრობდა თბილისი და რომელ ქვეყნებთან ჰქონდა მას სავაჭრო ურთიერთობა?

### 8. ყმა გლეხის თამაზა ქურციძის თხოვნა ერეკლე II-ისადმი

„ღმერთმა ბედნიერის ხელმწიფის კირი მისცეს ფრცველს დაეთის შვილს ზაალის ყმას ქურციძე თამაზას. შინდის თაყველიშვილის კელადად ხიზნად გახლავარ, რაც შეძლება მაქვს ბატონს ჩემსაც ვემსახურები და თაყველიშვილსაცა. ახლა თაყველიშვილი სახლში შემომესია. გამლახა, ერთი ხარი და ერთი ხბოიანი ფური წამართო, არ ვიცი რა დანაშაული მაქვს. ვგონებ ეს განიზრახა: ეს ხომ თავის ალაგას ფრცას წავაო და მე აღარას მემსახურებაო და იმისათვის ამიკლო. სხუა დანაშაული არ გამაჩნია რა. სამართალი მალირსეთ, ღმერთი გაგიმარჯვეს. იანერის იბ (12), ქრონიკონს უიზ (467)“.

### ერეკლე მეფის ბრძანება მიწერილია ამავე თხოვნის ზემო აშიაზე

„ჩვენი ბრძანება არის, იასაულო ხერხეულიძე ავთანდილ, მერე რაც თაყველისშვილს ამ კაცისათვის წაურთმევია, ახლავე გამოურთვი, მოეც. თუ სიტყვა აქვს რამე, სამართალში ალაპარაკე, იანერის იე (15), ქრონიკონს უიზ. ერეკლე“.

## კითხვები და დავალება

1. გაარჩიეთ ღოკუმენტი და გაარკვიეთ. ვისი და სადაური ყმა ყოფილა თამაზა ქურციძე. ვის შეეკვლებოდა ის ხიზნად? 2. რამდენ ბატონს ემსახურებოდა ეს ყმა? 3. რა ძალადობა უხმარია ამ ახალ ბატონს? 4. რა ღონისძიებებს მიმართა ყმა გლეხმა თავის დასაცავად? 5. რა ბრძანება გასცა ერეკლე II-მ?

### 4. ნაწუვეტები ერეკლე II-ის ბრძანებებიდან მებატონეებისადმი

„ამილახვარო რევაზი ან თქვენ და ან რომელმაც ამილახორის შვილმა ამ საღალღულში მდგომელს კაცს (ყმას) ძალა და უსამართლო და ჭიბრი უყო რამე, და ის კაცნი იქილამ აიყარნენ და ვადაიკარგნენ, ან ჩვენი სახასო (სამეფო) კაცნი ან თქვენი კაცნი, იცოდეთ დიდად მოვიკითხავ, ამ საღალღულსაც წავართმევთ და ვისაც საბაბითა და უსამართლოს ქნით იქილამ კაცი აიყრება, იმასაც დიდად მოვიკითხავთ, ვადავახდევინებთ იცოდეთ“ (1772 წ.).

„რომელიც ამათი (ჩაეახიშვილის ყმების) დებულება არის და არა სდებიან, იმის გარდა თუ მეტი რამ მოინდომეთ, ჩვენგან მოსაკითხი იქნება, ამათ სამართლიანი საქმით მოექვეცით, თორემ თუ კიდეც ამათ გიჩივლესთ, იცოდეთ რომ გიწყენთ“ (1774 წ.).

## კითხვები

1. რა აიძულებდა მეფეს, ასეთი ბრძანებები გაეცა? 2. რას მოითხოვდა მეფე მებატონეებისაგან? 3. რა დასკვნა შეიძლება გამოვიტანოთ ამ ღოკუმენტიდან XVIII ს. მეორე ნახევარში ყმებისა და მათი ბატონების ურთიერთობის შესახებ?


1. 1783 წლის რუსეთ-საქართველოს ტრაქტატი. XVIII საუკუნის 70-იანი წლების დამლევს და 80-იანი წლების დამდეგს ქართლ-კახეთის საგარეო და საშინაო მდგომარეობა გუაარესდა. შირვანის ხანი, რომელიც ირანის ყაენობისაკენ მიისწრაფოდა, ჯერ ალმოსავლეთ ამიერკავკასიის დაპყრობას ცდილობდა. მისი წაქეზებით ქართლ-კახეთის სამეფოს განუდგნენ განჯისა და ერევნის სახანოები. ამავე დროს ქართლში რეაქციონერი თავადები შეთქმულებას ამზადებდნენ მეფის წინააღმდეგ. მართალია, ერეკლე II-მ ამჯერად შეძლო როგორც შინაური, ისე გარეშე მტრების წინააღმდეგობის დაძლევა, მაგრამ მართო შინაგანი ძალებით საქართველო ირან-ოსმალეთის მხარე დაპყრობის საფრთხეს ვერ აიცილებდა და დამოუკიდებლობას ვერ შეინარჩუნებდა.

ამავე დროს გამწვავდა წინააღმდეგობა რუსეთს, ირანსა და თურქეთს შორის ახლო აღმოსავლეთში გაბატონებისათვის. ამ ბრძოლაში უპირატესობა რუსეთის მხარეზე იყო. მისი საზღვრები XVIII საუკუნის 80-იანი წლებისათვის კავკასიონის ქედამდე აღწევდა. შემდგომი წარმატებისათვის რუსეთს ამიერკავკასიაში ფეხის მომაგრება სჭირდებოდა.

რუსეთის სახელმწიფო მოხელეები ერეკლე II-ს ურჩევდნენ; ეთხოვა იმპერატორის მფარველობა. ერეკლე სამი დიდი მეტოქიდან ერთ-ერთის მხარეზე უნდა დამდგარიყო. საქართველოს დაუძინებელ ისტორიულ მტრებთან ირანთან და ოსმალეთთან კავშირი ქვეყანას განადგურებას და გადაგვარებას მოუტანდა. ერეკლემ სწორად შეაფასა არსებული მდგომარეობა და რუსეთს მფარველობა სთხოვა. მოლაპარაკება რუსეთსა და ქართლ-კახეთის სამეფოს წარმომადგენლებს შორის წარმატებით დაგვირგვინდა და 1783 წლის 24 ივლისს ჩრდილო კავკასიის რუსულ ციხესიმაგრე — გეოგოევსკში დაიდო ხელშეკრულება (ტრაქტატი) რუსეთსა და საქართველოს შორის.

ამ ტრაქტატით ქართლ-კახეთის სამეფო რუსეთის იმპერიის მფარველობაში შედიოდა (იხ. დოკ. 1.).

სამეფოს სათავეში რჩებოდა მეფე ერეკლე და მისი შთამომავლობა. ქართლ-კახეთის მეფეს ამტკიცებდა რუსეთის იმპერატორი, რომელიც უგზავნიდა მას სამეფო ნიშნებს. ტრაქტატის ძალით ქართლ-კახეთის მეფეს იმპერატორის ნებართვის გარეშე არ ჰქონდა უფლება ურთიერთობა დაემყარებინა სხვა სახელმწიფოებთან. ქართლ-კახეთის მეფე ვალდებული იყო საქიროების დროს დახმარებოდა რუსეთს. ქვეყნის საშინაო მართვა-გამგებლობაში საქართველოს მეფე სრულ დამოუკიდებლობას ინარჩუნებდა და



გეორგიევსკის ტრაქტატის რატიფიცირებული ტექსტი ერეკლე II ხელმოწერით.

რუსეთი საქართველოს საშინაო საქმეებში არ ერეოდა.

ქართლ-კახეთის მშვიდობიანობის დასაცავად რუსეთს საქართველოში მუდმივად უნდა ჰყოლოდა 2 ბატალიონი ჯარი 4 ზარბაზნით. ომის შემთხვევაში კი რუსეთი კისრულობდა საჭირო სამხედრო დახმარებას. იმპერატორი აღთქმას დებდა აგრეთვე, რომ იზრუნებდა, რათა საქართველოს დაბრუნებოდა მტერთაგან მიტაცებული მიწები.

ამრიგად, 1783 წლის ტრაქტატით თითქმის ხორციელდებოდა ქართლ-კახეთის სამეფოს პროგრესულ მოღვაწეთა დიდი ხნის სურვილი: ძლიერი, ერთმორწმუნე რუსეთი აგრესორთა გარემოცვაში მყოფი საქართველოს მფარველი და მოკავშირე გამოდიოდა.

**2. საგარეო ურთიერთობა და საშინაო მდგომარეობა ტრაქტატის შემდეგ.** 1783 წლის ტრაქტატმა და რუსთა ჯარის საქართველოში შემოსვლამ აგრესიულ სახელმწიფოთა აღმფოთება გამოიწვია. ოსმალეთმა, რომლის ზურგს უკან საფრანგეთი და ინგლისი იღვა, ერეკლე II-ის წინააღმდეგ ამიერკავკასიის ხანები და დაღესტნელი ფეოდალები აამხედრა. საქართველოზე თავდასხმის გაძლიერებით ოსმალეთი ცდილობდა, დაემცირებინა რუსეთის პრესტიჟი, აეძულებინა ქართლ-კახეთი კავშირი გაეწყვიტა რუსეთთან და თვითონ გაბატონებულიყო საქართველოში.

1785 წელს ხუნძახის ბატონი ო მ ა რ - ხ ა ნ ი 20 000-იანი ლაშქრით საქართველოს შემოესია. ერეკლე II-მ ვერ შეძლო საჭირო რაოდენობის ჯარის შეკრება, რადგან ამ დროს ახალციხის მხრი-

გეორგიევსკის ტრაქტატის დადებასთან დაკავშირებით 1783 წ. მოჭრილი მედალიონი.



დან მოსალოდნელი იყო ლეკ-ოსმალთა შემოსევაც. რუსთა 2 ბატა-ლიონით და ქართველთა მცირერიცხოვანი ჯარით ომარ-ხანთან პ-რისპირ შეგბა შეუძლებელი იყო. ომარ-ხანმა გადალახა ალაზ-ანი და იორი, შემდეგ, მტკვარი, ისე რომ წინააღმდეგობა თითქმის არ შეხვედრია, აპყვა დებედას ხეობას, აიოო ბორჩალოს ციხე, გა-ძარცვა და გაანადგურა ახტალის მადნები, ააოხრა ლორე და ახალ-ციხეში გადავიდა. აქედან იგი იმერეთს შეესია, მრავალი სოფე-ლი ააოხრა, გაძარცვა და ტყვეებითა და ნადავლით დატვირთუ-ლი დაბრუნდა ახალციხეში. რამდენიმე თვის განმავლობაში ომარ-ხანი თავისუფლად დათარეშობდა და მხოლოდ მას შემდეგ გაე-ცალა საქართველოს, როცა ერეკლე მეორე იძულებული გახდა, მისთვის ყოველწლიური „ჯამაგირი“ — 5 000 მანეთი, დაენიშნა და გარდა ამისა 10 000 მანეთი მიეცა ლეკთა ბელადებისათვის დასარიგებლად.

ამრიგად, ქართლ-კახეთის სამეფოს მძიმე დღეები დაუდგა. მო-სახლეობა გადასახადებს ვერ აუდიოდა, იხიზნებოდა. მეურნეობა მოიშალა, შემცირდა და იკლო სახელმწიფო შემოსავალმა.

გართულდა საქართველოს საგარეო მდგომარეობაც. ამ დროს (1787-1791 წწ) ომი მიმდინარეობდა რუსეთსა და თურქეთს შო-რის. რუსეთს ომი ჰქონდა აგრეთვე შვედეთთან, მლეღვარება დაიწყო პოლონეთშიც. ამავე დროს მთელი მსოფლიოს ყურად-ღება მიპყრობილი იყო 1789 წ. საფრანგეთში დაწყებული ბურ-ჟუაზიული რევოლუციისაკენ. ირანში შინაარეულობა დასასრულს უახლოვდებოდა. ასეთ პირობებში რუსეთს არ შეეძლო, რეალუ-რი დახმარება გაეწია საქართველოსთვის. მისი ინტერესი საქარ-თველოსადმი შესუსტდა.

ამ დამაბულ საერთაშორისო ვითარებაში ქართლ-კახეთის სამე-ფოში კვლავ მწვავედ დაისვა საგარეო მოკავშირის ძიების საკო-თხი. ერეკლე II და სხვა პროგრესული მოღვაწეები ისევ რუსეთ-თან კავშირის განმტკიცების გზას ადგნენ. საქართველოს პროგ-რესულმა მოღვაწეებმა ამ დროს სცადეს იმერეთისა და ქართლ-კახეთის სამეფოების გაერთიანება. ეს განზრახვა ვერ განხორციელ-და, მაგრამ 1790 წელს ქართლ-კახეთის და იმერეთის სამეფოებს და სამეგრელო-გურუის სამთავროებს შორის დაიდო სამხედრო კავ-შირი, რომლითაც ისინი საერთო მტრის წინააღმდეგ ერთიან მოქმე-დებას კისრულობდნენ (იხ. დოკ. 2).


ალა-მამალ-ხანი.




**8. კრწანისის ბრძოლა.** ამასობაში ირანში დამთავრდა მრავალწ-ლიანი შინაფეოდალური ომი. გამარჯვება ყ ა რ თ ა საგვარე-ულოს წარმომადგენელს, მრისხანე და შეუბრალებელ ა ლ ა მ ა მ ა ლ - ხ ა ნ ს დარჩა.

1795 წელს ალა-მაჰმად-ხანი 35-ათასიანი ლაშქრით საქართველოს დედაქალაქისაკენ გამოემართა. ერეკლე II-მ მტერს მხოლოდ 5 000 მეომარი დაუპირისპირა. რეაქციონერი თავადები მეფეს ხელს უშლიდნენ ქვეყნის თავდაცვის მოწყობაში. ჭარის სიმციარის მიუხედავად, ერეკლე II-მ გადაწყვიტა მტრისათვის გადაწყვეტი ბრძოლა თბილისთან, კრწანისის ველზე გაემართა. 10 სექტემბერს ქართველებმა ენერგიული შეტევით მტრის მეწინავე რაზმები გაანადგურეს. ალა-მაჰმად-ხანი ფრთხილობდა: მრავალ ომში გამოცდილი მხედართმთავრის ერეკლე მეორის წინააღმდეგ ბრძოლა არც ისე ადვილი ჩანდა და თავისი საქმის წარმატება ეეჭვებოდა. მაგრამ ამ დროს მოლაღატეებმა მას აცნობეს ქართველთა ჭარის სიმცირე. ამით გამხნეებული მტერი მეორე დღეს, 11 სექტემბერს, დილით შეტევაზე გადავიდა.

სამშობლოს დამცველები თავდადებით და უმაგალითო გმირობით ეყვეთნენ მტერს. ქართველებისაგან შევიწროვებულ ალა-მაჰმად-ხანს განუცხადებია: „რამდენი ბრძოლა გადამიხდია, მაგრამ არასოდეს არ მახსოვს, რომ მტერს ასე ვაეკაცურად ებრძოლოსო“. 75 წლის მოხუცი მეფე ერეკლე მხნედ, ხმალდახმალ იბრძოდა. ბრძოლის ველზე გმირულად დაეცა ს ა მ ა ს ი ა რ ა გ ვ ე ლ ი. კრწანისის ბრძოლაში დიდი გმირობა გამოიჩინეს დ ა ვ ი თ და ი ო ა ნ ე ბატონიშვილებმა. მრავალრიცხოვანი მტრით გარშემორტყმულმა გ ი ო რ გ ი გ უ რ ა მ ი შ ვ ი ლ მ ა მებრძოლებს ასე მიმართა: „ქართველებო, ძმებო! ცხადად ვხედავთ, აუცილებელი სიკვდილი მოსულა ჩვენზე, მაგრამ ესეც შეგვიძლია — უნამუსოდ დავენებდეთ ყიზილბაშებს. აბა, რომელი გინდათ — სახელით სიკვდილი მამულისათვის, თუ უნამუსოდ სიცოცხლე?“ ყველამ ერთხმად უპასუხა: „ჩვენს მამა-პაპას უნამუსობა არ უქნიათ და ჩვენც იმათი შვილები ვართ; სიკვდილი გვირჩევნია უნამუსო სიცოცხლესო“. სამშობლოს ღირსეული შვილი გმირი გიორგი ზარბაზნებ-




ობელისკი თბილისში 300 არაგველისა და კრწანისის ბრძოლის გმირთა ეკუთვნიან.



ქართული ზარბაზნები (XVIII ს.).





ქართველების ცეცხლ-სასროლი იარაღი (დამბაჩები, თოფები, საპირისწამლეები).

თან დაეცა განგმირული... მტრის სიქარბემ თავისი გაიტანა და საბოლოოდ ქართველები დამარცხდნენ.

კრწანისის გამარჯვების შემდეგ ალა-მაჰმად-ხანი თბილისში შეიჭრა. გაძარცვა და დაანგრია მეფის სასახლე, თოფ-ზარბაზნის, ქარხანა, იარაღის საწარმო, სტამბა, აბანოები, გადაწვა ეკლესიები, სახლები და სხვა ნაგებობანი; უმოწყალოდ და შეუბრალებლად ამოკლიტეს მცხოვრებლები. ჩვილ ბავშვებს დედებს ხელიდან გლეჯდნენ, ცალ ფეხზე ხელს წააელებდნენ და ხმლის ერთი დაკვრით შუაზე ჩეხდნენ. ერეკლეს მსახურები ერთად შეაგროვეს, ხელები შეუკრეს და მტკვარში გადაყარეს. თბილისიდან ირანის მბრძანებელმა მარბიელი რაზმები ქართლს შეუსია. გაძარცვეს და დაანგრიეს ახტალის ვერცხლისა და სპილენძის ქარხნები, რომლებიც ერეკლემ ომარ-ხანის ლაშქრობის შემდეგ ალაღინა. კაცთმოძულე მტარვალი 9 დღე დარჩა საქართველოში.

ომარ-ხანთან და ალა-მაჰმად-ხანთან დამარცხებამ გამოაშკარავა, რომ საქართველოს მძიმე სოციალურ-ეკონომიკური და პოლიტიკური კრიზისიდან საკუთარი ძალებით თავის დაღწევა არ შეეძლო. კრწანისის ბრძოლის შემდეგ ისევ გაძლიერდა დაღესტნელ ფეოდალთა თარეში, გლეხთა აყრა-გაქცევა და რეაქციონერი თავადების თავაშეხებული პარაზიზი. ასეთ პირობებში იყო აღმოსავლეთ საქართველო, როცა 1798 წელს 11 იანვარს, 78 წლის, ერეკლე II გარდაიცვალა.

**4. ქართლ-კახეთის სამეფოს გაუქმება და რუსეთთან შეერთება.** ერეკლე II-ის შემდეგ ქართლ-კახეთის სამეფო ტახტზე ავიდა მისი შვილი გიორგი XII. მის მეფობაში გამწვავდა ურთიერთობა სამეფო ოჯახის წევრთა შორის. ბატონიშვილებთან ჩამოყალიბდა ცალკეულ ფეოდალთა დაჯგუფებები. ეს პოლიტიკური დაჯგუფებები ერთმანეთს უპირისპირდებოდნენ საგარეო ორიენტაციის საკითხში. ერთნი ერეკლეს პოლიტიკის მომხრენი იყვნენ და რუსეთთან კავშირის შენარჩუნებას უჭერდნენ მხარს, მეორენი ყოველგვარი უბედურების წყაროდ 1783 წლის ტრაქტატს მიიჩნევდნენ და რუსეთთან კავშირის გაწყვეტას მოითხოვდნენ. ამ დროს ირანის შაჰმა გიორგი XII-ს მოსთხოვა, ეცნო მისი უზენაესობა, კავშირი გაეწყვიტა რუსეთთან და მისი ქვეშევრდომობა მიეღო; უარის შემთხვევაში შაჰი ომით და ქვეყნის განადგურებით იმუქრებოდა.

ქართლ-კახეთის სამეფო კარი მძიმე არჩევანის წინაშე აღმოჩნდა: ან უნდა გაეწყვიტა რუსეთთან კავშირი და ირანის მორჩილება ელიარებინა, რასაც ქართველი ხალხის ეროვნული გადაგვარება მოჰყვებოდა ან რუსეთთან კავშირი განემტკიცებინა.

გიორგი XII და მისი მომხრეები გამოსავალს ისევ რუსეთის დახმარებაში ხედავდნენ. 1799 წელს განაახლეს 1783 წლის ტრაქტატი. რუსის ჯარის ერთი ლეგიონი ჩამოვიდა საქართველოში, მაგრამ ეს საქართველოს გართულებულ მდგომარეობას ვერ შევლოდა. ირანის ჯარები საქართველოსაკენ მოიწევდნენ. გიორგი XII-ის პოლიტიკური მოწინააღმდეგენი გააქტიურდნენ. გიორგი იძულებული იყო, რუსეთისათვის ეთხოვა: საქართველო შენს მფლობელობაში მიიღეო. იგი რუსეთს ანდობდა როგორც საგარეო, ისე საშინაო საქმეების გამგებლობას მეფობის შენარჩუნების პირობით. რუსეთის მთავრობას კი ამ დროს უკვე გადაწყვეტილი ჰქონდა ქართლ-კახეთის სამეფოს გაუქმება და რუსეთის გუბერნიად გამოცხადება. ამისთვის მხოლოდ ხელსაყრელ მომენტს უცდიდა. ეს მომენტიც დადგა. 1800 წლის 28 დეკემბერს სწული მეფე გარდაიცვალა, ხოლო 1801 წლის 18 იანვარს რუსეთის იმპერატორმა პავლე I-მა გამოსცა მანიფესტი ქართლ-კახეთის სამეფოს გაუქმებისა და რუსეთთან შეერთების შესახებ, რომელიც საბოლოოდ იმპერატორ ალექსანდრე I-ის 1801 წლის 12 სექტემბრის მანიფესტით გაფორმდა.



გიორგი XII.

საქართველოს რუსეთთან შეერთებას, მიუხედავად იმისა, რომ ქართველი ხალხი ცარიზმის კოლონიური ჩაგრვის უღელქვეშ მოექცა, მაინც დიდი ისტორიული მნიშვნელობა ჰქონდა: დროთა განმავლობაში გამუდმებული ომები და თავდასხმები შეწყდა, თანდათან მოისპო ქვეყნის პოლიტიკური დაქუცმაცებულობა და საქართველოს ისტორიული მიწა-



რუსეთის ჯარის შემოსვლა თბილისში 1799 წ. მხატვარი რუბო.

წყალი გაერთიანდა; უზრუნველყოფილ იქნა საქართველოს საზღვრების უშიშროება; ქართველი ხალხი შეუერთდა რუსი და რუსეთის იმპერიაში შემავალი სხვა ხალხების ერთობლივ ბრძოლას თვითმპყრობელობისა და ბატონყმობის წინააღმდეგ; ყოველივე ამან შექმნა ხელსაყრელი პირობები ქვეყნის ეკონომიკური ცხოვრებისა და კულტურის წინსვლისათვის.

## კითხვები და დავალებები

1. რა ვარემოებაში მოხდა 1783 წლის ტრაქტატის დადება? 2. რა ძირითად პირობებს ითვალისწინებდა 1783 წ. ტრაქტატი და რა მნიშვნელობა ჰქონდა მას ქართლ-კახეთის სამეფოსათვის? 3. დაახასიათეთ ტრაქტატის შემდეგ საქართველოში შექმნილი საშინაო და საგარეო ვითარება. 4. გვიამბეთ კრწანისის ბრძოლის და მისი შედეგების შესახებ. 5. როგორ მოხდა აღმოსავლეთ საქართველოს შეერთება რუსეთთან? 6. რა პროგრესული შედეგი ჰქონდა ქართლ-კახეთის რუსეთთან შეერთებას?

## დოკუმენტები

### 1. ნაწყვეტი რუსეთის სახელმწიფოსა და ქართლ-კახეთის სამეფოს შორის 1788 წელს დადებული მფარველობითი ტრაქტატიდან

#### მ უ ხ ლ ი პ ი რ ვ ე ლ ი

„უგანათლებულესობა მისი მეფე ქართლისა და კახეთისა სახელითა, მემკვიდრეთა და მენაცვლეთა თვისითა დღესასწაულობით (საზეიმოდ) უკუთქვამს (უარს ამბობს) ყოველსა ვალობასა (ვასალობაზე) და ყოვლისაგან (ყოველგვარ) მოკიდებულებისა (დამოკიდებულებისაგან) სპარსთა ანუ სხვათა მპყრობელთასა, და ამით ცხადჰყოფს (აცხადებს) წინაშე პირსა ყოვლისა სოფლისასა (მთელი ქვეყნის წინაშე) ვითარმედ არა შეჰკაცხს იგი თვისზედ და მენაცვლეთა თვისთა ზედა სხვასა თვითმპყრობელსა თვინიერ უზენაესისა ხელმწიფებისა და მფარველობისა მისისა იმპერატორობისა... აღმოქმელი ტახტისა მის ერთგულებისა და მზადყოფნისა შეწევნისათვის სარგებელსა სახელმწიფოსა (რუსეთისა) ყოველსა შინა შემთხვევასა და დროსა, სადაც ესე ითხოვებოდეს მისადმი“.

#### მ უ ხ ლ ი მ ე ო რ ე

„დიდებულება იმპერატორებისა მისისა მიმღებელი უგანათლებულესობისაგან მისისა ესოდენისა უზაკველისა (გულითადი) აღთქმისა, აღუთქვამს თანასწორადვე და იმედულად ჰყოფს (აიმედებს) იმპერატორებითა სიტყვითა თვისითა... ვითარმედ მოწყალება და მფარველობა თავისი (ე.ი. რუსეთის იმპერატორისა) უგანათლებულესთა მეფეთა ქართლისათა და კახეთისათა არაოდეს მიედების (მოაკლდება), რომელისაცა დასამტკიცებლად დიდებულება მისი აძლევს იმპერატორებისა თავსმდებობასა მისსა მრთლად და დაუკლებლად დაცვასა ზედა აწინდელთა სამყოფელოთა მისისა უგანათლებულესობისა მეფისა ირაკლი თეიმურაზოვიჩისათა“...

## კითხვები და დავალებები

1. რა ვალდებულებებს კისრულობდა ქართლ-კახეთის მეფე რუსეთის იმპერიის წინაშე 1783 წ. ტრაქტატი? 2. რას აღუთქვამდა იმპერატორი ქართლ-კახეთის სამეფოს? 3. მასწავლებლის დახმარებით გაეცანით ტრაქტატის სხვა მუხლებსაც. შეეცადეთ, მოკლედ გადმოსცეთ მათი ძირითადი შინაარსი და ახსნათ მათი მნიშვნელობა.

## 2. ნაწყვეტი 1700 წლის საქართველოს მეფე-მთავართა შორის დადებული ხელშეკრულებისა ერთობის შესახებ

„ტრაქტატი, ივერიელთა მეფეთა და მთავართაგან დამტკიცებული, ქართლის, კახეთის, იმერთა, ოდიშისა და გურიისა, აღწერილ სამეფოსა ქალაქსა ტფილისს 1790 წელსა.

ვინაიდანგან ყოველთავე ივერიელთა, მსახლობელთა სამეფოსა შინა ქართლისა, კახეთისა, იმერთა, ოდიშისა და გურიისათა, აქვსთ ერთმორწმუნება, არიან ძენი ერთისა კათოლიკე ეკლესიისაგან შობილნი და ერთისა ენისა მქონებელნი, აქვსთ მავასხელობითაცა სიყვარული ვითარცა სისხლით ნათესავთა და მოყვრობით შეკრულთა ურთიერთთა შორის.

ამისათვის ჩვენ ზემოხსენებულად ქვეყანათა ივერიისა მეფენი და მთავარნი, დამამტკიცებელნი საუკუნოსა ამის პირობისა, სახელით ყოვლად ძლიერისა ღვთისათა აღუსვთქვამთ მტკიცესა ამას ერთობასა... მეფე ქართლისა, კახეთისა და სხვათა, ირაკლი მეორე... გარწმუნებთ ყოვლისა საიმერეთოს მეფესა... სოლომონს და მთავარსა ოდიშისა და სხვათა სამთავროთა დადიანს გრიგოლს და მთავარსა გურიისა სვიმეონს და ერთობით თავადთა, აზნაურთა და ერთა ქვემოისა ივერიისა ესრეთ. შევრაცხო ყოველი მტერი თქვენი მტრად ჩემდა და ყოვლისა ჩემისა, ვიყო მტერი მტრისა თქვენისა და მოყვარე მოყვრისა“.

## კითხვები

1. საქართველოს რა ნაწილები ერთიანდებოდა 1790 წლის ხელშეკრულებით? 2. რამ გამოიწვია ასეთი გავრთიანების საჭიროება? 3. რით ასაბუთებდნენ იმდროინდელი მოღვაწენი საქართველოს სამეფო-სამთავართა ერთობას? 4. რა მნიშვნელობა ჰქონდა ასეთი გავრთიანების ცდას?

## § 12. მართული კულტურა XVIII საუკუნის მეორე ნახევარში

1. **საზოგადოებრივი აზრის სიახლენი.** XVIII საუკუნის მეორე ნახევარში განსაკუთრებით გაძლიერდა რუსეთ-საქართველოს კულტურული ურთიერთობა. რუსეთის მეშვეობით ქართულ საზოგადოებაში ვრცელდებოდა ევროპის განმანათლებელთა იდეები. საზოგადოებრივი ცხოვრების ყველა მხარეს ეტყობოდა სიახლე და ევროპული, ბურჟუაზიული გარდაქმნების საჭიროების შეგნება.



იოანე ბატონიშვილი.

ამ დროს განსაკუთრებული პოპულარობით სარგებლობდა აზრი იმის შესახებ, რომ სახელმწიფოს სათავეში უნდა იდგეს. განათლებული და გონიერი მეფე, რომელიც დამოკიდებული არ იქნებოდნა წოდებებისაგან და იზრუნებდა სწავლა-განათლების, მეცნიერებისა და ვაჭრობა-მრეწველობის განვითარებისათვის.

იმ დროის პროგრესული იდეების გამომხატველია ა ლ ე ქ ს ა ნ - დ რ ე ა მ ი ლ ა ხ ვ ა რ ი ს ნ ა შ რ ო მ ი „ბრძენი აღმოსავლეთისა“. ამ ნაშრომის მიხედვით მეფეს თავისი ხელისუფლება ხალხისაგან აქვს მიღებული და არა ღმერთისაგან, რომ აღაშინაშა ალაშინი არ უნდა შეურაცხვოს, რომ ქვეყნის სიმდიდრე გლეხის შრომას ემყარება და ამიტომ გლეხს ცუდად არ უნდა ვეპყრობოდეთ და სხვ.

საზოგადოებრივი აზრის ამ მიმდინარეობის წარმომადგენლები პრაქტიკულ ნაბიჯებსაც დგამდნენ, რაც მკაფიოდ აისახა სახელმწიფო რეფორმების იმდროინდელ პროექტში. ამ მხრივ აღსანიშნავია ი ო ა ნ ე ბ ა ტ ო ნ ი შ ვ ი ლ ი ს პროექტი. იგი მოითხოვდა ქვეყნის გაერთიანებას, ვაჭრობა-მრეწველობის განვითარებას და სწავლა-განათლების გაფართოებას. ახალ სკოლებში უნდა ესწავლათ არა მარტო თავადაზნაურთა, არამედ მოქალაქეთა და გლეხთა შვილებსაც. სკოლები და მასწავლებლები სახელმწიფო ხარჯზე უნდა ყოფილიყვნენ. იოანე მოითხოვდა საერისთავოების და სათავადოების გაუქმებას, ყველა თანამდებობის პირის, მათ შორის მეფისა და დედოფლის, სახელმწიფო ჯამაგირზე გადაყვანას და სხვ.

ერეკლე II-ის დროს შემუშავებული ამ იდეებიდან და გეგმებიდან ბევრი თავისთავად უტოპიური იყო, სხვები გარეშე მტრების გამანადგურებელ შემოსევათა შედეგად განუხორციელებელი დარჩა.

**2. სკოლები. სტამბა.** კულტურის აღორძინება, სხვა ღონისძიებებთან ერთად, გამოიხატა დაწყებითი და საშუალო სკოლების ქსელის გაფართოებასა და წიგნების ბეჭდვის საქმის გაუმჯობესებაში. 1755 წელს თბილისში, ანჩისხატის ტაძრის ეზოში, დაარსდა სემინარია. მისი პირველი რექტორი იყო ფ ი ლ ი პ ე ყ ა ი თ მ ა ზ ა შ ვ ი ლ ი. 1758 წელს თელავშიც, ერეკლე II-ის სასახლესთან, დაარსდა სკოლა, რომელშიც სრულასაკოვანი პირებიც იღებდნენ სწავლა-განათლებას. ამ სკოლამ დიდხანს ვერ იარსება. მის საფუძველზე 1782 წელს გაიხსნა ახალი სემინარია, რომლის რექტორი იყო ჯერ გ ა ი ო ზ ა რ ქ ი მ ა ნ დ რ ი ტ ი და შემდეგ დ ა ვ ი თ ა ლ ე ქ ს ი - მ ე ს ხ ი შ ვ ი ლ ი. 1778 წელს თბილისში დაარსდა სპეციალური სკოლა რუსული ენის შემსწავლელთათვის.

სკოლების გახსნას თან ახლდა ზრუნვა მეცნიერების სხვადა-

სხვა დარგში სასკოლო სახელმძღვანელოების შესაქმნელად. იმდროინდელი სწავლულები, მაგალითად ანტონ I და სხვები, ან თვით წერდნენ ასეთ სახელმძღვანელოებს, ან თარგმნიდნენ, განსაკუთრებით რუსული ენიდან.

სწავლა-განათლებისა და სასკოლო საქმის განვითარება შეუძლებელი იყო სასწავლო და სამეცნიერო ლიტერატურის გავრცელების გარეშე. ამას ხელს უშლიდა სტამბის უქონლობა. ვახტანგ VI-ის მიერ დაარსებული სტამბა „ოსმალთა“-„ეიზილბაშობის“ დროს განადგურდა. ამის შემდეგ ქართული წიგნები მოსკოვსა და პეტერბურგში იბეჭდებოდა. 1749 წელს ერეკლე მეორისა და ანტონის თაოსნობით აღადგინეს თბილისის სტამბა, რომელიც 80-იან წლებში საფუძვლიანად განაახლეს. 1795 წელს ალექსანდრე-ხანის შემოსევის დროს სტამბა განადგურდა და მისი აღდგენა მოხერხდა მხოლოდ 1800 წელს. ამავე წელს სტამბა გაიხსნა ქუთაისშიც.

3. ისტორიული მწერლობა. XVIII ს.: მეორე ნახევრის საქართველოს ისტორია აღწერილი აქვთ იმდროინდელ ისტორიკოსებს პაპუნა ორბელიანსა და ომან ხერხეულიძეს. პაპუნა ორბელიანის ნაშრომი „ამბავნი ქართლისანი“ სეხნია ჩხეიძის ნაშრომის გაგრძელებაა. იგი XVIII საუკუნის 40-იანი წლების ამბებით იწყება და 1758 წლით მთავრდება. ავტორს ვერცხლად აქვს აღწერილი საქართველოს ისტორია ამ 20 წლის მანძილზე. თვითონ იგი თავის მიერ აღწერილი მოვლენების მონაწილე იყო. ავტორს შეგნებული აქვს, რომ ისტორია ახალი თაობის პატრიოტული გრძნობით აღზრდის საქმეს უნდა ემსახურებოდეს. პაპუნა ერთიანი და ძლიერი ფეოდალური მონარქიის მომხრეა. ის გულისტკივილით აღნიშნავს საქართველოს წარსულ უბედურებას, იმ ბოროტებასა და ნგრევას, რაც ჩვენს ქვეყანას გარეშე მტრებმა მოუტანეს. თეიმურაზ II-ისა და ერეკლე II-ის დროს აღორძინებისა და ძლიერების გზაზე მყოფ საქართველოს იგი დიდი იმედით შეჰყურებს. ავტორი მოუწოდებს მომავალ თაობას, კარგად გაარკვიოს, თუ რა იყო საქართველოს წინანდელი დაკნინება-დაქვეითების მიზეზები და ამის საფუძველზე ქვეყნის კეთილდღეობისა და სიმტკიცისათვის იზრუნოს. 3. ორბელიანის ნაშრომში, საქართველოს პოლიტიკური ისტორიის გარდა, საკმაო ადგილი აქვს დათმობილი ცნობებს ქვეყნის ეკონომიკური და სახელმწიფო წყობილების შესახებ.

ომან ხერხეულიძეს ეკუთვნის ნაშრომი „მეფობა ირაკლი მეორისა“. მისი მიზანია უჩვენოს, თუ როგორ შეძლო ერეკლე II-მ აღმოსავლეთ საქართველოს ერთ სამეფოდ გაერთიანება და მოკლედ გადმოსცეს შემდგომი ხანის მოვლენები. როგორც



დავით გურამიშვილის ძეგლი. მოქანდაკე მ. ბერძენიშვილი.

საისტორიო ნაწარმოები. იგი პაპუნა ორბელიანის თხზულებას ვერ შეედრება, მაგრამ, როგორც საისტორიო წყარო, მაინც მნიშვნელოვანია.

**4. ლიტერატურა და ხელოვნება.** XVIII საუკუნის მეორე ნახევარში ძალიან განვითარდა მხატვრული ლიტერატურა. ამ დროის ლიტერატურულ ძეგლებში ასახულია ეპოქის პროგრესული იდეები. ამ პერიოდის ქართული მწერლობის შესანიშნავი წარმომადგენელია დავით გურამიშვილი (1705 — 1792 წწ.). მისი ლიტერატურული მოღვაწეობა რუსეთში ემიგრაციაში ყოფნის დროს გაიფურჩქნა. ჭაბუკი პოეტი ტყვედ ჩაუვარდა ლეკებს, დიდი გაჭირვებით გაიქცა ტყვეობიდან და მოსკოვს ჩავიდა. ცნობილ პოემაში „ქართლის კირი“ დავით გურამიშვილმა მხატვრულად და ისტორიული სიზუსტით აღწერა XVIII საუკუნის პირველი ნახევრის საქართველოს სურათი: ვახტანგ VI-ის მეფობა, მისი ურთიერთობა პეტრე I-თან, შინაფეოდალური შფოთი და ქიშობა ქართლ-კახეთში და სხვ.

დავითი უდიდეს მნიშვნელობას ანიჭებს სწავლა-განათლებას. შესაძლოა, ადამიანმა ყველაფერი დაკარგოს, მაგრამ ცოდნა კი მუდამ მასთანაა ჭირშიც და ლხინშიც:

„სწავლა სიკვდილდე შენია, მუდამ შენთანა მყოფელი;  
მას გეცილების ვერავინ. არ არის გასაყოფელი;  
სხვას ყველას მახე უგია, თავისა გასაყოფელი,  
თუ კაცსა ცოდნა არა აქეს, გასტანჯავს წუთისოფელი“.

XVIII საუკუნის II ნახევრის გამოჩენილი პოეტი ბესარიონ გაბაშვილი — ბესიკი (1750 — 1791 წწ.) ღრმად განათლებული პიროვნება იყო, კარგად იცნობდა ძველ ბერძნულ ფილოსოფიასა და მწერლობას, საქართველოს ისტორიასა და კულტურას. მოღვაწეობდა პოლიტიკურ ასპარეზზე; იყო იმერეთის მეფის სოლომონ I-ის ელჩი რუსეთის მეფის კარზე.

ბესიკის მხატვრული შემოქმედება მრავალფეროვანია როგორც შინაარსით, ისე ფორმითაც. ყველაზე დიდი ადგილი მის პოეზიაში სატრფიალო-სამიჯნურო ლექსებს უჭირავს. პოეტის შემოქმედება სავსეა სევდისა და პესიმიზმის მოტივებით, რაც მისი დროის საქართველოს მძიმე მდგომარეობით იყო გამოწვეული. პოეტის პატრიოტიზმი განსაკუთრებით ჩანს ისტორიულ პოემაში „ასპინძისათვის“ და „რუხის ბრძოლა“, სადაც იგი სიამაყის გრძნობით აღწერს ქართველი ხალხის თავდადებას დამოუკიდებლობისათვის ბრძოლაში.

ქალაქის ხელოსნური ფენების აზრებისა და სურვილების გა-

ბესიკი. მხატვარი უჩაჭაფარიძე.





თბილისში ყოველწლიურად ტარდება „საიათნოვას დღე“.

მომხატველი იყო საიათნოვას პოეზია. ერთა ძმობის დიდი მეზობტე საიათნოვა ქართულ, სომხურ და აზერბაიჯანულ ენაზე ერთნაირი სიძლიერის ლექსებს წერდა.

XVIII საუკუნის მეორე ნახევარში თბილისში დაარსდა ქართული პროფესიული თეატრი, რასაც ხელი შეუწყო რუსეთთან კავშირის განმტკიცებამ. რუსეთის ქალაქებში სწავლა-განათლების მისაღებად ერეკლე II-ის მიერ გაგზავნილი ახალგაზრდები სამშობლოში დაბრუნების შემდეგ ადგილობრივ ძალებთან ერთად ქმნიდნენ დასს და აწყობდნენ წარმოდგენებს. თეატრთან ერთად აღორძინდა ქართული დრამატურგიაც. გიორგი ავალიშვილმა რუსულიდან თარგმნა რამდენიმე კომედია, წერდნენ ორიგინალურ პიესებსაც.

განახლებული ქართული თეატრი და მისი დასი განადგურდა ალა-მაჰმად-ხანის შემოსევის დროს.

XVIII საუკუნის მეორე ნახევრიდან აღორძინებული ქართული კულტურა სავსებით შეესატყვისებოდა ფეოდალური საზოგადოების იმდროინდელ ახალ პერიოდს და წინა ხანის ადგილობრივი ტრადიციების გაგრძელება-განვითარებასაც წარმოადგენდა.

### კითხვები და დავალება

1. რა სიახლენი შეიმჩნეოდა XVIII საუკუნის მეორე ნახევარში საზოგადოებრივ აზროვნებაში? 2. როგორი იყო განათლებისა და წიგნის ბეჭდვის საქმე XVIII საუკუნის II ნახევარში? 3. დაახასიათეთ ამ პერიოდის მხატვრული და საისტორიო მწერლობა.



**1. ნაწევრები იოანე გიორგის ძე ბაგრატიონის მიერ 1799 წ. შედგენილი პროექტიდან ქართლ-კახეთის სამეფოში კულტურულ-საგანმანათლებლო ღონისძიებათა გატარების შესახებ**

„სკოლები სადასაწავლებელთათვის. სამს ადგილს გამიბართოს სკოლა: ტფილისს, გორსა და თელავს შინა. მიიჩინოთ მუნ მცოდნენი კაცნი. რათა ასწავლიდნენ სამეცნიეროსა სწავლასა და სამხედროსაცა, აგრეთვე ენები... ამა სასწავლებლებში მიებარებოდნენ თავადაზნაურნი და პირველნი მოქალაქის შვილები. აგრეთვე იყოს ამაზედ მდაბალი სასწავლებლები, ღუქნები ანუ სახლები: ამას შინა ისწავლიდნენ მსახურნი კაცის შვილნი და ვაჟართ შვილები, აგრეთვე გლეხებისაც, ვის როგორ შეეძლოსთ. სასწავლებელსა მას შინა ჰსწავლობდნენ ქართულსა, სომხურსა, თათრულსა, რუსულსა და თუ შეიძლება ბერძნული და ლათინურიც. უკეთესი იქნების ოსტატები ანუ მასწავლებლები იყვნენ მეფის ხარკითა (ჯამაგირით), ხოლო მოწაფენი თავათ მშობელთ ხარკითა. ეს სახედვე სასულიერო სასწავლებლები იყოს განწესებით და ამის მეურნეობა აქენდეს კათალიკოსს და სულიერს მთავარსა“.

„ბიბლიატეკისათვის... აგრეთვე იყოს ბიბლიატეკის სახლი. ყოველი საერო და საეკლესიო წიგნები, რაც შეიძლებოდეს იქ იცვლებოდეს. აგრეთვე სახეები, მაგალითნი, მხატვრობაებისა, შენებულებათა და სხვათა ხელოვნებათა და ვისაც ენებოს მივიდოდნენ და თავისის ხარკით იქ გარდაიწერდნენ და გარდაიდებდნენ სახეთა, რომ გარე გატანით წიგნი არ დაიკარგოს“.

„სამეფო აფთიაქისათვის და სასნეულოთა. აგრეთვე შეიძლება სამეფო აფთიაქიც ამ სახედ გაკეთდეს და ყოველი წამალი იზოგებოდეს გასაყიდლად. აგრეთვე იყოს სასნეულო სახლი გაკეთებული და შეუძლებელი (ავადმყოფი) ვინცა იყოს მიიყვანდნენ და მოუტლიდნენ... ეს სახედვე საშრობიაროები იყოს“...

**კითხვები**

1. რა ტიპის სკოლების გახსნას ითვალისწინებდა აღნიშნული პროექტი?
2. რაში მდგომარეობდა განათლების წოდებრივი ხასიათი ამ პროექტის მიხედვით?
3. რა ღონისძიებას სახავდა პროექტი მოსახლეობის განმრთვლობის დაცვისა და კულტურის ღონის ამალღების მიზნით?

**2. ნაწევრები ქ. ქუთაისის სტამბაში 1800 წ. დაბეჭდილი წიგნის თავფურცლიდან და ბოლოსიტყვაობიდან**


„დროსა ყოველად უბრწყინვალესისა... და უმაღლესისა სოლომონ მეორისა, მეფისა ყოვლისა საიმერეთოისასა და კეთილმორწმუნისა დედოფალთ-დედუფლისა მარამ დადიანის ასულისასა... დაიბეჭდა ღვთით

სულიერი წიგნი ესე... სამეფოსა ქალაქსა ქუთაისს; პალატსა სამეფოსა, წელსა... ქრისტეს აქეთ 1800, ნოემბერსა, რიცხესა 7“.

„მებრძანა მათის უმაღლესობის... ჩვენი ხელმწიფის მეორის მეფის არჩილის ძის სოლომონისაგან მე, მისსა მონასა პაიჭაძე გიორგი შესტამბეს... სტამბის გამართვა და გაკეთება და მე მორჩილ ვიქმენ... და წარველ რუსეთად მოსკოვს და რომელნიცა სახმარნი სტამბას ესაჭიროებოდა, ყოველივე სრულიად უნაკლოდ მოვიტანე, საფასითა მისის უმაღლესობისათა და გავაკეთე ქუთაისს ვითა ჟერ იყო, რომელიც არაოდეს ყოფილიყო იმერეთში... (ამ პირველ წიგნს ბევრი ნაკლი აქვს). მაგრამ მიზეზებიცა მქონდა: პირველი, ესე რომ ზამთარი და ყინული იყო და იქამად დაბეჭდვა და მუშაკობა არ იქმნებოდა, მაგრამ რადგან... იმერთა ერთა ხილვა მსურდათ სტამბისა, ამათმა სიყვარულმა აღარ დამაყენა. მეორედ, ვინც მუშაკნი მყვანდნენ, ყოველნივე გამოუცდელნი იყუნენ და მესამედ,... მე თანაშემწენი არავინ მყუანდა“.

### კითხვა და დავალება

1. რა მასალას გვაწვდის მოტიანილი ნაწყვეტი ქუთაისში სტამბის დაარსების შესახებ? 2. ამოკრიბეთ ეს მასალები და შეადგინეთ ქუთაისის სტამბის მოკლე ისტორია.



## ზამოლა კოლონიური და სოციალური ჩაგვრის წინააღმდეგ XIX საუკუნის პირველ ნახევარში

### § 88. აღმოსავლეთ საქართველო XIX საუკუნის პირველ მესამედში

1. ახალი მმართველობის შემოღება აღმოსავლეთ საქართველოში. ქათლ-კახეთის სამეფოს გაუქმებისა და რუსეთთან მისი შეერთების შემდეგ აქ ახალი მართვა-გამგეობა შემოიღეს. აღმოსავლეთ საქართველოს უზენაესი მთავრობის სათავეში დააყენეს მთავარსარდალი, რომლის ხელშიც გაერთიანდა მთელი სამოქალაქო და სამხედრო ხელისუფლება. ქვეყნის უმუალო გამგებლობა მინდობილი ჰქონდა საქართველოს მმართველს, რომელიც მთავარსარდლის, ანუ მთავარმართებლის პირველი თანაშემწე იყო სამოქალაქო დარგში. უზენაესი მთავრობის სამმართველოების (ექსპედიციების) უფროსებად რუსი მოხელეები იყვნენ, წევრებად კი რუსი მოხელეები და ქართველი თავადები.

ქათლ-კახეთის ყოფილი სამეფო დაიყო მაზრებად. მაზრების სათავეში რუსი ოფიცრები ინიშნებოდნენ, რომლებსაც «კაპიტან-ისპრავნიკები» ეწოდებოდათ.

ყოველგვარი საქმე სასამართლოებსა და მმართველობის ყველა ორგანოში რუსულ ენაზე წარმოებდა. ქართული ენა, კულტურა და ზნე-ჩვეულებები იდევნებოდა. ახალი მმართველობა ცარიზმის რეგულარული ჯარების ძალას ემყარებოდა და სამხედრო-პოლიციურ ხასიათს ატარებდა.

რუსეთის მემამულურ-ბატონყმური სახელმწიფო მშრომელი მასების სასტიკი ექსპლოატაციას ემყარებოდა. ამიტომ ცარიზმი საქართველოშიც ბატონყმობას იცავდა და განამტკიცებდა. ახალი რეჟიმის სიმძიმე ყველაზე მეტად ქართველ გლეხობას აწვებოდა. ის ორმაგი ჩაგვრის ქვეშ მოექცა: წინანდელ ბატონყმურ ექსპლო-

ატაციას. რაც ახლა უფრო მძიმე გახდა, დაემატა ეროვნული ჩაგვრა.

იმ ომების სიმძიმეც, რომელთაც მეფის რუსეთი ათეული წლების განმავლობაში აწარმოებდა კავკასიაში გაბატონებისათვის, უმთავრესად გლეხობას დააწვა. გლეხობა ვალდებული იყო, გაეღო ჯარისათვის საჭირო სურსათი, ეტვირთა ჯარის გადაყვანა და საკურელის გადაზიდვა. შეესრულებინა საგზაო ბეგარა და სხვ. ორმაგი ექსპლოატაციის უღელში შებმული გლეხობა ვერ ურიგდებოდა თავის მდგომარეობას, რითაც და როგორც შეეძლო, იბრძოდა ეროვნული და სოციალური ჩაგვრის წინააღმდეგ.

2. აჭანყება ქართლის მთიანეთში 1804 წელს. თვითმპყრობელური მეფის რუსეთის მმართველობის შემოღების პირველ წლებში ახალი რეჟიმის სიმძიმე განსაკუთრებით ქართლის მთიანეთის გლეხობას დააწვა. მთავრობის მოხელეები გლეხებს აიძულებდნენ, ზამთრის საშინელ სიცივეში ხარ-ურმით გამოსულიყვნენ საქართ-



ხევსურეთის სოფელი შატილი.



ცარიზმის მოხელეები საქართველოში (ი. ჩელიშვილის ნახატები).



ველოს სამხედრო გზის სამუშაოზე. ამ სამუშაოს გლეხები უფასოდ ასრულებდნენ. მეფის მოხელეები გლეხებს უწყალოდ სცემდნენ. მარტო მთიულეთში ცემით 23 კაცი მოკლეს. ერთხელ მთავრობის უსულგულო მოხელეებმა ქალები მარხილში შეაბეს და მათრახით წინ გაირეგეს. მოთმინებიდან გამოსულმა გლეხობამ იარაღს მოჰკიდა ხელი. აჯანყება დაიწყო მთიულეთში 1804 წლის მაისში და მალე მთელ მთიანეთში გავრცელდა. აჯანყებულებს შეუერთდნენ ოსები, მოხევეები, ხევსურები, ფშავლები და თუშები. აჯანყებულთა საერთო რიცხვი 4 000 კაცს აღწევდა. ივლისში აჯანყებულებმა აიღეს ხევის (ყაზბეგის რაიონი) მნიშვნელოვანი პუნქტი სოფელი სტეფანწმინდა, დარიალის ხეობის ჩამკეტი საგულშაგო ლარსი, ასევე ლომისი, რომელიც არაგვის ხეობიდან ქსნის ხეობაში მიმავალ გზას კეტავდა. ამით კავშირი გაწყდა პეტერბურგსა და აღმოსავლეთ საქართველოს შორის. აჯანყების წინამძღოლთა შორის გამოირჩეოდნენ ლ. ნახლაიძე, შ. ბურღული, ტ. ჩქარეული, ნ. ამინიძე, ნ. ბედოიძე და სხვები.

ქართველმა ბატონიშვილებმა გადაწყვიტეს, გლეხთა აჯანყება დაკარგული დამოუკიდებლობისა და თავიანთი ბატონობის აღსადგენად გამოეყენებინათ. ამიტომ იყო, რომ აჯანყებას სათავეში ჩაუდგა ფარნაოზ ბატონიშვილი.

აჯანყებული გლეხობა ადგილობრივი ფეოდალების წინააღმდეგაც იბრძოდა: ასე მაგალითად, ქსნის ხეობაში აჯანყებულებმა დაარბიეს ერისთავების სახლ-კარი, რამდენიმე თავადი შეიპყრეს და სცემეს.

იმპერატორის ბრძანებით აჯანყებულთა წინააღმდეგ ზარბაზნებით შეიარაღებული დიდძალი ჯარი გაგზავნეს. ოქტომბრის მეორე ნახევრისათვის მთავრობის ჯარებმა აჯანყება დიდი სისასტიკით ჩააქრეს, მრავალი სოფელი გაანადგურეს და გადაწვეს.

აჯანყება დამარცხდა, მაგრამ მას უშედეგოდ არ ჩაუვლია: მთავრობა იძულებული შეიქნა, საგზაო და სატრანსპორტო ბეგარი-სათვის განსაზღვრული ქირა დაეწესებინა და მიეღო ზომები მოხელეთა თვითნებობის აღსაკვეთად.

**შ. აჯანყება კახეთში (1812-1813 წწ.).** კავკასიაში ცარიზმის პოზიციების განმტკიცებას ვერ ითმენდა ირანი და თურქეთი, რომლებმაც ომი გამოუცხადეს რუსეთს. ეს ომები 1804 წლიდან 1813 წლამდე გაგრძელდა.

ამ ომების დროს საქართველოში განსაკუთრებით მძიმე მდგომარეობა შეიქმნა. 1810-1811 წლების მოუსავლიანობამ, შიმშილმა, უზომოდ მკაცრმა ზამთარმა და შემდეგ წყალდიდობამ მოსავლის დიდი ნაწილი მოსპო და გაანადგურა. ხალხი ბალახეულით იკვ-



ფარნაოზ ბატონიშვილი.

ბებოდა. დამძეულ მოსახლეობას ფრონტზე გაჩენილი შავი ჭირი დაერია. ერთი წლის განმავლობაში შიმშილისა და შავი ჭირისაგან იმერეთში 32 ათასი კაცი დაიღუპა, ხოლო აღმოსავლეთ საქართველოში 6 თვის განმავლობაში — 4 ათასზე მეტი კაცი.

ასეთი საყოველთაო უბედურების დროს მთავრობის მოხელეები სოფლებს სამხედრო რაზმებს უსევდნენ და ძალით ართმევდნენ გლეხებს უკანასკნელ ლუკმას, უანგაროდ და უზომოდ ხოცავდნენ გლეხების საქონელს და ფრინველს. გლეხობა იტანჯებოდა სატრანსპორტო ბეგარისგანაც. აი, რას წერდნენ თვით აჩანყებული კახელი გლეხები: „ორი დღით რომ წაგვიყვანდნენ ბეგარაზე, სამ თვეს გვტოვებდნენ. ნებას არ გვაძლევდნენ, საქონელი ურმებიდან გამოგვეშვა საბალახოდ ან ჩვენ წავსულიყავით ხოლმე საკმლის საშოვნელად, ვიხოცებოდით შიმშილით და, როცა ვითხოვდით — ან პური გვაქამეთ, ან გაგვიშვით სოფლად საგზლის საშოვნელად-თქო, მიწაზე მიგვითითებდნენ ხოლმე — ჭამეთო... დიდძალი ხარ-კამეჩი იხოცებოდა ბეგარაზე, საქონლის მაგიერ ჩვენ გვაბამდნენ და მათრახის ცემით მიგვერკებოდნენ“.

საქართველოში მყოფი რუსეთის ჯარისათვის საჭირო პურის ნაწილი სახელმწიფო გადასახადის — „სურსათის“ სახით იკრიბებოდა, ნაწილს კი გლეხებისაგან ყიდულობდნენ. მთავრობა კოდ პურში 1 მან. და 20 კაპ. იძლეოდა, მაშინ როცა ბაზარზე 4 — 5 მანეთი ღირდა. 1811 წლის მოუსავლიანობის გამო ხალხი თვეობით შიმშილობდა. ამის მიუხედავად, მთავრობის მოხელეები პურს იძულებითი წესით — სამხედრო რაზმების მეშვეობით აგროვებდნენ. რაზმები არბევდნენ გლეხთა ოჯახებს, იტაცებდნენ ქონებას, მაგრამ ყველაზე უფრო მძიმე და აუტანელი გლეხის ოჯახის შეურაცხყოფა იყო. მოთმინებიდან გამოსული ხალხი აჩანყდა.

1812 წლის 31 იანვარს, როცა თელავის მაზრის სოფ. ახმეტაში პურის ასაკრეფად მთავრობის სამხედრო რაზმი გამოცხადდა, ხალხმა ზარების რეკვით განგაში ატეხა და რაზმი გარკეა. აჩანყება ელვის სისწრაფით მოედო თელავისა და სიღნაღის მაზრებს. აჩანყებაში მონაწილეობა მიიღეს მთიულებმა, ფშავლებმა, ხევსურებმა და ოსებმა. თებერვლის დასაწყისში აჩანყებულებმა აიღეს თ ე ლ ა ვ ი , ს ი ღ ნ ა ღ ი , ბ ო დ ბ ი ს ხ ე ვ ი , ა ნ ა გ ა , დ უ შ ე თ ი , ფ ა ს ა ნ ა უ რ ი და სხვა მრავალი სოფელი. აჩანყებულებმა ჩაექტეს საქართველოს სამხედრო გზა, შეწყდა კავშირი ჩრდილო კავკასიასთან.

აჩანყება სულ უფრო და უფრო ფართოვდებოდა. მთავრობის ჯარის ნაწილები ყველგან მარცხდებოდნენ.

მთავრობამ სასწრაფოდ გაგზავნა დიდძალი ჯარი აჩანყებული კახეთის წინააღმდეგ. ჯარს სათავეში მთავარსარდალი გენერალი

პაულიჩი ჩაუდგა. მან აჩანებული რაზმების მეთაურებს წინასწარ შეიკრივები გაუგზავნა და წერილებით დაემუქრა: ვინც იარაღს დაყრის, შევიწყალებ, ვინც წინააღმდეგობას გაბედავს, გავანადგურებო. აჩანებულთა ერთ-ერთი რაზმის მეთაურმა კაცო ოხანაშვილმა გლეხების სახელით გენერლის შეიკრიკა. განუცხადა: „ჩვენ ვეძებდით რუსეთის მეფის მფარველობას. ღმერთმა კიდევაც მოგვცა იგი, მაგრამ მის მსახურთა უსამართლობამ და სისასტიკემ სასოწარკვეთილებამდე მიგვიყვანა... ღმერთია მოწამე, ჩვენ რუსების ლაღატი არასოდეს აზრადაც არ მოგვსვლია, აქამდე ძალით მიგვიყვანეს და ჩვენც გადავწყვიტეთ. აქვე დავიხოცეთ. ჩვენ პატიების იმედი არა გვაქვს. ვინ აუხსნის ჩვენს მდგომარეობას ხელმწიფეს? განა ჩვენი უფროსნი, როცა ჩვენ უბედურებაზე შევჩიოდით, არ გვეუბნებოდნენ — „ღმერთი მაღლაა, მეფე კი — შორსო?“

სასოწარკვეთილებამდე მისული ხალხი გმირულად იბრძოდა. აჩანებულნი ერეებოდნენ არა მარტო რუს მოხელეებს, არამედ თავიანთ ბატონებსაც, ცეცხლს უკიდებდნენ და ანადგურებდნენ მათს სახლ-კარს. ქართველ ფეოდალთა ის ნაწილი, რომლებსაც ძველი პრივილეგიების აღდგენა უნდოდა, ცდილობდა აჩანებუბა საკუთარი მიზნისთვის გამოეყენებინა და აქტიურად მონაწილეობდა კიდევ მასში.

1813 წლის დასაწყისში კახეთის აჩანებუბა საბოლოოდ ჩააქრეს. გამოძიებამ, რომელიც მთავრობამ მოაწყო აჩანებუბის მიზეზების შესასწავლად, დაადასტურა მეფის მოხელეთა წარმოდგენილი თვითნებობის ფაქტები. მეფის მთავრობა იძულებული შეიქნა, ზოგიერთ დათმობაზე წასულიყო. ამავე დროს გატარდა ზომები მოხელეთა ბოროტმოქმედების აღსაკვეთად.

**4. 1882 წლის შეთქმულება.** 1825-27 წლებში პეტერბურგში, მოსკოვსა და თბილისში ქართველ თავადაზნაურთა იმ ნაწილმა, რომელიც უკმაყოფილო იყო ცარიზმის კოლონიური და ეროვნული ჩაგვრის პოლიტიკით, ჩამოაყალიბა ფარული ორგანიზაციები, რომელთა მიზანი იყო საქართველოში ცარიზმის ბატონობის წინააღმდეგ აჩანებუბის მომზადება. მალე აჩანებუბის მომზადების ცენტრი თბილისი გახდა. 1832 წ. შინაგამცემლობის წყალობით ფარული ორგანიზაციის არსებობა გამჟღავნდა და აჩანებუბის მოწყობის გეგმა ჩაიშალა. ამ ფაქტთან დაკავშირებით ეს მოძრაობა „1832 წლის შეთქმულების“ სახელით შევიდა ისტორიაში.

1832 წ. შეთქმულება სხვადასხვა მიმართულების რამდენიმე ჯგუფს აერთიანებდა. შეთქმულთა კონსერვატიული მიმართულების ჯგუფი, რომლის სათავეში ძირითადად ქართველი ბატონიშვილე-

ბი იდგნენ, მოითხოვდა ბაგრატიონთა სამეფო დინასტიის აღდგენას რაიმე მნიშვნელოვანი სიახლის გარეშე. შეთქმულთა პროგრესული მიმართულება სამი ჯგუფით იყო წარმოდგენილი. ერთი მათგანი, რომელსაც სათავეში ედგა გლეხთა წრიდან გამოსული ცნობილი მეცნიერი ს ო ლ ო მ ო ნ დ ო დ ა შ ვ ი ლ ი, დეკაბრისტთა იდეებს იზიარებდა — თვითმპყრობელობისა და ბატონყმობის წინააღმდეგ ბრძოლისაკენ მოუწოდებდა და რესპუბლიკური წყობილების დამყარებას მოითხოვდა. მეორე ჯგუფი კონსტიტუციური მონარქიის მომხრე იყო. მესამე ჯგუფი მოითხოვდა საქართველოს დარჩენას რუსეთის იმპერიის შემადგენლობაში 1783 წლის ტრაქტატის საფუძველზე.



სოლომონ დოლაშვილი.

1832 წ. შეთქმულებას კავშირი არ ჰქონდა ხალხთა მასებთან. შეთქმულთა უმრავლესობის მიზანს არ შეადგენდა მშრომელი მასების სოციალური მონობისაგან განთავისუფლება. მიუხედავად ამისა, 1832 წლის შეთქმულებას უკვალოდ არ ჩაუვლია. შეთქმულთა პროგრესული მიმართულების წარმომადგენლებმა სათავე დაუდვეს ეროვნულ-განმათავისუფლებელ მოძრაობას საქართველოში, რომელიც გააფართოვეს და გააღრმავეს XIX საუკუნის 60-იანი წლების მოღვაწეებმა.

### კითხვები და დავალებები

1. დაახასიათეთ თვითმპყრობელური რუსეთის მმართველობის სისტემა საქართველოში. რაში გამოიხატებოდა ცარიზმის ეროვნული ჩაგვრის პოლიტიკა საქართველოში? 2. რა იყო 1804 წ. ქართლის მთიანეთისა და 1812 — 13 წწ. კახეთის აჯანყების მიზეზები? 3. მოიყვანეთ გლეხთა ადგილობრივი ფეოდალების წინააღმდეგ ბრძოლის მაგალითები. 4. რა შედეგები მოჰყვა ამ აჯანყებებს? 5. დაახასიათეთ 1832 წ. შეთქმულების კონსერვატული და პროგრესული მიმართულებანი. 6. რაში მდგომარეობს ამ შეთქმულების ისტორიული მნიშვნელობა?

## დ ო კ უ მ ე ნ ტ ი

### ნაწყვეტი 1804 წ. აჯანყებულ გლეხთა საჩივრებიდან

„კაცისაგან თითქმის მოუთმენელს სიცივეში სტეფანწმინდიდან ანანურამდე საშინელი თოვლი გვახვეტინეს და გზა გავსწმინდეთ.

ჩვენგან გაკეთებულ ამავე გზაზედ წვიმისაგან შეიქმნა ტალახი, გვაკრეყინეს ფიჩხი და ტალახში გვაყრევიანეს. ამ დაფენილს ფიჩხში ყაზახის ცხენს ფეხი ჩაუვარდა, მოგვდგნენ და მათრახის ცემით ორი კაცი მოკლეს, ერთი გუდამაყრელი ჩოხელი და ერთიც ლავათხეველი ჯაუნარისძე.

მოვიდა თოვლი და ამოვისო ჩვენგან გაკეთებული გზა. ისეთ დროს



მოგვიყვანეს საკეთებლად, რომ ზევი მოდიოდა და სიკვდილს არ დაგვირიდეს; წამოვიდა ზევი და ცოტას მოვრჩით, რომ ქვეშ არ დაგვიტანა. კიდევ ტიშითემ ხმალისცემით მიგვყარა. წამოვიდა ზევი და შიშით ერთმანეთს რომ ვეცნით, ტიშოთე და სამი ჩვენი კაცი იქ გაიჭყლიტა.

მოვიდნენ ოთხმოცი სალდათი და თორმეტი ცხენოსანი ყაზახი. ამათ უნდებოდათ დღეში სალდათს ათი საკლავი: ქათამს, ყველსა და ერბოს ვინ იანგარიშებს.

ცხენსა და ხარს ბარგის ზიდვით ტყავი აღარ შერჩათ და არ მოუციათ ქირა... ესეკ მოვითმინეთ. ორი დედაკაცი უღელში შეაბეს. მარხილი მოუბეს და სალდათები უკან დედაკაცებს მათრახითა სცემდნენ...

ვისაც თითო კოდი ქერი ჰქონდა და თივა, უფასოდ წაგვართვეს... ბრძანება იყო, რომელიც ყაზახნი ადგილ და ადგილ იდგნენ, ქერი და თივა ფასით უნდა ეყიდათ... უფასოდ გვართმევდნენ...

ჩვენ ამ ზემოთხსენებულის მწუხარებისაგან, რომელნიც ყოვლად მოწყალის ხელმწიფის უძლეველის ჯარის საქართველოში გაძლიერებას ღმერთსა ვსთხოვდით, ახლა ამას ვითხოვთ, რომ მსწრაფლს განსაცდელით ერთობით დავინთქეთ. ჩვენ ძალას არ ვიქადით. რომ რუსთ ვებრძოლოთ. ჩვენ ერთობით ეს აწ ვირჩიეთ, თუ სხვა არა მოგვევლინა რა განსაცდელი ამ მოუთმენლის მწუხარებისაგან. ჩვენის ხელით ჩვენს სახლს ცეცხლი უნდა მოვუცილოთ, ცოლშვილი შიგ შევყაროთ, ჩვენც შიგ შევიდეთ და დავიწვენთ. ამ ტანჯვას, მათრახით სიკვდილს და ჩვენის ცოლებისას უწესო საქმის დანახვას ეს გვირჩევნია, რომ ასე დავიხონეთ, — მარტო მთიულეთში ცემით ოცდასამი კაცი მომკვლარა სხვას გარდა.“

## კითხვები და დავალებები

1. გაარჩიეთ დოკუმენტი და გაარკვიეთ: რაში გამოიხატებოდა ცარიზმის მოხელეთა თვითნებობა გლეხების მიერ საჯარო და სატრანსპორტო ბეგარის შესრულების საქმეში. 2. რა მიზნით ჩააყენა მთავრობამ „სალდათები და ცხენიანი ყაზახები“ სოფელში? 3. ვის ხარჯზე იკვებებოდნენ ისინი? 4. რა წესით ხდებოდა სურსათის შეგროვება სოფლებში? 5. როგორ ექცეოდნენ ცარიზმის მოხელეები გლეხებს და მათს ოჯახებს?

## § 84. დასავლეთ და სამხრეთ საქართველოს შეერთება რუსეთთან

1. დასავლეთ საქართველოს სამეფო-სამთავროების შეერთება. აღმოსავლეთ საქართველოს შემომტყიცების შემდეგ ცარიზმის წინაშე დასავლეთ საქართველოს შეერთების ამოცანა დადგა. ამის გარეშე შეუძლებელი იყო შავი ზღვის სანაპიროზე გაბატონება და რუსეთის სამხრეთ საზღვრების გამაგრება.


იმერეთში ამ დროს სოლომონ II მეფობდა. იგი ენერგიულ ზომებს იღებდა ცენტრალური ხელისუფლების განსამტყიცებლად და სამეგრელოს, გურიის, აფხაზეთისა და სვანეთის სამთავროების დასამორჩილებლად. სოლომონის პოლიტიკურ გეგმაში შედიოდა აგრეთვე თურქების განდევნა ბათუმიდან, ფოთიდან და სოხუმიდან. მეფე კარგად ხედავდა, რომ საქუთარი ძალებით ასეთი

გემის განხორციელება შეუძლებელი იყო და რუსეთის მფარველობას ეძებდა. მეფის რუსეთს კი საკუთარი გეგმა ჰქონდა, რომელიც ვერ უთავსდებოდა დასავლეთ საქართველოს გაერთიანებას სოლომონ II-ის მეთაურობით.

1803 წელს სამეგრელოს მთავარმა გრიგოლ დადიანმა რუსეთის ქვეშევრდომობა მიიღო. ამის შემდეგ რუსეთის მთავრობამ იმერეთის მეფე სოლომონს წინადადება მისცა, მფარველობა ეთხოვა, წინააღმდეგ შემთხვევაში ძალით დამორჩილებას ემუქრებოდა. სოლომონი იძულებული გახდა, მომავალი „მფარველის“ მიერ ნაკარნახევი პიოზობებით, 1804 წელს რუსეთის ქვეშევრდომობაში შესულიყო. იმერეთში რუსეთის ჯარი შეიყვანეს. რუსეთის ჯარის ნაწილები სამეგრელოშიც იდგა.

რუსეთ-თურქეთის ომის (1806-1812 წწ.) დროს დამოუკიდებლობისათვის მებრძოლმა სოლომონ II-მ ფარულად დატოვა ქუთაისი, გადავიდა ვარციხის სასახლეში და მოითხოვა რუსეთის ჯარის გაყვანა იმერეთიდან. რუსეთის მთავრობამ მანინვე მიიღო გადაწყვეტილება — სოლომონი ტახტიდან ჩამოეგდო, რუსეთში

## 26. საქართველოს შეერთება რუსეთთან



გაესახლებინა და იმერეთის სამეფო გაეუქმებინა. ამ მიზნით იმერეთში რუსთა დამატებითი ჯარი გაგზავნა. მოლაპარაკების დროს, 1810 წელს, იმპერატორის მოხელეებმა სოლომონი მოტყუებით შეიპყრეს და თბილისში ჩაიყვანეს. მალე მან აქედან გაქცევა მოახერხა, იმერეთში დაბრუნდა და სათავეში ჩაუდგა აჯანყებას.

რუსეთის მთავრობამ დიდძალი ჯარი გადაიყვანა აჯანყების ჩასაქრობად. ოთხი თვის ბრძოლის შემდეგ აჯანყება ჩააქრეს. სოლომონ II ახალციხეში გაიქცა, აქედან ტრაპიზონში ჩავიდა, სადაც 1815 წ. გარდაიცვალა.

აჯანყების ჩაქრობის შემდეგ 1810 წლიდან იმერეთში მეფის რუსეთის მმართველობა დამყარდა. იმავე წელს რუსეთის ქვეშევრდომობა მიიღეს გურიისა და აფხაზეთის სამთავროებმაც.

1819 — 20 წლებში მმართველობის ახალი რეჟიმით და ცარიზმის პოლიტიკით უკმაყოფილო იმერეთის მოსახლეობა კვლავ აჯანყდა. აჯანყებამ იფეთქა გურიაშიც. მეფის ჯარებმა აჯანყება სასტიკად ჩააქრეს.

2. საქართველოს სამხრეთი ნაწილების შეერთება. რუსეთის ცარიზმის დაპყრობითი პოლიტიკის წარმატებები კავკასიაში და მისი მისწრაფება ახლო და შუა აღმოსავლეთში გაბატონებისაკენ წინააღმდეგობას აწყდებოდა თურქეთისა და ირანის მხრივ. ე.წ. „აღმოსავლეთის საკითხში“ — ახლო და შუა აღმოსავლეთში გაბატონების საკითხში რუსეთის წინააღმდეგ გამოდირდნენ ინგლისი და ავსტრია, რომლებიც თვითონ ცდილობდნენ აქ გაბატონებას. ინგლისი ფართულად აქეზებდა ირანს რუსეთის წინააღმდეგ.

1826 წ. რუსეთსა და ირანს შორის ომი დაიწყო. 1828 წელს ეს ომი რუსეთის გამარჯვებით დამთავრდა. რუსეთის ხელში გადავიდა ერევნისა და ნახიჩევანის სახანოები. აღმოსავლეთ სომხეთი ირანის მძიმე ბატონობისაგან განთავისუფლდა.

ირანთან ომის დამთავრებისთანავე დაიწყო რუსეთ-თურქეთის ომი. საომარი მოქმედება ერთდროულად ორ ფრონტზე გაიშალა: ბალკანეთის ნახევარკუნძულზე და კავკასიაში. კავკასიის ფრონტზე რუსეთის არმია სამი მიმართულებით უტედა: ყარსის, ახალქალაქ-ახალციხისა და ციხისძირ-ბათუმის მიმართულებით. 1828 წლის ზაფხულში რუსეთის ჯარის ნაწილებმა იერიშით აიღეს ძლიერი ციხესიმაგრე ყარსი და ახალქალაქი. ამის შემდეგ რუსთა ჯარებისათვის გზა ხსნილი იყო ახალციხისაკენ. რუსეთის ჯარის სარდლობის წინადადებაზე, ჩაებარებინათ ციხესიმაგრე, ახალციხის თურქმა კომენდანტმა უპასუხა: ვიდრე მთვარეს ზეციდან არ ჩამოიღებთ, მანამდე შეუძლებელი იქნება ნახევარმთვარის ჩამოხსნა ახალციხის მეჩეთიდანო. 5 აგვისტოდან სისხლისმღვრელი ბრძო-

ლები გაჩაღდა. რუსთა ჯარი და ქართველთა დამხმარე რაზმები შეუპოვრად იბრძოდნენ, მაგრამ მედგარ წინააღმდეგობას უწევდნენ თურქებიც. ბოლოს, 15 აგვისტოს, დაიწყო იერიში. სისხლისმღვრელი ბრძოლების შემდეგ აღებულ იქნა ახალციხე. ახალციხის აღების ამბავს საქართველოს მოსახლეობა ზეიმით შეხვდა. ორ საუკუნეზე მეტი ხნის განმავლობაში თურქთა ხელში მყოფი „ახალციხის საფაშო“ თავის სამშობლოს შეუერთდა.

ახალციხის განთავისუფლების შემდეგ დაიკავეს არტაანი, აწყური და სხვა ციხესიმაგრეები. სექტემბერში რუსთა ჯარებმა გენერალ ალექსანდრე ჭავჭავაძის მეთაურობით თურქები განდევნეს ბაიაზეთის საფაშოდანაც.

რუსებთან ერთად თავდადებით იბრძოდნენ ქართველთა რაზმები ქ. ფოთისათვის. 1828 წლის 15 ივლისს იერიშით აიღეს ფოთის ციხესიმაგრე. ამის შემდეგ შეტევა დაიწყო ქობულეთ-ბათუმის მიმართულებით. შეერთებული ძალებით აიღეს კინტარიშის სიმაგრე, მაგრამ ციხისძირისა და ბათუმის აღება იმჯერად ვერ მოხერხდა.

1829 წელს თურქეთსა და რუსეთს შორის ზავი დაიდო ქ. ადრიანოპოლში. ამ ზავით რუსეთის ხელში გადავიდა ახალციხე, ახალქალაქი, ასპინძა, აწყური, ზერთვისი, აბასთუმანი და ყოფილი სამცხის სამთავროს სხვა რაიონები, ანაბა, ფოთი და შავი ზღვის მთელი აღმოსავლეთი სანაპირო მდ. ყუბანიდან ჩოლოქის შესართავამდე. თურქეთის ხელში კვლავ რჩებოდა აჭარა ბათუმ-ქობულეთითურთ და ჭანეთი. ამ ზავით რუსეთმა განამტკიცა თავისი ბატონობა საქართველოსა და ამიერკავკასიაში.

### კითხვები

1. როგორ მოხდა იმერეთის სამეფოს შეერთება რუსეთთან? 2. რა იყო რუსეთ-თურქეთისა და რუსეთ-ირანის ომების მიზეზები? 3. რა მნიშვნელობა ჰქონდა ამ ომებს საქართველოსათვის? 4. როგორ მონაწილეობდა ქართველი ხალხი საქართველოს ისტორიული მიწა-წყლის გათავისუფლებისათვის ბრძოლაში?

### § 35. საპარტიველო XIX საუკუნის 30-50-იან წლებში. გლეხთა აჯანყებები

1. საქართველოს ეკონომიკური განვითარება 30-50-იან წლებში. XIX საუკუნის 30-იანი წლებისათვის ძირითადად დასრულდა მეფის რუსეთის ომები ამიერკავკასიაში გაბატონებისათვის. ამ დროისათვის მეფის მთავრობამ საბოლოოდ ჩამოაყალიბა თავისი ეკონომიკური პოლიტიკა ამიერკავკასიის, კერძოდ, საქართველოს მიმართ. ეს პოლიტიკა ითვალისწინებდა საქართველოს გადაქცე-

ვას რუსეთის კოლონიად — ე.ი. საქონლის გასაღების ბაზრად და ნედლეულის წყაროდ. ამიტომ ომების დამთავრების შემდეგ, როცა შედარებით ხელსაყრელი პირობები შეიქმნა ქვეყნის ეკონომიკური განვითარებისათვის, საქართველოს სოფლის მეურნეობაში ვითარდებოდა განსაკუთრებით ისეთი დარგები, რომლებიც უზრუნველყოფდნენ რუსეთის ფაბრიკა-ქარხნებისათვის საჭირო ნედლეულის მიწოდებას.

1850 წელს დაარსდა ამიერკავკასიის სოფლის მეურნეობის საზოგადოება, რომელიც ზრუნავდა მარცვლეულის მეურნეობის, მევენახეობის, მეაბრეშუმეობის, მებაშვებისა და სხვა ტექნიკურ კულტურათა განვითარებისათვის. საზოგადოება ხელს უწყობდა მოსახლეობაში აგრონომიული ცოდნის გავრცელებას. უცხოეთიდან იწერდა გაუმჯობესებულ სასოფლო-სამეურნეო იარაღს, თესლეულს, აწყობდა საცდელ-საჩვენებელ სანერგეებს, ბაღებს, საქონლის ფერმებს, სოფლის მეურნეობის საწარმოთა გამოფენას და სხვ.


სოფლის მეურნეობის ნაწარმთა მნიშვნელოვანი ნაწილი ბაზარზე გადიოდა. როგორც გლეხური, ისე საბატონო მეურნეობა ახლასულ უფრო და უფრო მეტს აწარმოებდა ბაზრისთვის და ამგვარად, მიწათმოქმედება თანდათან სასაქონლო ხასიათს იღებდა.

სასაქონლო-ფულადი ურთიერთობის განვითარება კიდევ უფრო აკავშირებდა ქვეყნის ცალკეულ მხარეებს, აფართოებდა შინაგან ბაზარს და შლიდა ნატურალურ მეურნეობას.

ცარიზმის კოლონიურ-ეკონომიკური პოლიტიკის მიუხედავად საქართველოში ვითარდებოდა მრეწველობაც. ხელოსნობა ეცემოდა, რადგან კონკურენციას ვერ უწყევდა უცხოეთიდან და რუსეთიდან შემოტანილ საქონელს. ჩნდებოდა კაპიტალისტური მანუფაქტურები. 30-იანი წლების მიწურულს ყველაზე უფრო მსხვილი კაპიტალისტური საწარმო იყო ვაკარ ზუბალაშვი-

თბილისი XIX ს. I მესამედში (ღიუბუა დე მონპერეს მიხედვით).





ლი ს მიერ ქ. თბილისში დაარსებული შაქრის ქარხანა, რომელსაც მთავრობამ მფარველობა არ გაუწია და მალე დაიხურა.

40 — 50-იან წლებში გამოცოცხლდა სამთამადნო წარმოებაც. წარმოიშვა მექანიკური თუქსასხმელი საწარმოები, საპნის, ტყავის, თამბაქოს, მაუდის, აგურის, მინის, აბრეშუმის, ძაფსახვევი, სამღებრო, არყის, ლუდისა და სხვა საარწაოები.

სოფლის მეურნეობისა და მრეწველობის განვითარებამ გამოიწვია მოსახლეობის ზრდა. საქალაქო ცხოვრების განვითარება, აგრეთვე საშინაო და საგარეო ბაზრის გაფართოება.

ამრიგად, XIX საუკუნის 30 — 50-იან წლებში ფეოდალურ-ბატონყმური ურთიერთობა ირღვეოდა და სასაქონლო-ფულადი მეურნეობა ვითარდებოდა. ფეოდალური ურთიერთობის რღვევა, რომელიც XVIII საუკუნის მეორე ნახევარში დაიწყო, გრძელდებოდა და XIX საუკუნის 30 — 50-იან წლებში ფეოდალიზმის კრიზისში გადაიზარდა. ყოველივე ეს კიდევ უფრო ზრდიდა მემამულის მოთხოვნილებას ფულზე და აძლიერებდა მშრომელთა ექსპლოატაციას, რაც გლეხთა ახალ-ახალ აჯანყებებს იწვევდა. მათ შორის ყველაზე უფრო დიდი და მნიშვნელოვანი იყო გურიისა და სამეგრელოს გლეხთა აჯანყებები.

2. გლეხთა აჯანყება გურიაში 1841 წ. მმართველობის ბიუროკრატიული წესების შემოღებამ, ახალი ფულადი გადასახადის დაწესებამ და მემამულის მიერ ბატონყმური ექსპლოატაციის გაძლიერებამ გამოიწვია სახალხო აჯანყება გურიაში. აჯანყება დაიწყო 1841 წლის მაისში სოფ. აკეთში (ლანჩხუთის რაიონი). გლეხებმა გარკვეს გადასახადების ამკრეფი მოხელეები. მალე აჯანყება მთელ გურიას მოედო და მეზობელ იმერეთის სოფლებშიც გავრცელდა. აჯან-

ტყავის დასამუშავებელი და აგურის დამამზადებელი საწარმოები XIX ს. თბილისში.

თბილისის ბაზარი, XIX ს.



ყებულთა საერთო რიცხვი 7000 კაცს აღემატებოდა. აგვისტოში აჯანყებამ საყოველთაო ხასიათი მიიღო. 9 აგვისტოს სოფ. გოგორეთთან (მახარაძის რაიონი) გლეხთა რაზმმა ა ბ ე ს ა ბ ო ლ ქ ე ა - ძ ი ს მეთაურობით სასტიკად დაამარცხა პოლკოვნიკ ბრუსილოვის რაზმი. მალე აჯანყებულებმა დაიკავეს შეკვეთილი, ლიხაური, ნა-საიკრალის ხეობა, ნაგომარი, ჩოხატაური და ალყა შემოარტყეს ოზურგეთს.

აჯანყებაში თავად-აზნაურობამაც მიიღო მონაწილეობა. როცა გლეხობის ბრძოლამ ბატონყმობის წინააღმდეგ ბრძოლის ხასიათი მიიღო, მათი ერთი ნაწილი ჩამოშორდა აჯანყებას და მეფის მთავრობას დაეხმარა აჯანყების ჩახშობაში.

XIX საუკუნის პირველი ნახევრის ამბებმა მეფის მთავრობა დაარწმუნა, რომ ქვეყნის კოლონიად გადაქცევის პოლიტიკა ქართველი ხალხის მედგარ წინააღმდეგობას აწყდებოდა. საშინაო მდგომარეობის შემდგომ გართულებათა და აჯანყებათა თავიდან აცილების მიზნით ცარიზმი უფრო ფრთხილი და მოხერხებული პოლიტიკის გატარების გზას დაადგა. ეს, უპირველეს ყოვლისა, ქართველი თავადაზნაურობისა და ცარიზმის კავშირის განმტკიცებაში გამოიხატა: გლეხები ახლა უფრო მეტად დაუმორჩილეს მებატონეებს. ამან კიდევ ორმაგი ჩაგვრით გაწამებული გლეხობის ახალი, უფრო ორგანიზებული ანტიბატონყმური გამოსვლები გამოიწვია.

**8. გლეხთა აჯანყება სამეგრელოში 1856-1857 წლებში.** 1856 წლის დამლევს სამეგრელოში იფეთქა გლეხთა დიდმა აჯანყებამ, რომელიც ბატონყმობის წინააღმდეგ იყო მიმართული. აჯანყების მიზეზი ბატონყმური ექსპლოატაციის გაძლიერება იყო, რაც განსაკუთრებით საგრძნობი გახდა ყირიმის ომის (1853-1856 წწ.) შემდეგ.

ყირიმის ომის ერთ-ერთ ასპარეზად სამეგრელოს სამთავროც იქცა. 1855 წლის შემოდგომაზე თურქეთის მრავალრიცხოვანი არმია აფხაზეთს შეესია და აქედან მდ. ენგურს მოადგა. რუს-ქართველთა შეერთებული ჯარის ენერგიული წინააღმდეგობის მიუხედავად, მტერმა ენგური გადმოლახა და მთელი სამეგრელო დაიკავა. დამპყრობელთა თარეშს და ძარცვა-რბევას ხალხმა პარტიზანული ომის გაჩაღებით უპასუხა და მტერი განდევნა, მაგრამ ქვეყანა ძალიან დაზარალდა. თავადაზნაურობა მიყენებული ზარალის ანაზღაურებას საგლეხო ბეგარა-გადასახადების გაზრდით შეეცადა. თუ წინათ საბატონო სამუშაოზე გასული გლეხის გამოკვება ბატონს ევალებოდა, ახლა მემამულეებმა აიძულეს გლეხები, თავიანთი ხარჯით ემუშავათ. მემამულეები გლეხებს სცემდნენ, ხელ-ფეხს უკრავდნენ, დილეგში აგდებდნენ, მათ შვილებს თურ-

ქებზე ყიდდნენ, განსაკუთრებით ურჩ გლეხებს საშინელი წამებით სიკვდილით სჯიდნენ. ყოველივე ეს საკმაო მიზეზი იყო აჯანყებისათვის. V

პირველად 1856 წლის შემოდგომაზე გამოვიდნენ სოფ. თამაკონის (მარტვილის რაიონი) გლეხები. მალე აჯანყების ძლიერ კერად იქცა სოფ. ს ა ლ ხ ი ნ ო . აქ სამეგრელოს მთავრის გლეხები სასახლის მშენებლობაზე იყვნენ გამოყვანილი. მთავრის მოხელეებმა ბეგარაზე გამოყვანილ გლეხებს სიმინდის დაფქვისათვის მინდის<sup>1</sup> გადახდა დაუწესეს. ეს აჯანყების უშუალო საბაბი გახდა. აჯანყებულებს სათავეში ჩაუდგა ხელოსანი გლეხი უ ტ უ თ ო ლ უ ა , რომელსაც სამართლიანი კაცის სახელი ჰქონდა მოხვეჭილი და ამის გამო ხალხი მეტსახელად „მ ა რ თ ა ლ ი ა ს“ ეძახდა. მალე შეამზობეთა რიცხვმა 4 000 მიაღწია.

აჯანყების მეორე რაიონი იყო სოფ. ჯ ვ ა რ ი (წალენჯიხის რაიონი). თავდაპირველად აჯანყდნენ ჯვარისა და ლიის გლეხები. აქ აჯანყებულებს სათავეში ჩაუდგა მკედელი უ ტ უ მ ი ქ ა ვ ა , რომელიც ჯვარიდან წალენჯიხაში შეიქრა და იქ აჯანყებულთა მეთაურად ლ ე ვ ა ნ კ ვ ა რ ა ც ხ ე ლ ი ა დააყენა. აჯანყებულთა მესამე რაიონი მოიცავდა ს ა ჭ ი ლ ა ო -ს უ ჯ უ ნ ი ს მხარეს, სადაც აჯანყებას სათავეში ედგა კ ო ჩ ა თ ო ლ უ ა . აჯანყებამ იფეთქა სამთავროს ცენტრში — ზუგდიდშიც. აჯანყების საერთო მეთაური იყო უტუ მიქავა, რომელიც დიდი ავტორიტეტით სარგებლობდა სამეგრელოს გლეხებში.


აღსანიშნავია, რომ სამეგრელოს გლეხთა აჯანყება წინასწარ მზადდებოდა და გლეხთა მეთაურებს აჯანყების დაწყებამდე ერთმანეთთან კავშირი ჰქონდათ დამყარებული. მიქავამ აჯანყებულთა ლაშქარს ორგანიზებული სახე მისცა — დაყო ასეულებად, ოცეულებად, მათ სათავეში გამოცდილი მეთაურები დააყენა და საკუთარი დროშები მისცა. გლეხთა ლაშქარს წითელი დროშები ჰქონდა.

სამეგრელოს 1856-1857 წლების გლეხთა აჯანყება ყველაზე უფრო დიდი ანტიბატონყმური აჯანყება იყო. აჯანყებულთა საერთო რიცხვი 20 000 კაცს აღწევდა. აჯანყებულთა დევიზი იყო „კაცის კაცი არ უნდა არსებობდეს, ყველა ადამიანები ძმები არიან და თავადაზნაურთა წოდება უნდა მოისპოსო.“ შეტევაზე გადასული გლეხები ყველგან ერეკებოდნენ მთავრის მოხელეებს, ათავისუფლებდნენ შინაყმებს, წვავდნენ და ანადგურებდნენ საძულველ მებატონეთა სახლ-კარს. მაისში აჯანყებულებმა დაიკავეს მთავრის რეზიდენცია — ზუგდიდი. სამეგრელოს მთავარმა დახმარები-

<sup>1</sup> მ ი ნ დ ი — მარცვლელის დაფქვის საზღაური მარცვლის ან ფქვილის სახით.



მეფისნაცვლის სასახლე  
თბილისში (დღეს პიონერთა და მოსწავლეთა  
სასახლე).



სათვის მეფის რუსეთის ჯარს მიმართა. უთანასწორო ბრძოლაში, 1857 წლის ნოემბერში გლეხები დამარცხდნენ.

რუსეთის მთავრობის განკარგულებით აჯანყების ხელმძღვანელები სხვადასხვა ვადით რუსეთის შორეულ გუბერნიებში გადასახლეს. უტუ მიქაევამ 9 წელიწადი არხანგელსკში დაყო.

სამეგრელოს გლეხთა აჯანყებას დიდი მნიშვნელობა ჰქონდა. ამ ძლიერმა ანტიბატონყმურმა გამოსვლამ მნიშვნელოვნად დააჩქარა ბატონყმობის გაუქმება საქართველოში.

**4. სამთავროების გაუქმება.** ყირიმის ომის შემდეგ ცარიზმში შეუღდა კავკასიის საბოლოო დაპყრობის გეგმის განხორციელებას. 1859 წელს შამილის დატყვევებით დასრულდა აღმოსავლეთ კავკასიის დაპყრობა, ხოლო 1864 წელს — დასავლეთ კავკასიისა.

რუსეთის მფლობელობაში შესულ დასავლეთ საქართველოს სამთავროების ავტონომიური მართვა-გამგეობა აბრკოლებდა ცარიზმის კოლონიური პოლიტიკის გატარებას. ამასთან, სამთავროების დამოუკიდებელი არსებობა ხელს უშლიდა ქვეყნის ცალკეულ ნაწილებს შორის მკიდრო ეკონომიკური ურთიერთობის განვითარებას. ამიტომ მათი გაუქმება აუცილებელი იყო. ჯერ კიდევ რუსეთ-თურქეთის ომის დროს, 1828 წელს, ცარიზმმა გააუქმა გურის სამთავრო, 1857 წელს — სამეგრელოს სამთავრო, 1858 წელს — სვანეთის, ხოლო 1864 წელს — აფხაზეთის სამთავრო.

ამრიგად, რუსეთის მფლობელობის ქვეშ საქართველოს მიწა-წყლის გაერთიანება ძირითადად დასრულდა, რასაც დიდი მნიშვნელობა ჰქონდა ქვეყნის შემდგომი განვითარებისათვის, თურქულ-ირანული აგრესიის საფრთხის თავიდან აცილებისათვის.

## კითხვები

1. რაში გამოიხატებოდა ბატონყმური საზოგადოებრივი ურთიერთობის რღვევა? 2. რა იყო გლეხთა ესქპლოატაციის გაძლიერების მიზეზი? 3. დაახასიათეთ გურიისა და სამეგრელოს გლეხთა აჯანყებები. 4. რატომ იყო აუცილებელი სამთავროების გაუქმება? 5. რა მნიშვნელობა ჰქონდა საქართველოს გაერთიანებას რუსეთთან?

## ღ ღ კ უ მ ე ნ ტ ე ბ ი .

### 1. ქუთაისის გუბერნატორის გენერალ კოლუბიაკინის სიტყვა სა- მეგრელოს აჯანყებული გლეხების მიმართ (1867)

„თქვენმა დედოფალმა<sup>1</sup> მთხოვა მოვსულიყაე და თქვენთვის ურჩობაზე ხელი ამეღებინებინა. ეს ნახევარი წელიწადია, რაც კანონიერ ხელისუფლებას აღარ ემორჩილებით თურმე. თვით დედოფალმა თურმე ბევრი გირჩიათ. მაგრამ თქვენს მორჩულებას მაინც არაფერია ჰმველებია. თქვენს მებატონეებს არამცთუ გამოქცევიხართ, არამცთუ არ აძლევთ. რაც გამართებთ მაგათი, არამედ იმ ზომამდე გაკადნიერებულხართ, რომ ვინც ხელში ჩაგვიარდებათ, დაუსჯელად არ უშვებთ. ნუთუ გგონიათ, რომ სულ ასე შეგჩრებათ? მე მოვედი თქვენს დასასჯელად და აქედან მანამდე არ წავალ, თუნდაც იძულებული ვიქნე ერთი ცოცხალი არ გავიშვათ“.

### 2. უტუ შიქავას პასუხი

„ამ ერთს წელს წინათ, ბატონო, ჩვენს ქვეყანას ოსმალთა ჯარი შემოესია. მტერმა გაანიორწყლა ყველაფერი, რაც ხელში მოხდა. შევლა არსაიდან გვექონდა, რუსის ჯარმა თავი დაგვანება, ხოლო ჩვენი ბატონები, იმის მაგიერ რომ დავეფარნეთ, ბიჭებსა და გოგოებს გეტაცებდნენ და ოსმალებზე ჰყიდდნენ. აუარებელი წაასხეს ოსმალებმა ოსმალეთში. ოსმალები წავიდნენ და ჩვენი ბატონები წინანდელზე უარესად, ოსმალებზე უარესად მოგვდგნენ. ზედმეტია იმაზე ლაპარაკი, რომ მთელი ჩვენი შრომის ნაყოფი იმათ რჩებათ; მათ რომ კაცმა ჰკითხოს, გლეხს არაფერი უნდა ჰქონდეს, და რაც რამ აბადია, ყველაფერს ართმევენ თუ მოხერხებით არა, ძალით მაინც. ჩვენ ამას შევეჩვიეთ. ამას კიდევ თქვენი ჰირი წაუღია, საქმე ის გახლავთ, რომ ამბობენ, ვითომ ჩვენ ადამიანის სულიც არ უნდა გვედგასო. მათის აზრით, რა პირუტყვი გნებათ, ჩვენ არა გვკობდეს! ვთქვათ, ბატონს მეზობლის მიმინო მოეწონა, ადგება და ერთ კომლ გლეხს აძლევს მეზობელს, ოღონდ კი იმან მიმინო დაუთმოს: მწვერის ან მეძებრებისათვის რამდენსამე კომლს აძლევს, პირუტყვები უფრო მეტად ფასობენ, ვიდრე ადამიანები... გვე-

<sup>1</sup> ამ დროს სამეგრელოს მთავარი იყო დავით დადიანის ქვრივი ვკატერინე ჰეკვიავაძე, ცნობილი პოეტის ალექსანდრე ჰეკვიავაძის ასული.

ჩივლა? აბა ვისთან გვეჩივლა? დედოფალი აქედან შორს (პეტერბურგში<sup>1</sup>) იყო. ხოლო მის მდივანბეგებს<sup>2</sup> მებატონეების მხარე უჭირავთ, მათგან ძალდატანების მეტი არაფერი გვახსოვს. თვითონ დედოფლის მოურავები ისე გააგულქვავენ და ისე უდიერად იქცევიან, რომ მისმა საკუთარმა გლეხებმა<sup>3</sup> კი გადაწყვიტეს არ დამორჩილებოდნენ და ხატზე დაიფიცეს — დედოფლის ჩამოსვლამდე ერთმანეთს მხარი დაუჭირონ და ერთიმეორეს არ უღალატონ, ჩვენც მათ მაგალითს მივბაძეთ. გვეგონა, ჩქარა დაბრუნდებოდა, მაგრამ გაიარა თვეებმა, ჩვენ იქით-აქეთ დავეხეტებოდით, ჩვენს ბატონებს ვემალებოდით, და როცა დევნა დაგვიწყეს და ძალებით ნადირობდნენ ჩვენზე, ერთად შევეერთდით და ძალას ძალა დავუპირისპირეთ. ამასობაში დადგა გაზაფხული, ყანები არ დათესილა, მებატონეები არ გვითმობდნენ და აღარც ჩვენ ვუთმობდით. ბოლოს, ზაფხულში, დედოფალი ჩამოვიდა, მაგრამ რა გამოვიდა? არამც თუ მფარველობა გაგვიწია, ყურშიაც არ უნდა შეუშვას ჩვენი გაქირვება. „როგორ გაბედეთ, — გვიბრძანა დედოფალმა, — და ბატონებს ხელი ახელითო! ჩვენი ხელისხლება კი ის გახლდათ, რომ ჩამოვართვით ხაჯალურები და დადიანურები<sup>3</sup>, რომლითაც ისინი ზოგჯერ მთელი წლებით გვტანჯავდნენ, და მათი სახლებიდან გამოვიყვანეთ ჩვენი დები და ქალიშვილები, რომლებსაც მოახლეები ერქვათ და ნამდვილად კი მათი ხასები იყვნენ, და ქრისტიანული წესით გავათხოვეთ...“

დედოფალს ყოველივე ეს ესმოდა ჩვენგან და არ მოინდომა ჩვენთვის ეშველნა. იმას თავის დღეში არაფრით დავმუქრებდით. ჩვენი არაფერი შიში არ უნდა ჰქონებოდა, არც ავაზაკები ვართ და არც მუამბოხენი, სამართალსა ვთხოულობთ მეტს არაფერს...“

## კითხვები

1. ვისი ინტერესების დამცველად გამოდიოდა გენერალი კოლუმბაიკინი? 2. როგორ უყურებდნენ მებატონე-ფეოდალები გლეხის პიროვნებას? 3. როგორ მზადდებოდა აჯანყება? 4. რას სთხოვდა უტუ მიქაეა გენერალ კოლუმბაიკინს? 5. რატომ არ შეეძლო ამ უკანასკნელს გლეხების თხოვნის დაკმაყოფილება?

<sup>1</sup> ეკატერინე იყოფებოდა პეტერბურგს რუსეთის მეფე ალექსანდრე II -ის ტახტზე ასვლის ცერემონიაში მონაწილეობის მისაღებად.


<sup>2</sup> მ დ ი ვ ა ნ ბ ე გ ი — სასამართლოს უფროსი, მსაჯულთუხუცესი.

<sup>3</sup> ყმების საწამებელი იარაღები.


1. **სახალხო განათლება.** ცარიზმის პოლიტიკა განათლების დარგში კოლონიურ მიზნებს ემსახურებოდა. ცარიზმი აფერხებდა განათლების გავრცელებას მთელ იმპერიაში და განსაკუთრებით განაპირა მხარეებში. გათვითცნობიერებასა და ეროვნული კულტურის განვითარებაში ის ხელდაედა განმათავისუფლებელი იდეების გავრცელების საფრთხეს. 1801 წელს მან გააუქმა თელავის სემინარია, აგრეთვე თბილისის ქართული სკოლები, უარყო ქართლ-კახეთის სამეფო კარზე შემუშავებული და მოწონებული პროექტი თბილისში, თელავსა და გორში უმაღლესი სასწავლებლების დაარსების შესახებ. სამაგიეროდ ცარიზმი ცდილობდა თვითმპყრობელობის ერთგულ მოხელეთა აღსაზრდელად შესაფერი სკოლების გახსნას.

1802 წელს თბილისში დაარსდა პირველი რუსული დაწყებითი სასწავლებელი თავად-აზნაურთა შვილებისათვის. მასწავლებლად რუსები დანიშნეს. მოსწავლეებს მათი არაფერი ესმოდათ და მალე სკოლაში სიარული მიატოვეს. ამის გამო სასწავლებელმა ერთი წელიც ვერ იარსება.

1804 წელს მთავრობამ გახსნა თ ბ ი ლ ის ს კ ე თ ი ლ მ ო ბ ი ლ თ ა სასწავლებელი. 1817 წელს თბილისში დაარსდა სასულიერო სემინარია, რომელმაც 1917 წლამდე იარსება. 1818-1829 წლებში გორში, თელავში, სიღნაღში, ქუთაისში, სამეგრელოსა და გურიაში დაარსდა სასულიერო სამაზრო და სამრევლო სასწავლებლები. 1830 წელს თბილისის კეთილმოხილთა სას-



თბილისის კეთილმოხილთა სასწავლებელი, შემდეგში გიმნაზია. დღეს თბილისის I საშუალო სკოლა.



ძველი თბილისის ხედი (XIX ს.).

პირველი ქართული ეურნალის „სალიტერატურონი ნაწილი ტფილისის უწყებთანის“ თავფურცელი.

წავლებელი გიმნაზიად გადაკეთდა. გიმნაზიაში სწავლება რუსულ ენაზე იყო, ქართული ენა კი ისწავლებოდა როგორც ერთ-ერთი საგანი. 1830 წლიდან დაიწყო სამაზრო საერო სკოლების გახსნაც.

ამით გარდა, ჯერ კიდევ არსებობდა საქართველოს ეკლესია-მონასტრებისა და კერძო პირების საშინაო სკოლები. საშინაო სკოლები თითქმის ყველა მოზრდილ სოფელში იყო, სადაც ქართულ წერა-კიბხვას, არითმეტიკას და ხელსაქმეს ასწავლიდნენ.

40-იანი წლებიდან ცარიზში შეეცადა, ადგილობრივ მკვიდრთა რუსებთან შერწყმის გაადვილების მიზნით, შედარებით უმტკივნეულო პოლიტიკის გზას დასდგომოდა, რათა დამორჩილებულ ხალხს ეგრძნო რუსეთის მონარქიის „კეთილგანწყობილება“ და „ზრუნვა“ მისდამი. ცარიზმმა ამ დროიდან საქართველოში სასკოლო ქსელი შედარებით გააფართოვა. 1840 წელს თბილისში დაარსდა ამიერკავკასიის ქალთა ინსტიტუტი. გაიხსნა ახალი გიმნაზიები (თბილისსა და ქუთაისში). 1850 წელს მთელს საქართველოში 140-მდე დაწყებითი და საშუალო სასწავლებელი იყო 5 000-ზე მეტი. მოსწავლით.

1819 წელს გამოვიდა პირველი ქართული გაზეთი, რომელიც ჯერ „საქართველოს გაზეთის“, ხოლო შემდეგ „ქართული გაზეთის“ სახელწოდებით 1822 წლამდე გამოდიოდა. 1828 წელს

დაიწყო გამოხვევა ახალმა გაზეთმა, რომელსაც „ტფილისის უწყებანი“ ეწოდებოდა. 1832 წელს ამ გაზეთის დამატების სახით გამოვიდა ყურნალი „სალიტერატურონი ნაწილი ტფილისის უწყებათანი“, რომელსაც სოლომონ დოდაშვილი რედაქტორობდა. ეს ყურნალი მკაფიოდ გამოხატავდა მოწინავე ინტელიგენციის მისწრაფებას, მაგრამ იგი იმავე წელს დაიხურა. 1852 წლის იანვარში გამოვიდა ქართული ყურნალის „ცისკარის“ პირველი ნომერი. მისი პირველი რედაქტორი იყო ცნობილი მწერალი გიორგი ერისთავი. შემდეგ კი მას რედაქტორობდა ივანე კერესელიძე (ყურნალი 1875 წ. დაიხურა). იმდროინდელმა „ცისკარმა“ მნიშვნელოვნად შეუწყო ხელი ქართული კულტურისა და ლიტერატურის განვითარებას.



გიორგი ერისთავი.

მოწინავე ინტელიგენციის წარმომადგენლები ყოველმხრივ ზრუნავდნენ ეროვნული კულტურის განვითარებისათვის. ნიკოლოზ ბარათაშვილის, დიმიტრი ყოფიანის და სხვათა ინიციატივით მოეწყო კერძო საოჯახო სამკითხველო, რომლის ბაზაზე 1846 წელს დაარსდა თბილისის საჯარო ბიბლიოთეკა. იმავე ინტელიგენციამ მოინდომა თბილისში უმაღლესი სასწავლებლების დაარსება, მაგრამ ეს ცდა უშედეგოდ დამთავრდა.

ქართველი საზოგადოების მოწინავე ნაწილის ეროვნულ-განმათავისუფლებელ ბრძოლას თანაგრძნობით ეკიდებოდა რუსეთის მოწინავე ინტელიგენცია. საქართველოში სხვადასხვა დროს იმყოფებოდნენ რუსეთის მთავრობის მიერ გადმოსახლებული დეკაბრისტები—კ. რილევისა და ვ. კიუხელბეკერის მეგობრები, მწერალი ა. ბესტუჟევი-მარლინსკი, პოეტი ა. ოდოევსკი, დიდი მწერლები — ალექსანდრე გრიბოედოვი, ალექსანდრე პუშკინი, მიხეილ ლერმონტოვი, ლევ ტოლსტოი და სხვები.


**ამრიგად, თვითმპყრობელური რუსეთის ბიუროკრატ-მოხელეებთან და ერთგულ მსახურებთან ერთად საქართველო გაეცინო რუსეთის ახალ, მოწინავე საზოგადოებას. ასე ეყრებოდა საფუძველი რუსი და ქართველი ხალხების ერთობლივ ბრძოლას მეფის თვითმპყრობელობის წინააღმდეგ.**

**2. ლიტერატურა. XIX საუკუნის დამდეგს ახალ ქართულ ლიტერატურაში აისახა საქართველოს ეროვნული დამოუკიდებლობის დაკარგვა და კოლონიური ჩაგვრის წინააღმდეგ ბრძოლა.**

XIX საუკუნის პირველი ნახევრის ცნობილი პოეტი იყო ალექსანდრე კავჭავაძე (1786 — 1846 წწ.). მას შეგნებული ჰქონდა საქართველოს რუსეთთან შეერთების დადებითი მნიშვნელობა, მაგრამ ვერ ურიგდებოდა ცარიზმის კოლონიურ პოლიტიკას. იგი ილაშქრებდა სოციალური ჩაგვრის წინააღმდეგაც. ლექსში „ვაჰ, სოფელსა ამას“ ასახულია წოდებათა შორის უთანასწორო-



ალექსანდრე კავჭავაძე.



გრიგოლ ორბელიანი.

ბის უსამართლობა და გამოთქმულია მშრომელთა ჩაგვრის მოსპობის შესაძლებლობის იმედი.

გრიგოლ ორბელიანი (1804 — 1883 წწ.) შემოქმედებაში მთავარი ადგილი ეროვნულ საკითხს უჭირავს. მისი პოემის სევდიანი ელფერი განპირობებულია საქართველოს დამოუკიდებლობის დაკარგვით და 1832 წლის შეთქმულების მარცხით, გრ. ორბელიანმა სოციალურ მოტივსაც მიაქცია ყურადღება ლექსში — „მუშა ბოქულაძე“. გრ. ორბელიანი ქართული რომანტიზმის ერთ-ერთი საუკეთესო წარმომადგენელია.

იმ დროის უნიჭიერესი პოეტი იყო ნიკოლოზ ბარათაშვილი (1817 — 1845 წწ.). იგი ახალი ქართული ლიტერატურის უდიდესი წარმომადგენელია. მის პოეზიაში მძლავრად გაისმა მოწოდება არსებული უსამართლობის წინააღმდეგ. ნ. ბარათაშვილმა სწორად შეაფასა საქართველოს რუსეთთან შეერთების ისტორიული მნიშვნელობა, დაგმო და ბრძოლა გამოუცხადა ეროვნულ ჩაგვრას. ღრმა პატრიოტიზმი, ბედისადმი დაუმორჩილებლობა და ბრძოლა არსებული უსამართლობის წინააღმდეგ — ეს იყო მისი პოეზიის ძირითადი არსი.




ნიკოლოზ ბარათაშვილი.

ქართულ ლიტერატურაში კრიტიკული რეალიზმის ერთ-ერთ ფუძემდებლად ითვლება მწერალი გიორგი ერისთავი (1811 — 1864 წწ.). მან პირველმა ასახა 30 — 50-იან წლებში ფეოდალიზმის რღვევისა და კაპიტალიზმის განვითარების, ქართველთა ვად-აზნაურთა გადაგვარებისა და ვაჭარ-კაპიტალისტთა გაძლიერების პროცესი.

ამ პროცესს ასახავს ქართული პროზაც, კერძოდ, ლავრენტ ბარდაშვილის „სოლომონ ისაკიჩ მეჯღანუაშვილი“.

რეალიზმის მეორე დიდმა წარმომადგენელმა დანიელ კონქაძემ (1830 — 1860 წწ.) პირველმა გაბედულად გაილაშქრა ბატონყმობის წინააღმდეგ. მისი შესანიშნავი მოთხრობა „სურამის ციხე“, რომელიც 1859 წ. გამოქვეყნდა, სამარცხვინო ბოძზე აკრავდა ბატონყმობას.



დანიელ კონქაძე.

**8. მეცნიერება.** არახელსაყრელი პირობების მიუხედავად, აღნიშნულ პერიოდში ქართველმა მოღვაწეებმა მნიშვნელოვანი წვლილი შეიტანეს მეცნიერების სხვადასხვა დარგის განვითარებაში. იმ დროის ცნობილი მეცნიერი იყო სოლომონ დოღაშვილი (1805 — 1836 წწ.). მან პეტერბურგის უნივერსიტეტი დაამთავრა, სადაც გაეცნო მოწინავე რუსულ და მსოფლიო მეცნიერებას. მის კალამს ეკუთვნის რამდენიმე ფილოსოფიური ნაშრომი.

პეტერბურგში მოღვაწეობდა ქართველი მეცნიერი იოანე ბაგრატიონი (1777 — 1830 წწ.). მისი ყველაზე უფრო მნიშვნელოვანი ნაწარმოებია „კალმასობა“. საქართველოს ისტორიული

ვითარების გარდა, ამ ნაშრომში მოცემულია ცნობები მეცნიერების თითქმის ყველა დარგიდან, ამიტომ მას ხშირად უწოდებენ პირველ ქართულ ენციკლოპედიურ ნაშრომს.

პეტერბურგშივე მოღვაწეობდა იოანეს ძმა დავით ბაგრატიონი (1767 — 1819 წწ.). მას ეკუთვნის რამდენიმე ნაშრომი საქართველოს ისტორიის საკითხებზე; იგი ავტორია აგრეთვე ფიზიკის სახელმძღვანელოსი.

იმ დროს ქართველ ისტორიკოსთა შორის განსაკუთრებული სახელი მოიხვეჭა თეიმურაზ ბაგრატიონმა (1782 — 1864 წწ.). მის მრავალრიცხოვან ნაშრომთა შორის აღსანიშნავია „ივერიის ისტორია“. თეიმურაზი არჩეული იყო პეტერბურგის მეცნიერებათა აკადემიის საპატიო წევრად.

ქართველოლოგიური მეცნიერების განვითარებას დიდი ამაგი დასდო ფრანგმა მეცნიერმა მარი ბროსემ (1802 — 1880 წწ.). მან საგანგებოდ შეისწავლა ქართული და სხვა აღმოსავლური ენები და საფუძველი ჩაუყარა ვეროპაში საქართველოსა და ქართული ლიტერატურის ისტორიის მეცნიერულ შესწავლას. მ. ბროსემ პირველმა საფრანგეთსა და რუსეთში გამოაქვეყნა არაერთი დიდმნიშვნელოვანი ქართული წყარო, მაგალითად, „ქართლის ცხოვრება“ როგორც ქართულ, ისე ფრანგულ ენაზე. მან მოიპოვა მთელი საქართველო, შეკრიბა და გამოაქვეყნა მანამდე უცნობი წარწერები და სხვა სახის წყაროები. მასვე ეკუთვნის არაერთი ორიგინალური გამოკვლევაც საქართველოს ისტორიაში. მ. ბროსეს ხანგრძლივმა და ნაყოფიერმა მოღვაწეობამ ახალ საფეხურზე აიყვანა ქართული საისტორიო მეცნიერება.

დიდი შრომა გასწია საქართველოს ისტორიული წარსულის შესწავლის საქმეში პლატონ იოსელიანმა (1809 — 1875 წწ.). იგი მოგზაურობდა საქართველოს სხვადასხვა მხარეში და ბევრი ისტორიულ-ლიტერატურული ძეგლი გადაარჩინა დაღუპვას. პ. იოსელიანს მრავალი ისტორიული გამოკვლევა ეკუთვნის ქართულ და რუსულ ენებზე.

**4. ხელოვნება.** XIX საუკუნის დასაწყისიდან ქართულ ხელოთმოდღერებაში და ხელოვნების სხვა დარგებში ძლიერდება რუსული ხელოვნების გავლენა, განსაკუთრებით ქალაქებში. ამასთან ერთად განავრცობდა არსებობას ეროვნული ტრადიციები ახალ სოციალურ-ეკონომიკურ ურთიერთობათა პირობებში.

XIX საუკუნის პირველი ნახევრის სახვითი ხელოვნების მოღვაწეთაგან განსაკუთრებით აღსანიშნავია მხატვარი პორტრეტისტი გიორგი მაისურაძე (1817 — 1885 წწ.). იგი ალექსანდრე ქავჭავაძის ყმა გლეხი იყო. ნიჭიერი ახალგაზრდა ა. ქავჭავაძემ ყმობისაგან გაათავისუფლა და პეტერბურგს სამხატვრო აკადე-



თეიმურაზ ბაგრატიონი.



მარი ბროსე.



პლატონ იოსელიანი.



მიაში გაგზავნა. პეტერბურგში ის ცნობილი რუსი მხატვრის კ. ბრი-  
ულოვის ხელმძღვანელობით მუშაობდა.

50-იან წლებში საქართველოში საფუძველი ეყრება რუსულ და  
ქართულ დრამატულ თეატრს, ოპერასა და ბალეტს. 1850 წლის  
2 იანვარს თბილისის გიმნაზიის შენობაში გიორგი ერისთავის  
ხელმძღვანელობით დაიდგა მისივე კომედია „გაყრა“. ეს თარიღი  
ითვლება ქართული მუდმივი თეატრის განახლების დღედ. თეატ-  
რის დაარსებამ უდიდესი როლი შეასრულა ხალხის კულტურულ  
ცხოვრებაში.

XIX საუკუნის მოწინავე ქართული კულტურა მოწინავე რუ-  
სულ კულტურასთან მჭიდრო კავშირში ვითარდებოდა. ცარიზმის  
ეროვნულ-კოლონიური ჩაგვრის მიუხედავად, ქართველი და რუსი  
ხალხების კულტურათა დაახლოებამ მტკიცე საფუძველი ჩაუყა-  
რა მათს შეგობრობას, მათს ერთობლივ ბრძოლას სოციალური  
და ეროვნული ჩაგვრისაგან გათავისუფლების საქმეში.

### კითხვები

1. როგორი იყო სასკოლო განათლება XIX ს. პირველ ნახევარში? 2. რა  
მნიშვნელობა ჰქონდა ქართული და რუსული კულტურების დაახლოებას?

## დ მ კ უ მ ე ნ ტ ე ბ ი

1. ნაწყვეტი 1848 წლის დებულებიდან „კავკასიის სასწავლო ოლქისა  
და მის ქვეშმდებარე სასწავლებელთა შესახებ“

„თბილისის სათავადაზნაურო გიმნაზიაში მიიღებიან მხოლოდ თავა-  
დაზნაურთა, ბეგების, მელიქების, ალაღარების, მთისა და მომთაბარე ხალ-  
ხის მამასახლისთა შვილები და როგორც ადგილობრივი, ისე რუს მოხე-  
ლეთა შვილები, აგრეთვე მართლმადიდებელი და სომხურ-გრიგორიანუ-  
ლი სარწმუნეობის მღვდლებისა და დიაკვნების შვილები, თბილისის  
კომერციულ გიმნაზიაში მიიღება საეაქრო წოდებისა და უაზნოთა („რაზ-  
ნოჩინელების“) შვილები, ხოლო ქუთაისის, სტავროპოლისა და ეკატერი-  
ნოდარის გიმნაზიებში — ყველა თავისუფალი წოდების პირთა შვილები,  
გარდა სახაზინო, საეკლესიო და მემამულეების გლეხთა შვილებისა“.

### კითხვა

რატომ იყავდა მეფის მთავრობა განათლების დარგში წოდებრიობის პრინ-  
ციპს?

## 2. რუსი მწერალი იაკობ პოლონსკი გიორგი ერისთავის „გაყრის“


### პირველი დადგმის შესახებ.

„როცა კომედია „გაყრა“ მე პირველად ვნახე სცენაზე, რომელსაც ასრულებდნენ ქართველი არისტოკრატიული წრიდან გამოსული პირები, თუმცა ქართული ენის არაფერი მესმოდა, მაგრამ პიესის შინაარსი მაინც გავიგე და არ შემეძლო არ გამეცინა უშესანიშნავეს და კეთილშობილ არტიტთა მაღალხარისხოვანი თამაშის გამო. უნებლიეთ გამოვიტანე დასკვნა, რომ კომედია ისე მსუბუქად არის დაწერილი, რომ თავისთავად ითამაშება, მოქმენდი პირნი, სინამდვილესთან ისე სიმართლით დგანან, რომ მათთვის მიბაძვა ერთობ ადვილია, განსაკუთრებით იმ პირთათვის, რომლებიც ამათ მსგავს ტიპებს შორის გაიზარდნენ.

პიესა ყველას მოეწონა და, რაც ყველაზე საინტერესოა მისი წარმატება კი არ განისაზღვრება მხოლოდ სათეატრო დარბაზის კედლებით, რომლებიც ტაშის გრილით და მსახიობთა სცენაზე გამოძახილით ირყეოდა, არამედ პიესა წარმოდგენის შემდეგ მეორე დღესვე იქცა სახალხოდ. ბაზარში იმეორებდნენ კომედიიდან ამოღებულ მთელ ფრაზებს და მთელ რიგ სწახლებში, სადაც შეიძლება არავითარი წარმოდგენა არა აქეთ იმაზე, თუ რა არის თეატრი, თავად ერისთავის სახელი შეიქმნა ცნობილი და კომედია იქცა ვრცელი მსჯელობის საგნად. რომელი მწერალი, რომელი კომიკოსი არ ინატრებს ამას“.

### კითხვები

1. რამ განაპირობა კომედია „გაყრის“ დადგმის წარმატება? 2. რა არის დოკუმენტში ნათქვამი კომედიის წარმატების შესახებ?





### საქართველოს ისტორიის ძირითადი თარიღები

- 1 მილიონი წლის წინ . . . . . პირველყოფილი ადამიანის დასახლება, კავკასიაში.
- 85 ათასი წლის წინ . . . . . ზედა პალეოლითის დასაწყისი. გეორგენული წყობილების ჩამოყალიბება.
- 12 ათასი წლის წინ . . . . . მეზოლითის დასაწყისი
- 8 — 6 ათასი წლის წინ . . . . . ნეოლითის დასაწყისი საქართველოს ტერიტორიაზე.
- 6 — 7 ათასი წლის წინ . . . . . იარაღის მასალად სპილენძის გამოყენება. ნეოლითის (სპილენძ-ქვის ხანის) დასაწყისი.
- ჩვ-წ -ალ-მდე IV — III ათასწლეულის მიჯნა . . . . . ბრინჯაოს ხანის დასაწყისი.
- ჩვ-წ -ალ-მდე III ათასწლ. . . . . მტკვარ-არაქსის კულტურა (ადრე ბრინჯაოს ხანა).
- ჩვ-წ -ალ-მდე II ათასწლ. I ნახ. . . . . თრიალეთის კულტურა, ტომთა კავშირების წარმოქმნა (შუა ბრინჯაოს ხანა).
- ჩვ-წ -ალ-მდე II ათასწლ. II ნახ. . . . . გვიანბრინჯაოს ხანა. რკინის მეტალურგიის დასაწყისი. ადრეკლასობრივი ურთიერთობის ჩასახვა ქართველ ტომებში.
- ჩვ-წ -ალ-მდე XII ს . . . . . დიაოხისა და კოლხას ადრეკლასობრივი სხებლმწიფოების წარმოქმნა.
- ჩვ-წ -ალ-მდე IX — VIII სს. მიჯნა . . . . . უტუფურსის მეფობა დიაოხში.
- ჩვ-წ -ალ-მდე VIII ს. დასაწყისი . . . . . დიაოხის დაპყრობა ურარტუსა და კოლხას მიერ.
- ჩვ-წ -ალ-მდე VIII ს. 20-იანი წლები . . . . . კოლხას განადგურება კიმერიელების მიერ
- ჩვ-წ -ალ-მდე VII — VI სს. მიჯნა . . . . . ეგრისის (კოლხეთის) სამეფოს წარმოქმნა.
- ჩვ-წ -ალ-მდე IV — III სს. მიჯნა . . . . . ქართლის (იბერიის) სამეფოს წარმოქმნა.
- ჩვ-წ -ალ-მდე III ს. . . . . ქართლის (იბერიის) სამეფოს ძლიერების ხანა.
- ჩვ-წ -ალ-მდე 66 წ. . . . . პომპეუსის ლაშქრობა საქართველოში.
- ჩვ-წ -ალ-მდე I ს. . . . . ფარსმან I-ის მეფობა ქართლში.
- 66 წ. . . . . ანიკეტის აჯანყება.
- II ს. 20 — 30-იანი წლები. . . . . ფარსმან II-ის მეფობა ქართლში.
- დაახლ. 887 წ. . . . . ქრისტიანობის სახელმწიფო რელიგიად გამოცხადება ქართლში.
- V ს. მეორე ნახევარი . . . . . ვახტანგ გორგასალის მეფობა.
- VI ს. დასაწყისი . . . . . თბილისის ქართლის დედაქალაქად გამოცხადება.

628 წ.	მეფობის გაუქმება ქართლში.
542 — 502 წწ.	„დიდი ომიანობა“ ეგრისში.
VI ს. 70-იანი წლები	სპარსელების ბატონობის წინააღმდეგ სახალხო აჯანყების დაწყება. ქართლში ერისმთავრობის დაწესება.
591 წ.	ქართლის განთავისუფლება ირანის ბატონობისაგან.
608 წ.	საეკლესიო განხეთქილება ქართველებსა და სომხებს შორის.
627 წ.	ჭერაკლე კეისრისა და ჯიბლუ ხაყანის ლაშქრობა ქართლში.
628 წ.	თბილისის აღება ხაზართა მიერ.
VII ს. 40-იანი წლები	არაბთა პირველი შემოსევები ამიერკავკასიაში.
654 წ.	ქართლის დამორჩილება არაბების მიერ
697 წ.	არაბების გადასვლა დას. საქართველოში.
786 — 788 წწ.	მურვან-ყრუს ლაშქრობანი საქართველოში
VIII ს. 80-იანი წწ.	კახეთისა და ჰერეთის სამთავროების წარმოქმნა.
VIII ს. 90-იანი წწ.	„აფხაზთა (ეგრისის) სამეფოს“ წარმოქმნა.
IX ს. დასაწყისი	ტაო-კლარჯეთის სამთავროს ჩამოყალიბება. აშოტ ბაგრატიონის (კურაპალატის) მოღვაწეობა.
IX ს. I ნახევარი	თბილისის საამიროს სახალიფოდან გამოყოფა.
859 წ.	ბულა თურქის ლაშქრობა.
X ს. ბოლო (დახლ. 888 წ.)	„ქართველთა მეფის“ ტიტულის მიღება აღარნასე ბაგრატიონის მიერ.
914 წ.	არაბთა სარდლის აბულ-კასიმის ლაშქრობა.
X ს. მეორე ნახევარი	დავით III კურაპალატის მეფობა (გარდაიცვალა 1001 წ.).
975 — 1014 წწ.	ერთიანი საქართველოს პირველი მეფის ბაგრატ III-ის მეფობა.
1014 — 1027 წწ.	გიორგი I-ის მეფობა.
1021 — 1028 წწ.	საქართველო-ბიზანტიის ომი.
1027 — 1072 წწ.	ბაგრატ IV-ის მეფობა.
1058 წ.	ლიპარიტ ბაღვაშის შეპყრობა და საქართველოდან გაძევება.
1064 წ.	თურქ-სელჩუკების პირველი შემოსევა საქართველოში.
1068 წ.	თურქ-სელჩუკების მეორე შემოსევა.
1072 — 1089 წწ.	გიორგი II-ის მეფობა.
1060 წ.	„დიდი თურქობა“ საქართველოში.
1089 — 1126 წწ.	დავით IV აღმაშენებლის მეფობა.
1108 წ.	რუის-ურბნისის საეკლესიო კრება.

1106 წ.	ერწუხის ბრძოლა.
1121 წ. 12 აგვისტო	ლიდგორის ბრძოლა.
1122 წ.	თბილისის აღება.
1124 წ.	შარვანისა და ჩრდ. სომხეთის შემოერთება.
1125 — 1166 წწ.	დემეტრე I-ის მეფობა.
1156 — 1184 წწ.	გიორგი III-ის მეფობა.
1177 წ.	ლიდგვაროვანთა ამხობება ივანე ორბელის მეთაურობით.
1178 წ.	თამარის მეფედ კურთხევა.
1178 — 1184 წწ.	მამა-შვილის (გიორგი III-ისა და თამარის) ერთობლივი მეფობა.
1184 — 1218 წწ.	თამარის მეფობა.
1106 წ.	შამქორის ბრძოლა.
1202 წ.	ბასიანის ბრძოლა.
1204 წ.	ტრაპიზონის იმპერიის შექმნა.
1210 წ.	ქართველთა ლაშქრობა ირანში.
1210 — 1222 წწ.	ლაშა-გიორგის (გიორგი IV-ის) მეფობა.
1220 წ.	მონღოლთა პირველი შემოჭრა საქართველოში.
1222 — 1245 წწ.	რუსუდანის მეფობა.
1225 — 1231 წწ.	ჩალალ ედ-დინის ლაშქრობანი.
1226 წ. ნოემბერი	გარნისის ბრძოლა.
1236 — 1242 წწ.	საქართველოს დაპყრობა მონღოლთა მიერ.
1254 — 1256 წწ.	საქართველოს აღწერა მონღოლთა მიერ.
1250 წ.	დავით ნარინის აჯანყება. №1
1260 წ.	დავით ულუს აჯანყება. №11
1265 წ.	ბერქჰაყაენის ლაშქრობა.
1270 — 1289 წწ.	დემეტრე II თავდადებულის მეფობა.
XIII — XIV სს. მიჯნა	მონღოლთა ბატონობის წინააღმდეგ სახალხო აჯანყება საქართველოში დავით VIII-ის მეთაურობით.
1814 — 1846 წწ.	გიორგი V ბრწყინვალის მეფობა.
XIV ს-ის 30-იანი წწ.	საქართველოს განთავისუფლება მონღოლთა ბატონობისაგან.
1360 — 1398 წწ.	ბაგრატ V-ის მეფობა.
1388 — 1408 წწ.	თემურ-ლენგის შემოსევები.
1412 — 1442 წწ.	ალექსანდრე I დიდის მეფობა.
1446 — 1405 წწ.	ერთიანი საქართველოს უკანასკნელი მეფის გიორგი VIII მეფობა.
1466 — 1476 წწ.	გიორგი VIII-ის მეფობა კახეთში.
XV ს. ბოლო	ფეოდალური საქართველოს დამლა სამეფო-სამთავროებად.
1476 — 1511 წწ.	ალექსანდრე I-ის მეფობა კახეთში.
1479 — 1505 წწ.	კონსტანტინე დიმიტრის ძის მეფობა ქართლში.

1488 წ.	საქართველოდან პირველი ელჩობა რუსეთში.
1505 — 1525 წწ.	დავით X-ის მეფობა ქართლში.
1510 — 1505 წწ.	ბაგრატ ალექსანდრეს ძის მეფობა იმერეთში.
1520 — 1574 წწ.	ლევანის მეფობა კახეთში.
1527 — 1560 წწ.	ლუარსაბ I მეფობა ქართლში.
1541 — 1553 წწ.	შაჰ-თამაზის შემოსევები ქართლში.
1550 წ.	გარისის ბრძოლა.
1550 — 1000 წწ.	სიმონ I-ის მეფობა ქართლში.
1564 წ.	ლევან კახთა მეფის ელჩის იაკობის ჩასვლა მოსკოვში.
1574 — 1605 წწ.	ალექსანდრე II ლევანის ძის მეფობა კახეთში.
1578 — 1600 წწ.	ქართლის განმათვისუფლებელი ბრძოლები ოსმალთა წინააღმდეგ.
1587 — 1580 წწ.	პირველი მფარველობითი ხელშეკრულების გაფორმება კახეთსა და რუსეთს შორის.
XVI ს. ბოლო წლები	სამცხის, აჭარის და ქანეთის დაპყრობა თურქ-ოსმალთა მიერ.
1600 წ.	ფარცხისის ბრძოლა და სიმონ მეფის დატყვევება ოსმალთა მიერ.
1608 — 1600 წწ.	თეიმურაზ I-ის მეფობა.
1600 წ.	ტაშისკარის ბრძოლა.
1614 — 1617 წწ.	კახეთის აოხრება შაჰ-აბასის მიერ.
1624 წ. 12 სექტემბერი	ქეთევან დედოფლის წამება.
1625 წ. 25 მარტი	უიზილბაშთა გაწყვეტა მარტყოფს.
1625 წ. 1 ივლისი	მარაბდის ბრძოლა.
1620 წ.	ბაზალეთის ბრძოლა.
1638 — 1658 წწ.	როსტომ-ხანის მმართველობა ქართლში.
1640 წ.	სახალხო აჯანყება კახეთში.
1658 — 1675 წწ.	ეახტანე V-ის (შაჰნავაზის) მეფობა ქართლში.
1708 — 1724 წწ.	ეახტანე VI-ის მმართველობა ქართლში.
1709 წ.	სტამბის დაარსება თბილისში
1722 წ.	პეტრე I-ის ლაშქრობა კასპიისპირეთში.
1730 — 1785 წწ.	ოსმალთა ბატონობა („ოსმლობა“) საქართველოში.
1735 — 1747 წწ.	უიზილბაშთა ბატონობა („უიზილბაშობა“) აღმოსავლეთ საქართველოში.
1745 წ. 1 ოქტომბერი	თეიმურაზ II-ის მეფედ კურთხევა სეტიციხოველში.
1744 — 1780 წწ.	თეიმურაზ-ერეკლეს ერთობლივი მეფობა ქართლ-კახეთში.
1751 წ.	აზატ-ხანის დამარცხება
1759 — 1784 წწ.	სოლომონ I-ის მეფობა იმერეთში.

1754 — 1755 წწ. .	ნურსალ-ბეგის შემოსევების უკუხდება (მჰადიჩერის ბრძოლა, ყვარელის ალყა), ხრესილის ბრძოლა.
1757 წ. . . . .	თეიმურაზ II-ის ელჩობა პეტერბურგს.
1760 წ. . . . .	ერეკლე II-ის მეფობა ქართლ-კახეთის სამეფოში.
1762 — 1768 წწ. . . . .	ასპინძის ბრძოლა.
1770 წ. 20 აპრილი .	„მორივე ჭარის“ შექმნა.
1774 წ. . . . .	რუსეთ-საქართველოს (ქართლ-კახეთის სამეფოს) შორის მეგობრობის ხელშეკრულების („გეორგიევსკის ტრაქტატის“) გაფორმება.
1788 წ. 24 ივლისი .	ომარ-ხანის შემოსევა.
1785 წ. . . . .	ხელშეკრულება საქართველოს მეფე-მთაგრებს შორის საერთო მტრის წინააღმდეგ ერთობლივი მოქმედების შესახებ.
1700 წ. . . . .	კრწანისის ბრძოლა.
1795 წ. 10 — 11 სექტემბერი .	ერეკლე II-ის გარდაცვალება.
1798 წ. 11 იანვარი . . . . .	გიორგი XII-ის მეფობა.
1798 — 1800 წწ. . . . .	რუსეთის იმპერატორის ალექსანდრე I-ის მანიფესტი ქართლ-კახეთის სამეფოს გაუქმების და რუსეთთან შეერთების შესახებ.
1801 წ. 12 სექტემბერი	სამეგრელოს მთავრის შესვლა რუსეთის მფარველობაში.
1808 წ.	იმერეთის შესვლა რუსეთის მფარველობაში.
1804 წ. . . . .	აჭანყება ქართლის მთიანეთში.
1804 წ.	იმერეთის შეერთება რუსეთთან.
1804 წ.	აჭანყება კახეთში.
1810 წ. . . . .	აჭანყება იმერეთსა და გურიაში.
1812 წ. . . . .	ოსმალეთთან დადებული ზავით საქართველოს დაუბრუნდა ახალციხე, ახალქალაქი, ასპინძა, აწყურტი, ხერთვისი და სხვა. აგრეთვე ფოთი, ანაპა.
1819 — 1820 წწ. . . . .	შეთქმულება მეფის რუსეთის კოლონიური რეჟიმის წინააღმდეგ.
1829 წ. სექტემბერი .	გლეხთა აჭანყება გურიაში.
1882 წ. . . . .	გლეხთა ანტიბატონყმური აჭანყება სამეგრელოში.
1841 წ. . . . .	სამეგრელოს სამთავროს გაუქმება და შეერთება რუსეთთან.
1858 — 1857 წწ. . . . .	სვანეთის სამთავროს შეერთება რუსეთთან.
1857 წ. . . . .	აფხაზეთის სამთავროს გაუქმება და შეერთება რუსეთთან.
1858 წ. . . . .	
1864 წ. . . . .	



## საკითხავი ლიტერატურა

1. დ. გვრიტიშვილი, ქართლის ცხოვრების მესაიდუმლე (აკად. ი. ჯავახიშვილი), თბ., 1960.
2. შ. მესხია, საქართველოს ისტორიის გამოჩენილი მკვლევარი (აკად. ს. ჯანაშია), თბ., 1960.

3. მ. დუმბაძე, ნიკო ბერძენიშვილი, თბ., 1964.
4. რ. მეტრეველი, შ. ბადრიძე, ექვთიმე თაყაიშვილი, თბ., 1962.
5. ვ. გაბაშვილი, ვახუშტი ბაგრატიონი, თბ., 1969.
6. ვ. ზუხბაია, რას მოგვითხრობს საქართველოს მიწა, თბ., 1959.

I თავისათვის. პირველყოფილი თემური წყობილება საქართველოში.

1. გ. ლომთათიძე, წინაპართა ნაკვალევი (საქართველოს არქეოლოგიური ნარკვევი), თბ., 1952.
2. გ. ნიორაძე, ქვის ხანის ადამიანები, თბ., 1 ნაკვ. 1946, II ნაკვ., 1948.
3. ო. ჭავჭავაძე, ალ. ჭავჭავაძე, უძველესი მიწათმოქმედი მოსახლეობის კულტურა საქართველოს ტერიტორიაზე, თბ., 1971.

II თავისათვის. უძველესი ადრეკლასობრივი სახელმწიფოები საქართველოში.

1. საქართველოს ისტორია (საკითხავი წიგნი), გ. მელიქიშვილის რედაქციით, თბ., 1980.
2. გ. მელიქიშვილი, როგორ ამეტყველდნენ ლურსმული წარწერები, თბ., 1961.
3. გ. მელიქიშვილი, ურარტუ (სამეცნიერო-პოპულარული ნარკვევი ქართველი ხალხის წინაპრების ისტორიიდან), თბ., 1951.
4. აპოლონ როდოსელი, არგონავტიკა (ბერძნული ტექსტი ქართული თარგმანითურთ გამოსცა აკაკი ურუშაძემ), თბ., 1970.
5. შ. ბადრიძე, ქართლის ცხოვრების მოთხრობები, თბ., 1977.
6. ო. ლორთქიფანიძე, რა საიდუმლოს ინახავს ვანი, 1984.
7. ე. გუჩუა, გადავხედოთ წარსულს, თბ., 1984.

III თავისათვის. ადრეული ფეოდალიზმი.

1. ი. ჭავჭავაძე, ს. ჭანაშია, ნ. ბერძენიშვილი, საქართველოს ისტორია (უძველესი დროიდან XIX საუკუნემდე), თბ., 1943 — 1959 წწ. გამოცემები.
2. საქართველოს ისტორია (საკითხავი წიგნი), გ. მელიქიშვილის რედაქციით, თბ., 1980.



3. შ. ბადრიძე, ქართლის ცხოვრების მოთხრობები, თბ., 1977.
  4. ვ. ჭუჩუა, გადაუხედოთ წარსულს, თბ., 1984.
  5. შ. ლორთქიფანიძე, ქართლი V საუკუნის II ნახევარში, თბ., 1979.
  6. ვ. ქელიძე, ქართლის ცხოვრების ქრონიკები, I და II წიგნი, თბ., 1981.
- IV თავისათვის. ერთიანი ქართული ფეოდალური მონარქიის წარმოქმნა (IX -- XI სს).

1. ი. ქავახიშვილი, ს. ჯანაშია, ნ. ბერძენიშვილი, საქართველოს ისტორია (უძველესი დროიდან XIX ს-მდე), თბ., 1943 — 1959 წწ. გამოცემები.

2. საქართველოს ისტორია (საკითხავი წიგნი), გ. მელიქიშვილის რედაქციით, თბ., 1980.

3. ი. ქავახიშვილი, საქართველოს ისტორია (XI — XV სს.), თბ., 1949.

4. შ. ბადრიძე, ქართლის ცხოვრების მოთხრობები, თბ., 1977.

V თავისათვის. საქართველო თეიმურაზბელური მონარქიის განმტკიცების პერიოდში (XI ს. ბოლო — XIII ს. დასაწყისი).

1. ი. ქავახიშვილი და სხვ., საქართველოს ისტორია.
2. საქართველოს ისტორია (საკითხავი წიგნი).
3. ი. ქავახიშვილი, საქართველოს ისტორია XI — XV სს.), თბ., 1949.
4. რ. მეტრეველი, დავით აღმაშენებელი, თბ., 1965.
5. შ. მესხია, ძლევაჲ საცივირველი (დიდგორის ბრძოლა და თბილისის შეზღოვრება), თბ., 1972.

6. შ. ლორთქიფანიძე, რუსთაველის ეპოქა, თბ., 1966.
7. მ. დუმბაძე, რუსთაველის საქართველო, თბ., 1966.
8. ლ. სანიკიძე, უქარქაშო ხმლები, წიგნი I, თბ., 1982.
9. ლ. სანიკიძე, დედა ისტორია, ნაკვეთი პირველი, თბ. 1986.
10. შ. ბადრიძე, ქართლის ცხოვრების მოთხრობები
11. ვ. ქელიძე, ქართლის ცხოვრების ქრონიკები, III და IV წიგნი, თბ., 1987.

VI თავისათვის. საქართველო XIII — XV საუკუნეებში.

1. ი. ქავახიშვილი და სხვა., საქართველოს ისტორია.
2. საქართველოს ისტორია (საკითხავი წიგნი).
3. ი. ქავახიშვილი, საქართველოს ისტორია (XI — XV სს.).
4. ლ. სანიკიძე, უქარქაშო ხმლები, წიგნი II, თბ., 1977.
5. ი. ცინცაძე, მონღოლები და მონღოლთა დაპყრობები, თბ., 1960.
6. შ. ბადრიძე, ქართლის ცხოვრების მოთხრობები.
7. ნ. ასათიანი, გზა გამოსხნა-აღდგომისაკენ, თბ., 1983.

VII თავისათვის. საქართველო XVI — XVIII ს. I ნახევარში.

1. ი. ქავახიშვილი და სხვ., საქართველოს ისტორია.
2. საქართველოს ისტორია (საკითხავი წიგნი).
3. ნ. ასათიანი, გზა გამოსხნა-აღდგომისაკენ.
4. გ. ჭამბურია, გიორგი სააკაძე, თბ., 1964.
5. ნ. ნაკაშიძე, წიწამურიდან ბახტრიონამდე, თბ., 1977.
6. გ. პაიქაძე, ვახტანგ VI, თბ., 1975.
7. ე. გაბაშვილი, ვახუშტი ბაგრატიონი.
8. კ. გრიგოლია, რას მოგვითხრობს „ქართლის ცხოვრება“, თბ., 1961.

VIII თავისათვის. საქართველო XVIII ს. II ნახევარში.

1. ი. ქავახიშვილი და სხვ., საქართველოს ისტორია.
2. საქართველოს ისტორია (საკითხავი წიგნი).
3. გ. ქიქოძე, ერეკლე მეორე, 1958.

4. გ. პაიჭაძე. გეორგიევსკის ტრაქტატი და მისი ისტორიული მნიშვნელობა თბ., 1980.

5. ი. ცინცაძე. ალა-შაჰმად-ხანის თავდასხმა საქართველოზე (1795 – წელი), თბ., 1969.

6. ა. სურგულაძე, საქართველოს შეერთება რუსეთთან, თბ., 1977.

IX თავისათვის. ბრძოლა კოლონიური და სოციალური ჩაგვრის წინააღმდეგ XIX ს. I ნახევარში.

1. საქართველოს ისტორია (საკითხავი წიგნი).

2. ა. კიკვიძე. საქართველოს ისტორია (XIX ს), თბ., 1976.

3. ა. სურგულაძე. ნიკოლოზ ბარათაშვილის ეპოქა, თბ., 1968.

4. ლევან სანიკიძე. დედა ისტორია. ნაკვეთი მეორე, თბ., 1986.





შ ი ნ ა ა რ ს ი

შესავალი . . . . . 3

I ტ ა ვ ი. პირველყოფილი თემური წყობილება საქართველოში . . . . . 10

§1. წინაგვარაინული საზოგადოება და გვაროვნული საზოგადოების ადრეული ეტაპი (ქვის ხანა) . . . . . 10

§2. ქართველი ტომები და ტომთა კავშირები ენეოლითსა და ბრინჯაოს ხანაში . . . . . 11

II ტ ა ვ ი. ადრეკლასობრივი სახელმწიფოები საქართველოს ტერიტორიაზე . . . . . 27

§3. ქართველ ტომთა უძველესი ადრეკლასობრივი სახელმწიფოები . . . . . 27

§4. ეგრისისა და ქართლის სამეფოების წარმოქმნა . . . . . 37

§5. საქართველო ძველი და ახალი წელთაღრიცხვის მიჯნაზე . . . . . 44

§6. რელიგია და კულტურა ადრეკლასობრივი ხანის საქართველოში . . . . . 52

ფეოდალური წყობილება

ა. ა დ რ ე უ ლ ი ფ ე ო დ ა ლ ი ზ მ ი

III ტ ა ვ ი. საქართველო ადრეფეოდალური ურთიერთობის ხანაში . . . . . 58

§8. საქართველო ხალხის ბრძოლა დამოუცილებლობისათვის V ს. მეორე ნახევარში მეფე ვახტანგ გორგასალი . . . . . 66

§9. საქართველო VI საუკუნეში . . . . . 74

§10. საქართველო VII საუკუნეში. არაბთა ბატონობის დამყარება . . . . . 83

§11. საქართველო არაბთა ბატონობის უღელქვეშ . . . . . 90

§12. საზოგადოებრივი განვითარება და კულტურა IV — VIII სს. საქართველოში . . . . . 99

ბ. გ ა ნ ე ი თ ა რ ე ბ უ ლ ი ფ ე ო დ ა ლ ი ზ მ ი

IV ტ ა ვ ი. ერთიანი ქართული ფეოდალური მონარქიის წარმოქმნა IX — XI საუკუნეებში . . . . . 110

§13. ბრძოლა საქართველოს გაერთიანებისათვის . . . . . 110

§14. საქართველო XI საუკუნეში . . . . . 120

§15. კულტურული ვითარება IX — XI საუკუნეებში . . . . . 127

V ტ ა ვ ი. საქართველო თვითმპყრობელური მონარქიის განვითარების პერიოდში (XI ს. ბოლო — XIII ს. დასაწყისი) . . . . . 137

§16. საქართველოს გაერთიანების დამთავრება. დავით აღმაშენებელი . . . . . 137

§17. საქართველოს ფეოდალური მონარქიის გაძლიერება (XII — XIII სს. დასაწყისი) . . . . . 148

§18. საქართველოს ეკონომიკური და საზოგადოებრივი განვითარება XII საუკუნესა და XIII საუკუნის დასაწყისში . . . . . 158

§19. საქართველოს სახელმწიფო წყობილება და კულტურა XII საუკუნესა და XIII საუკუნის დასაწყისში . . . . . 168

VI ო ბ ი. საქართველო XIII — XV საუკუნეებში . . . . .	179
§20. ფეოდალური საქართველოს აღმავალი განვითარების შეფერხება XIII საუკუნეში. მონღოლთა ბატონობის დამყარება . . . . .	179
§21. ქართველი ხალხის ბრძოლა თათარ-მონღოლთა ბატონობის წინააღმდეგ .	179
§22. საქართველოს განთავისუფლება მონღოლთა ბატონობისაგან. გიორგი ბრწყინვალე . . . . .	195
§23. თემურ-ლენგის შემოსევები საქართველოში და მისი შედეგები. ქვეყნის დაშლა სამეფო-სამთავროებად . . . . .	205
VII ო ბ ი. საქართველო XVI — XVIII საუკუნის I ნახევარში . . . . .	213
§24. ქართველი ხალხის ბრძოლა უცხოელ დამპყრობთა წინააღმდეგ XV საუკუნის ბოლოს და XVI საუკუნის პირველ ნახევარში . . . . .	213
§25. საქართველო XVI საუკუნის მეორე ნახევარსა და XVII საუკუნის დასაწყისში . . . . .	221
§26. ქართველი ხალხის ბრძოლა ყიზილბაშური აგრესიის წინააღმდეგ XVII საუკუნეში . . . . .	232
§27. საქართველოს სოციალურ-ეკონომიკური და კულტურული განვითარება XVI — XVII საუკუნეებში . . . . .	242
§28. ქართული სამეფო-სამთავროები XVII საუკუნის ბოლოს და XVIII საუკუნის I ნახევარში. . . . .	253
<b>გ. გ ვ ი ა ნ დ ე ლ ი ფ ე ო დ ა ლ ი ზ მ ი</b>	
VIII ო ბ ი. საქართველო XVIII საუკუნის მეორე ნახევარში . . . . .	262
§29. შინაპოლიტიკური და საგარეო ვითარება XVIII საუკუნის 50 — 70-იან წლებში . . . . .	262
§30. საქართველოს სოციალურ-ეკონომიკური მდგომარეობა . . . . .	272
§31. აღმოსავლეთ საქართველოს რუსეთთან შეერთება . . . . .	280
§32. ქართული კულტურა XVIII საუკუნის მეორე ნახევარში . . . . .	287
IX ო ბ ი. ბრძოლა კოლონიური და სოციალური ჩაგვრის წინააღმდეგ XIX საუკუნის პირველ ნახევარში . . . . .	294
§33. აღმოსავლეთ საქართველო XIX საუკუნის პირველ მესამედში . . . . .	294
§34. დასავლეთ და სამხრეთ საქართველოს შეერთება რუსეთთან . . . . .	300
§35. საქართველო XIX საუკუნის 30 — 50-იან წლებში. გლეხთა აჯანყებები . . . . .	303
§36. ქართული კულტურა XIX საუკუნის პირველ ნახევარში . . . . .	311